

PLENO DO PARLAMENTO

25 de xuño de 2019

ÍNDICE

| | <u><i>Pág.</i></u> |
|---|---------------------------|
| Convocatoria do Pleno | <u>1</u> |
| Relación de membros da Cámara | <u>8</u> |
| Listado para votación | <u>10</u> |
| | |
| Punto 1. Textos legislativos | <u>13</u> |
| | |
| 1.1 Debate de totalidade do Proxecto de lei do patrimonio natural de Galicia (doc. núm. 49936, 10/PL-000016) | <u>14</u> |
| <i>Publicación da iniciativa, BOPG n.º 479, do 22.05.2019</i> | |
| <i>Publicación de emendas á totalidade, BOPG n.º 487, do 14.06.2019</i> | |
| | |
| 1.2 Debate e votación do Ditame, emitido pola Comisión 5ª, Sanidade, Política Social e Emprego, sobre o Proxecto de lei de ordenación farmacéutica de Galicia (doc. núm. 47930, 10/PL-000013)..... | <u>15</u> |
| <i>Publicación ditame da Comisión, BOPG n.º 488, do 17.06.2019</i> | |
| <i>Publicación de emendas e votos particulares, BOPG n.º 488, do 17.06.2019</i> | |
| | |
| Punto 2. Comparecencia | <u>16</u> |
| | |
| 51608 (10/PPP-000102) Da Sra. conselleira de Educación, Universidade e Formación Profesional, por petición propia, para informar sobre a situación do ensino e da universidade de Galicia ao remate do curso 2018-2019 | <u>17</u> |
| | |
| Punto 3. Mocións | <u>19</u> |
| | |
| 3.1 51558 (10/MOC-000149) Grupo Parlamentario de En Marea Solla Fernández, Eva e Villares Naveira, Luis Sobre as actuacións que debe levar a cabo o Goberno galego en relación coas listas de espera non estruturais do Sergas e coa política de persoal da Consellería de Sanidade. (Moción a consecuencia da Interpelación nº 8786, publicada no BOPG nº 115, do 18.05.2017, e debatida na sesión plenaria do 11.06.2019)..... | <u>20</u> |
| | |
| 3.2 51562 (10/MOC-000150) Grupo Parlamentario do Bloque Nacionalista Galego Bará Torres, Xosé Luís Sobre as actuacións que debe levar a cabo o Goberno galego en materia de | |

seguridade viaria. (Moción a consecuencia da Interpelación nº 43360, publicada no BOPG nº 417, do 23.01.2019, e debatida na sesión plenaria do 11.06.2019)..... [23](#)

3.3 51582 (10/MOC-000151)

Grupo Parlamentario dos Socialistas de Galicia

Torrado Quintela, Julio

Sobre as actuacións que debe levar a cabo o Goberno galego en relación co fenómeno social da soidade non desexada. (Moción a consecuencia da Interpelación nº 48288, publicada no BOPG nº 455, do 03.04.2019, e debatida na sesión plenaria do 11.06.2019) [29](#)

Punto 4. Proposicións non de lei..... [32](#)

4.1 36111 (10/PNP-002682)

Grupo Parlamentario Popular de Galicia

Castiñeira Broz, Jaime e 6 máis

Sobre o fomento por parte da Xunta de Galicia, en colaboración coa Fegamp, da constitución de parques públicos de vivenda en alugueiro social nos concellos de menos de vinte mil habitantes, co emprego simultáneo das liñas de axuda destinadas á rehabilitación de vivendas de titularidade municipal
Publicación da iniciativa, BOPG n.º 354, do 12.09.2018..... [33](#)

4.2 46284 (10/PNP-003465)

Grupo Parlamentario Popular de Galicia

Prado del Río, Paula e 8 máis

Sobre a posición do Parlamento de Galicia respecto da Proposición de lei orgánica contra a ocupación ilegal e para a convivencia veciñal e a protección da seguridade das persoas e cousas nas comunidades de propietarios, presentada no Congreso dos Deputados
Publicación da iniciativa, BOPG n.º 434, do 20.02.2019..... [36](#)

4.3 47507 (10/PNP-003592)

Grupo Parlamentario dos Socialistas de Galicia

Díaz Villoslada, Juan Manuel e 7 máis

Sobre a elaboración pola Xunta de Galicia, coa participación das organizacións sindicais máis representativas, dunha proposta para a implantación de servizos de escolas infantís para o persoal funcionario da Administración autonómica
Publicación da iniciativa, BOPG n.º 446, do 21.03.2019..... [41](#)

4.4 49953 (10/PNP-003781)

Grupo Parlamentario de En Marea

Cuña Bóveda, María de los Ángeles e Chao Pérez, Luca

Sobre as actuacións que debe levar a cabo o Goberno galego en relación cos

títulos expedidos pola Escola de Canteiros de Poio
Publicación da iniciativa, BOPG n.º 479, do 22.05.2019..... [45](#)

4.5 50311 (10/PNP-003812)

Grupo Parlamentario dos Socialistas de Galicia

Pierres López, María Luisa e 2 máis

Sobre a posta en marcha polo Goberno galego dun procedemento para a valoración da calidade arquitectónica das edificacións afectadas polos artigos 24 e 39 da Lei 2/2016, do solo de Galicia, que queiran obter a excepcionalidade do cumprimento das condicións especiais xenéricas que lles son aplicables

Publicación da iniciativa, BOPG n.º 483, do 05.06.2019..... [49](#)

4.6 50426 (10/PNP-003820)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre as actuacións que debe levar a cabo o Goberno galego en relación cos pregos de condicións para a concesión do servizo público de transporte regular de viaxeiros por estrada e a elaboración dun novo plan de transporte público por estrada

Publicación da iniciativa, BOPG n.º 486, do 12.06.2019..... [54](#)

4.7 50678 (10/PNP-003829)

Grupo Parlamentario de En Marea

Miranda Pena, Flora María e 2 máis

Sobre a elaboración pola Xunta de Galicia dunha proposta alternativa e sustentable para o depósito dos lodos procedentes da dragaxe do río Lérez

Publicación da iniciativa, BOPG n.º 486, do 12.06.2019..... [59](#)

4.8 50691 (10/PNP-003830)

Grupo Parlamentario do Bloque Nacionalista Galego

Rodil Fernández, Olalla e 5 máis

Sobre o desenvolvemento e aplicación polo Goberno galego, de xeito real e efectivo, da Lei 2/2014, pola igualdade de trato e a non discriminación de lesbianas, gays, transexuais, bisexuais e intersexuais en Galicia, así como as actuacións que debe levar a cabo ao respecto

Publicación da iniciativa, BOPG n.º 486, do 12.06.2019..... [63](#)

Punto 5. Interpelacións [70](#)

5.1 45948 (10/INT-001520)

Grupo Parlamentario dos Socialistas de Galicia

Torrado Quintela, Julio e 2 máis

Sobre a política do Goberno galego en relación coa atención á saúde da muller

Publicación da iniciativa, BOPG n.º 434, do 20.02.2019..... [71](#)

| | | |
|---|--|--------------------|
| 5.2 | 48741 (10/INT-001623) | |
| | Grupo Parlamentario dos Socialistas de Galicia | |
| | Burgo López, María de la Concepción e Álvarez Martínez, Luis Manuel | |
| | Sobre a política do Goberno galego en relación co sector das artes escénicas | |
| | <i>Publicación da iniciativa, BOPG n.º 458, do 09.04.2019</i> | 75 |
| 5.3 | 50774 (10/INT-001694) | |
| | Grupo Parlamentario de En Marea | |
| | Quinteiro Araújo, Paula e Cal Ogando, Marcos | |
| | Sobre a política do Goberno galego en relación coa igualdade de trato e a non discriminación de lesbianas, gays, transexuais, bisexuais e intersexuais | |
| | <i>Publicación da iniciativa, BOPG n.º 486, do 12.06.2019</i> | 80 |
| Punto 6. Preguntas para resposta oral do Presidente da Xunta | | 86 |
| 6.1 | 51628 (10/POPX-000154) | |
| | Grupo Parlamentario de En Marea | |
| | Villares Naveira, Luis | |
| | Sobre a valoración da Xunta de Galicia respecto do crecemento da economía galega dende o ano 2009 e as súas consecuencias..... | 87 |
| 6.2 | 51639 (10/POPX-000155) | |
| | Grupo Parlamentario do Bloque Nacionalista Galego | |
| | Pontón Mondelo, Ana Belén | |
| | Sobre o nivel de confianza da cidadanía diante dos continuos cambios de criterio do Goberno galego | 89 |
| 6.3 | 51640 (10/POPX-000156) | |
| | Grupo Parlamentario dos Socialistas de Galicia | |
| | Fernández Leiceaga, Xoaquín María | |
| | Sobre o balance global dos máis de dez anos de exercicio da Presidencia da Xunta de Galicia | 91 |
| Punto 7. Preguntas ao Goberno | | 93 |
| 7.1 | 43509 (10/POP-005159) | |
| | Grupo Parlamentario de En Marea | |
| | Villares Naveira, Luis e 3 máis | |
| | Sobre as previsións da Xunta de Galicia respecto do rescate do carácter público dos medios de emerxencias | |
| | <i>Publicación da iniciativa, BOPG n.º 417, do 23.01.2019</i> | 94 |

- 7.2 43933 (10/POP-005254)
Grupo Parlamentario Popular de Galicia
García Míguez, María Ángeles e 7 máis
Sobre o balance por parte do Goberno galego das actuacións desenvolvidas pola Unidade de Policía Adscrita en materia de protección das vítimas de violencia de xénero
Publicación da iniciativa, BOPG n.º 417, do 23.01.2019..... [99](#)
- 7.3 51623 (10/PUP-000256)
Grupo Parlamentario de En Marea
Cuña Bóveda, María de los Ángeles
Sobre a opinión do Goberno galego respecto da consideración, na información emitida pola CRTVG o día 12 de xuño, da proba de galego como un elemento discriminatorio para o alumnado que se presenta ás probas de selectividade en Galicia..... [102](#)
- 7.4 49849 (10/POP-005924)
Grupo Parlamentario dos Socialistas de Galicia
Vilán Lorenzo, Patricia e 3 máis
Sobre a existencia dalgún risco de perda dos fondos Feder asignados para o proxecto de saneamento da ría de Viveiro
Publicación da iniciativa, BOPG n.º 479, do 22.05.2019..... [105](#)
- 7.5 51609 (10/PUP-000254)
Grupo Parlamentario do Bloque Nacionalista Galego
Prado Cores, María Montserrat e 5 máis
Sobre a opinión do Goberno galego respecto da existencia dun depósito de residuos sen control na bocana da ría de Arousa..... [108](#)
- 7.6 49414 (10/POP-005888)
Grupo Parlamentario de En Marea
Sánchez García, Antón e Cal Ogando, Marcos
Sobre a opinión do Goberno galego respecto dos beneficios que lle vai reportar á veciñanza a implantación dos parques eólicos de Bustelo, Monte Toural e Campelo, nos concellos de Carballo, Coristanco e Santa Comba
Publicación da iniciativa, BOPG n.º 470, do 30.04.2019..... [112](#)
- 7.7 50480 (10/POP-005980)
Grupo Parlamentario Popular de Galicia
Nóvoa Iglesias, Marta e 6 máis
Sobre a valoración do Goberno galego respecto do impacto que está a ter en Galicia a actuación do Goberno central en relación coa continuidade de Alcoa na Coruña e o futuro da industria electrointensiva..... [115](#)

- 7.8 50786 (10/POP-005992)
Grupo Parlamentario do Bloque Nacionalista Galego
Presas Bergantiños, Noa e 5 máis
Sobre as actuacións previstas polo Goberno galego para impedir calquera
venta fraudulenta que poña en risco as condicións da concesión do
aproveitamento hidroeléctrico do río Xallas
Publicación da iniciativa, BOPG n.º 486, do 12.06.2019..... [118](#)
- 7.9 51622, e c.e. 51646 (10/PUP-000255)
Grupo Parlamentario dos Socialistas de Galicia
Burgo López, María de la Concepción e Álvarez Martínez, Luis Manuel
Sobre as características fundamentais do proxecto de universidade privada
presentado por Afundación Abanca [125](#)
- 7.10 49498 (10/POP-005897)
Grupo Parlamentario Popular de Galicia
Amigo Díaz, María Encarnación e 8 máis
Sobre as obras de conservación executadas nos dous últimos anos na muralla
romana de Lugo
Publicación da iniciativa, BOPG n.º 474, do 07.05.2019..... [129](#)

A Presidencia, de conformidade co disposto no artigo 53 do Regulamento do Parlamento, resolveu convocar o Pleno do Parlamento para realizar unha sesión o próximo día 25 de xuño de 2019, ao remate da sesión plenaria específica prevista nesa mesma data, no pazo do Parlamento.

De acordo coa Xunta de Portavoces e a Mesa, na reunión do día 18 de xuño de 2019, a orde do día da sesión é a seguinte:

Punto 1. Textos legislativos

- 1.1 Debate de totalidade do Proxecto de lei do patrimonio natural de Galicia (doc. núm. 49936, 10/PL-000016)
Publicación da iniciativa, BOPG n.º 479, do 22.05.2019
Publicación de emendas á totalidade, BOPG n.º 487, do 14.06.2019
- 1.2 Debate e votación do Ditame, emitido pola Comisión 5ª, Sanidade, Política Social e Emprego, sobre o Proxecto de lei de ordenación farmacéutica de Galicia (doc. núm. 47930, 10/PL-000013)
Publicación ditame da Comisión, BOPG n.º 488, do 17.06.2019
Publicación de emendas e votos particulares, BOPG n.º 488, do 17.06.2019

Punto 2. Comparecencia

51608 (10/PPP-000102)

Da Sra. conselleira de Educación, Universidade e Formación Profesional, por petición propia, para informar sobre a situación do ensino e da universidade de Galicia ao remate do curso 2018-2019

Punto 3. Mocións

- 3.1 51558 (10/MOC-000149)
Grupo Parlamentario de En Marea
Solla Fernández, Eva e Villares Naveira, Luis
Sobre as actuacións que debe levar a cabo o Goberno galego en relación coas listas de espera non estruturais do Sergas e coa política de persoal da Consellería de Sanidade. (Moción a consecuencia da Interpelación nº 8786, publicada no BOPG nº 115, do 18.05.2017, e debatida na sesión plenaria do 11.06.2019)
- 3.2 51562 (10/MOC-000150)
Grupo Parlamentario do Bloque Nacionalista Galego
Bará Torres, Xosé Luís
Sobre as actuacións que debe levar a cabo o Goberno galego en materia de seguridade viaria. (Moción a consecuencia da Interpelación nº 43360, publicada no BOPG nº 417, do 23.01.2019, e debatida na sesión plenaria do 11.06.2019)



- 3.3 51582 (10/MOC-000151)
Grupo Parlamentario dos Socialistas de Galicia
Torrado Quintela, Julio
Sobre as actuacións que debe levar a cabo o Goberno galego en relación co fenómeno social da soidade non desexada. (Moción a consecuencia da Interpelación nº 48288, publicada no BOPG nº 455, do 03.04.2019, e debatida na sesión plenaria do 11.06.2019)

Punto 4. Propositions non de lei

- 4.1 36111 (10/PNP-002682)
Grupo Parlamentario Popular de Galicia
Castiñeira Broz, Jaime e 6 máis
Sobre o fomento por parte da Xunta de Galicia, en colaboración coa Fegamp, da constitución de parques públicos de vivenda en alugueiro social nos concellos de menos de vinte mil habitantes, co emprego simultáneo das liñas de axuda destinadas á rehabilitación de vivendas de titularidade municipal
Publicación da iniciativa, BOPG n.º 354, do 12.09.2018
- 4.2 46284 (10/PNP-003465)
Grupo Parlamentario Popular de Galicia
Prado del Río, Paula e 8 máis
Sobre a posición do Parlamento de Galicia respecto da Proposición de lei orgánica contra a ocupación ilegal e para a convivencia veciñal e a protección da seguridade das persoas e cousas nas comunidades de propietarios, presentada no Congreso dos Deputados
Publicación da iniciativa, BOPG n.º 434, do 20.02.2019
- 4.3 47507 (10/PNP-003592)
Grupo Parlamentario dos Socialistas de Galicia
Díaz Villoslada, Juan Manuel e 7 máis
Sobre a elaboración pola Xunta de Galicia, coa participación das organizacións sindicais máis representativas, dunha proposta para a implantación de servizos de escolas infantís para o persoal funcionario da Administración autonómica
Publicación da iniciativa, BOPG n.º 446, do 21.03.2019
- 4.4 49953 (10/PNP-003781)
Grupo Parlamentario de En Marea
Cuña Bóveda, María de los Ángeles e Chao Pérez, Luca
Sobre as actuacións que debe levar a cabo o Goberno galego en relación cos títulos expedidos pola Escola de Canteiros de Poio
Publicación da iniciativa, BOPG n.º 479, do 22.05.2019
- 4.5 50311 (10/PNP-003812)



Grupo Parlamentario dos Socialistas de Galicia

Pierres López, María Luisa e 2 máis

Sobre a posta en marcha polo Goberno galego dun procedemento para a valoración da calidade arquitectónica das edificacións afectadas polos artigos 24 e 39 da Lei 2/2016, do solo de Galicia, que queiran obter a excepcionalidade do cumprimento das condicións especiais xenéricas que lles son aplicables

Publicación da iniciativa, BOPG n.º 483, do 05.06.2019

4.6 50426 (10/PNP-003820)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre as actuacións que debe levar a cabo o Goberno galego en relación cos pregos de condicións para a concesión do servizo público de transporte regular de viaxeiros por estrada e a elaboración dun novo plan de transporte público por estrada

Publicación da iniciativa, BOPG n.º 486, do 12.06.2019

4.7 50678 (10/PNP-003829)

Grupo Parlamentario de En Marea

Miranda Pena, Flora María e 2 máis

Sobre a elaboración pola Xunta de Galicia dunha proposta alternativa e sustentable para o depósito dos lodos procedentes da dragaxe do río Lérez

Publicación da iniciativa, BOPG n.º 486, do 12.06.2019

4.8 50691 (10/PNP-003830)

Grupo Parlamentario do Bloque Nacionalista Galego

Rodil Fernández, Olalla e 5 máis

Sobre o desenvolvemento e aplicación polo Goberno galego, de xeito real e efectivo, da Lei 2/2014, pola igualdade de trato e a non discriminación de lesbianas, gays, transexuais, bisexuais e intersexuais en Galicia, así como as actuacións que debe levar a cabo ao respecto

Publicación da iniciativa, BOPG n.º 486, do 12.06.2019

Punto 5. Interpelacións

5.1 45948 (10/INT-001520)

Grupo Parlamentario dos Socialistas de Galicia

Torrado Quintela, Julio e 2 máis

Sobre a política do Goberno galego en relación coa atención á saúde da muller

Publicación da iniciativa, BOPG n.º 434, do 20.02.2019

5.2 48741 (10/INT-001623)

Grupo Parlamentario dos Socialistas de Galicia

Burgo López, María de la Concepción e Álvarez Martínez, Luis Manuel



Sobre a política do Goberno galego en relación co sector das artes escénicas
Publicación da iniciativa, BOPG n.º 458, do 09.04.2019

- 5.3 50774 (10/INT-001694)
Grupo Parlamentario de En Marea
Quinteiro Araújo, Paula e Cal Ogando, Marcos
Sobre a política do Goberno galego en relación coa igualdade de trato e a non discriminación de lesbianas, gays, transexuais, bisexuais e intersexuais
Publicación da iniciativa, BOPG n.º 486, do 12.06.2019

Punto 6. Preguntas para resposta oral do Presidente da Xunta

- 6.1 51628 (10/POPX-000154)
Grupo Parlamentario de En Marea
Villares Naveira, Luis
Sobre a valoración da Xunta de Galicia respecto do crecemento da economía galega dende o ano 2009 e as súas consecuencias
- 6.2 51639 (10/POPX-000155)
Grupo Parlamentario do Bloque Nacionalista Galego
Pontón Mondelo, Ana Belén
Sobre o nivel de confianza da cidadanía diante dos continuos cambios de criterio do Goberno galego
- 6.3 51640 (10/POPX-000156)
Grupo Parlamentario dos Socialistas de Galicia
Fernández Leiceaga, Xoaquín María
Sobre o balance global dos máis de dez anos de exercicio da Presidencia da Xunta de Galicia

Punto 7. Preguntas ao Goberno

- 7.1 43509 (10/POP-005159)
Grupo Parlamentario de En Marea
Villares Naveira, Luis e 3 máis
Sobre as previsións da Xunta de Galicia respecto do rescate do carác público dos medios de emerxencias
Publicación da iniciativa, BOPG n.º 417, do 23.01.2019
- 7.2 43933 (10/POP-005254)
Grupo Parlamentario Popular de Galicia
García Míguez, María Ángeles e 7 máis
Sobre o balance por parte do Goberno galego das actuacións desenvolvidas pola Unidade de Policía Adscrita en materia de protección das vítimas de violencia de xénero
Publicación da iniciativa, BOPG n.º 417, do 23.01.2019



- 7.3 51623 (10/PUP-000256)
Grupo Parlamentario de En Marea
Cuña Bóveda, María de los Ángeles
Sobre a opinión do Goberno galego respecto da consideración, na información emitida pola CRTVG o día 12 de xuño, da proba de galego como un elemento discriminatorio para o alumnado que se presenta ás probas de selectividade en Galicia
- 7.4 49849 (10/POP-005924)
Grupo Parlamentario dos Socialistas de Galicia
Vilán Lorenzo, Patricia e 3 máis
Sobre a existencia dalgún risco de perda dos fondos Feder asignados para o proxecto de saneamento da ría de Viveiro
Publicación da iniciativa, BOPG n.º 479, do 22.05.2019
- 7.5 51609 (10/PUP-000254)
Grupo Parlamentario do Bloque Nacionalista Galego
Prado Cores, María Montserrat e 5 máis
Sobre a opinión do Goberno galego respecto da existencia dun depósito de residuos sen control na bocana da ría de Arousa
- 7.6 49414 (10/POP-005888)
Grupo Parlamentario de En Marea
Sánchez García, Antón e Cal Ogando, Marcos
Sobre a opinión do Goberno galego respecto dos beneficios que lle vai reportar á veciñanza a implantación dos parques eólicos de Bustelo, Monte Toural e Campelo, nos concellos de Carballo, Coristanco e Santa Comba
Publicación da iniciativa, BOPG n.º 470, do 30.04.2019
- 7.7 50480 (10/POP-005980)
Grupo Parlamentario Popular de Galicia
Nóvoa Iglesias, Marta e 6 máis
Sobre a valoración do Goberno galego respecto do impacto que está a ter en Galicia a actuación do Goberno central en relación coa continuidade de Alcoa na Coruña e o futuro da industria electrointensiva
- 7.8 50786 (10/POP-005992)
Grupo Parlamentario do Bloque Nacionalista Galego
Presas Bergantiños, Noa e 5 máis
Sobre as actuacións previstas polo Goberno galego para impedir calquera venda fraudulenta que poña en risco as condicións da concesión do aproveitamento hidroeléctrico do río Xallas
Publicación da iniciativa, BOPG n.º 486, do 12.06.2019
- 7.9 51622, e c.e. 51646 (10/PUP-000255)
Grupo Parlamentario dos Socialistas de Galicia



Burgo López, María de la Concepción e Álvarez Martínez, Luis Manuel
Sobre as características fundamentais do proxecto de universidade privada
presentado por Afundación Abanca

- 7.10 49498 (10/POP-005897)
Grupo Parlamentario Popular de Galicia
Amigo Díaz, María Encarnación e 8 máis
Sobre as obras de conservación executadas nos dous últimos anos na muralla
romana de Lugo
Publicación da iniciativa, BOPG n.º 474, do 07.05.2019

Os grupos parlamentarios poderán presentar emendas ás mocións e ás proposicións non de lei ata seis horas antes do inicio da sesión, ao abeiro do disposto no artigo 161.2 do Regulamento.

O que lle comunico para o seu coñecemento e a súa convocatoria á devandita reunión.

Santiago de Compostela, 18 de xuño de 2019

Miguel Ángel Santalices Vieira
Presidente

Miguel Ángel
Santalices Vieira,
Presidente

Firmado digitalmente por Miguel Ángel
Santalices Vieira, Presidente
Nombre de reconocimiento (DN): cn=Miguel
Ángel Santalices Vieira, Presidente,
email=miguel.angel.santalices.vieira@parlam
entodegalicia.es
Fecha: 2019.06.18 17:33:40 +02'00'





Asinado dixitalmente por:

Miguel Ángel Santalices Vieira, Presidente na data 18/06/2019 17:33:40

CSV: REXISTROp1KICGUHn8
Verificación:
<https://sede.parlamentodegalicia.gal/tramites/csv/>



RELACIÓN DE MEMBROS DE PLENO DO PARLAMENTO

POR ORDE ALFABÉTICA

| | |
|--------------------------------------|-----|
| Luis Manuel Álvarez Martínez | S |
| María Encarnación Amigo Díaz | P |
| María Ángeles Antón Vilasánchez | P |
| Raquel Arias Rodríguez | P |
| Xosé Luís Bará Torres | BNG |
| Moisés Blanco Paradelo | P |
| Noela Blanco Rodríguez | S |
| María de la Concepción Burgo López | S |
| Marcos Cal Ogando | EM |
| Diego Calvo Pouso | P |
| Francisco Casal Vidal | EM |
| Jaime Castiñeira Broz | P |
| Luca Chao Pérez | EM |
| Francisco José Conde López | P |
| María de los Ángeles Cuña Bóveda | EM |
| Juan Manuel Díaz Villoslada | S |
| Teresa Egerique Mosquera | P |
| Xoaquín María Fernández Leiceaga | S |
| Jackeline Elizabeth Fernández Macías | P |
| Martín Fernández Prado | P |
| María Ángeles García Míguez | P |
| Carlos Gómez Salgado | P |
| José González Vázquez | P |
| José Manuel Lago Peñas | EM |
| Abel Fermín Losada Álvarez | S |
| Beatriz Mato Otero | P |
| Flora María Miranda Pena | EM |
| Jacobo Moreira Ferro | P |
| Antonio Mouriño Villar | P |
| María Guadalupe Murillo Solís | P |
| María Isabel Novo Fariña | P |
| Marta Nóvoa Iglesias | P |
| Aurelio Alfonso Núñez Centeno | P |
| Alberto Núñez Feijóo | P |
| Patricia Otero Rodríguez | S |
| Rosa Oubiña Solla | P |
| José Alberto Pazos Couñago | P |
| José Manuel Pérez Seco | S |
| María Luisa Pierres López | S |
| Ana Belén Pontón Mondelo | BNG |
| María Montserrat Prado Cores | BNG |
| Paula Prado del Río | P |
| Jesús Miguel Prado Patiño | P |
| Noa Presas Bergantiños | BNG |

| | |
|---------------------------------------|-----|
| Pedro Puy Fraga | P |
| Rosa María Quintana Carballo | P |
| Paula Quinteiro Araújo | EM |
| José Manuel Rey Varela | P |
| José Luis Rivas Cruz | BNG |
| Olalla Rodil Fernández | BNG |
| Marta Rodríguez Arias | P |
| María Julia Rodríguez Barreira | P |
| David Rodríguez Estévez | EM |
| Moisés Rodríguez Pérez | P |
| Matilde Begoña Rodríguez Rumbo | S |
| Marta María Rodríguez-Vispo Rodríguez | P |
| Cristina Isabel Romero Fernández | P |
| Alfonso Rueda Valenzuela | P |
| María Soraya Salorio Porral | P |
| Antón Sánchez García | EM |
| Miguel Ángel Santalices Vieira | P |
| Carmen Santos Queiruga | EM |
| Eva Solla Fernández | EM |
| Miguel Ángel Tellado Filgueira | P |
| María Dolores Toja Suárez | S |
| Julio Torrado Quintela | S |
| Julia Torregrosa Sañudo | EM |
| Gonzalo Trenor López | P |
| Daniel Luís Varela Suanzes-Carpegna | P |
| Sandra Vázquez Domínguez | P |
| Paula Vázquez Verao | EM |
| Daniel Vega Pérez | P |
| Patricia Vilán Lorenzo | S |
| Luis Villares Naveira | EM |

**Relación de deputadas e deputados do Parlamento de Galicia
X Lexislatura**

(actualizada 21 de xuño de 2019)

Para votación por chamamento

| APELIDOS E NOME | GP | S | NON | ABST |
|---|-----------|----------|------------|-------------|
| 1. Alvarez Martínez, Luís Manuel | S | | | |
| 2. Amigo Díaz, María Encarnación | P | | | |
| 3. Antón Vilasánchez, María Angeles | P | | | |
| 4. Bará Torres, Xosé Luís | BNG | | | |
| 5. Blanco Paradelo, Moisés | P | | | |
| 6. Blanco Rodríguez, Noela | S | | | |
| 7. Cal Ogando, Marcos | EM | | | |
| 8. Casal Vidal, Francisco | EM | | | |
| 9. Castiñeira Broz, Jaime | P | | | |
| 10. Chao Pérez, Luca | EM | | | |
| 11. Cuña Bóveda, María de los Angeles | EM | | | |
| 12. Díaz Villoslada, Juan Manuel | S | | | |
| 13. Egerique Mosquera, Teresa | P | | | |
| 14. Fernández Leiceaga, Xoaquín María | S | | | |
| 15. Fernández Macías, Jackeline Elizabeth | P | | | |
| 16. Fernández Prado, Martín | P | | | |
| 17. García Míguez, María Angeles | P | | | |
| 18. Gómez Salgado, Carlos | P | | | |
| 19. Lago Peñas, José Manuel | EM | | | |
| 20. Losada Álvarez, Abel Fermín | S | | | |
| 21. Mato Otero, Beatriz | P | | | |
| 22. Miranda Pena, Flora María | EM | | | |
| 23. Moreira Ferro, Jacobo | P | | | |
| 24. Mouriño Villar, Antonio | P | | | |
| 25. Murillo Solís, Maria Guadalupe | P | | | |
| 26. Novo Fariña, María Isabel | P | | | |
| 27. Nóvoa Iglesias, Marta | P | | | |
| 28. Nuñez Centeno, Aurelio Alfonso | P | | | |
| 29. Otero Rodríguez, Patricia | S | | | |
| 30. Oubiña Solla, Rosa | P | | | |

| | | | | |
|---|-----|--|--|--|
| 31. Pazos Couñago, José Alberto | P | | | |
| 32. Pérez Seco, José Manuel | S | | | |
| 33. Pierres López, María Luisa | S | | | |
| 34. Pontón Mondelo, Ana Belén | BNG | | | |
| 35. Prado Cores, María Montserrat | BNG | | | |
| 36. Prado del Río, Paula | P | | | |
| 37. Prado Patiño, Jesús Miguel | P | | | |
| 38. Presas Bergantiños, Noa Olalla | BNG | | | |
| 39. Puy Fraga, Pedro | P | | | |
| 40. Quintero Araújo, Paula | EM | | | |
| 41. Rey Varela, José Manuel | P | | | |
| 42. Rivas Cruz, José Luis | BNG | | | |
| 43. Rodil Fernández, Olalla | BNG | | | |
| 44. Rodríguez Arias, Marta | P | | | |
| 45. Rodríguez Barreira, María Julia | P | | | |
| 46. Rodríguez Estévez, David | EM | | | |
| 47. Rodríguez Pérez, Moisés | P | | | |
| 48. Rodríguez Rumbo, Matilde Begoña | S | | | |
| 49. Rodríguez-Vispo Rodríguez, Marta M ^a | P | | | |
| 50. Romero Fernández, Cristina Isabel | P | | | |
| 51. Salorio Porral, María Soraya | P | | | |
| 52. Sánchez García, Antón | EM | | | |
| 53. Santos Queiruga, Carmen | EM | | | |
| 54. Tellado Filgueira, Miguel Angel | P | | | |
| 55. Toja Suárez, María Dolores | S | | | |
| 56. Torrado Quintela, Julio | S | | | |
| 57. Torregrosa Sañudo, Julia | EM | | | |
| 58. Trenor López, Gonzalo | P | | | |
| 59. Varela Suanzes-Carpegna, Daniel Luís | P | | | |
| 60. Vázquez Domínguez, Sandra | P | | | |
| 61. Vázquez Verao, Paula | EM | | | |
| 62. Vega Pérez, Daniel | P | | | |
| 63. Vilán Lorenzo, Patricia | S | | | |
| 64. Villares Naveira, Luís | EM | | | |

DEPUTADAS E DEPUTADOS MEMBROS DA XUNTA DE GALICIA

| | | | | |
|-----------------------------------|---|--|--|--|
| 65. Quintana Carballo, Rosa María | P | | | |
| 66. Conde López, Francisco José | P | | | |
| 67. González Vázquez, José | P | | | |
| 68. Rueda Valenzuela, Alfonso | P | | | |
| 69. Núñez Feijoo, Alberto | P | | | |

DEPUTADAS E DEPUTADOS DA MESA DO PARLAMENTO

| | | | | |
|---|----|--|--|--|
| 70. Burgo López, María de la Concepción | S | | | |
| 71. Arias Rodríguez, Raquel | P | | | |
| 72. Solla Fernández, Eva | EM | | | |
| 73. Calvo Pouso, Diego | P | | | |
| 74. Santalices Vieira, Miguel Ángel | P | | | |

Reunión do Pleno do Parlamento
Día: 25.06.2019 Hora: 10:00
Orde do día

1. Textos lexislativos

Reunión do Pleno do Parlamento

Día: 25.06.2019

Hora: 10:00

Orde do día

1.1 Debate de totalidade do Proxecto de lei do patrimonio natural de Galicia

49936 (PL-000016)

Publicación da iniciativa, BOPG n.º 479, do 22.05.2019

Publicación de emendas á totalidade, BOPG n.º 60, do 28.02.2013

Vid. Separata núm. 1

PLENO DO PARLAMENTO

25 de xuño de 2019

- 1.1 Debate de totalidade do Proxecto de lei do patrimonio natural de Galicia (doc. núm. 49936, 10/PL-000016)

Publicación da iniciativa, BOPG n.º 479, do 22.05.2019

Publicación de emendas á totalidade, BOPG núm. 487, do 14.06.2019

Separata núm. 1





XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Dirección Xeral de Relacións Institucionais
e Parlamentarias

galicia

Ref: AG



Para a súa tramitación polo Parlamento de Galicia achégolle o "**Proxecto de lei do Patrimonio Natural de Galicia**", aprobado polo Consello da Xunta de Galicia na súa reunión do día 9 de maio de 2019.

Asemade achégase a certificación expedida polo secretario do Consello co visto e praxe do Sr. Presidente da Xunta de Galicia, así como os documentos aos que se refire o artigo 111 do Regulamento da Cámara.

Santiago de Compostela, 15 de maio de 2019

A dirección Xeral de Relacións Institucionais e Parlamentarias



Blanca García-Señoráns Álvarez

Sr. presidente do Parlamento de Galicia



Xacobeo 2021

CSV: BOPGDSPGrObxXcAJs8
Verificación:
<https://sede.parlamentodegalicia.gal/tramites/csv/>





XUNTA DE GALICIA

ALFONSO RUEDA VALENZUELA, VICEPRESIDENTE E CONSELLEIRO DE PRESIDENCIA, ADMINISTRACIÓNS PÚBLICAS E XUSTIZA E SECRETARIO DO CONSELLO DA XUNTA DE GALICIA,


CERTIFICO :

Que o Consello da Xunta de Galicia, na súa reunión do día nove de maio de dous mil dezanove, adoptou, entre outros, o seguinte Acordo:

“Aprobar o *Proxecto de lei do Patrimonio Natural de Galicia*, e a súa remisión ao Parlamento de Galicia”.

E para que conste asino a presente, co visto e prace do Sr. Presidente, en Santiago de Compostela a nove de maio de dous mil dezanove.

Vº. e Prace
O PRESIDENTE





XUNTA DE GALICIA
CONSELLERÍA DE MEDIO AMBIENTE,
TERRITORIO E VIVENDA

San Lázaro s/n
15781 Santiago de Compostela
dxpn.cmot@xunta.es



Dirección Xeral de Patrimonio Natural

PROXECTO DE LEI

DO PATRIMONIO NATURAL DE GALICIA





EXPOSICIÓN DE MOTIVOS

Título I Disposicións xerais

Capítulo I Disposicións xerais

Artigo 1. Obxecto e ámbito de aplicación

Artigo 2. Principios xerais

Artigo 3. Definicións

Artigo 4. Competencias da Comunidade Autónoma de Galicia

Artigo 5. Deberes de conservación

Capítulo II Mecanismos de colaboración e cooperación

Artigo 6. Mecanismos de colaboración e cooperación

Capítulo III Educación e formación

Artigo 7. Estratexia Galega de Educación Ambiental

Capítulo IV Información e participación pública

Artigo 8. Información

Artigo 9. Participación pública

Capítulo V Financiación e axudas

Artigo 10. Financiación

Artigo 11. Axudas

Capítulo VI Actuacións sectoriais

Artigo 12. Actuacións vinculadas con usos recreativos, deportivos e turísticos

Artigo 13. Control de pragas ocasionadas pola fauna silvestre autóctona

Artigo 14. Protección da avifauna contra a colisión e electrocución en liñas eléctricas

Artigo 15. Protección da avifauna no desenvolvemento do sector eólico

Artigo 16. Actuacións agrícolas

Artigo 17. Actuacións forestais

Artigo 18. Reestruturación parcelaria

Artigo 19. Planificación sectorial do aproveitamento dos recursos naturais

Capítulo VII Garantía financeira

Artigo 20. Garantía financeira

Título II Espazos naturais protexidos

Capítulo I Concepto e categorías

Artigo 21. Concepto de espazo natural protexido

Artigo 22. Categorias de espazos naturais protexidos

Artigo 23. Reserva natural

Artigo 24. Parque

Artigo 25. Monumento natural

Artigo 26. Humidal protexido

Artigo 27. Paisaxe protexida

Artigo 28. Espazo protexido Rede Natura 2000

Artigo 29. Espazo natural de interese local

Artigo 30. Espazo privado de interese natural

Capítulo II Rede galega de espazos protexidos

Artigo 31. Composición





- Artigo 32. Efectos
- Artigo 33. Dereitos de tanteo e de retracto
- Artigo 34. Servidume de instalación de sinais
- Artigo 35. Limitacións derivadas da declaración de espazo natural protexido
- Artigo 36. Zona periférica de protección
- Artigo 37. Áreas de influencia socioeconómica
- Capítulo III Procedementos de declaración dos espazos naturais protexidos
 - Artigo 38. Disposicións xerais
 - Artigo 39. Iniciación
 - Artigo 40. Tramitación
 - Artigo 41. Declaración.
 - Artigo 42. Dos espazos protexidos Rede Natura 2000 competencia da Comunidade Autónoma de Galicia
 - Artigo 43. Alteración da delimitación dun espazo natural protexido
 - Artigo 44. Perda da categoría de espazo natural protexido
 - Artigo 45. Réxime de protección cautelar
 - Artigo 46. Espazos naturais sometidos a réxime de protección preventiva
 - Artigo 47. Medidas de conservación dos espazos protexidos Rede Natura 2000 competencia da Comunidade Autónoma de Galicia
 - Artigo 48. Vixilancia e seguimento da Rede Natura 2000
- Capítulo IV Instrumentos de planificación dos recursos e espazos naturais a protexer
 - Sección 1ª. Disposicións xerais
 - Artigo 49. Clasificación
 - Artigo 50. Efectos
 - Sección 2ª. Plans de ordenación dos recursos naturais
 - Artigo 51. Definición e ámbito
 - Artigo 52. Contido
 - Artigo 53. Procedemento de aprobación
 - Artigo 54. Vixencia, revisión e modificación dos plans de ordenación dos recursos naturais
 - Sección 3ª. Plans reitores de uso e xestión
 - Artigo 55. Definición e ámbito
 - Artigo 56. Contido
 - Artigo 57. Procedemento de aprobación
 - Artigo 58. Vixencia, revisión e modificación dos plans reitores de uso e xestión
 - Sección 4ª. Plans de xestión
 - Artigo 59. Definición e ámbito
 - Artigo 60. Contido
 - Artigo 61. Procedemento de aprobación
 - Artigo 62. Vixencia, revisión e modificación dos plans de xestión
 - Sección 5ª. Normas de xestión e conservación
 - Artigo 63. Definición e ámbito
 - Artigo 64. Contido





- Artigo 65. Procedemento de aprobación
- Artigo 66. Vixencia, revisión e modificación das normas de xestión e conservación
- Sección 6ª. Zonificación dos espazos naturais protexidos
 - Artigo 67. Zonificación dos espazos naturais protexidos
- Sección 7ª. Regulación de usos e actividades en espazos naturais protexidos
 - Artigo 68. Regulación de usos e actividades
 - Artigo 69. Usos e actividades permitidos
 - Artigo 70. Usos e actividades autorizables
 - Artigo 71. Usos e actividades prohibidos
- Capítulo V Xestión dos espazos naturais protexidos
 - Artigo 72. Disposicións xerais
 - Artigo 73. Xunta reitora
 - Artigo 74. Funcións da xunta reitora
- Capítulo VI Outras figuras de protección de espazos
 - Sección 1ª. Áreas protexidas por instrumentos internacionais
 - Artigo 75. Áreas protexidas por instrumentos internacionais
 - Sección 2ª. Humidais de importancia internacional
 - Artigo 76. Humidais de importancia internacional
 - Sección 3ª. Xeoparques
 - Artigo 77. Xeoparques
 - Artigo 78. Procedemento de elaboración dunha proposta de declaración de Xeoparque
 - Sección 4ª. Reservas da Biosfera
 - Artigo 79. Reservas da Biosfera en Galicia
 - Artigo 80. Criterios para a elaboración dunha proposta de declaración dunha Reserva da Biosfera
 - Artigo 81. Procedemento de elaboración dunha proposta de declaración dunha Reserva da Biosfera
 - Artigo 82. Xestión das Reservas da Biosfera
 - Artigo 83. Revisión das Reservas da Biosfera
- Capítulo VII Plans, programas e proxectos que se desenvolvan en espazos naturais protexidos
 - Artigo 84. Avaliación de plans, programas e proxectos que poidan afectar a espazos protexidos Rede Natura 2000 competencia da Comunidade Autónoma de Galicia
 - Artigo 85. Autorización de proxectos que se desenvolvan na Rede galega de espazos protexidos
- Capítulo VIII Estratexia galega de infraestrutura verde e da conectividade e restauración ecolóxicas
 - Artigo 86. Estratexia galega de infraestrutura verde e da conectividade e restauración ecolóxicas
 - Artigo 87. Coherencia e conectividade ecolóxica
- Título III Conservación da biodiversidade
 - Capítulo I Conservación de especies
 - Sección 1ª. Disposicións xerais





- Artigo 88. Garantía de conservación de especies
- Sección 2ª. Réxime de protección xeral
 - Artigo 89. Réxime de protección xeral. Prohibicións
- Sección 3ª. Especies en réxime de protección especial
 - Artigo 90. Listado de especies silvestres en réxime de protección especial de Galicia
 - Artigo 91. Catálogo galego de especies ameazadas
 - Artigo 92. Procedemento de inclusión, cambio de categoría ou exclusión do Listado de especies silvestres en réxime de protección especial de Galicia
 - Artigo 93. Efectos da inclusión no Listado de especies silvestres en réxime de protección especial de Galicia
 - Artigo 94. Medidas de seguimento
 - Artigo 95. Efectos da inclusión no Catálogo galego de especies ameazadas
 - Artigo 96. Procedemento de aprobación do plan de recuperación e do plan de conservación
 - Artigo 97. Vixencia e revisión do plan de recuperación e do plan de conservación
 - Artigo 98. Contido dos plans de recuperación e conservación
- Sección 4ª. Excepcións ás prohibicións e réxime de autorizacións
 - Artigo 99. Excepcións ás prohibicións
 - Artigo 100. Disposicións específicas en relación coas especies incluídas no Listado de especies silvestres en réxime de protección especial de Galicia
 - Artigo 101. Autorizacións
 - Artigo 102. Comunicación das autorizacións
 - Artigo 103. Taxidermia
- Sección 5ª. Conservación ex situ
 - Artigo 104. Propagación de especies silvestres incluídas no Listado de Especies Silvestres en réxime de protección especial de Galicia
 - Artigo 105. Conservación ex situ de material biolóxico e xenético de especies
 - Artigo 106. Acceso e utilización dos recursos xenéticos procedentes de taxons silvestres e distribución de beneficios
 - Artigo 107. Centros de recuperación de fauna
- Sección 6ª. Especies alóctonas
 - Artigo 108. Especies exóticas invasoras
 - Artigo 109. Especies exóticas invasoras de preocupación para a Unión Europea
 - Artigo 110. Liberación de especies non autóctonas
- Sección 7ª. Especies silvestres autóctonas extinguidas
 - Artigo 111. Reintrodución de especies silvestres autóctonas extinguidas
- Sección 8ª. Árbores senlleiras
 - Artigo 112. Catálogo galego de árbores senlleiras
- Capítulo II Conservación de hábitats
 - Artigo 113. Hábitats en perigo de desaparición
 - Artigo 114. Catálogo de hábitats en perigo de desaparición de Galicia
 - Artigo 115. Inventario galego do patrimonio natural e da biodiversidade
- Título IV Inspección e réxime sancionador





Capítulo I Inspección

- Artigo 116. Persoal con funcións inspectoras
- Artigo 117. Facultades do persoal con funcións inspectoras
- Artigo 118. Deberes no exercicio das funcións inspectoras
- Artigo 119. Actuación inspectora do persoal dependente da consellería competente en materia de conservación do patrimonio natural

Capítulo II Infraccións e sancións

Sección 1ª. Infraccións

- Artigo 120. Infraccións
- Artigo 121. Infraccións leves
- Artigo 122. Infraccións graves
- Artigo 123. Infraccións moi graves.

Sección 2ª. Sancións

- Artigo 124. Sancións
- Artigo 125. Criterios para a graduación das sancións

Sección 3ª. Reparación do dano causado e indemnización

- Artigo 126. Reparación do dano causado e indemnización

Capítulo III Procedemento sancionador

- Artigo 127. Principios xerais
- Artigo 128. Competencia sancionadora
- Artigo 129. Suxeitos responsables
- Artigo 130. Concorrencia de sancións
- Artigo 131. Medidas provisionais
- Artigo 132. Multas coercitivas
- Artigo 133. Recoñecemento da responsabilidade
- Artigo 134. Responsabilidade penal
- Artigo 135. Comiso
- Artigo 136. Prescrición

Disposicións adicionais

- Disposición adicional primeira. Solapamento nun mesmo lugar de distintas figuras de espazos protexidos
- Disposición adicional segunda. Prazos dos procedementos e sentido do silencio administrativo
- Disposición adicional terceira. Competencias doutros órganos e administracións
- Disposición adicional cuarta. Prazo de emisión de informes polo Consello Galego de Medio Ambiente e Desenvolvemento Sostible
- Disposición adicional quinta. Recursos pesqueiros e recursos fitoxenéticos e zootenéticos para a agricultura e a alimentación

Disposicións transitorias

- Disposición transitoria primeira. Xuntas reitoras
- Disposición transitoria segunda. Zonas de especial protección dos valores naturais
- Disposición transitoria terceira. Parques naturais declarados
- Disposición transitoria cuarta. Áreas críticas para unha especie





- Disposición transitoria quinta. Espazos naturais protexidos con instrumento de planificación aprobado
- Disposición transitoria sexta. Solo urbano nos espazos naturais protexidos preexistentes
- Disposición transitoria sétima. Procedementos administrativos en tramitación
- Disposición derogatoria
 - Disposición derogatoria única. Derogación normativa
- Disposicións derradeiras
 - Disposición derradeira primeira. Modificación da Lei 5/2017, do 19 de outubro, de fomento da implantación de iniciativas empresariais de Galicia.
 - Disposición derradeira segunda. Desenvolvemento regulamentario
 - Disposición derradeira terceira. Actualización dos importes das sancións
 - Disposición derradeira cuarta. Entrada en vigor





EXPOSICIÓN DE MOTIVOS

I

A conservación do medio ambiente é unha das demandas da sociedade actual e unha obriga non só de calquera administración pública, senón de toda a cidadanía, tal e como se desprende do disposto no artigo 45 da Constitución española.

En materia de conservación do patrimonio natural, subscribíronse polo Reino de España diversos convenios internacionais de especial relevancia, como a Convención relativa aos humidais de importancia internacional especialmente como hábitat de aves acuáticas, o Convenio relativo á conservación da vida silvestre e do medio natural en Europa, a Convención sobre a conservación das especies migratorias de animais silvestres, o Convenio sobre a diversidade biolóxica, o Protocolo de Nagoya sobre acceso aos recursos xenéticos e participación xusta e equitativa nos beneficios que se deriven da súa utilización e o Convenio para a protección do medio ambiente mariño do Atlántico do nordeste.

Pola súa parte, a nivel comunitario cómpre salientar a Directiva 92/43/CEE, do Consello, do 21 de maio de 1992, relativa á conservación dos hábitats naturais e da fauna e flora silvestres e a Directiva 2009/147/CE do Parlamento Europeo e do Consello, do 30 de novembro de 2009, relativa á conservación das aves silvestres. Estas dúas Directivas conforman o eixo fundamental da política de conservación da biodiversidade da Unión Europea e constitúen o marco normativo da Rede Natura 2000 a nivel comunitario. O obxectivo desta Rede Natura é o mantemento ou o restablecemento, nun estado de conservación favorable, de determinados tipos de hábitats e especies, nas súas áreas de distribución natural, por medio de zonas especiais para a súa protección e conservación.

Conforme o artigo 149.1.23^a da Constitución española o Estado ostenta competencia en materia de lexislación básica sobre protección do medio ambiente, sen prexuízo das facultades das Comunidades Autónomas de establecer normas adicionais de protección.

A nivel estatal, e dentro da normativa básica en materia de conservación do patrimonio natural procede citar, fundamentalmente, a Lei 42/2007, do 13 de decembro, do Patrimonio Natural e da Biodiversidade. A Lei 42/2007, do 13 de decembro, establece o réxime xurídico básico da conservación, uso sostible, mellora e restauración do patrimonio natural e da biodiversidade española, como parte do deber de conservar e do dereito a gozar dun medio ambiente axeitado para o desenvolvemento da persoa, establecido no artigo 45.2 da Constitución española. Esta Lei 42/2007, do 13 de decembro, ten sido recentemente modificada pola Lei 7/2018, do 20 de xullo, de modificación da Lei 42/2007, do 13 de decembro, do Patrimonio Natural e da Biodiversidade, estando a presente lei adaptada á dita modificación.

Galicia posúe un incomparable patrimonio natural de excepcional valor, que constitúe unha das principais sinais de identidade da nosa Comunidade Autónoma e que esixe a súa axeitada





preservación para satisfacer as necesidades non só das xeracións actuais senón tamén as das xeracións futuras.

De acordo co artigo 27.30 do Estatuto de autonomía de Galicia, a Comunidade Autónoma galega ten competencia exclusiva en materia de normas adicionais sobre protección do medio ambiente nos termos do artigo 149.1.23^a da Constitución española.

II

En exercicio destas competencias ditouse a Lei 9/2001, do 21 de agosto, de conservación da natureza, que constituíu o primeiro texto legal autonómico en establecer un marco de protección referido ao conxunto do territorio galego e que comprendía no seu ámbito de aplicación os espazos naturais, a fauna e a flora silvestres. As previsións desta lei e o seu desenvolvemento regulamentario permitiron salvagardar os valores intrínsecos aos espazos naturais declarados como protexidos e manter nun bo estado de conservación a biodiversidade presente en Galicia. Sen embargo, o tempo transcorrido dende a súa aprobación e os importantes cambios producidos na normativa comunitaria e na normativa básica estatal aconsellan a aprobación dunha nova lei autonómica na materia.

A nova regulación que contén esta lei pretende levar a cabo unha protección transversal do patrimonio natural galego, integrando os requisitos de conservación, uso sostible, mellora e restauración do patrimonio natural e a biodiversidade nas demais políticas sectoriais e fomentar a información pública e os mecanismos de colaboración, cooperación e participación da sociedade na consecución dos seus obxectivos.

Conforme co artigo 37 letra a) da Lei 14/2013, do 26 de decembro, de racionalización do sector público autonómico, procede sinalar que esta norma se axusta aos principios de necesidade e eficacia, dado que o dereito a desfrutar dun medio ambiente axeitado para o desenvolvemento da persoa e a preservación do medio natural e da biodiversidade, a súa mellora, restauración e uso sostible se configuran como razóns de interese real e os fins que motivan esta disposición de rango legal; aos principios de proporcionalidade, seguridade xurídica e simplicidade, ao establecer os contidos necesarios para regular o patrimonio natural, sen resultar excesiva ou deficitaria na súa regulación e ao establecer un marco xurídico claro e facilmente comprensible para os distintos destinatarios desta disposición, ao tempo que acorde coa normativa europea e estatal de carácter básico na materia; e aos principios de transparencia e accesibilidade, ao garantir no seu articulado os dereitos do público en xeral a acceder a toda a información documental e gráfica de que dispoña a Administración nesta materia obxecto de regulación.

Por outra banda, con esta nova lei procédese á adaptación do réxime de autorización administrativa ao disposto na Lei 20/2013, do 9 de decembro, de garantía da unidade de mercado, que diseña un sistema que elimina regulacións innecesarias, establece procedementos máis áxiles e minimiza as cargas administrativas, co fin de fomentar e





impulsar o emprendemento e a iniciativa dos operadores económicos. Non obstante, esa pretensión non pode descoñecer as especificidades propias do relacionado co patrimonio natural e a biodiversidade na súa interacción coas persoas, especialmente atendendo á necesidade de fomentar a súa preservación e uso sostible, o que fai preciso configurar un réxime propio descrito nesta lei respecto da esixencia de autorización, que se funda en razóns de protección do medio ambiente, as cales constitúen unha das razóns de interese xeral previstas no artigo 17.1 da dita lei.

Esta lei require a necesidade de obter autorización para aqueles usos e actuacións que poidan implicar unha afección ao patrimonio natural ou á biodiversidade presente na nosa Comunidade Autónoma, sen prexuízo da súa posterior concreción nos correspondentes instrumentos de planificación ou no desenvolvemento regulamentario desta lei.

O réxime de autorización previsto nesta lei respecta ás previsións da Directiva 2006/123/CE do Parlamento Europeo e do Consello, do 12 de decembro de 2006, relativa aos servizos no mercado interior; da Lei 17/2009, do 23 de novembro, sobre libre acceso ás actividades de servizos e o seu exercicio, e da Lei 20/2013, do 9 de decembro, de garantía da unidade de mercado, na medida na que a súa esixencia responde á razón imperiosa de interese xeral consistente na protección do medio ambiente, e se circunscribe aos supostos nos que a dita protección non pode conseguirse mediante a presentación dunha declaración responsable ou dunha comunicación previa.

III

A presente lei consta de 136 artigos, divididos en catro títulos, cinco disposicións adicionais, sete disposicións transitorias, unha derogatoria e catro disposicións derradeiras. As rúbricas dos títulos fan referencia a «Disposicións xerais» (Título I, artigos 1 a 20), «Espazos naturais protexidos» (Título II, artigos 21 a 87), «Conservación da biodiversidade» (Título III, artigos 88 a 115), «Inspección e réxime sancionador» (Título IV, artigos 116 a 136).

O Título I (artigos 1 a 20) está composto por sete capítulos e establece en primeiro lugar o obxecto, ámbito de aplicación e principios xerais da lei, entre os que se consolida a prevalencia da protección ambiental sobre a ordenación territorial e urbanística, a precaución respecto ás posibles intervencións que poidan afectar negativamente ao patrimonio natural ou á biodiversidade, e a prevención dos problemas derivados do cambio climático. Tamén inclúe unha serie de definicións que contribúen a unha mellor comprensión do contido da lei, e delimita as competencias da Comunidade Autónoma de Galicia nesta materia respectando a lexislación básica estatal e os pronunciamentos ditados ao efecto polo Tribunal Constitucional.

Establece mecanismos de colaboración e cooperación para fomentar a conservación e uso sostible do patrimonio natural con outras Administracións e institucións públicas e privadas, coas persoas propietarias e usuarias do territorio, así como con entidades de custodia do





territorio, que se configuran como organizacións ás que se lles atribúen importantes funcións en distintos ámbitos ao longo de toda a lei.

Recolle a necesidade de integrar a conservación do patrimonio natural e da biodiversidade dentro das accións desenvoltas a nivel autonómico en materia de educación ambiental. Incide nas obrigas da Administración autonómica de dar acceso á información ambiental que obre no seu poder, de garantir a participación pública non só na execución das políticas públicas senón tamén no seu deseño, e de promover a participación solidaria da cidadanía en actuacións de voluntariado.

Así mesmo, contempla os medios de financiación que deben garantir o cumprimento dos obxectivos desta lei e prevé a posibilidade de outorgar axudas que contribúan á conservación e ao aproveitamento sostible dos espazos naturais protexidos e da biodiversidade.

Por último, este primeiro título recolle a integración dos principios de conservación do patrimonio natural e da biodiversidade en diferentes actuacións sectoriais, tendo en conta o carácter transversal da conservación do patrimonio natural e da biodiversidade e os postulados comunitarios nesta liña, e permite condicionar o outorgamento das autorizacións previstas nesta lei á previa prestación dunha garantía financeira que responda dos posibles danos que se poidan derivar da execución das actuacións autorizadas para os devanditos recursos naturais e que eviten que sexa a sociedade a que teña que facer fronte aos custos da reposición da situación alterada ao seu estado anterior.

IV

O Título II (artigos 21 a 87) é o máis extenso da lei, dedícase aos espazos naturais protexidos e está composto por oito capítulos. Comeza este título definindo os espazos naturais que deben ser obxecto dunha protección especial e establece as súas categorías.

Entre estas categorías inclúense varias novidades respecto á regulación vixente con anterioridade: créanse como subcategoría dentro das reservas, as microrreservas, que teñen unha superficie reducida e se declaran por un prazo de tempo determinado; suprímese a categoría de zona de especial protección dos valores naturais, habida conta de que todos os espazos pertencentes ata o de agora á dita categoría teñen a condición tamén de espazos protexidos Rede Natura 2000; inclúese unha superficie mínima para que un novo espazo poida ser declarado parque natural e contéplase a Rede de parques de Galicia como un sistema axeitado para mellorar a coordinación na xestión dos parques declarados na nosa Comunidade Autónoma; respecto aos espazos naturais de interese local, amplíase o seu ámbito posto que poden comprender espazos integrados en máis dun termo municipal, introdúcese a posibilidade de acudir a diferentes modalidades asociativas e de colaboración para a súa xestión e incídese no seu valor para o desenvolvemento de actuacións de educación ambiental e uso social do medio ambiente.





A Rede Galega de Espazos Protexidos mantense cos mesmos efectos que ata o de agora se ben inclúese a posibilidade de que aquelas limitacións ao uso dos bens e dereitos derivadas da declaración dun espazo incluído nesta rede ou dos seus instrumentos de planificación, que non foran indemnizables, poidan aínda así, ser obxecto de axudas, subvencións ou outras medidas compensatorias para contribuír á conservación e ao aproveitamento sostible do espazo. Permítese que a área de influencia socioeconómica dun espazo incluído nesta rede galega abarque non só ao termo municipal no que se localice o espazo e a súa zona periférica de protección, senón tamén a outros municipios limítrofes e recóllese a posibilidade de que a Administración autonómica outorgue axudas nestas áreas para o desenvolvemento de actividades tradicionais sostibles.

O procedemento de declaración dun espazo natural protexido regúlase con maior detalle que ata o de agora, salientando ademais dúas importantes novidades como son o establecemento do procedemento de elaboración e aprobación de propostas de declaración de Lugares de importancia comunitaria e a previsión de que, con carácter xeral, a declaración dun espazo natural protexido conleva simultaneamente a aprobación do seu correspondente instrumento de planificación. Con esta aprobación simultánea preténdese evitar que existan espazos naturais declarados como protexidos sen o seu correspondente e imprescindible instrumento de planificación.

Respecto ao réxime de protección cautelar, requírese informe favorable da consellería competente en materia de conservación do patrimonio natural dende a iniciación do procedemento de declaración dun espazo natural protexido ou de aprobación de calquera instrumento de planificación para o outorgamento de calquera autorización que habilite para realizar transformacións da realidade física, xeolóxica ou biolóxica no seu ámbito territorial. Pola súa parte, a vixencia do réxime de protección preventiva mantense ata a declaración do espazo natural protexido ou, no seu caso, do seu instrumento de planificación, por considerarse necesario para garantir en todo momento a protección dos valores naturais inherentes aos espazos.

As previsións relativas ás medidas de conservación, vixilancia e seguimento dos espazos protexidos Rede Natura 2000 competencia da Comunidade Autónoma de Galicia, manteñen as liñas básicas establecidas pola lexislación estatal, sen prexuízo dun incremento da participación social que ten lugar coa previsión de acordos de custodia do territorio tamén neste ámbito.

Na regulación dos instrumentos de planificación dos recursos e espazos naturais mellórase a súa sistemática e nivel de detalle, recollendo a prevalencia destes instrumentos de planificación sobre calquera outro instrumento de ordenación territorial, urbanístico, dos recursos naturais ou físico. Respecto ás categorías destes instrumentos de planificación, substitúese a denominación dos plans de conservación pola de plans de xestión e, incorpóranse as normas de xestión e conservación, que son o instrumento de planificación específico para os espazos naturais de interese local e para os espazos privados de interese





natural. Respecto ao contido dos instrumentos de planificación cómpre salientar a esixencia dunha memoria económica acerca dos custos e instrumentos financeiros previstos para a súa aplicación, así como a esixencia de programas de seguimento, previsións que resultan coherentes e imprescindibles para conseguir a súa efectiva aplicación práctica. Estes instrumentos de planificación teñen unha vixencia indefinida, a excepción dos plans reitores de uso e xestión que concretan en cada caso o seu prazo de vixencia, o cal como mínimo será de dez anos. Regúlanse os trámites que integran o procedemento de aprobación destes instrumentos de planificación, sendo tales trámites os que, polo carácter específico destas disposicións normativas, han de observarse, sen que resulten de aplicación as previsións contidas na Lei 16/2010, do 17 de decembro, de organización e funcionamento da Administración xeral e do sector público autonómico de Galicia, para a elaboración de disposicións regulamentarias autonómicas. Tamén se leva a cabo unha regulación xeral dos usos e actividades a desenvolver en espazos naturais protexidos, sen prexuízo da súa concreción en cada instrumento de planificación respectivo.

A regulación da xestión dos espazos naturais protexidos introduce como novidade a previsión dunha maior participación social, coa posibilidade de subscribir convenios ou acordos de xestión coas persoas propietarias e usuarias dos terreos ou con entidades de custodia do territorio, e modifícase a denominación das xuntas consultivas, que pasan a denominarse xuntas reitoras, sen que este cambio de denominación implique modificación das funcións que teñen encomendadas.

Neste título tamén se incorporan como novidade as áreas protexidas por instrumentos internacionais, e se desenvolven diversas cuestións de competencia autonómica respecto aos humidais de importancia internacional, aos xeparques e ás Reservas da Biosfera. Respecto a estas últimas, a Rede de Reservas da Biosfera de Galicia terá como finalidade a de acadar unha mellor coordinación e xestión destes espazos e se configura como unha firme aposta polo desenvolvemento desta categoría de espazo protexido en Galicia.

Non se esquece esta lei de esixir, con sometemento á lexislación básica estatal na materia, unha axeitada avaliación das repercusións no espazo, no caso de plans, programas ou proxectos que poidan afectar a espazos protexidos Rede Natura 2000, e unha avaliación ambiental daqueles plans, programas e proxectos que poidan afectar de forma apreciable aos espazos incluídos na Rede Galega de Espazos Protexidos.

Por último, este título recolle unha serie de previsións respecto ás infraestruturas verdes e á conectividade e restauración ecolóxicas, impondo a obriga de elaborar conxuntamente polas consellerías con competencias afectadas, unha Estratexia galega nesta materia que respecte a Estratexia estatal aprobada ao efecto. Esta participación na elaboración da Estratexia galega é unha mostra máis das numerosas previsións contidas nesta lei para facer efectiva a integración da consideración ambiental nas demais políticas sectoriais, esixencia derivada do propio Tratado de Funcionamento da Unión Europea, no seu artigo 11.





V

O Título III (artigos 88 a 115) dedícase á regulación da conservación da biodiversidade. Neste título se inclúen dous capítulos, o primeiro relativo ás especies silvestres e o segundo aos hábitats, incorporando así o principio básico da relación directa entre a preservación das especies e a dos seus hábitats. Neste título desenvólvese a lexislación básica estatal, concretando aquelas cuestións singulares propias da Comunidade Autónoma de Galicia. Cómpre salientar que a regulación dos hábitats é unha novidade desta lei respecto ao réxime legal existente ata o de agora en Galicia.

O Capítulo I deste Título III regula, polo tanto, a conservación das especies silvestres. Se establecen unha serie de principios xerais e posteriormente se determinan un réxime de protección xeral -que se concreta nunha serie de prohibicións-, e un réxime de protección especial.

O réxime de protección especial ven determinado pola inclusión dunha especie silvestre no Listado de especies silvestres en réxime de protección especial de Galicia, Listado que se crea nesta lei coa terminoloxía empregada na lexislación estatal e que substitúe ao Rexistro de especies de interese galego que pese a crearse pola Lei 9/2001, do 21 de agosto, non tivo dezasete anos despois un desenvolvemento regulamentario. Dentro do Listado, inclúese o Catálogo galego de especies ameazadas, que aínda que preexistente, ve agora restrinxidas as súas catro categorías a unicamente dúas, “en perigo de extinción” –coa subcategoría de “en perigo crítico de extinción”- e “vulnerable”, para unha maior coherencia co establecido na Lei 42/2007, do 13 de decembro.

Na mesma liña seguida nesta lei para outros procedementos, régúlase tamén dun xeito detallado o procedemento de inclusión dunha especie no Listado de especies silvestres en réxime de protección especial de Galicia, así como os efectos da devandita inclusión. Entre estes efectos destacan, consonte ao previsto tamén na lexislación estatal básica, unha serie de prohibicións e a necesidade de aprobar un plan de recuperación respecto ás especies en perigo de extinción e un plan de conservación respecto ás especies vulnerables. Respecto aos plans de recuperación e conservación das especies ameazadas terrestres e ás especies ameazadas non altamente migratorias cuxos hábitats se sitúen exclusivamente en espazos con continuidade ecolóxica do ecosistema mariño respecto do espazo natural terrestre obxecto de protección, avalada pola mellor evidencia científica existente, especificase o seu procedemento de aprobación e revisión, así como o seu contido mínimo, entre o que se inclúe ao igual que nos instrumentos de planificación previstos no título anterior, unha memoria económica e medidas para o seguimento da eficacia destes plans.

Pola súa parte, se contemplan unha serie de excepcións ás prohibicións, seguindo o disposto ao efecto pola normativa básica estatal e mantendo previsións autonómicas específicas. En todo caso, estas excepcións requiren da obtención da pertinente autorización por parte da





consellería competente en materia de conservación do patrimonio natural, título administrativo a través do cal se salvagarda a adecuada protección da biodiversidade.

Neste título tamén se abordan unha serie de cuestións complementarias á protección das especies silvestres, establecendo accións de conservación ex situ, de control das especies alóctonas e de reintrodución de especies autóctonas extinguidas. Por último, régúlase o Catálogo galego de árbores senlleiras, xa existente, e cuxo desenvolvemento se remite a un regulamento.

Pola súa parte, o Capítulo II deste Título III está destinado á conservación dos hábitats. Créase o Catálogo de hábitats en perigo de desaparición de Galicia, en concordancia co respectivo Catálogo nacional establecido pola normativa básica estatal, no que se integrarán tanto os hábitats en perigo de desaparición declarados expresamente pola consellería competente en materia de conservación do patrimonio natural como os incluídos no Catálogo nacional e que se atopen en Galicia. Ademais créase o Inventario galego do patrimonio natural e da biodiversidade aos efectos de contribuír a unha mellor información pública sobre os elementos integrantes do patrimonio natural de Galicia.

VI

Por último, o Título IV (artigos 116 a 136) establece previsións para a correcta vixilancia, inspección e control do cumprimento do disposto nesta lei, e a tipificación e clasificación das infraccións e sancións, respectando as previsións estatais básicas e engadindo particularidades específicas da Comunidade Autónoma de Galicia. A lei dedica unha atención especial á reparación do dano causado e á reposición da situación alterada ao seu estado anterior, aspectos que poden ser materialmente tan importantes coma a mesma tipificación da infracción e a determinación da sanción aplicable.

As disposicións da parte final teñen por obxecto adecuar as situacións preexistentes á nova regulación contida na presente lei, salientando que, aos efectos de acadar unha maior celeridade na tramitación dos procedementos previstos nesta lei, a disposición adicional cuarta modifica o prazo máximo de emisión de informes a emitir polo Consello Galego de Medio Ambiente e Desenvolvemento Sostible no eido das competencias que lle corresponden a dito órgano conforme a esta lei e a outras normas autonómicas.

A presente lei ten sido obxecto de consulta, ampla audiencia e ditame do Consello Económico e Social de Galicia.

Por todo o exposto, o Parlamento aprobou e eu, de conformidade co artigo 13.2 do Estatuto de Autonomía e co artigo 24 da Lei 1/1983, do 22 de febreiro, de normas reguladoras da Xunta e da súa Presidencia, promulgo, en nome de EL-Rei a Lei do patrimonio natural de Galicia.





TÍTULO I Disposicións xerais

CAPÍTULO I Disposicións xerais

Artigo 1. *Obxecto e ámbito de aplicación*

Esta lei ten por obxecto establecer o réxime xurídico da conservación, uso sostible, mellora e restauración do patrimonio natural e da biodiversidade, aplicable no ámbito territorial da Comunidade Autónoma de Galicia

Artigo 2. *Principios xerais*

Son principios inspiradores da presente lei:

- a) O mantemento dos procesos ecolóxicos esenciais e dos sistemas vitais básicos, respaldando os servizos dos ecosistemas para o benestar humano.
- b) A conservación e a restauración da biodiversidade e da xeodiversidade mediante a conservación dos hábitats naturais e da fauna e flora silvestres. As medidas que se adopten para ese fin terán en conta as esixencias económicas, sociais e culturais, así como as particularidades rexionais e locais.
- c) A utilización ordenada dos recursos para garantir o aproveitamento sostible do patrimonio natural, en particular, das especies e dos ecosistemas, a súa conservación, restauración e mellora e evitar a perda neta de biodiversidade.
- d) A conservación e preservación da variedade, singularidade e beleza dos ecosistemas naturais, da diversidade xeolóxica e da paisaxe.
- e) A integración dos requisitos da conservación, uso sostible, mellora e restauración do patrimonio natural e a biodiversidade nas políticas sectoriais.
- f) A prevalencia da protección ambiental sobre a ordenación territorial e urbanística.
- g) A precaución nas intervencións que poidan afectar ao patrimonio natural ou á biodiversidade.
- h) A garantía da información á cidadanía e a súa formación e concienciación sobre a importancia do patrimonio natural e da biodiversidade, así como a súa participación no





deseño e execución das políticas públicas dirixidas á consecución dos obxectivos establecidos por esta lei.

i) A mellora do coñecemento científico como base da conservación do patrimonio natural e da biodiversidade, en coordinación coas universidades galegas e coas demais institucións de investigación públicas ou privadas.

l) A prevención dos problemas derivados do cambio climático, a mitigación e adaptación ao mesmo, así como a loita contra os seus efectos adversos.

m) A contribución dos procesos de mellora na sostibilidade do desenvolvemento asociados a espazos naturais ou seminaturais.

n) A participación dos habitantes e das persoas propietarias ou titulares dun dereito de uso dos territorios incluídos en espazos naturais protexidos nas actividades coherentes coa conservación do patrimonio natural e da biodiversidade que se desenvolvan nos devanditos espazos e nos beneficios que se deriven delas.

ñ) O mantemento e a adaptación das poboacións de todas as especies de aves que viven normalmente en estado salvaxe nun nivel que corresponda en particular ás esixencias ecolóxicas, científicas e culturais, habida conta das esixencias económicas e recreativas.

Artigo 3. *Definicións*

Aos efectos desta lei, entenderase por:

a) Acordo de custodia do territorio: pacto subscrito de modo voluntario entre unha persoa física ou xurídica, pública ou privada propietaria ou titular dun dereito de uso sobre un territorio e unha entidade de custodia do territorio sobre o xeito de conservalo e xestionalo.

b) Biodiversidade ou diversidade biolóxica: variabilidade dos organismos vivos de calquera fonte, incluídos entre outras cousas, os ecosistemas terrestres e mariños e outros ecosistemas acuáticos e os complexos ecolóxicos dos que forman parte. Comprende a diversidade dentro de cada especie, entre as especies e dos ecosistemas.

c) Conservación: mantemento ou restablecemento en estado favorable do patrimonio natural e da biodiversidade, en particular, dos hábitats naturais e seminaturais das poboacións de especies de fauna e de flora silvestres, así como o conxunto de medidas necesarias para acadalo.





- d) Coñecemento tradicional: o coñecemento, as innovacións e prácticas das poboacións locais ligados ao patrimonio natural e á biodiversidade, desenvoltas dende a experiencia e adaptadas á cultura e ao medio ambiente local.
- e) Corredor ecolóxico: territorio, de extensión e configuración variables que, debido á súa disposición e ao seu estado de conservación, conecta funcionalmente espazos naturais de singular relevancia para a flora ou a fauna silvestres, separados entre sí, permitindo, entre outros procesos ecolóxicos, o intercambio xenético entre poboacións de especies silvestres ou a migración de espécimes desas especies.
- f) Custodia do territorio: conxunto de estratexias ou técnicas xurídicas a través das cales se implican ás persoas propietarias e usuarias do territorio na conservación e uso dos valores e os recursos naturais, culturais e paisaxísticos.
- g) Ecosistema: complexo dinámico de comunidades vexetais, animais e de microorganismos e o seu medio non vivente que interactúan como unha unidade funcional.
- h) Efectos significativos: a alteración de carácter permanente ou de longa duración do patrimonio natural e, no caso de espazos naturais protexidos, tamén toda alteración que afecte aos elementos que motivaron a súa declaración e obxectivos de conservación.
- i) Entidade de custodia do territorio: organización pública ou privada, sen ánimo de lucro, que leva a cabo iniciativas que inclúan a realización de acordos de custodia do territorio para a conservación do patrimonio natural e da biodiversidade.
- l) Especie ou subespecie: Unidade de categorización dos seres vivos. Consideraranse como tal os taxons que fosen descritos como tales nunha publicación científica de recoñecido prestixio e exista consenso por parte da comunidade científica acerca da súa validez.
- m) Especie autóctona: a existente dentro da súa área de distribución natural.
- n) Especie autóctona extinguida: especie autóctona desaparecida no pasado da súa área de distribución natural.
- ñ) Especie exótica invasora: a que se introduce ou establece nun ecosistema ou hábitat natural ou seminatural e que é un axente de cambio e ameaza para a diversidade biolóxica nativa, xa sexa polo seu comportamento invasor, ou polo risco de contaminación xenética.
- o) Especie naturalizada: Especie exótica establecida no ecosistema con carácter permanente, introducida legalmente antes da entrada en vigor da Lei 42/2007, do 13 de decembro, do Patrimonio Natural e da Biodiversidade, e respecto da que non existan indicios nin evidencias de efectos significativos no medio natural no que habita, presentando ademais un especial interese, social ou económico.





- p) Hábitat dunha especie: medio definido por factores abióticos e bióticos específicos onde vive a especie nunha das fases do seu ciclo biolóxico.
- q) Hábitats naturais: zonas terrestres ou acuáticas diferenciadas polas súas características xeográficas, abióticas e bióticas, tanto se son enteiramente naturais como seminaturais.
- r) Instrumentos de planificación: Calquera técnica de xestión dun espazo natural e dos seus usos ou dunha especie silvestre, que fora sometido a un proceso de información pública, que fora obxecto dunha aprobación formal e fose publicado.
- s) Introducción: refírese ao movemento por acción humana, voluntaria ou accidental, dunha especie fóra da súa área de distribución natural. Este movemento pode realizarse dentro dun país, ou entre países ou zonas fóra da xurisdición nacional.
- t) Lugares de Importancia Comunitaria: aqueles espazos do conxunto do territorio nacional ou do medio mariño, xunto coa zona económica exclusiva e a plataforma continental, aprobados como tales, que contribúen de forma apreciable ao mantemento ou, no seu caso, ao restablecemento do estado de conservación favorable dos tipos de hábitats naturais e os hábitats das especies de interese comunitario, que figuran respectivamente nos anexos I e II da Lei 42/2007, do 13 de decembro, na súa área de distribución natural.
- u) Material xenético: todo material de orixe vexetal, fúnxico, animal, microbiano ou doutro tipo que conteña unidades funcionais da herdanza.
- v) Modificación non substancial dun instrumento de planificación: cambios no instrumento xa aprobado que non constitúen variacións fundamentais no seu contido e que non afectan nin aos obxectivos de conservación nin á normativa.
- x) Modificación substancial dun instrumento de planificación: cambios no instrumento xa aprobado que constitúen variacións fundamentais no seu contido ou que afectan aos obxectivos de conservación ou á normativa.
- z) Patrimonio natural: conxunto de bens e recursos da natureza fonte de diversidade biolóxica e xeolóxica, que teñen un valor relevante medioambiental, paisaxístico, científico ou cultural.
- a`) Poboación: conxunto de individuos do mesmo taxon que ocupan un lugar nun tempo determinado, que teñen descendencia fértil, illado doutros grupos, sen intercambio xenético normal entre eles, e tendo trazos adaptativos únicos ou diferentes.
- b`) Praga ocasionada por fauna silvestre autóctona: aquela situación na que existe un deterioro do hábitat e/ou das especies de flora e/ou fauna silvestre de tal forma que a dita situación sexa continua no tempo e estea por riba do umbral de tolerancia, entendido este como o límite a partir do cal a densidade da poboación dos individuos de fauna silvestre autóctona que





conforman a praga podan ocasionar problemas ambientais, molestias ou produzan ou podan producir prexuízos económicos ou danos de tal intensidade, extensión ou natureza que fagan necesaria a aplicación de medidas de control como medio máis eficaz para combatelas.

c`) Recursos naturais: todo compoñente da natureza, susceptible de ser aproveitado polo ser humano para a satisfacción das súas necesidades e que teña un valor actual ou potencial, tales como: a paisaxe natural; as augas superficiais e subterráneas; o solo, subsolo e as terras pola súa capacidade de uso maior: agrícolas, pecuarias, forestais, cinxética e de protección; a biodiversidade; a xeodiversidade; os recursos xenéticos, e os ecosistemas que dan soporte á vida; os hidrocarburos; os recursos hidroenerxéticos, eólicos, solares, xeotérmicos e similares; a atmosfera e o espectro radioelétrico, os minerais, as rocas e outros recursos xeolóxicos renovables e non renovables.

d`) Recursos xenéticos: material xenético de valor real ou potencial.

e`) Reservas da Biosfera: territorios declarados como tales no eido do Programa MaB, da UNESCO de xestión integrada, participativa e sostible do patrimonio e dos recursos naturais.

f`) Solta: Liberación de exemplares de especies no medio natural.

g`) Taxon: grupo de organismos con características comúns.

h`) Taxon autóctono: taxon existente de forma natural nun lugar determinado, incluídos os extinguidos, no seu caso.

i`) Taxon extinguido: taxon autóctono desaparecido no pasado da súa área de distribución natural.

l`) Uso sostible do patrimonio natural: utilización dos seus compoñentes dun modo e a un ritmo que non ocasione a súa redución a longo prazo, co cal se manteñen as posibilidades da súa aportación á satisfacción das necesidades das xeracións actuais e futuras.

m`) Uso tradicional: uso e costume practicados de forma histórica e que se viñeran realizando sen que se detectaran efectos negativos apreciables sobre os bens e recursos do patrimonio natural, así como todos aqueles que sexan especificamente identificados como tales nos instrumentos de planificación.

n`) Xeodiversidade ou diversidade xeolóxica: variedade de elementos xeolóxicos, incluídos rocas, minerais, fósiles, solos, formas do relevo, formacións e unidades xeolóxicas e paisaxes que son o produto e rexistro da evolución da Terra.

ñ`) Xeoparques ou parques xeolóxicos: territorios delimitados que presentan formas xeolóxicas únicas, de especial importancia científica, singularidade ou beleza e que son





representativos da historia evolutiva xeolóxica e dos eventos e procesos que as formaron. Tamén lugares que destacan polos seus valores arqueolóxicos, ecolóxicos ou culturais relacionados coa xea.

o`) Zonas Especiais de Conservación: Lugares de Importancia Comunitaria aprobados pola Comisión Europea e declarados pola Administración competente xunto coa aprobación do correspondente plan ou instrumento de xestión.

p`) Zonas de Especial Protección para as Aves: espazos do territorio nacional e do medio mariño, xunto coa zona económica exclusiva e a plataforma continental, declarados como tales pola Administración competente, máis axeitados en número e en superficie para a conservación das especies de aves incluídas no anexo IV da Lei 42/2007, do 13 de decembro, e para as aves migratorias de presenza regular en España.

Artigo 4. *Competencias da Comunidade Autónoma de Galicia*

Corresponde á Comunidade Autónoma de Galicia o exercicio das funcións que esta lei atribúe á Administración e ao Parlamento autonómicos respecto de espazos, especies (excepto as altamente migratorias) e hábitats e áreas críticas situados no medio terrestre da Comunidade Autónoma de Galicia así como no medio mariño cando exista continuidade ecolóxica do ecosistema mariño co espazo natural terrestre obxecto de protección, avalada pola mellor evidencia científica existente.

Artigo 5. *Deberes de conservación*

1. A Administración autonómica, no seu respectivo ámbito competencial, as entidades de dereito público e privado e toda a cidadanía, teñen o deber de respectar e conservar o patrimonio natural e a biodiversidade, prestando especial atención aos hábitats e ás especies silvestres en réxime de protección especial, así como, cando así se impoña, a obriga de restaurar ou reparar o dano que puideran causar aos recursos naturais obxecto de protección por esta lei.

2. A Administración autonómica e as administracións locais galegas teñen os seguintes deberes:

a) Os previstos no artigo 5.2 da Lei 42/2007, do 13 de decembro, no seu respectivo ámbito competencial.

b) Adoptar as medidas preventivas necesarias para evitar a execución de accións contrarias aos obxectivos desta lei e, no seu caso, determinar as medidas pertinentes para a reparación dos danos e prexuízos causados.





c) Colaborar e cooperar entre sí e con entidades de dereito privado, nos termos establecidos na presente lei, para garantir un uso sostible do patrimonio natural e da biodiversidade.

d) Incorporar criterios de sostibilidade nas decisións sobre aproveitamentos dos recursos, para garantir un desfrute do medio ambiente natural que permita a satisfacción das necesidades das xeracións actuais e futuras.

CAPÍTULO II Mecanismos de colaboración e cooperación

Artigo 6. *Mecanismos de colaboración e cooperación*

1. A Administración autonómica fomentará a custodia do territorio mediante acordos entre entidades de custodia e persoas físicas ou xurídicas, públicas ou privadas propietarias e usuarias do territorio que teñan por obxectivo principal a conservación do patrimonio natural e a biodiversidade.

2. A Administración autonómica, cando sexa titular de terreos situados en espazos naturais, poderá subscribir acordos de cesión da súa xestión, total ou parcial, a entidades de custodia do territorio.

Os acordos para a cesión da xestión, formalizaranse por escrito e terán unha duración temporal limitada, recollendo en todo caso, o sistema de financiación para o seu axeitado desenvolvemento e as directrices mínimas de xestión que deberán fixarse previamente nun documento de xestión. En ningún caso os devanditos acordos comportarán a transmisión da titularidade dos terreos obxecto destes.

3. Así mesmo, poderán establecerse mecanismos de cooperación da Administración autonómica con outras Administracións e institucións públicas ou privadas coa finalidade de incentivar a conservación do patrimonio natural e da biodiversidade e a integración dos sectores socioeconómicos nesta conservación.

4. Cando o ámbito territorial dun espazo natural protexido linde con outra Comunidade Autónoma, a persoa titular da Presidencia da Xunta de Galicia poderá subscribir convenios ou acordos de cooperación coas Comunidades Autónomas correspondentes, previo cumprimento das esixencias impostas pola normativa aplicable, co obxectivo de salvagardar a coherencia e efectividade das medidas de protección correspondentes.

CAPÍTULO III Educación e formación

Artigo 7. *Estratexia Galega de Educación Ambiental*





1. A Estratexia Galega de Educación Ambiental é o documento de carácter programático e orientativo, a través do cal a consellería competente en materia de medio ambiente concreta os fundamentos, as directrices e as actuacións ligadas ao deseño, desenvolvemento e avaliación da educación ambiental na nosa Comunidade Autónoma.

2. A Estratexia Galega de Educación Ambiental integrará entre os seus obxectivos, a consecución dos principios inspiradores desta lei, a cuxos efectos, incluírá programas de formación e educación específicos sobre a necesidade de protexer o patrimonio natural e a biodiversidade, promovendo os coñecementos tradicionais sostibles para a súa conservación e a implicación da cidadanía e dos axentes económicos e sociais coa conservación de dito patrimonio natural e a biodiversidade.

CAPÍTULO IV Información e participación pública

Artigo 8. *Información*

1. A consellería competente en materia de conservación do patrimonio natural recompilará e poñerá á disposición do público toda a información documental e gráfica da que dispoña, relativa aos espazos naturais protexidos e á biodiversidade, salvo que resulte aplicable algunha das excepcións previstas no artigo 13 da Lei 27/2006, do 18 de xullo, pola que se regulan os dereitos de acceso á información, de participación pública e de acceso á xustiza en materia de medio ambiente.

2. A consellería competente en materia de conservación do patrimonio natural colaborará coa Administración estatal na elaboración dos informes previstos no artigo 11 da Lei 42/2007, do 13 de decembro.

Artigo 9. *Participación pública*

1. A Administración autonómica garantirá a participación pública no deseño e execución das políticas públicas dirixidas á consecución dos obxectivos desta lei. En todo caso, garántese a participación pública:

a) Nos procedementos de declaración dos espazos naturais protexidos de competencia autonómica;

b) Nos procedementos de aprobación, revisión ou modificación dos instrumentos de planificación de espazos e nos procedementos de aprobación dos plans de recuperación e dos plans de conservación de especies catalogadas previstos nesta lei;





- c) Nos proxectos de reintrodución de especies autóctonas extinguidas de competencia autonómica;
 - d) Na elaboración de disposicións de carácter xeral autonómicas dirixidas á consecución dos obxectivos establecidos nesta lei.
2. Igualmente promoverá e facilitará a participación solidaria da cidadanía en actuacións de voluntariado, mediante actividades organizadas ao efecto.
3. Así mesmo, promoverá mecanismos para facilitar a participación das persoas propietarias ou titulares dun dereito de uso dos terreos ou daqueles sectores socioeconómicos que resulten directamente afectados, nas actuacións que se desenvolvan na Rede Galega de Espazos Protexidos.

CAPÍTULO V Financiación e axudas

Artigo 10. *Financiación*

1. A Administración autonómica habilitará os medios humanos, materiais e financeiros necesarios para o cumprimento do establecido nesta lei.
2. As vías de financiación que garantirán o cumprimento do establecido nesta lei son as seguintes:
 - a) As dotacións orzamentarias autonómicas específicas para a planificación, a ordenación, a protección o uso e a xestión da Rede Galega de Espazos Protexidos e para a protección e conservación da biodiversidade.
 - b) Os recursos procedentes da Administración Xeral do Estado e doutras Administracións Públicas.
 - c) Os recursos derivados de programas procedentes de fondos europeos.
 - d) As aportacións ou donacións realizadas por persoas físicas ou xurídicas e con destino específico á promoción de actuacións de conservación da natureza.
 - e) O importe resultante da incautación total ou parcial das garantías constituídas ao amparo desta lei.
 - f) Os ingresos derivados da prestación de servizos relacionados cos espazos naturais protexidos e da comercialización da súa imaxe de marca.





g) As partidas específicas recollidas nos instrumentos de financiación regulados na Lei 45/2007, do 13 de decembro, para o desenvolvemento sostible do medio rural, e no correspondente Programa de Desenvolvemento Rural Sostible.

3. A aprobación pola Administración autonómica do instrumento de planificación dun espazo natural protexido ou dun plan de recuperación ou de conservación das especies incluídas no Catálogo Galego de Especies Ameazadas irá acompañada dunha previsión das fontes de financiación que garantan o cumprimento dos seus fins.

Artigo 11. *Axudas*

1. A consellería competente en materia de conservación do patrimonio natural poderá establecer axudas técnicas, económicas e financeiras co fin de contribuír á conservación e ao aproveitamento sostible dos espazos naturais protexidos e da biodiversidade.

Estas axudas tamén poderán ter por obxecto a promoción do desenvolvemento socioeconómico das poboacións dos espazos naturais protexidos ou das súas áreas de influencia socioeconómica, coa finalidade de contribuír á mellora da calidade de vida dos seus habitantes e ao desenvolvemento sostible nestes ámbitos.

2. No outorgamento das axudas previstas no número 1 deste artigo, daráselle prioridade ás actuacións seguintes:

a) Promoción de usos tradicionais sostibles así como aqueles novos que contribúan favorablemente ao mantemento da biodiversidade.

b) Actuacións desenvoltas en espazos incluídos na Rede Galega de Espazos Protexidos e, especialmente en espazos protexidos Rede Natura 2000 competencia da Comunidade Autónoma de Galicia, ou nas súas respectivas áreas de influencia socioeconómica, así como sobre especies presentes nos devanditos espazos, dirixidas á mellora do estado de conservación dos espazos, á redución de presións e ameazas e aquelas outras que resulten coherentes coa planificación.

c) Actuacións a desenvolver en áreas de presenza ou críticas de especies ameazadas.

d) Actuacións a desenvolver por persoas propietarias ou titulares dun dereito de uso dos terreos afectados polas limitacións derivadas da declaración do espazo natural protexido ou da aprobación do seu instrumento de planificación.

e) Actuacións previstas nos instrumentos de planificación das áreas protexidas por instrumentos internacionais.





3. A Administración autonómica, as Administracións locais de Galicia e as entidades públicas delas dependentes, no exercicio das súas competencias, non poderán subvencionar ou conceder axudas, en relación cun plan, programa ou proxecto que se pretenda desenvolver en espazos naturais protexidos, cando da análise das súas posibles repercusións sobre os valores que xustificaron a súa declaración se concluíra que terían efectos significativos negativos sobre eles. Exceptúanse desta prohibición os supostos previstos no artigo 84.3.

4. A Administración autonómica, as Administracións locais de Galicia e as entidades públicas delas dependentes, no exercicio das súas competencias, deberán priorizar no outorgamento das axudas ou subvencións previstas neste artigo aqueles plans, programas, proxectos ou actividades que se executen nun espazo protexido, cando contribúan ao desenvolvemento sostible das poboacións locais e sexan acordes cos obxectivos de conservación.

A Administración autonómica, as Administracións locais de Galicia e as entidades públicas delas dependentes deberán comunicar anualmente o outorgamento destas axudas ou subvencións á consellería competente en materia de conservación do patrimonio natural.

CAPÍTULO VI Actuacións sectoriais

Artigo 12. *Actuacións vinculadas con usos recreativos, deportivos e turísticos*

1. A Administración autonómica en colaboración, no seu caso, con outras administracións públicas ou entidades privadas fomentará, dentro do seu respectivo ámbito competencial, a implantación e desenvolvemento de modelos de turismo compatibles coa consecución dos obxectivos desta lei.

Neste sentido, favorecerá aquelas actividades sostibles que posibiliten a divulgación do medio natural e que inclúan a interpretación do patrimonio natural como unha oferta dos seus servizos. Así mesmo, fomentará as actividades turísticas que incidan na mellora da economía e calidade de vida das poboacións rurais en que se desenvolvan.

2. A consellería competente en materia de conservación do patrimonio natural, por razón da conservación do devandito patrimonio, poderá regular as condicións que, por razón da conservación do patrimonio natural, han de cumprir os usos recreativos, deportivos, turísticos e outros usos que se desenvolvan no medio natural co fin de compatibilizar estes coa conservación do patrimonio natural. Así mesmo, determinará as condicións ou regulacións en materia de turismo de observación, fotografía ou calquera outra actividade ligada coa xea e coa flora e fauna silvestres, de maneira que a execución destas actividades se realice sen ocasionar danos ou molestias ás mesmas.

Artigo 13. *Control de pragas ocasionadas pola fauna silvestre autóctona*





1. A consellería competente en materia de patrimonio natural poderá declarar a situación de praga ocasionada por algunha especie de fauna silvestre autóctona cando exista un deterioro do hábitat e/ou das especies de flora ou fauna silvestre de tal forma que a dita situación sexa continua no tempo e estea por riba do limiar de tolerancia, entendido este como o límite a partir do cal a densidade da poboación dos individuos de fauna silvestre autóctona que conforman a praga poidan ocasionar problemas ambientais, molestias ou perdas económicas que produzan ou poidan producir prexuízos económicos ou danos de tal intensidade, extensión ou natureza que fagan necesaria a aplicación de medidas de control como medio mais eficaz para combatela.

2. A declaración de praga requirirá o establecemento de sistemas de control que, respectando a lexislación sectorial, aseguren o mantemento duns niveis poboacionais mínimos que garantan a viabilidade da poboación obxecto de control.

Artigo 14. *Protección da avifauna contra a colisión e electrocución en liñas eléctricas*

1. As novas liñas de transporte e distribución de enerxía eléctrica e a modificación das existentes deberán ser deseñadas de maneira que se minimicen os riscos de electrocución e colisión para a avifauna tanto na determinación dos trazados como no deseño construtivo.

2. A consellería competente en materia de conservación do patrimonio natural determinará, mediante resolución que será obxecto de publicación no Diario Oficial de Galicia, as zonas de protección para a avifauna existentes no territorio da Comunidade Autónoma de Galicia, entre as que se incluírán as Zonas de Especial Protección para as Aves, os ámbitos de aplicación dos plans de recuperación e conservación elaborados pola Comunidade Autónoma para as especies de aves incluídas no Catálogo Español de Especies Ameazadas ou no Catálogo galego e, cando non estean comprendidas nos anteriores, as áreas prioritarias de reprodución, alimentación, dispersión e concentración local das especies de aves incluídas nos ditos catálogos.

Nestas zonas adoptaranse as medidas de protección da avifauna previstas na normativa sectorial aplicable.

Artigo 15. *Protección da avifauna no desenvolvemento do sector eólico*

Na planificación do aproveitamento da enerxía eólica en Galicia pola Administración autonómica terase en conta o disposto na normativa sectorial vixente en canto á existencia de Zonas de Especial Protección para as Aves e as necesidades das aves migratorias.





Artigo 16. *Actuacións agrícolas*

1. As consellerías competentes en materia de conservación do patrimonio natural e en materia agrícola identificarán conxuntamente os sistemas agrícolas e as prácticas asociadas que resulten máis relevantes para o mantemento da conservación da natureza, así como as áreas agrícolas de alto valor natural.
2. A loita contra as pragas agrícolas, os tratamentos fitosanitarios e a fertilización de sistemas agrarios deberán realizarse de xeito que resulten compatibles cos obxectivos desta lei, e de conformidade coa súa normativa específica.
3. Para dar cumprimento aos números anteriores, a consellería competente en materia de conservación do patrimonio natural e a consellería competente en materia agrícola elaborarán conxuntamente códigos de boas prácticas agrarias que permitan compatibilizar as actuacións agrarias coa conservación do patrimonio natural.

Artigo 17. *Actuacións forestais*

1. A xestión dos montes rexerese polos principios de aproveitamento sostible, conservación e mellora do patrimonio natural.
2. A loita contra as pragas forestais, os tratamentos fitosanitarios e a fertilización forestal deberán realizarse de xeito que resulten compatibles cos obxectivos desta lei.

Artigo 18. *Reestruturación parcelaria*

1. As actuacións de reestruturación parcelaria en espazos naturais protexidos estarán condicionadas ao mantemento dos valores naturais das zonas a reestruturar conforme ao que resulte da avaliación ambiental realizada polo órgano ambiental.
2. Nos procedementos de reestruturación parcelaria de carácter público, con carácter previo á elaboración polo órgano competente do estudo previo de iniciación, a consellería competente en materia de conservación do patrimonio natural emitirá un informe relativo aos aspectos relacionados coa conservación da natureza no que analizará, de xeito conxunto, a totalidade das actuacións e no que motivadamente poderá propoñer a exclusión de parcelas da zona de reestruturación parcelaria.

Artigo 19. *Planificación sectorial do aproveitamento dos recursos naturais*

1. Os órganos da Administración autonómica responsables da aprobación da planificación sectorial do aproveitamento dos recursos naturais que poidan afectar aos espazos protexidos,





ás especies ou aos hábitats protexidos nesta lei, en especial aos espazos protexidos Rede Natura 2000 competencia da Comunidade Autónoma de Galicia, deberán integrar na planificación como un dos seus obxectivos, que os aproveitamentos do recurso natural obxecto de planificación non causen prexuízos á integridade dos espazos, nin ao estado de conservación das especies e hábitats protexidos.

2. A obriga recollida no número anterior terase particularmente en conta na planificación forestal, de infraestruturas agrarias, de pesca e marisqueo, da acuicultura e da minería.

3. Así mesmo, a consellería competente en materia de conservación do patrimonio natural poderá elaborar conxuntamente coas consellerías sectorialmente competentes, códigos de boas prácticas que permitan compatibilizar as actuacións a desenvolver coa conservación do patrimonio natural.

CAPÍTULO VII Garantía financeira

Artigo 20. *Garantía financeira*

1. O outorgamento das autorizacións autonómicas previstas nesta lei, relativas ás actividades a desenvolver en espazos naturais protexidos e ás actuacións que poidan afectar ás especies, poderá condicionarse á dispoñibilidade pola persoa promotora da actuación, dunha garantía financeira que responda dos posibles danos ao patrimonio natural ou á biodiversidade que se poidan derivar da execución das actuacións autorizadas.

2. A esixibilidade da garantía e a fixación do importe desta, no caso de ser esixida, deberá basearse na análise motivada das características, perigosidade e potencial risco sobre o patrimonio natural e a biodiversidade da actuación suxeita a autorización, así como na previa constitución ou non doutra garantía financeira consonte ao disposto noutra normativa ambiental sectorial e, no seu caso, a súa cobertura respecto aos posibles danos ao patrimonio natural ou á biodiversidade.

TÍTULO II Espazos naturais protexidos

CAPÍTULO I Concepto e categorías

Artigo 21. *Concepto de espazo natural protexido*

1. Son espazos naturais protexidos da Comunidade Autónoma de Galicia aqueles que sexan declarados como tales pola Administración competente, por concorrer neles algún dos seguintes requisitos:





- a) Conter sistemas ou elementos naturais representativos, singulares, fráxiles, ameazados ou de especial interese ecolóxico, científico, paisaxístico, xeolóxico ou educativo.
- b) Contribuír a garantir o bo estado de conservación de hábitats, comunidades e especies presentes en calquera das fases do seu ciclo vital, que se atopen ameazados ou que ao abeiro de convenios internacionais subscritos por España ou de disposicións específicas requiran unha protección especial.
- c) Estar dedicados especialmente á protección e ao mantemento da diversidade biolóxica, da xeodiversidade e dos recursos naturais e culturais asociados, así como dos procesos evolutivos, a conectividade e a migración de especies e das funcións e procesos ecolóxicos esenciais.
- d) Conter elementos de especial interese para a interpretación e o estudo do medio natural e valores culturais asociados.

2. Con carácter xeral, os espazos naturais protexidos non poderán comprender solos que teñan a condición de solos urbanos nun instrumento de planificación urbanística aprobado á data do inicio do procedemento de declaración do espazo natural como protexido, agás que se xustifique expresamente a súa inclusión por necesidades concretas de conservación.

Artigo 22. *Categorías de espazos naturais protexidos*

1. En función dos bens e valores a protexer e dos obxectivos de xestión a cumprir, os espazos naturais protexidos regulados nesta lei clasifícanse nas seguintes categorías:

- a) Reserva natural.
- b) Parque.
- c) Monumento natural.
- d) Humidal protexido.
- e) Paisaxe protexida.
- f) Espazo protexido Rede Natura 2000.
- g) Espazo natural de interese local.
- h) Espazo privado de interese natural.





2. Os espazos naturais protexidos de competencia autonómica poderán abarcar no seu perímetro ámbitos terrestres, ou ámbitos terrestres e mariños cando exista continuidade ecolóxica do ecosistema mariño co espazo natural terrestre obxecto de protección, avalada pola mellor evidencia científica existente.

3. No ámbito territorial dun espazo natural protexido poderán coexistir distintas categorías de protección das previstas no número un deste artigo.

Sen embargo, non poderán declararse como espazos naturais de interese local ou espazos privados de interese natural aqueles espazos xa declarados nalgunha das categorías da Rede Galega de Espazos Protexidos.

Artigo 23. *Reserva natural*

1. As reservas naturais son espazos naturais nos que a declaración ten como finalidade a protección dos ecosistemas, comunidades ou elementos biolóxicos, que pola súa rareza, fragilidade, importancia ou singularidade, merecen unha valoración especial.

Nas reservas limitarase a explotación de recursos, salvo naqueles casos nos que esta explotación sexa compatible coa conservación dos valores que se pretenden protexer. Con carácter xeral, prohibirase a recolleita de material biolóxico ou xeolóxico, salvo que se dispoña de autorización específica previa para a realización desta actividade por razóns de investigación, de conservación ou educativas.

2. Cando algunha zona incluída na reserva natural conteña ecosistemas ou comunidades nun estado de conservación que requira unha protección absoluta, poderá ser declarada zona de reserva natural integral. Nestas zonas prohibirase calquera tipo de aproveitamento e restrinxirase o acceso público, garantindo a mínima intervención exterior posible, salvo as medidas de conservación, xestión e, no seu caso, de investigación que se estimen pertinentes.

3. Dentro da categoría de reservas naturais e como unha subcategoría específica, poderán declararse como microrreservas aqueles espazos de superficie inferior a 20 hectáreas que conteñan hábitats raros ou que constitúan o hábitat de especies ameazadas e cuxa conservación resulte de especial importancia.

As microrreservas declararanse por un prazo de tempo determinado, mediante decreto aprobado polo Consello da Xunta de Galicia a proposta da consellería competente en materia de conservación do patrimonio natural. Regulamentariamente desenvolverase o procedemento de declaración de microrreservas e as condicións de revisión da dita declaración.

Artigo 24. *Parque*





1. Os parques son áreas naturais que, pola beleza das súas paisaxes, a representatividade dos seus ecosistemas ou a singularidade da súa flora, fauna ou da súa diversidade xeolóxica, incluídas as súas formacións xeomorfolóxicas, posúen uns valores ecolóxicos, estéticos, educativos ou científicos cuxa conservación merece unha atención preferente.

2. De acordo co artigo 31.2 da Lei 42/2007, do 13 de decembro, os Parques Nacionais rexeranse pola súa normativa específica, conforme á cal a declaración efectuarase por lei das Cortes Xerais, correspondendo á Comunidade Autónoma de Galicia a xestión dos situados no seu territorio nos termos previstos na dita normativa.

3. Pola súa parte, a declaración dun espazo como parque natural corresponde á Administración autonómica.

A declaración dun espazo como parque natural requirirá, ademais do disposto no número un deste artigo, que teña unha superficie continua e non fragmentada, suficiente para permitir que se manteñan as súas características físicas e biolóxicas e se asegure o funcionamento dos procesos naturais presentes. A estes efectos, a superficie do parque natural, salvo en casos debidamente xustificadas, terá:

a) Como mínimo, 2.500 hectáreas en parques naturais terrestres ou marítimo-terrestres insulares.

b) Como mínimo, 10.000 hectáreas en parques naturais terrestres ou marítimo-terrestres peninsulares.

4. Nos parques poderán limitarse os aproveitamentos dos recursos naturais, prohibíndose en todo caso os que resulten incompatibles coas finalidades que xustificaran a súa declaración.

5. Nos parques facilitarase a entrada de visitantes coas limitacións precisas para garantir a conservación dos seus valores naturais e para respectar os dereitos dos titulares dos terreos.

6. A Rede de parques naturais de Galicia, creada polo Decreto 69/2016, do 19 de maio, coordinará a xestión destes espazos naturais protexidos.

Artigo 25. *Monumento natural*

1. Os monumentos naturais son espazos ou elementos da natureza constituídos basicamente por formacións de notoria singularidade, rareza ou beleza, que merecen ser obxecto dunha protección especial.

2. Considéranse tamén monumentos naturais os seguintes elementos que teñan sido expresamente declarados como tales: as árbores singulares e monumentais, as formacións





xcolóxicas, os xacementos paleontolóxicos e mineralolóxicos, os estratotipos e demais elementos da xeografía que reúnan un interese especial pola singularidade ou importancia dos seus valores científicos, culturais ou paisaxísticos.

3. Nos monumentos naturais limitarase con carácter xeral a explotación dos recursos, salvo cando esta explotación sexa plenamente coherente coa conservación dos valores que se pretenden protexer, conforme ao establecido nas súas normas de declaración ou xestión, ou naqueles casos en que, por razóns de investigación ou conservación ou por tratarse de actividades económicas compatibles cun mínimo impacto e que contribúan ao benestar socioeconómico ou da poboación, se permita a devandita explotación, logo de autorización administrativa.

Artigo 26. *Humidal protexido*

1. Son humidais protexidos as extensións de marismas, pantanos, turbeiras ou superficies cubertas de auga, sexan estas de réxime natural ou artificial, permanentes ou temporais, estancadas ou correntes, doces, salobres ou salgadas, incluídas as extensións de auga mariña nas que a profundidade en marea baixa non exceda de seis metros, que á vez cumpran unha función de importancia internacional, nacional ou autonómica na conservación dos recursos naturais, e que sexan declaradas como tales.

Poderán comprender zonas de ribeira, costeiras ou adxacentes, así como as illas ou extensións mariñas de profundidade superior aos seis metros en marea baixa cando estas se atopen dentro do humidal.

2. Nos humidais protexidos poderanse limitar os aproveitamentos dos recursos naturais, prohibíndose en todo caso os incompatibles coas finalidades que xustificaran a súa declaración.

3. O Inventario de humidais de Galicia creado polo Decreto 127/2008, do 5 de xuño, polo que se desenvolve o réxime xurídico dos humidais protexidos e se crea o inventario de humidais de Galicia, incorporará todos os espazos naturais protexidos declarados nesta categoría.

Artigo 27. *Paisaxe protexida*

1. As paisaxes protexidas son espazos que, polos seus valores naturais, estéticos e culturais e, de acordo co Convenio da Paisaxe do Consello de Europa, sexan merecedores dunha protección especial.

2. Nas paisaxes protexidas procurarase o mantemento das prácticas tradicionais que contribúan á preservación dos seus valores e recursos naturais, e á conservación das relacións





e dos procesos, tanto naturais coma socioeconómicos, que contribuíron á súa formación e fan posible o seu mantemento.

Artigo 28. *Espazo protexido Rede Natura 2000*

Os espazos protexidos Rede Natura 2000 competencia da Comunidade Autónoma de Galicia estarán constituídos por:

- a) Os Lugares de Importancia Comunitaria, ata a súa transformación en Zonas Especiais de Conservación.
- b) As Zonas Especiais de Conservación.
- c) As Zonas de Especial Protección para as Aves.

Artigo 29. *Espazo natural de interese local*

1. Son espazos naturais de interese local aqueles espazos integrados nun ou varios termos municipais que polas súas singularidades sexan merecedores dalgún tipo de protección dos seus valores naturais a nivel local.

2. A responsabilidade e competencia na xestión destes espazos corresponderá ás entidades locais, no seu ámbito territorial respectivo.

3. As entidades locais poderán constituír consorcios, mancomunidades ou outras modalidades asociativas para a xestión destes espazos e poderán subscribir acordos de cesión total ou parcial da súa xestión con entidades de custodia do territorio, sen que os ditos acordos alteren o réxime de responsabilidade previsto no número anterior.

4. Estes espazos non se considerarán incluídos na Rede Galega de Espazos Protexidos e a súa declaración como espazos naturais protexidos non implicará a asignación de recursos da Comunidade Autónoma de Galicia, aínda que poderán ter preferencia na obtención de axudas para a súa conservación e xestión.

5. Nestes espazos promoverase o desenvolvemento de actuacións de educación ambiental e uso social do medio ambiente.

6. A declaración dun espazo natural de interese local en terreos de propiedade privada requirirá a conformidade expresa das persoas propietarias ou titulares dun dereito de uso.

Artigo 30. *Espazo privado de interese natural*





1. Son espazos privados de interese natural aqueles terreos de titularidade privada nos que existan formacións naturais, especies ou hábitats de flora ou fauna silvestres dos que se considere de interese a súa protección.
2. A responsabilidade na xestión destes espazos corresponderá ás persoas promotoras da súa declaración, que deberán ser as propietarias ou titulares dun dereito de uso dos terreos, podendo subscribirse acordos de cesión total ou parcial da súa xestión con entidades de custodia do territorio.
3. Estes espazos non se considerarán incluídos na Rede Galega de Espazos Protexidos e a súa declaración como espazos naturais protexidos non implicará a asignación de recursos da Comunidade Autónoma de Galicia, aínda que poderán ter preferencia na obtención de axudas para a súa conservación e xestión.

CAPÍTULO II

Rede galega de espazos protexidos

Artigo 31. *Composición*

1. Na Rede Galega de Espazos Protexidos, de competencia autonómica, están representados os principais ecosistemas, paisaxes ou hábitats presentes en Galicia. A dita rede contén aqueles espazos necesarios para asegurar o mantemento dos procesos ecolóxicos esenciais e a preservación da diversidade xenética.
2. A Rede Galega de Espazos Protexidos está constituída polos espazos naturais protexidos de competencia autonómica declarados e que se declaren no futuro nalgunha das categorías enumeradas no artigo 22.1, excepto os das letras g) e h).
3. En relación cos parques nacionais, as competencias da Comunidade Autónoma galega serán as que correspondan de acordo coa normativa específica a eles aplicable.

Artigo 32. *Efectos*

A declaración dun espazo incluído na Rede Galega de Espazos Protexidos conlevará os seguintes efectos:

- a) Declaración de utilidade pública a efectos expropiatorios de todos os bens e dereitos incluídos dentro do seu ámbito.
- b) Declaración de utilidade pública e interese social das obras necesarias para a conservación e restauración do correspondente espazo natural protexido, especialmente as que teñan por





obxecto facer fronte a fenómenos catastróficos ou excepcionais, sen prexuízo do disposto no artigo 4.3 da Lei 42/2007, do 13 de decembro.

c) Sometemento dos actos e negocios xurídicos de carácter oneroso e celebrados intervivos de bens inmobles á facultade da Administración de exercer os dereitos de tanteo e de retracto nas condicións e coas excepcións establecidas no artigo 33.

d) Suxeición á servidume de instalación de sinais prevista no artigo 34.

e) Utilización dos bens e recursos naturais comprendidos no correspondente espazo consonte ao previsto nesta lei e nos instrumentos de planificación establecidos nela.

f) Prioridade no desenvolvemento de actuacións de mellora das condicións socioeconómicas da poboación residente.

g) Calquera outro que regulamentariamente se determine.

Artigo 33. *Dereitos de tanteo e de retracto*

1. Os actos ou negocios xurídicos de carácter oneroso e celebrados intervivos que comporten a creación, transmisión, modificación ou extinción de dereitos reais que recaian sobre bens inmobles situados total ou parcialmente no ámbito dunha reserva natural, dun parque, dun monumento natural, dun humidal protexido ou dunha paisaxe protexida sométense aos dereitos de tanteo e de retracto por parte da Administración autonómica de Galicia.

Quedan excluídos desta facultade todos os inmobles incluídos en espazos pertencentes á categoría de espazo protexido Rede Natura 2000 competencia da Comunidade Autónoma de Galicia e nos que non concorra outra categoría das relacionadas no parágrafo anterior.

2. O prazo de exercicio do dereito de tanteo será de tres meses, contados a partir da notificación fidedigna do prezo e das condicións esenciais da transmisión pretendida que a persoa transmitente debe efectuar á consellería competente en materia de conservación do patrimonio natural.

Transcorrido o devandito prazo sen que a consellería notifique ao transmitente o exercicio do dereito de tanteo, a transmisión pretendida poderá levarse a cabo.

3. O dereito de retracto poderase exercer dentro do prazo dun ano, contado desde a notificación ou a data na que a consellería competente en materia de conservación do patrimonio natural teña coñecemento fidedigno da transmisión.





4. Estarase ao disposto no parágrafo terceiro do artigo 40.2 da Lei 42/2007, do 13 de decembro, respecto da inscrición de documentos polos que se transmitan dereitos reais sobre os bens previstos neste artigo.

Artigo 34. *Servidume de instalación de sinais*

1. Os terreos comprendidos dentro dun espazo incluído na Rede Galega de Espazos Protexidos estarán suxeitos á servidume forzosa de instalación de sinais indicadores da súa condición e réxime, nos termos previstos neste artigo.

2. A declaración e imposición desta servidume efectuarase por resolución emitida pola consellería competente en materia de conservación do patrimonio natural, logo da tramitación do correspondente procedemento, no que con audiencia das persoas interesadas, se deberá xustificar a conveniencia e necesidade técnica da súa instalación.

3. A imposición da servidume conleva a obriga dos predios serventes de dar paso e permitir a realización dos traballos necesarios para a súa instalación, conservación ou renovación.

Artigo 35. *Limitacións derivadas da declaración de espazo natural protexido*

1. As limitacións ao uso dos bens e dereitos derivadas da declaración de espazo incluído na Rede Galega de Espazos Protexidos ou dos seus instrumentos de planificación previstos nesta lei, poderán dar lugar a axudas, subvencións ou outras medidas compensatorias.

2. As limitacións referidas no número anterior serán indemnizables cando así proceda conforme ao disposto na lexislación de expropiación forzosa, na lexislación en materia de responsabilidade patrimonial ou noutra normativa aplicable.

Artigo 36. *Zona periférica de protección*

1. Nas declaracións dos espazos incluídos na Rede Galega de Espazos Protexidos poderán establecerse zonas periféricas de protección destinadas a evitar impactos ecolóxicos ou paisaxísticos procedentes do exterior. Cando proceda, na propia norma de creación, estableceranse as limitacións necesarias.

2. As zonas periféricas de protección non terán a consideración de espazo natural protexido.

3. Nas zonas periféricas de protección fomentarse a realización de actuacións que resulten compatibles coa conservación do espazo natural protexido e poderán establecerse infraestruturas de uso público que non se poidan localizar no devandito espazo natural protexido.





Artigo 37. *Áreas de influencia socioeconómica*

1. As normas que declaren os espazos incluídos na Rede Galega de Espazos Protexidos poderán delimitar áreas de influencia socioeconómica co fin de contribuír ao mantemento dos ditos espazos e favorecer o desenvolvemento socioeconómico das poboacións locais de maneira compatible cos obxectivos de conservación do espazo.

O establecemento destas áreas de influencia socioeconómica incluírá a especificación do réxime económico e as compensacións adecuadas ao tipo de limitacións.

2. As áreas de influencia socioeconómica estarán integradas, polo menos, polo conxunto dos termos municipais onde se atope localizado o espazo natural protexido e a súa zona periférica de protección. Estas áreas poderán englobar tamén a outros municipios limítrofes cando constitúan cos anteriores unha unidade territorial ou económica que o recomende ou concorran causas obxectivas que o xustifiquen e así se dispoña na norma declarativa do espazo.

3. A Administración autonómica promoverá, nestas áreas, o desenvolvemento de actividades tradicionais sostibles ligadas á dinamización do entorno do espazo natural protexido, podendo conceder ao efecto axudas técnicas, económicas ou financeiras.

4. Dentro do necesario respecto á normativa específica aplicable, poderá preverse o uso de marcas que fagan referencia á denominación de espazos naturais protexidos por parte de produtos procedentes de actividades tradicionais sostibles do espazo natural protexido de que se trate ou da súa área de influencia socioeconómica.

CAPÍTULO III

Procedementos de declaración dos espazos naturais protexidos

Artigo 38. *Disposicións xerais*

1. Corresponde á consellería competente en materia de conservación do patrimonio natural a tramitación dos procedementos de declaración dun espazo natural protexido de ámbito autonómico, coa excepción do disposto no artigo 42 respecto aos Lugares de Importancia Comunitaria e na Lei 30/2014, do 3 de decembro, de Parques Nacionais.

A Administración autonómica poderá promover perante os organismos que correspondan a declaración doutras figuras de protección de ámbito supraautonómico.

2. A declaración dunha reserva natural ou dun parque natural requirirá a previa aprobación do correspondente plan de ordenación dos recursos naturais.





Excepcionalmente, poderán declararse reservas naturais ou parques naturais sen a previa aprobación do plan de ordenación dos recursos naturais cando existan razóns que o xustifiquen, que deberán constar expresamente na norma que os declare. Neste caso o correspondente plan de ordenación dos recursos naturais deberase aprobar no prazo máximo dun ano, contado a partires da entrada en vigor da norma que declare a reserva natural ou o parque natural.

3. Nos monumentos naturais, humidais protexidos, paisaxes protexidas, espazos naturais de interese local, espazos privados de interese natural, Zonas Especiais de Conservación e Zonas de Especial Protección para as Aves a aprobación do correspondente instrumento de planificación será simultánea á declaración.

Artigo 39. *Iniciación*

1. A iniciación do procedemento de declaración dun espazo natural protexido, agás os recollidos no número seguinte do presente artigo, efectuarase de oficio pola consellería competente en materia de conservación do patrimonio natural, publicándose o acordo de inicio no Diario Oficial de Galicia.

2. O procedemento de declaración dun espazo natural de interese local ou dun espazo privado de interese natural iniciárase a instancia de parte mediante a presentación da documentación prevista nos artigos 40 e 64.

Artigo 40. *Tramitación*

1. A tramitación do procedemento de declaración dun espazo natural protexido requirirá a elaboración dunha memoria co contido mínimo seguinte:

- a) Descrición das principais características do espazo.
- b) Xustificación da proposta de declaración como espazo natural protexido.
- c) Descrición dos límites do espazo e, no seu caso, da zona periférica de protección, tanto literal coma cartográfica.
- d) Réxime de protección aplicable.
- e) Liñas básicas do instrumento de planificación, agás no caso de parques naturais e reservas naturais.

2. A devandita memoria acompañarase, no seu caso, da documentación seguinte:





a) Acreditación da conformidade das persoas propietarias ou titulares dun dereito de uso no caso de espazos naturais de interese local e espazos privados de interese natural que inclúan terreos de propiedade privada.

b) Acordo do Pleno do Concello ou Concellos correspondentes, no caso dun espazo natural de interese local.

3. A memoria referida no número anterior someterase ao trámite de participación pública nos termos previstos no artigo 16 da Lei 27/2006, do 18 de xullo, pola que se regulan os dereitos de acceso á información, de participación pública e de acceso á xustiza en materia de medio ambiente (incorpora as Directivas 2003/4/CE e 2003/35/CE).

4. Unha vez concluída a participación pública, elaborase o proxecto de norma que corresponda que inclúa a proposta de declaración do espazo natural protexido e, no seu caso, do instrumento de planificación respectivo.

5. Este proxecto de norma someterase durante un prazo dun mes aos trámites de audiencia ás persoas interesadas e información pública. Igualmente solicitarase informe a aquelas consellerías cuxas competencias resulten afectadas, aos concellos situados no ámbito territorial do espazo obxecto do procedemento, a calquera outra Administración afectada e, no caso de espazos naturais protexidos a incluír na Rede Galega de Espazos Protexidos ao Consello Galego de Medio Ambiente e Desenvolvemento Sostible, informe que deberán emitir, salvo disposición en contrario, no prazo máximo de vinte días, procedéndose en caso contrario coa continuación do procedemento, salvo que se acordase a suspensión do prazo para resolver nos termos previstos no artigo 22.1.d) da Lei 39/2015, do 1 de outubro, do Procedemento Administrativo Común das Administracións Públicas.

Artigo 41. *Declaración*

1. A declaración das reservas naturais realizarase por lei do Parlamento de Galicia, coa excepción prevista para as microrreservas.

2. A declaración dos parques naturais, monumentos naturais, humidais protexidos, paisaxes protexidas e espazos protexidos Rede Natura 2000 competencia da Comunidade Autónoma de Galicia realizarase mediante decreto aprobado polo Consello da Xunta de Galicia a proposta da consellería competente en materia de conservación do patrimonio natural.

Exceptúanse do disposto no parágrafo anterior os Lugares de Importancia Comunitaria que se aprobarán pola Comisión Europea.





3. Os espazos naturais de interese local e os espazos privados de interese natural declararanse por orde da persoa titular da consellería competente en materia de conservación do patrimonio natural.

4. A norma autonómica que, conforme ao indicado nos números anteriores, declare un espazo natural protexido, terá o contido mínimo previsto nas letras a), b), c) e d) do número 1 do artigo 40. Nos monumentos naturais, humidais protexidos, paisaxes protexidas, espazos naturais de interese local, espazos privados de interese natural, Zonas Especiais de Conservación e Zonas de Especial Protección para as Aves, a mesma norma aprobará o instrumento de planificación correspondente.

5. De acordo co artigo 45 da Lei 42/2007, do 13 de decembro, da declaración das Zonas Especiais de Conservación e das Zonas de Especial Protección para as Aves darase conta ao ministerio competente para os efectos da súa comunicación á Comisión Europea.

6. A consellería competente en materia de conservación do patrimonio natural velará porque se cumpran as finalidades recollidas na declaración do espazo natural protexido.

Artigo 42. Dos espazos protexidos Rede Natura 2000 competencia da Comunidade Autónoma de Galicia

1. A consellería competente en materia de conservación do patrimonio natural poderá elaborar unha proposta de declaración de Lugares de Importancia Comunitaria que deberá observar o disposto no artigo 43.2 da Lei 42/2007, do 13 de decembro, someténdose en todo caso aos trámites de información pública, participación pública e consulta ás Administracións afectadas.

2. Esta proposta incluírá, polo miúdo, os límites xeográficos, os hábitats naturais e especies autóctonas de interese comunitario obxecto de conservación, incluídos os prioritarios, e se aprobará por acordo do Consello da Xunta de Galicia.

A consellería competente en materia de conservación do patrimonio natural daralle publicidade ao dito acordo e ao réxime de protección que resulte aplicable mediante a súa publicación no Diario Oficial de Galicia.

3. Esta proposta remitirase ao ministerio competente en materia de conservación do patrimonio natural, solicitando o seu traslado á Comisión Europea para a aprobación dos espazos propostos como Lugares de Importancia Comunitaria.=

4. Desde o momento do envío da lista de espazos propostos como Lugares de Importancia Comunitaria ao ministerio competente en materia de conservación do patrimonio natural,





aplicaráselles o réxime de protección cautelar para garantir que non exista unha merma do estado de conservación dos seus hábitats e especies ata a súa declaración formal.

5. Unha vez aprobada a lista de Lugares de Importancia Comunitaria pola Comisión Europea, a consellería competente en materia de conservación do patrimonio natural elevará a proposta de declaración destes espazos como Zonas Especiais de Conservación ao Consello da Xunta de Galicia para a súa aprobación mediante decreto o antes posible e como máximo dentro do prazo establecido pola lexislación básica estatal. A declaración como Zona Especial de Conservación irá acompañada da aprobación das medidas de conservación necesarias nos termos previstos no artigo 47.

Para fixar a prioridade na declaración destas zonas atenderase ao disposto no artigo 43.3 da Lei 42/2007, do 13 de decembro.

6. A Administración autonómica, na delimitación das Zonas de Especial Protección para as Aves incluírá os terreos da Comunidade Autónoma máis axeitados en número e en superficie para a conservación das especies de aves incluídas no anexo IV da Lei 42/2007, do 13 de decembro, e para as especies de carácter migratorio que cheguen regularmente ao territorio galego terá en conta as necesidades de protección das súas áreas de reprodución, alimentación, muda, invernada e zonas de descanso, atribuíndo particular importancia aos humidais e moi especialmente aos de importancia internacional.

Artigo 43. *Alteración da delimitación dun espazo natural protexido*

1. A alteración da delimitación dun espazo natural protexido declarado por unha norma autonómica ou, no seu caso, da súa zona periférica de protección, esixirá a súa aprobación mediante unha norma do mesmo rango que a da súa declaración, salvo cando se trate de realizar unicamente axustes cartográficos que non impliquen alteración dos límites do espazo, en que se realizará mediante orde da persoa titular da consellería competente en materia de conservación do patrimonio natural.

2. A alteración da delimitación consistente na redución da superficie do espazo natural protexido declarado por unha norma autonómica, estará condicionada á previa xustificación dos cambios provocados nel pola súa evolución natural, cientificamente demostrada.

3. A alteración prevista neste artigo someterase ao trámite de información pública e consulta ás Administracións afectadas.

4. No caso de tratarse de espazos protexidos Rede Natura 2000 competencia da Comunidade Autónoma de Galicia requirirase, con posterioridade ao trámite previsto no número anterior, a aceptación da proposta pola Comisión Europea.





Toda modificación do ámbito dun espazo protexido Rede Natura 2000 competencia da Comunidade Autónoma de Galicia comunicárase ao ministerio competente en materia de conservación do patrimonio natural a través do procedemento establecido ao efecto polo devandito ministerio.

Artigo 44. *Perda da categoría de espazo natural protexido*

1. Cando desapareceran as condicións que determinaran a declaración por unha norma autonómica dun espazo natural como protexido, declararase a perda desta categoría. Esta declaración realizarase mediante unha norma do mesmo rango que a da súa declaración, consonte ao procedemento previsto no artigo 40, salvo o contido da memoria prevista no artigo 40.1 que, neste caso, terá o seguinte contido mínimo:

- a) Descrición das principais características do espazo.
- b) Xustificación da proposta de perda da categoría do espazo natural protexido.
- c) Descrición dos límites da perda da categoría e, no seu caso, da zona periférica de protección, tanto literal como cartográfica.

2. Unicamente procederá declarar a perda da categoría de espazo natural protexido cando a desaparición das condicións que motivaron a súa protección sexan debidas á súa evolución natural, cientificamente demostrada e, polo tanto, por razóns alleas á acción do home.

3. De acordo co artigo 49 da Lei 42/2007, do 13 de decembro, a descatalogación total dun espazo incluído na Rede Natura 2000 só poderá propoñerse cando así o xustifiquen os cambios provocados na evolución natural, cientificamente demostrada, reflectidos nos resultados do seguimento previsto no artigo 48. En todo caso, o procedemento incorporará un trámite de información pública, previo á remisión da proposta á Comisión Europea.

Artigo 45. *Réxime de protección cautelar*

1. A iniciación do procedemento de declaración dun espazo incluído na Rede Galega de Espazos Protexidos ou do procedemento para a elaboración dos instrumentos de planificación destes espazos naturais protexidos determinará a prohibición de realizar actos que supoñan unha transformación sensible da realidade física e biolóxica que dificulte de forma importante ou imposibilite a consecución dos obxectivos da declaración do espazo natural protexido ou do correspondente plan.

2. Unha vez iniciados os procedementos aos que se alude no número 1 non poderá recoñecerse ás persoas interesadas a facultade de realizar actos de transformación da realidade física, xeolóxica e biolóxica no ámbito territorial ao que se refira a declaración ou o





instrumento de planificación en trámite, sen informe favorable da consellería competente en materia de conservación do patrimonio natural.

O devandito informe emitirase no prazo máximo de noventa días dende a súa solicitude, entendéndose desfavorable no caso de que non sexa emitido no dito prazo, salvo no caso dos procedementos de autorización administrativa de aproveitamentos madeiros, que se rexerán polo establecido na Lei 7/2012, do 28 de xuño, de montes de Galicia, ou norma que a substitúa.

3. O réxime de protección cautelar previsto neste artigo extinguirase coa aprobación do correspondente instrumento de planificación.

Artigo 46. *Espazos naturais sometidos a réxime de protección preventiva*

1. Cando da información de que dispoña a Administración autonómica se deduza a existencia dunha zona ben conservada, ameazada de maneira significativa por un factor de perturbación que puidera alterar tal estado, a consellería competente en materia de conservación do patrimonio natural adoptará as medidas necesarias para eliminar ou reducir o factor de perturbación ou promoverá a súa adopción pola Administración competente.

2. No caso de que non fora posible a eliminación ou redución do factor de perturbación, establecerase mediante orde da persoa titular da consellería competente en materia de conservación do patrimonio natural un réxime de protección preventiva consistente en:

a) A obriga das persoas titulares dos terreos de facilitar información e acceso ao persoal que consonte ao disposto no artigo 116 teña encomendadas funcións de custodia dos recursos naturais.

b) O inicio de inmediato do procedemento de declaración do espazo natural protexido ou do procedemento de aprobación do instrumento de planificación que corresponda.

c) As medidas que garantan o bo estado de conservación do espazo.

3. O réxime de protección preventiva aplicarase previo cumprimento do trámite de audiencia ás persoas interesadas, información pública e consulta ás Administracións afectadas. Este réxime de protección preventiva poderá compatibilizarse co réxime de protección cautelar previsto no artigo anterior e extinguirase coa declaración do espazo natural protexido ou, no seu caso, do seu instrumento de planificación.





Artigo 47. Medidas de conservación dos espazos protexidos Rede Natura 2000 competencia da Comunidade Autónoma de Galicia

1. A consellería competente en materia de conservación do patrimonio natural fixará as medidas de conservación necesarias nas Zonas Especiais de Conservación e nas Zonas de Especial Protección para as Aves, que respondan ás esixencias ecolóxicas dos tipos de hábitats naturais e das especies presentes en tales áreas, que implicarán:

a) Axeitados plans ou instrumentos de xestión, específicos dos lugares ou integrados noutros plans de desenvolvemento que inclúan, polo menos, os obxectivos de conservación do lugar e as medidas apropiadas para manter os espazos nun estado de conservación favorable. Estes plans deberán ter en especial consideración as necesidades daqueles municipios incluídos na súa totalidade ou nunha grande porcentaxe do seu territorio nestes lugares ou con limitacións singulares específicas ligadas á xestión do lugar.

b) Apropriadas medidas regulamentarias, administrativas ou contractuais, que poderán incluír acordos de custodia do territorio asinados coas persoas propietarias ou titulares dun dereito de uso dos terreos incluídos nas Zonas Especiais de Conservación ou nas Zonas de Especial Protección para as Aves.

2. Igualmente, a consellería competente en materia de conservación do patrimonio natural tomará as medidas apropiadas, en especial nos devanditos plans ou instrumentos de xestión, para evitar nos espazos protexidos Rede Natura 2000 o deterioro dos hábitats naturais e dos hábitats das especies, así como as alteracións que repercutan nas especies que motivaran a designación destas áreas, na medida en que ditas alteracións poidan ter un efecto apreciable no que respecta aos obxectivos da Lei 42/2007, do 13 de decembro, e da presente lei.

Artigo 48. Vixilancia e seguimento da Rede Natura 2000

1. A Administración autonómica de Galicia vixiará, no seu ámbito competencial, o estado de conservación dos tipos de hábitats e as especies de interese comunitario, tendo especialmente en conta os tipos de hábitats naturais prioritarios e as especies prioritarias, así como o estado de conservación das especies de aves que se enumeran no anexo IV da Lei 42/2007, do 13 de decembro.

2. Neste sentido, a Administración autonómica remitirá ao ministerio competente en materia de conservación do patrimonio natural a información sobre os cambios no estado de conservación e as medidas de conservación ás que se refire o artigo 47.1, a avaliación dos seus resultados e as propostas de novas medidas a aplicar, aos efectos do seu reflexo no Inventario Español do Patrimonio Natural e da Biodiversidade e para a súa integración nos informes nacionais esixidos polas Directivas europeas.





CAPÍTULO IV

Instrumentos de planificación dos recursos e espazos naturais a protexer

Sección 1ª. Disposicións xerais

Artigo 49. *Clasificación*

1. Os instrumentos de planificación dos recursos e espazos naturais a protexer son os seguintes:

- a) Plans de ordenación dos recursos naturais.
- b) Plans reitores de uso e xestión.
- c) Plans de xestión.
- d) Normas de xestión e conservación.

2. Con carácter previo á declaración dunha reserva natural ou dun parque natural requirirase a aprobación dun plan de ordenación dos recursos naturais, salvo nos supostos excepcionais previstos no segundo parágrafo do artigo 38.2.

3. Nos monumentos naturais, humidais protexidos, paisaxes protexidas, espazos naturais de interese local, espazos privados de interese natural, Zonas Especiais de Conservación e Zonas de Especial Protección para as Aves será necesario que na propia norma de declaración do espazo natural protexido se aprobe, polo menos, o correspondente plan de xestión. Non obstante o anterior, o instrumento de planificación destes espazos poderá ser o plan de ordenación dos recursos naturais cando así se decida motivadamente pola consellería competente en materia de conservación do patrimonio natural

4. Cando se trate de espazos naturais de interese local ou espazos privados de interese natural, na propia norma de declaración do espazo natural protexido aprobaranse as súas normas de xestión e conservación.

Artigo 50. *Efectos*

1. Os plans de ordenación dos recursos naturais serán obrigatorios e executivos nas materias reguladas nesta lei, prevalecendo sobre calquera outro instrumento de ordenación territorial, urbanístico, dos recursos naturais ou física, incluso sobre os preexistentes, que deberán adaptarse a eles, e constituíndo as súas disposicións un límite para tales instrumentos de ordenación.





2. As previsións dos devanditos plans de ordenación dos recursos naturais serán determinantes para calquera outra actuación, plan ou programa sectorial. As actuacións, plans ou programas sectoriais tan só poderán contradicir ou non acoller o contido destes plans por razóns imperiosas de interese público de primeira orde que deberán ser acordadas polo Consello da Xunta de Galicia, cando corresponda ao ámbito competencial autonómico, e que deberán publicarse no Diario Oficial de Galicia.

3. Os concellos, no seu ámbito competencial, poderán propoñer excepcións para garantir a prestación dos servizos mínimos previstos no artigo 26 da Lei 7/1985, do 2 de abril, Reguladora das Bases do Réxime Local. Estas excepcións deberán estar suficientemente motivadas e someterse á aprobación da consellería competente en materia de conservación do patrimonio natural.

4. O disposto nos números anteriores será de aplicación, dentro do necesario respecto ás competencias estatais, aos restantes instrumentos de planificación previstos no artigo anterior.

Sección 2ª. Plans de ordenación dos recursos naturais

Artigo 51. Definición e ámbito

1. Os plans de ordenación dos recursos naturais son os instrumentos de planificación específicos para a delimitación, tipificación, integración en rede e determinación da súa relación co resto do territorio, dos sistemas que integran o patrimonio e os recursos naturais dun determinado ámbito espacial.

2. Estes plans de ordenación dos recursos naturais axustaranse aos criterios e normas xerais establecidas nas directrices para a ordenación dos recursos naturais aprobadas por real decreto conforme ao previsto no artigo 17.2 da Lei 42/2007, do 13 de decembro.

3. Poderán integrarse nun mesmo plan de ordenación dos recursos naturais varios espazos naturais xa declarados ou susceptibles de ser declarados protexidos, cando existan elementos comúns que así o aconsellen.

4. Quedan excluídos, en todo caso, do ámbito de aplicación dun plan de ordenación dos recursos naturais os solos que teñan a condición de solos urbanos nun instrumento de planificación urbanística aprobado á data do inicio do seu procedemento de aprobación, agás que se xustifique expresamente a súa inclusión por necesidades concretas de conservación.





Artigo 52. *Contido*

Os plans de ordenación dos recursos naturais terán, como mínimo, o seguinte contido:

- a) Delimitación do ámbito territorial obxecto de ordenación, e descrición e interpretación das súas características físicas, xeolóxicas e biolóxicas.
- b) Inventario e definición do estado de conservación dos compoñentes do patrimonio natural e a biodiversidade, dos ecosistemas e as paisaxes no ámbito territorial do que se trate, formulando unha diagnose deste e unha previsión da súa evolución futura.
- c) Determinación dos obxectivos e dos criterios para a conservación, protección, restauración e uso sostible dos recursos naturais e, en particular, dos compoñentes da biodiversidade e xeodiversidade no ámbito territorial de aplicación do plan.
- d) Zonificación do territorio afectado, se procede.
- e) Determinación das limitacións xerais e específicas que respecto dos usos e actividades deban establecerse en función da conservación dos compoñentes do patrimonio natural e da biodiversidade.
- f) Aplicación, no seu caso, dalgún dos rexímenes de protección de espazos naturais.
- g) Establecemento dos criterios de referencia orientadores na formulación e execución das diversas políticas sectoriais que inciden no ámbito territorial de aplicación do plan, para que sexan compatibles cos obxectivos de conservación do patrimonio natural e a biodiversidade.
- h) Identificación de medidas para garantir a conectividade ecolóxica, establecendo ou restablecendo corredores con outros espazos naturais de singular relevancia para a biodiversidade.
- i) Memoria económica acerca dos custos e instrumentos financeiros previstos para a súa aplicación.
- l) Directrices e criterios para a redacción de plans reitores de uso e xestión que os desenvolvan para o caso de Parques e Reservas naturais.

Artigo 53. *Procedemento de aprobación*

1. A elaboración e tramitación dos plans de ordenación dos recursos naturais de competencia autonómica corresponde á consellería competente en materia de conservación do patrimonio natural.





2. O procedemento de aprobación iniciarase mediante acordo da persoa titular da consellería competente en materia de conservación do patrimonio natural. O acordo de inicio do procedemento adoptarase previa proposta na que figure a delimitación territorial do ámbito obxecto de ordenación, a cal deberá ser incorporada ao expediente, unha vez iniciado este.
3. O documento de inicio do plan de ordenación dos recursos naturais que, como mínimo, incluíra a delimitación e a descrición do espazo, someterase ao trámite de participación pública nos termos previstos no artigo 16 da Lei 27/2006, do 18 de xullo.
4. Con carácter previo á súa aprobación, o borrador de plan de ordenación dos recursos naturais someterase durante un prazo dun mes aos trámites de audiencia ás persoas interesadas, información pública e consulta dos intereses sociais e institucionais afectados e das organizacións sen ánimo de lucro que persigan o logro dos obxectivos da Lei 42/2007, do 13 de decembro. Igualmente solicitarase informe a aquelas consellerías cuxas competencias resulten afectadas, aos concellos situados no ámbito territorial do plan, ao Consello Galego de Medio Ambiente e Desenvolvemento Sostible e a calquera outra Administración afectada, informe que deberán emitir, salvo disposición en contrario, no prazo máximo de vinte días, procedéndose en caso contrario coa continuación do procedemento, salvo que se acordase a suspensión do prazo para resolver nos termos previstos no artigo 22.1.d) da Lei 39/2015, do 1 de outubro.
5. A aprobación do plan de ordenación dos recursos naturais efectuarase mediante decreto aprobado polo Consello da Xunta de Galicia a proposta da consellería competente en materia de conservación do patrimonio natural.
6. O devandito plan deberá aprobarse dentro do prazo de dous anos a contar desde a data do acordo de inicio. Non obstante, cando existan razóns que o xustifiquen, a consellería competente en materia de conservación do patrimonio natural poderá acordar a ampliación deste prazo, sen que en ningún caso supere o prazo de tres anos.

Exceptúase desta previsión o suposto recollido no segundo parágrafo do artigo 38.2.

Artigo 54. *Vixencia, revisión e modificación dos plans de ordenación dos recursos naturais*

1. Os plans de ordenación dos recursos naturais terán unha vixencia indefinida, sen prexuízo da súa posible revisión conforme ao estado da ciencia e da técnica e da aplicación das medidas de seguimento que correspondan.
2. Se a revisión dá lugar a unha modificación substancial do plan de ordenación dos recursos naturais, este realizarase consonte ao procedemento previsto para a súa aprobación.





3. Pola súa parte, se a revisión dá lugar a unha modificación non substancial do plan de ordenación dos recursos naturais, esta realizarase por medio de orde da persoa titular da dirección xeral competente en materia de conservación do patrimonio natural, logo de sometela aos trámites de información pública e audiencia á correspondente xunta reitora e ás persoas interesadas.

Sección 3ª. Plans reitores de uso e xestión

Artigo 55. Definición e ámbito

1. Os plans reitores de uso e xestión son os instrumentos de planificación da xestión dos parques naturais e das reservas naturais. A estes efectos, desenvolven as directrices e os criterios previstos no correspondente plan de ordenación dos recursos naturais, establecendo as directrices de actuación tanto da Administración como dos particulares no seu ámbito de aplicación para garantir a conservación, a protección e a mellora dos valores ambientais presentes neles e para fomentar a investigación e un uso público sostible.

2. O seu ámbito territorial de aplicación será o constituído polos límites do parque natural ou da reserva natural aos que se refira e pola súa zona periférica de protección, no caso de establecerse.

Artigo 56. Contido

Os plans reitores de uso e xestión terán, como mínimo, o seguinte contido:

- a) Análise e diagnose do medio.
- b) Zonificación do espazo consonte ao contido do plan de ordenación dos recursos naturais, con delimitación das áreas de diferentes usos.
- c) Obxectivos.
- d) Previsións de uso e aproveitamento.
- e) Normas xerais de xestión, coa inclusión, como mínimo, das relativas á vixencia e revisión do plan.





- f) Normas de regulación de usos e actividades, así como para a xestión, protección, conservación ou mellora dos recursos naturais e dos valores ambientais, cando resulte preciso completar ou desenvolver as contidas no plan de ordenación dos recursos naturais.
- g) Programación das actuacións para acadar os obxectivos do plan de ordenación dos recursos naturais a desenvolver no espazo natural, durante a vixencia do plan reitor de uso e xestión.
- h) Programa de seguimento.
- i) Identificación de medidas para garantir a conectividade ecolóxica, establecendo ou restablecendo corredores con outros espazos naturais de singular relevancia para a biodiversidade.
- l) Memoria económica acerca dos custos e instrumentos financeiros previstos para a súa aplicación.

Artigo 57. *Procedemento de aprobación*

1. A elaboración e tramitación do plan reitor de uso e xestión corresponde á consellería competente en materia de conservación do patrimonio natural.
2. O procedemento de aprobación iniciarase mediante acordo da persoa titular da consellería competente en materia de conservación do patrimonio natural, no que se delimitará o ámbito territorial obxecto do plan.
3. O documento de inicio do plan reitor de uso e xestión que, como mínimo, incluírá a delimitación e a descrición do espazo, someterase ao trámite de participación pública nos termos previstos no artigo 16 da Lei 27/2006, do 18 de xullo.
4. O borrador do plan reitor de uso e xestión someterase durante un prazo dun mes aos trámites de audiencia ás persoas interesadas e á xunta reitora correspondente, e información pública. Igualmente solicitarase informe a aquelas consellerías cuxas competencias resulten afectadas, aos concellos situados no ámbito territorial do plan, ás Administracións competentes en materia urbanística, ao Consello Galego de Medio Ambiente e Desenvolvemento Sostible e a calquera outra Administración afectada, informe que deberán emitir, salvo disposición en contrario, no prazo máximo de vinte días, procedéndose en caso contrario coa continuación do procedemento, salvo que se acordase a suspensión do prazo para resolver nos termos previstos no artigo 22.1.d) da Lei 39/2015, do 1 de outubro.
5. A aprobación do plan reitor de uso e xestión efectuarase mediante decreto aprobado polo Consello da Xunta de Galicia a proposta da consellería competente en materia de conservación do patrimonio natural.





Artigo 58. *Vixencia, revisión e modificación dos plans reitores de uso e xestión*

1. Os plans reitores de uso e xestión fixarán o seu prazo de vixencia que, como mínimo, será de dez anos, debendo revisarse ao termo do prazo de vixencia establecido ou antes, se fose necesario conforme ao estado da ciencia e da técnica ou da aplicación das medidas de seguimento que correspondan.
2. Se a revisión dá lugar a unha modificación substancial do plan reitor de uso e xestión, este realizarase consonte ao procedemento previsto para a súa aprobación.
3. Pola súa parte, se a revisión dá lugar a unha modificación non substancial do plan reitor de uso e xestión, esta realizarase por medio de orde da persoa titular da dirección xeral competente en materia de conservación do patrimonio natural, logo de sometela aos trámites de información pública e audiencia á correspondente xunta reitora e ás persoas interesadas.

Sección 4ª. Plans de xestión

Artigo 59. *Definición e ámbito*

1. Os plans de xestión son os instrumentos de planificación dos monumentos naturais, humidaís protexidos, paisaxes protexidas e espazos protexidos Rede Natura 2000 competencia da Comunidade Autónoma de Galicia, que establecerán o réxime de usos e actividades permisibles e as limitacións que se consideren necesarias para a conservación destes espazos, así como as medidas para a conservación de hábitats e especies.

Cando estes espazos naturais protexidos xa contaran cun plan de ordenación dos recursos naturais, consonte ao artigo 49.2, os plans de xestión desenvolverán as súas directrices e criterios.

2. Poderán integrarse nun mesmo plan de xestión varios espazos naturais cando existan elementos comúns que así o aconsellen.
3. Quedan excluídos, en todo caso, do ámbito de aplicación dun plan de xestión os solos que teñan a condición de solos urbanos nun instrumento de planificación urbanística aprobado á data do inicio do seu procedemento de aprobación, agás que se xustifique expresamente a súa inclusión por necesidades concretas de conservación.

Artigo 60. *Contido*

1. Os plans de xestión terán, como mínimo, o seguinte contido:





- a) Delimitación do seu ámbito de protección, que poderá ser descontinuo cando resulte necesario.
 - b) Identificación dos valores que deben protexerse, o seu estado de conservación e os posibles riscos que poidan afectar aos seus valores naturais.
 - c) Os obxectivos de conservación.
 - d) As normas de uso e aproveitamento do solo e dos recursos naturais, destinadas a protexer e conservar ou mellorar os valores ambientais.
 - e) As normas relativas ao uso público, así como ás actividades científicas ou educativas.
 - f) Programación das actuacións a desenvolver no espazo natural.
 - g) Programa de seguimento.
 - h) Identificación de medidas para garantir a conectividade ecolóxica, establecendo ou restablecendo corredores con outros espazos naturais de singular relevancia para a biodiversidade.
 - i) Os instrumentos financeiros precisos para cumprir os fins perseguidos coa declaración do espazo.
2. No caso dos plans de xestión que se elaboren en espazos que, consonte ao artigo 49.2 teñan aprobado un plan de ordenación dos recursos naturais, o contido dos plans de xestión referido no número anterior desenvolverá as directrices e criterios do respectivo plan de ordenación dos recursos naturais.

Artigo 61. *Procedemento de aprobación*

1. A tramitación do plan de xestión corresponde á consellería competente en materia de conservación do patrimonio natural e a súa aprobación realizarase simultaneamente coa declaración do espazo natural protexido correspondente, consonte ao disposto nos artigos 40 e 41.
2. No caso de plans de xestión que desenvolvan un plan de ordenación dos recursos naturais, o procedemento para a súa aprobación será o mesmo que o previsto no artigo 57.

Artigo 62. *Vixencia, revisión e modificación dos plans de xestión*





1. Os plans de xestión terán unha vixencia indefinida, sen prexuízo da súa posible revisión conforme ao estado da ciencia e da técnica e da aplicación das medidas de seguimento que correspondan.
2. Se a revisión dá lugar a unha modificación substancial do plan de xestión, este realizarase consonte ao procedemento previsto para a súa aprobación.
3. Pola súa parte, se a revisión dá lugar a unha modificación non substancial do plan de xestión, esta realizarase por medio de orde da persoa titular da dirección xeral competente en materia de conservación do patrimonio natural, logo de sometela aos trámites de información pública e audiencia ás persoas interesadas e a aqueles outros trámites previstos no artigo anterior que resulten necesarios, en función do alcance da modificación.

Sección 5ª. Normas de xestión e conservación

Artigo 63. Definición e ámbito

As normas de xestión e conservación son os instrumentos de planificación dos espazos naturais de interese local e dos espazos privados de interese natural, que establecerán o réxime de usos e actividades permisibles e as limitacións que se consideren necesarias para a conservación destes espazos.

Artigo 64. Contido

O contido das normas de xestión e conservación desenvolverase regulamentariamente tendo, en todo caso, o seguinte contido mínimo:

- a) Delimitación do seu ámbito de protección, que poderá ser discontinuo cando resulte necesario.
- b) Referencia á documentación acreditativa da titularidade dos terreos.
- c) Normativa urbanística aplicable ao solo no que se sitúe o espazo natural.
- d) Accesos e posibles gravames existentes sobre o espazo natural.
- e) Identificación dos valores que deben protexerse e dos posibles riscos que poidan afectar aos seus valores naturais.
- f) Usos, actividades e aproveitamentos do solo e dos recursos naturais existentes.
- g) Descrición socioeconómica da contorna.





- h) Os obxectivos de conservación.
- i) Referencia ás normas de competencia da Administración local que se vaian a aplicar nos Espazos Naturais de Interese Local.=
- l) Programación das actuacións a desenvolver no espazo natural.
- m) Necesidades orzamentarias para a xestión e fontes de financiación previstas.
- n) Compromiso do promotor de asignar os recursos económicos necesarios para a xestión do espazo. No caso de espazos naturais de interese local, este compromiso deberá contar co acordo dos organismos promotores que serán as entidades locais correspondentes.
- o) Programa de seguimento.
- p) Identificación de medidas para garantir a conectividade ecolóxica, establecendo ou restablecendo corredores con outros espazos naturais de singular relevancia para a biodiversidade.

Artigo 65. *Procedemento de aprobación*

A tramitación e aprobación das normas de xestión e conservación corresponde á consellería competente en materia de conservación do patrimonio natural e realizarase simultaneamente coa declaración do espazo natural protexido correspondente, consonte ao disposto nos artigos 40 e 41.

Artigo 66. *Vixencia, revisión e modificación das normas de xestión e conservación*

1. As normas de xestión e conservación terán unha vixencia indefinida, sen prexuízo da súa posible revisión conforme ao estado da ciencia e da técnica e da aplicación das medidas de seguimento que correspondan.
2. Se a revisión dá lugar a unha modificación substancial das normas de xestión, esta realizarase consonte ao procedemento previsto para a súa aprobación.
3. Pola súa parte, se a revisión dá lugar a unha modificación non substancial das normas de xestión, esta realizarase por medio de orde da Dirección xeral competente en materia de conservación do patrimonio natural, logo de sometela aos trámites de información pública e audiencia ás persoas interesadas e a aqueles outros trámites previstos no artigo anterior que resulten necesarios, en función do alcance da modificación.





Sección 6ª. Zonificación dos espazos naturais protexidos

Artigo 67. Zonificación dos espazos naturais protexidos

Os instrumentos de planificación poderán prever unha zonificación do espazo natural protexido, entendida como a delimitación de diferentes áreas para as que se designarán limitacións xerais e específicas derivadas das necesidades de conservación do espazo e dos recursos naturais presentes nel.

Sección 7ª. Regulación de usos e actividades en espazos naturais protexidos

Artigo 68. Regulación de usos e actividades

Aos efectos desta lei, os correspondentes instrumentos de planificación dos espazos naturais protexidos clasificarán os posibles usos e actividades a desenvolver no correspondente espazo como permitidos, autorizables ou prohibidos, en función da súa incidencia sobre os valores que motivaron a súa declaración.

Artigo 69. Usos e actividades permitidos

1. Terán a consideración de usos e actividades permitidos, aqueles que resulten compatibles cos obxectivos da declaración do espazo natural protexido, podendo desenvolverse sen limitacións especiais, ben na totalidade do correspondente espazo natural protexido ou ben nas áreas onde a categoría de zonificación así o permita.
2. Con carácter xeral consideraranse usos e actividades permitidos aqueles de carácter tradicional que sexan compatibles coa protección do espazo natural por non causar afección apreciable.
3. Os usos e actividades permitidos non requirirán autorización específica da consellería competente en materia de conservación do patrimonio natural, sen prexuízo de calquera outro título habilitante que resulte esixible.

Artigo 70. Usos e actividades autorizables

1. Terán a consideración de usos e actividades autorizables, aqueles sometidos a un réxime de intervención administrativa por razón da súa localización nun espazo natural protexido, co fin de evitar posibles efectos apreciables á conservación dos valores relevantes deste.
2. A estes efectos consideraranse usos e actividades autorizables todos aqueles que requiran:





a) Autorización expresa da consellería competente en materia de conservación do patrimonio natural.

b) Informe preceptivo e vinculante da consellería competente en materia de conservación do patrimonio natural en calquera procedemento de autorización sectorial que figuren como sometidos a informe preceptivo na súa propia normativa sectorial. No caso de procedementos de autorización regulados na normativa estatal, o informe da devandita consellería será vinculante se así se prevé na dita normativa estatal aplicable. Este informe determinará a existencia ou non de afección apreciable sobre os valores naturais que xustificaran a declaración do espazo protexido.

Artigo 71. *Usos e actividades prohibidos*

Clasificaranse no correspondente instrumento de planificación do espazo como usos ou actividades prohibidos, os susceptibles de causar prexuízo á integridade do lugar ou sobre o estado de conservación dos compoñentes clave para a biodiversidade e que, por conseguinte, resulte incompatible cos obxectivos de conservación do espazo.

CAPÍTULO V Xestión dos espazos naturais protexidos

Artigo 72. *Disposicións xerais*

1. A consellería competente en materia de conservación do patrimonio natural será responsable da xestión dos espazos incluídos na Rede Galega de Espazos Protexidos. A tal efecto poderá subscribir convenios ou acordos coas persoas propietarias ou titulares dun dereito de uso dos terreos ou con entidades de custodia do territorio.

2. Para a xestión dos parques naturais e das reservas naturais, a consellería competente en materia de conservación do patrimonio natural designará unha persoa que ostentará a dirección do espazo. Correspóndelle a persoa que ostente a dirección, a xestión do espazo natural protexido e, en particular, a elaboración e proposta dos orzamentos e actuacións e a execución dos instrumentos de planificación correspondentes.

3. As microrreservas poderán dispor dunha persoa que ostente a súa dirección cando así o dispoña a norma de declaración do dito espazo.

4. A xestión dos espazos naturais de interese local e dos espazos privados de interese natural correspóndelle ás entidades locais e ao promotor da súa declaración respectivamente, sen prexuízo da posibilidade de subscribir acordos de xestión con entidades de custodia do territorio.





Artigo 73. *Xunta reitora*

1. Para colaborar na xestión dos espazos naturais protexidos e canalizar a participación das persoas propietarias ou titulares dun dereito de uso dos terreos e os intereses sociais e económicos afectados constituirase, para cada parque natural ou reserva natural, unha xunta reitora, órgano colexiado de carácter asesor e consultivo, adscrito á consellería competente en materia de conservación do patrimonio natural. As microrreservas só disporán dunha xunta reitora cando así o dispoña a norma de declaración do dito espazo.

2. A composición da xunta reitora desenvolverase regulamentariamente e, como mínimo, incluírá á persoa titular da Presidencia e á persoa titular da Dirección do espazo natural protexido e contará, en todo caso, coa representación de:

- a) Os concellos onde se sitúa o espazo natural protexido.
- b) As persoas propietarias ou titulares dun dereito de uso dos terreos incluídos no espazo natural protexido.
- c) As persoas ou entidades que representen intereses ambientais, sociais, científicos, institucionais ou económicos relevantes implicados.

3. A presidencia exerceraa unha persoa de recoñecido prestixio que será nomeada pola persoa titular da consellería competente en materia de conservación do patrimonio natural, a proposta da persoa titular da dirección xeral competente en materia de conservación do patrimonio natural.

4. Na composición da Xunta reitora procurarase acadar unha presenza equilibrada de mulleres e homes.

Artigo 74. *Funcións da xunta reitora*

1. A xunta reitora colaborará na xestión dos espazos naturais protexidos a través da súa función asesora e consultiva e, en concreto, desenvolverá as seguintes funcións:

- a) A aprobación e modificación do seu regulamento de réxime interior.
- b) A emisión daqueles informes que lle sexan solicitados.
- c) A proposta de actuacións e iniciativas tendentes á consecución dos fins do espazo natural protexido, incluíndo os de difusión e información dos seus valores, así como os programas de formación e educación ambiental.





d) A colaboración na promoción e proxección exterior do espazo natural protexido e dos seus valores.

2. A xunta reitora dos parques naturais e reservas naturais deberá ser oída, con carácter previo, para a adopción das seguintes decisións:

a) A aprobación, modificación e revisión da normativa relativa ao espazo natural protexido e dos seus instrumentos de planificación.

b) A aprobación do orzamento de xestión do espazo natural protexido.

CAPÍTULO VI Outras figuras de protección de espazos

Sección 1ª. Áreas protexidas por instrumentos internacionais

Artigo 75. Áreas protexidas por instrumentos internacionais

Terán a consideración de áreas protexidas por instrumentos internacionais todos aqueles espazos naturais que sexan formalmente designados consonte ao disposto nos Convenios e Acordos internacionais dos que sexa parte España e, en particular os seguintes:

a) Os humidais de Importancia Internacional, do Convenio relativo aos Humidais de Importancia Internacional especialmente como Hábitat de Aves Acuáticas.

b) Os sitios naturais da Lista do Patrimonio Mundial, da Convención sobre a Protección do Patrimonio Mundial, Cultural e Natural.

c) As áreas protexidas, do Convenio para a protección do medio ambiente mariño do Atlántico do nordeste.

d) Os Xeoparques, declarados pola UNESCO.

e) As Reservas da Biosfera, declaradas pola UNESCO.

f) As Reservas bioxenéticas do Consello de Europa.

Sección 2ª. Humidais de importancia internacional





Artigo 76. *Humidais de importancia internacional*

1. Poderanse propoñer para a inclusión de humidais de importancia internacional, os humidais situados no ámbito competencial da Comunidade Autónoma de Galicia que cumpran cos criterios establecidos en cumprimento do Convenio relativo a humidais de importancia internacional, especialmente como hábitat de aves acuáticas.

A consellería competente en materia de conservación do patrimonio natural será a competente para a realización dos trámites de competencia autonómica relacionados coa proposta de inclusión.

2. A devandita consellería deberá someter a proposta de inclusión ao trámite de información pública, xunto coa información básica e un plano do perímetro abarcado pola mesma.

3. Esta inclusión como humidal de importancia internacional conlevará a súa consideración como humidal protexido cos efectos inherentes á súa declaración, debendo o órgano con competencias en materia de conservación do patrimonio natural iniciar o procedemento para a súa declaración como humidal protexido. Mentres non se acorde a súa declaración poderá establecerse un réxime de protección preventivo do espazo.

Sección 3ª. Xeoparques

Artigo 77. *Xeoparques*

No ámbito territorial de Galicia, poderán propoñerse, para a súa declaración como Xeoparques, as zonas que cumpran cos estándares establecidos pola UNESCO.

Artigo 78. *Procedemento de elaboración dunha proposta de declaración de Xeoparque*

1. A elaboración dunha proposta de declaración dunha zona como Xeoparque poderá iniciarse ben pola consellería competente en materia de conservación do patrimonio natural, ben por outras Administracións ou ben por aquelas entidades que, de acordo coa normativa aplicable, poidan efectuar tal proposta.

2. As Administracións que promovan a declaración deberán someter a proposta de declaración aos trámites de información pública e de consulta ás Administracións afectadas.

3. A proposta de declaración de Xeoparque que non sexa iniciada pola consellería competente en materia de conservación do patrimonio natural, para ser remitida á Comisión Nacional Española de Cooperación coa UNESCO, deberá contar cunha carta de apoio desta consellería, na forma que se determine pola dita comisión.





4. A proposta de declaración de Xeoparque promovida pola consellería competente en materia de conservación do patrimonio natural será aprobada mediante acordo do Consello da Xunta de Galicia.

5. A proposta de declaración de Xeoparque remitirase, previa aprobación no suposto previsto no número anterior, á Comisión Nacional Española de Cooperación coa UNESCO aos efectos oportunos.

As entidades promotoras estarán obrigadas a comunicar esta remisión á consellería competente en materia de conservación do patrimonio natural.

6. Cada Xeoparque constituirá un órgano de xestión no que estarán representados todos os actores sociais do espazo e que terá, entre outras funcións, a consistente na emisión de informes, como mínimo cada catro anos, sobre a situación do espazo.

Sección 4ª. Reservas da Biosfera

Artigo 79. Reservas da Biosfera en Galicia

1. No ámbito territorial da Comunidade Autónoma de Galicia poderán declararse Reservas da Biosfera entendendo por tales as zonas de ecosistemas terrestres ou costeiros/mariños, ou unha combinación destes, recoñecidas no plano internacional como tales no marco do Programa sobre o Home a Biosfera (MaB) da UNESCO, de acordo co disposto no Marco Estatutario da Rede Mundial de Reservas da Biosfera.

2. Conforme ao previsto no artigo 3 do Marco Estatutario da Rede Mundial de Reservas da Biosfera, as Reservas da Biosfera procurarán ser lugares de excelencia para o ensaio e a demostración de métodos de conservación e desenvolvemento sostible a nivel autonómico, combinando as seguintes funcións:

a) Función de conservación para contribuír á conservación das paisaxes, os ecosistemas, as especies e a variación xenética.

b) Función de desenvolvemento para fomentar un desenvolvemento económico e humano sostible dende os puntos de vista sociocultural e ecolóxico.

c) Función de apoio loxístico para prestar apoio a proxectos de demostración, de educación e capacitación sobre o medio ambiente e de investigación e observación permanente en relación con cuestións locais, rexionais, nacionais e mundiais de conservación e desenvolvemento sostible.





3. A Rede de Reservas da Biosfera de Galicia inclúe todos os espazos declarados Reserva da Biosfera pola UNESCO, situados no ámbito territorial da Comunidade Autónoma de Galicia.

Artigo 80. Criterios para a elaboración dunha proposta de declaración dunha Reserva da Biosfera

De acordo co artigo 70 da Lei 42/2007, do 13 de decembro, a proposta de declaración dunha Reserva da Biosfera en Galicia unicamente poderá referirse a unha zona que cumpra as directrices e normas aplicables da UNESCO e que conte, como mínimo, con:

a) Unha ordenación espacial integrada por:

1º Unha ou varias zonas núcleo da Reserva que sexan espazos naturais protexidos, cos obxectivos básicos de preservar a diversidade biolóxica e os ecosistemas, que deberán contar co adecuado planeamento de ordenación, uso e xestión que potencie basicamente os devanditos obxectivos.

2º Unha ou varias zonas de protección das zonas núcleo, que permitan a integración da conservación básica da zona núcleo co desenvolvemento ambientalmente sostible na zona de protección a través do correspondente planeamento de ordenación, uso e xestión, específico ou integrado no planeamento das respectivas zonas núcleo.

3º Unha ou varias zonas de transición entre a Reserva e o resto do espazo, que permitan incentivar o desenvolvemento socioeconómico para a mellora do benestar da poboación, aproveitando os potenciais recursos específicos da Reserva de maneira sostible, respectando os obxectivos desta e do Programa MaB.

b) Unhas estratexias específicas de evolución cara os obxectivos sinalados, co seu correspondente programa de actuación e un sistema de indicadores adaptado ao establecido polo Comité MaB Español, que permita valorar o grao de cumprimento dos obxectivos do Programa MaB.

c) Un órgano de xestión responsable do desenvolvemento das estratexias, liñas de acción e programas e outro de participación pública, no que estean representados todos os actores sociais da reserva.

Artigo 81. Procedemento de elaboración dunha proposta de declaración dunha Reserva da Biosfera

1. A elaboración dunha proposta de declaración dunha zona como Reserva da Biosfera poderá iniciarse ben pola consellería competente en materia de conservación do patrimonio natural,



de oficio ou a proposta de entidades que teñan entre os seus fins a preservación do patrimonio natural ou a biodiversidade ou ben por outras.

2. A proposta someterase aos trámites de información pública e de consulta ás Administracións afectadas.

3. As propostas de declaración da Reserva da Biosfera que non sexan iniciadas pola consellería competente en materia de conservación do patrimonio natural deberán contar coa carta de apoio da devandita consellería.

4. As propostas de declaración das Reservas da Biosfera promovidas pola consellería competente en materia de conservación do patrimonio natural serán aprobadas mediante acordo do Consello da Xunta de Galicia.

5. A proposta de declaración da Reserva da Biosfera remitirase, previa aprobación no suposto previsto no número anterior, ao Comité MaB español aos efectos oportunos. As Administracións promotoras distintas da consellería competente en materia de conservación do patrimonio natural estarán obrigadas a comunicar a esta a remisión da proposta ao Comité MaB español.

Artigo 82. *Xestión das Reservas da Biosfera*

A xestión das Reservas da Biosfera corresponderá ao órgano de xestión sinalado no artigo 80 c), sen prexuízo da posibilidade de establecer mecanismos de cooperación con outras Administracións e institucións públicas ou privadas e da posibilidade de subscribir convenios ou acordos de xestión coas persoas propietarias e usuarias do territorio ou con entidades de custodia do territorio.

Artigo 83. *Revisión das Reservas da Biosfera*

1. A situación de cada Reserva da Biosfera revisarase, polo menos, cada dez anos para avaliar o cumprimento dos criterios determinantes da súa declaración, consonte ao artigo 9 do Marco Estatutario da Rede Mundial de Reservas da Biosfera.

2. A revisión realizarase consonte ao disposto no artigo 69 da Lei 42/2007, do 13 de decembro e na súa normativa de desenvolvemento.





CAPÍTULO VII

Plans, programas e proxectos que se desenvolvan en espazos naturais protexidos

Artigo 84. *Avaliación de plans, programas e proxectos que poidan afectar a espazos protexidos Rede Natura 2000 competencia da Comunidade Autónoma de Galicia*

1. Os órganos substantivos e ambientais competentes, no marco dos procedementos previstos na normativa de avaliación ambiental, adoptarán as medidas necesarias para evitar o deterioro, a contaminación e a fragmentación dos hábitats e as perturbacións que afecten ás especies fóra da Rede Natura 2000, na medida en que estes fenómenos teñan un efecto apreciable sobre o estado de conservación dos devanditos hábitats e especies.
2. Calquera plan, programa ou proxecto que, sen ter relación directa coa xestión do lugar ou sen ser necesario para a mesma, poida afectar de forma apreciable ás especies ou hábitats dos espazos protexidos Rede Natura 2000 competencia da Comunidade Autónoma de Galicia, xa sexa individualmente ou en combinación con outros plans, programas ou proxectos, someteranse a unha adecuada avaliación das súas repercusións no espazo, que se realizará de acordo coas normas que sexan de aplicación, conforme ao establecido na lexislación básica estatal e nas normas adicionais de protección ditas pola Comunidade Autónoma de Galicia, tendo en conta os obxectivos de conservación do devandito espazo.

Para acreditar que un plan, programa ou proxecto ten relación directa coa xestión dun espazo protexido Rede Natura 2000 competencia da Comunidade Autónoma de Galicia ou é necesario para a súa xestión, o promotor poderá sinalar o correspondente apartado do plan de xestión no que conste a antedita circunstancia, ou ben solicitar informe ao órgano competente para a xestión do devandito espazo.

Así mesmo, para acreditar que un plan, programa ou proxecto non é susceptible de causar efectos apreciables sobre un espazo protexido Rede Natura 2000 competencia da Comunidade Autónoma de Galicia, o promotor poderá sinalar o correspondente apartado do plan de xestión no que conste expresamente, como actividade permitida, o obxecto do devandito plan, programa ou proxecto, ou ben solicitar informe ao órgano competente para a xestión dese espazo.

Nos supostos previstos nos dous parágrafos anteriores, non será necesario someter o plan, programa ou proxecto a avaliación ambiental.

3. Á vista das conclusións da avaliación das repercusións no espazo e supeditado ao disposto no número 4 deste artigo, os órganos competentes para aprobar ou autorizar os plans, programas ou proxectos soamente poderán manifestar a súa conformidade cos mesmos tras





asegurarse de que non causarán prexuízo á integridade do espazo en cuestión e, se procede, tras sometelo a información pública.

4. Se, a pesar das conclusións negativas da avaliación das repercusións sobre o lugar e a falta de solucións alternativas, debера realizarse o plan, programa ou proxecto por razóns imperiosas de interese público de primeira orde, incluídas razóns de índole social ou económica, as Administracións públicas competentes tomarán cantas medidas compensatorias sexan necesarias para garantir que a coherencia global da Rede Natura 2000 quede protexida.

A concorrencia de razóns imperiosas de interese público de primeira orde só poderá declararse para cada suposto concreto:

- a) Mediante unha lei.
- b) Mediante acordo do Consello de Ministros, cando se trate de plans, programas ou proxectos que deban ser aprobados ou autorizados pola Administración Xeral do Estado, ou mediante acordo do Consello da Xunta de Galicia, cando se trate de plans, programas ou proxectos que deban ser aprobados ou autorizados pola Administración autonómica. O devandito acordo deberá ser motivado e público.

A adopción das medidas compensatorias levarase a cabo, no seu caso, durante o procedemento de avaliación ambiental de plans e programas e de avaliación de impacto ambiental de proxectos, consonte ao disposto na normativa aplicable. As devanditas medidas aplicaranse na fase de planificación e execución que determine a avaliación ambiental.

As medidas compensatorias adoptadas remitiranse, pola canle correspondente, á Comisión Europea.

5. No caso de que o lugar considerado albergue un tipo de hábitat natural e/ou unha especie prioritaria, sinalados como tales nos anexos I e II da Lei 42/2007, do 13 de decembro, unicamente se poderán alegar as seguintes consideracións:

- a) As relacionadas coa saúde humana e a seguridade pública.
- b) As relativas a consecuencias positivas de primordial importancia para o medio ambiente.
- c) Outras razóns imperiosas de interese público de primeira orde, previa consulta á Comisión Europea





6. Dende o momento de declaración dunha ZEPA, esta quedará sometida ao disposto nos números 2, 3 e 4 deste artigo.

Artigo 85. *Autorización de proxectos que se desenvolvan na Rede galega de espazos protexidos*

1. Calquera proxecto que, sen ter relación directa coa xestión do lugar ou sen ser necesario para a mesma, pretenda desenvolverse na Rede galega de espazos protexidos, requirirá dun informe preceptivo e vinculante a emitir pola consellería competente en materia de conservación do patrimonio natural, que determine se existe ou non afección apreciable aos valores naturais que xustificaron a súa declaración. No caso de procedementos de autorizacións regulados na normativa estatal, o informe da consellería será vinculante se así se prevé na dita normativa estatal aplicable.

2. De non preverse unha afección apreciable no informe anterior, o proxecto requirirá de autorización administrativa que outorgarase pola consellería competente en materia de conservación do patrimonio natural, sen prexuízo das autorizacións que poidan corresponder a outras administracións ou a outros órganos da Administración autonómica. Quedan exceptuados de autorización todos aqueles proxectos que en dito informe se determine que teñen relación directa coa xestión do lugar ou sexan necesarios para a mesma.

3. De preverse unha afección apreciable no informe recollido no número 1 deste artigo, o proxecto someterase a unha adecuada avaliación das súas repercusións no lugar, consonte o disposto para a Rede Natura 2000 na normativa vixente en materia de avaliación ambiental. Os proxectos sometidos a unha adecuada avaliación das súas repercusións que contén co informe do órgano competente en materia de conservación do patrimonio natural, non necesitan de autorización.

CAPÍTULO VIII

Estratexia galega de infraestrutura verde e da conectividade e restauración ecolóxicas

Artigo 86. *Estratexia galega de infraestrutura verde e da conectividade e restauración ecolóxicas*

1. Para garantir a conectividade ecolóxica e a restauración do territorio galego, a consellería competente en materia de conservación do patrimonio natural elaborará no prazo máximo de tres anos a contar dende a aprobación da Estratexia estatal ao respecto, unha Estratexia galega de infraestrutura verde e da conectividade e restauración ecolóxicas, previa consulta ás consellerías afectadas.

2. Ademais da consellería competente en materia de conservación do patrimonio natural, participarán na elaboración desta Estratexia, polo menos, os órganos da Administración xeral





da Comunidade Autónoma de Galicia ou entidades instrumentais do sector público autonómico con competencias nas seguintes materias: forestal, agrícola, infraestruturas, augas e ordenación do territorio.

3. A Estratexia galega aprobarase no prazo máximo de tres anos, a contar desde a aprobación da Estratexia estatal ao respecto, por orde da persoa titular da consellería competente en materia de conservación do patrimonio natural e publicarase no Diario Oficial de Galicia.

4. A Estratexia galega de infraestrutura verde e da conectividade e restauración ecolóxicas incluírá, polo menos, os obxectivos contidos na estratexia estatal na materia.

Artigo 87. *Coherencia e conectividade ecolóxica*

1. Para mellorar a coherencia e a conectividade ecolóxica do territorio, a Administración autonómica fomentará na súa planificación ambiental a conservación de corredores ecolóxicos e a xestión daqueles elementos da paisaxe e áreas territoriais que resulten esenciais ou revistan primordial importancia para a migración, a distribución xeográfica e o intercambio xenético entre poboacións de especies de fauna e flora silvestres, tendo en conta os impactos futuros do cambio climático.

2. A Administración autonómica outorgará un papel prioritario aos cursos fluviais, ás vías pecuarias, ás áreas de montaña e a outros elementos do territorio, lineais e continuos ou que actúan como puntos de enlace, con independencia de que teñan a condición de espazos naturais protexidos.

3. A Administración autonómica procurará establecer mecanismos de colaboración con outras Administracións xestoras de espazos contiguos así como, no marco das súas competencias e respectando a competencia estatal en materia de relacións internacionais, con órganos, organismos públicos ou entes doutros Estados, para facilitar a conectividade e a coherencia na xestión.



TÍTULO III Conservación da biodiversidade

CAPÍTULO I Conservación de especies

Sección 1ª. Disposicións xerais

Artigo 88. *Garantía de conservación de especies*

1. A Administración autonómica adoptará, no seu ámbito competencial, as medidas necesarias para garantir a conservación, protección e recuperación da biodiversidade que vive en estado silvestre en Galicia, atendendo preferentemente á preservación dos seus hábitats, con especial atención ás especies autóctonas e aos seus hábitats e establecendo réximes específicos de protección para aquelas especies silvestres cuxa situación así o requira.

Igualmente, deberá adoptar as medidas pertinentes para que a recollida na natureza de espécimes das especies de fauna e flora silvestres de interese comunitario, que se enumeran no anexo VI da Lei 42/2007, do 13 de decembro, así como a xestión da súa explotación, sexa compatible co mantemento das mesmas nun estado de conservación favorable.

2. Outorgaráselles preferencia ás medidas de conservación das especies autóctonas nos seus hábitats naturais, dándolle prioridade á conservación das especies ameazadas, ás endémicas, ás especies de fauna e flora silvestres recollidas nos anexos IV, V e VI da Lei 42/2007, do 13 de decembro, e a aquelas outras cuxa área de distribución sexa moi limitada ou a súa poboación moi escasa, así como ás migratorias. Cando fose necesario, considerarase a adopción de medidas adicionais de conservación fóra dos devanditos hábitats.

3. A Administración autonómica velará nas súas actuacións, polo mantemento da conectividade ecolóxica.

4. A consellería competente en materia de conservación do patrimonio natural adoptará, no marco das súas competencias, as medidas recollidas na lexislación básica estatal no relativo á introdución no medio natural de especies ou subespecies alóctonas susceptibles de competir coas especies silvestres autóctonas, alterar as súas características xenéticas ou os equilibrios ecolóxicos.

5. Queda prohibida a solta non autorizada de exemplares de especies alóctonas e autóctonas de fauna, ou de animais domésticos, no medio natural.

Sección 2ª. Réxime de protección xeral





Artigo 89. *Réxime de protección xeral. Prohibicións*

1. Queda prohibido dar morte, danar, molestar ou inquietar intencionadamente ás especies silvestres animais, sexa cal fose o método empregado ou a fase do seu ciclo biolóxico.

Nesta prohibición inclúese a súa retención e captura en vivo, a destrución, dano, recolección e retención dos seus niños, das súas crías ou dos seus ovos, estes últimos aínda estando baleiros.

2. Queda igualmente prohibido posuír, transportar, traficar e comerciar con exemplares vivos ou mortos ou cos restos de animais silvestres.

3. Para as especies silvestres animais non comprendidas nalgunha das categorías definidas nos artigos 56 e 58 da Lei 42/2007, do 13 de decembro e nos artigos 90 e 91, estas prohibicións non se aplicarán nos supostos con regulación específica, en especial na lexislación de montes, caza, agricultura, sanidade e saúde públicas, pesca continental e pesca marítima, marisqueo e acuicultura, taxidermia ou nos supostos regulados pola Administración Xeral do Estado, no seu ámbito competencial, para a súa explotación, de maneira compatible coa conservación desas especies.

Sección 3ª. Especies en réxime de protección especial

Artigo 90. *Listado de especies silvestres en réxime de protección especial de Galicia*

1. Créase o Listado de especies silvestres en réxime de protección especial de Galicia, que terá a natureza de rexistro público de carácter administrativo dependente da consellería competente en materia de conservación do patrimonio natural. Este Listado incluírá as especies, subespecies e poboacións de competencia autonómica conforme ao previsto no artigo 4, que sexan merecedoras dunha atención e protección particular en función do seu valor científico, ecolóxico, cultural, pola súa singularidade, rareza ou grao de ameaza, así como aquelas que figuren como protexidas nos anexos das Directivas e nos convenios internacionais ratificados por España.

2. O contido do Listado de especies silvestres en réxime de protección especial de Galicia desenvolverase regulamentariamente.

3. A inclusión dunha especie, subespecie ou poboación que se atope dentro do ámbito de competencias da comunidade autónoma galega establecido no artigo 4, no Listado de especies silvestres en réxime de protección especial previsto no artigo 56.1 da Lei 42/2007, do





13 de decembro, levará consigo a súa inclusión de oficio no Listado de especies silvestres en réxime de protección especial de Galicia.

Artigo 91. *Catálogo galego de especies ameazadas*

1. No seo do Listado de especies silvestres en réxime de protección especial de Galicia, inclúese o Catálogo galego de especies ameazadas, que se configura como unha sección do devandito Listado. O contido deste catálogo desenvolverase regulamentariamente.

2. O Catálogo galego de especies ameazadas incluirá, cando exista información técnica ou científica que así o aconselle, as especies, subespecies ou poboacións de competencia autonómica conforme ao previsto no artigo 4 que, atopándose ameazadas, requiran medidas de protección específicas. Estas especies ameazadas clasificaranse nalgunha das seguintes categorías:

a) En perigo de extinción: incluíranse nesta categoría aqueles taxóns ou poboacións, cuxa supervivencia é pouco probable se persisten os factores causais da súa actual situación.

Dentro desta categoría procede declarar unha especie en perigo crítico de extinción cando do seguimento ou avaliación do seu estado de conservación resultara que existe un risco inminente de extinción.

b) Vulnerable: incluíranse nesta categoría aqueles taxóns ou poboacións que corran o risco de pasar á categoría anterior nun futuro inmediato se os factores adversos que actúan sobre eles non son corrixidos.

3. A inclusión dunha especie, subespecie ou poboación de competencia autonómica conforme ao previsto no artigo 4, no Catálogo Español de Especies Ameazadas ao que se refire o artigo 58 da Lei 42/2007, do 13 de decembro, suporá a súa inclusión de oficio no Catálogo Galego de Especies Ameazadas, na mesma categoría ou na categoría superior á que tiveran no primeiro.

4. Decláranse de utilidade pública e interese social aos efectos do previsto na lexislación sobre expropiación forzosa, as obras necesarias para a conservación de especies catalogadas, especialmente as que teñan carácter de emerxencia e urxencia, segundo os casos.





Artigo 92. Procedemento de inclusión, cambio de categoría ou exclusión do Listado de especies silvestres en réxime de protección especial de Galicia

1. A inclusión, cambio de categoría ou exclusión dunha especie, subespecie ou poboación no Listado de especies silvestres en réxime de protección especial de Galicia realizarase mediante orde da persoa titular da consellería competente en materia de conservación do patrimonio natural.

2. O procedemento poderá iniciarse de oficio ou a solicitude de persoa interesada, cando exista información científica ou técnica que o xustifique. A dita información deberá recollerse nunha memoria técnica xustificativa que, no caso de inicio do procedemento a solicitude de persoa interesada, deberá estar elaborada por esta e achegarse xunto coa solicitude de iniciación.

3. Na iniciación do procedemento, a consellería competente en materia de conservación do patrimonio natural poderá adoptar as medidas preventivas que, no seu caso, estime precisas para a protección da especie, subespecie ou poboación de que se trate. Estas medidas preventivas quedarán sen efecto, en todo caso, no prazo máximo de seis meses dende a súa adopción.

4. Este procedemento someterase durante un prazo dun mes aos trámites de audiencia ás persoas interesadas e información pública. Igualmente solicitarase informe a aquelas consellerías cuxas competencias resulten afectadas, a calquera outra Administración afectada e ao Consello Galego de Medio Ambiente e Desenvolvemento Sostible, informe que deberán emitir, salvo disposición en contrario no prazo máximo de vinte días, procedéndose en caso contrario coa continuación do procedemento, salvo que se acordase a suspensión do prazo para resolver nos termos previstos no artigo 22.1.d) da Lei 39/2015, do 1 de outubro.

5. O prazo máximo de resolución deste procedemento será de seis meses a contar desde a data do acordo de inicio ou, no caso de iniciación a solicitude de persoa interesada, desde a data na que a solicitude tivese entrada no rexistro do órgano competente para a súa tramitación, tendo o silencio administrativo efectos desestimatorios da solicitude, no caso de que o procedemento se iniciara a solicitude de persoa interesada.

6. A inclusión dunha especie, subespecie ou poboación no Listado de Especies Silvestres en Réxime de Protección Especial de Galicia poderá conlevar o establecemento dun réxime preventivo mediante orde da persoa titular da consellería competente en materia de conservación do patrimonio natural.





Artigo 93. *Efectos da inclusión no Listado de especies silvestres en réxime de protección especial de Galicia*

A inclusión dunha especie, subespecie ou poboación no Listado de especies silvestres en réxime de protección especial de Galicia comporta as seguintes prohibicións xenéricas:

- a) Tratándose de plantas, fungos ou algas, a de recollelas, cortalas, mutilalas, arrancalas ou destruílas intencionadamente na natureza, así como a colleita das súas sementes, pole ou esporas e, no caso de especies ameazadas, tamén a destrución do seu hábitat.
- b) Tratándose de animais, incluídas as súas larvas, crías ou ovos, a de calquera actuación feita co propósito de darlles morte, capturalos, perseguilos ou molestalos, así como a destrución ou deterioro dos seus niños, camas ou turbeiras e áreas de reprodución, invernada ou repouso e, no caso de especies ameazadas, tamén a destrución do seu hábitat.
- c) En ámbolos casos, a de posuír, naturalizar, transportar, vender, comerciar ou intercambiar, ofertar con fins de venda ou intercambio, importar ou exportar exemplares vivos ou mortos, así como os seus propágulos ou restos, salvo nos casos nos que estas actividades, dunha forma controlada pola Administración, poidan resultar claramente beneficiosas para a súa conservación, nos casos que se determinen polas normas regulamentarias de aplicación.

Estas prohibicións aplicaranse a todas as fases do ciclo biolóxico destas especies, subespecies ou poboacións.

Artigo 94. *Medidas de seguimento*

1. Ademais das obrigas en materia de seguimento previstas na normativa básica estatal, as especies, subespecies ou poboacións incluídas no Listado de especies silvestres en réxime de protección especial de Galicia e que non estean incluídas no Listado de Especies Silvestres en Réxime de Protección Especial previsto no artigo 56.1 da Lei 42/2007, do 13 de decembro, serán obxecto dun seguimento específico coa finalidade de realizar unha avaliación periódica do seu estado de conservación cada seis anos.

2. A consellería competente en materia de conservación do patrimonio natural, no seu ámbito competencial, realizará un seguimento da información dispoñible sobre capturas ou mortes accidentais e, sobre a base desta información, adoptará as medidas necesarias para que estas non teñan repercusións negativas importantes nas especies incluídas no Listado de especies silvestres en réxime de protección especial de Galicia e se minimicen no futuro.





Artigo 95. *Efectos da inclusión no Catálogo galego de especies ameazadas*

1. Ademais dos efectos previstos no artigo 93, a inclusión dunha especie, subespecie ou poboación no Catálogo galego de especies ameazadas, terá os seguintes efectos:

a) A inclusión dunha especie, subespecie ou poboación na categoría de “en perigo de extinción” conlevará, nun prazo máximo de tres anos, a adopción dun plan de recuperación, que incluíra as medidas máis axeitadas para restablecer as poboacións naturais a un estado que limite o seu risco de extinción.

b) A inclusión dunha especie, subespecie ou poboación na categoría de “vulnerable” conlevará a adopción, nun prazo máximo de cinco anos, dun plan de conservación que incluíra as medidas máis axeitadas para preservar, manter e restablecer as poboacións naturais facéndoas viables.

2. Os plans de recuperación e conservación, fixarán medidas de conservación e instrumentos de xestión, específicos ou integrados noutros plans, que eviten as afeccións negativas para as especies.

3. Para aquelas especies, subespecies ou poboacións que comparten os mesmos problemas de conservación, hábitats ou ámbitos xeográficos similares, poderán elaborarse plans que comprendan varias especies, subespecies ou poboacións simultaneamente, denominándose neste caso, plans integrais.

4. Os plans de recuperación ou conservación ou os plans integrais das especies, subespecies ou poboacións que vivan exclusivamente ou en alta proporción nalgún dos espazos naturais protexidos incluídos na Rede Galega de Espazos Protexidos ou en áreas protexidas por instrumentos internacionais, poderán integrarse nos seus correspondentes instrumentos de planificación.

5. A realización ou execución de calquera plan, programa ou proxecto que poida afectar de forma apreciable a especies incluídas nos anexos II ou IV da Lei 42/2007, do 13 de decembro, que foran catalogadas, no ámbito estatal ou autonómico, como en perigo de extinción, unicamente se poderán levar a cabo cando, en ausencia doutras alternativas, concorran causas relacionadas coa saúde humana e a seguridade pública, as relativas a consecuencias positivas de primordial importancia para o medio ambiente ou outras razóns imperiosas de interese público de primeira orde. A xustificación do plan, programa ou proxecto e a adopción das correspondentes medidas compensatorias levarase a cabo conforme ao previsto no artigo 84.3, salvo polo que se refire á remisión das medidas compensatorias á Comisión Europea.

Artigo 96. *Procedemento de aprobación do plan de recuperación e do plan de conservación*





1. A elaboración e tramitación do plan de recuperación ou do plan de conservación corresponde á consellería competente en materia de conservación do patrimonio natural.
2. O procedemento de aprobación do plan de recuperación ou do plan de conservación iníciase mediante acordo da persoa titular da consellería competente en materia de conservación do patrimonio natural.
3. O acordo de inicio do plan de recuperación ou do plan de conservación someterase ao trámite de participación pública nos termos previstos no artigo 16 da Lei 27/2006, do 18 de xullo.
4. Con carácter previo á súa aprobación, o borrador do plan someterase durante un prazo dun mes aos trámites de audiencia ás persoas interesadas e información pública. Igualmente solicitarase informe a aquelas consellerías cuxas competencias resulten afectadas, aos concellos situados no ámbito territorial do plan, a calquera outra Administración afectada e ao Consello Galego de Medio Ambiente e Desenvolvemento Sostible, informe que deberán emitir, salvo disposición en contrario, no prazo máximo de vinte días, procedéndose en caso contrario coa continuación do procedemento, salvo que se acordase a suspensión do prazo para resolver nos termos previstos no artigo 22.1.d) da Lei 39/2015, do 1 de outubro.
5. O plan de recuperación e o plan de conservación das especies ameazadas aprobarase mediante orde da persoa titular da consellería competente en materia de conservación do patrimonio natural.

Artigo 97. Vixencia e revisión do plan de recuperación e do plan de conservación

1. Os plans de recuperación e conservación terán unha vixencia indefinida, sen prexuízo da súa posible revisión conforme á problemática e características da especie en cuestión.
2. A revisión destes plans realizarase consonte ao procedemento previsto no artigo anterior para a súa aprobación.

Artigo 98. Contido dos plans de recuperación e conservación

Os plans de recuperación e de conservación de especies ameazadas deberán incluír, polo menos, o seguinte contido:

- a) Unha diagnose do estado de conservación da especie, subespecie ou poboación, e do seu hábitat.
- b) A finalidade e os obxectivos específicos mensurables para a conservación ou recuperación da especie, subespecie ou poboación.





- c) A delimitación do ámbito espacial de aplicación coa zonificación do territorio que proceda, considerando no seu caso: áreas críticas para unha especie, áreas de presenza e áreas de potencial reintrodución ou expansión.
- d) A normativa necesaria para acadar os obxectivos establecidos.
- e) Un programa de actuacións para a conservación ou recuperación das poboacións ou do seu hábitat.
- f) Medidas para o seguimento das poboacións e da eficacia do plan.
- g) Memoria económica para o desenvolvemento do plan.

Sección 4ª. Excepcións ás prohibicións e réxime de autorizacións

Artigo 99. Excepcións ás prohibicións

1. As prohibicións recollidas nos artigos 89 e 93 poderán quedar sen efecto, previa autorización administrativa da consellería competente en materia de conservación do patrimonio natural, no seu ámbito competencial, se non existira outra solución satisfactoria e sen que isto supoña causar un prexuízo ao mantemento nun estado de conservación favorable das especies, subespecies ou poboacións de que se trate, na súa área de distribución natural, cando concorran algunha das seguintes circunstancias:

- a) Se da súa aplicación se derivasen efectos prexudiciais para a saúde e seguridade das persoas.
- b) Para prever prexuízos importantes aos cultivos, ao gando, aos bosques, á pesca e á calidade das augas. Salvo no caso das aves, tamén se poderá aplicar esta excepción no caso de prexuízo a outras formas de propiedade.
- c) Por razóns imperiosas de interese público de primeira orde, incluídas as de carácter socioeconómico e consecuencias beneficiosas de importancia primordial para o medio ambiente. Esta excepción non será de aplicación no caso das aves.
- d) Cando sexa necesario por razón de investigación, educación, repoboación ou reintrodución, ou cando se precise para a cría en cativeiro orientada aos devanditos fins. Nestes casos estarase ao disposto no Real Decreto 53/2013, do 1 de febreiro, polo que se establecen as normas básicas aplicables para a protección dos animais utilizados en experimentación e outros fins científicos.
- e) No caso das aves, para prever accidentes en relación coa seguridade aérea.





f) Para permitir, en condicións estritamente controladas e mediante métodos selectivos, a captura, retención ou calquera outra explotación prudente de determinadas especies non incluídas no Listado de Especies Silvestres en Réxime de Protección Especial ou no Listado de especies silvestres en réxime de protección especial de Galicia, en pequenas cantidades e coas limitacións precisas para garantir a súa conservación. Nestes casos estarase ao disposto no número 4 do artigo 61 da Lei 42/2007, do 13 de decembro.

g) Para protexer a flora e a fauna silvestres e os hábitats naturais.

2. Nos supostos de aplicación do último inciso do número 1 letra b) e do número 1 letra c), a consellería competente en materia de conservación do patrimonio natural especificará as medidas mediante as cales quedará garantido o principio de non perda neta de biodiversidade, previsto no artigo 2 c), xa sexa mediante a figura dos bancos de conservación, xa sexa mediante a adopción doutros instrumentos.

3. As autorizacións para a captura en vivo de exemplares establecerán entre o seu condicionado, que os métodos de captura ou marcaxe adopten a alternativa con menor probabilidade de producir lesións ou provocar mortalidade dos exemplares capturados.

4. O outorgamento de autorizacións para a práctica da marcaxe de exemplares de fauna silvestre, en especial a través do anelamento científico, quedará supeditada a que a persoa solicitante acredite a súa aptitude para o desenvolvemento da actividade sobre unha base mínima de coñecementos comúns que se establezan pola Confederación Sectorial de Medio Ambiente, coa colaboración das entidades e sociedades científicas relacionadas coa marcaxe.

Artigo 100. *Disposicións específicas en relación coas especies incluídas no Listado de especies silvestres en réxime de protección especial de Galicia*

1. Quedan sometidas a autorización da consellería competente en materia de conservación do patrimonio natural, os seguintes supostos particulares:

a) A realización de calquera actuación que poida supoñer afección aos exemplares de especies incluídas no Catálogo Galego de Especies Ameazadas e, en todo caso, a súa cría ou cultivo.

b) As labores silvícolas e fitosanitarias que precisen as especies de flora incluídas no Catálogo Galego de Especies Ameazadas.

c) A exhibición pública con fins científicos ou educativos de exemplares naturalizados de especies incluídas no Catálogo Galego de Especies Ameazadas.





2. No caso do outorgamento da autorización de tenza de especies de fauna silvestre sometidas a réxime de protección especial requirirase que se acredite que a orixe dos exemplares cumpre cos requisitos esixidos pola normativa aplicable.

Así mesmo, os exemplares de especies en réxime de protección especial de fauna silvestre, mantidos en cativeiro, deberán ser marcados individualmente de acordo co sistema que determine a autoridade competente. Poderá requirirse a realización das análises complementarias necesarias para o recoñecemento futuro do exemplar ou asegurar a súa orixe.

Artigo 101. *Autorizacións*

1. O prazo máximo do que dispón a consellería competente en materia de conservación do patrimonio natural para resolver e notificar a resolución das solicitudes de autorización previstas nos artigos 99.1 e 100.1, será de tres meses a contar desde a entrada da solicitude no rexistro do órgano competente para a súa tramitación. De non resolverse e notificarse a resolución no prazo sinalado, as persoas interesadas poderán entender desestimadas as súas solicitudes por silencio administrativo.

2. Nos casos previstos nas letras a), b), e) e f) do número 1 do artigo 99, cando se formulen solicitudes de autorización que garden identidade substancial ou íntima conexión, poderán tramitarse e resolverse conxuntamente nunha única resolución, na que se recollan as condicións e os medios a empregar.

3. As autorizacións ás que se refire este artigo serán públicas, motivadas e especificarán, polo menos, o seguinte:

a) O obxectivo e a xustificación da acción.

b) As especies ás que se refira.

c) Os medios, as instalacións, os sistemas ou métodos a empregar e os seus límites, así como as razóns e o persoal cualificado para o seu emprego.

d) A natureza e condicións de risco, as circunstancias de tempo e lugar e, se procede, as solucións alternativas non adoptadas e os datos científicos empregados.

e) As medidas de control que se aplicarán.

4. O prazo de vixencia da autorización determinarase na súa resolución de outorgamento tendo en conta as circunstancias concorrentes na especie.





Poderá acordarse a revogación das autorizacións previstas nos artigos 99.1 e 100.1 como sanción accesoria conforme ao disposto no artigo 124.3.b) no momento en que se incumpran os condicionantes establecidos así como cando se determine a non adecuación das actuacións por desaparición sobrevida dos presupostos, requisitos ou condicións que determinaron o outorgamento da autorización.

5. As autorizacións outorgadas pola consellería competente en materia de conservación do patrimonio natural conlevarán a obriga para a persoa titular, de subministrar á devandita consellería a información recompilada en base a estas autorizacións, en especial aquela relativa á localización xeográfica das poboacións das especies silvestres en réxime de protección especial. O prazo máximo para a presentación desta información será de tres meses a desde a finalización da vixencia ou a revogación da autorización outorgada.

Artigo 102. *Comunicación das autorizacións*

A consellería competente en materia de conservación do patrimonio natural comunicará anualmente ao ministerio competente as autorizacións outorgadas consonte ao disposto no artigo 61 da Lei 42/2007, do 13 de decembro, e ás normas que, en desenvolvemento do dito precepto básico se recollen nesta lei, aos efectos da súa posterior notificación á Comisión Europea e aos Organismos internacionais pertinentes, sinalando en cada caso, os controis exercidos e os resultados obtidos destes.

Artigo 103. *Taxidermia*

1. As persoas físicas ou xurídicas que practiquen actividades de taxidermia de especies de fauna silvestre inscribíranse no Rexistro de taxidermistas. A tal efecto estableceranse regulamentariamente as especies de fauna silvestre que poden ser obxecto desta actividade así como os datos obrigatorios que deben constar no devandito rexistro e o seu réxime de funcionamento.

A inscrición neste rexistro non terá carácter habilitante para o exercicio da actividade.

2. O Rexistro de taxidermistas configúrase como un rexistro público, dependente da consellería competente en materia de conservación do patrimonio natural.

3. As persoas inscritas neste Rexistro de taxidermistas deberán levar un libro de rexistro que estará a disposición da Administración autonómica, no que consten os datos de procedencia dos animais que sexan obxecto de preparación.





Sección 5ª. Conservación ex situ

Artigo 104. Propagación de especies silvestres incluídas no Listado de Especies Silvestres en réxime de protección especial de Galicia

1. Sen prexuízo do disposto no artigo 62 da Lei 42/2007, do 13 de decembro, para as especies incluídas no Catálogo galego de especies ameazadas, a consellería competente en materia de conservación do patrimonio natural impulsará o desenvolvemento de programas de cría ou propagación fóra do seu hábitat natural, en especial cando tales programas foran previstos nas estratexias de conservación, ou nos plans de recuperación ou conservación.

Estes programas estarán dirixidos á constitución de reservas xenéticas e/ou á obtención de exemplares aptos para a súa reintrodución ao medio natural.

2. A consellería competente en materia de conservación do patrimonio natural realizará e promoverá, no ámbito competencial autonómico, a cría, a repoboación e a reintrodución de especies incluídas no Catálogo Galego de Especies Ameazadas.

3. As organizacións sen ánimo de lucro, os parques zoolóxicos, os xardíns botánicos e os centros públicos e privados de investigación ou conservación poderán participar, previa autorización da consellería competente en materia de conservación do patrimonio natural, nos programas de cría en cativeiro e propagación de especies incluídas no Catálogo galego de especies ameazadas que impulse a devandita consellería.

4. A cría para a reintrodución ou a repoboación no medio natural de especies silvestres do Listado de Especies Silvestres en réxime de protección especial de Galicia non catalogadas como ameazadas requirirá autorización da consellería competente en materia de conservación do patrimonio natural.

Artigo 105. Conservación ex situ de material biolóxico e xenético de especies silvestres

1. A Administración autonómica promoverá a existencia de bancos de material xenético e biolóxico de especies silvestres, co obxecto de contribuír a preservar a diversidade xenética das especies silvestres e de complementar as actuacións de conservación in situ.

2. A Administración autonómica promoverá e daralle prioridade, entre outros, á conservación de material biolóxico e xenético de taxons do Listado de Especies Silvestres en Réxime de Protección Especial e do Listado de especies silvestres en réxime de protección especial de Galicia, con especial atención ás especies endémicas ou catalogadas.





3. Créase o Inventario galego de bancos de material xenético referido a especies silvestres como rexistro público de carácter administrativo dependente da consellería competente en materia de conservación do patrimonio natural.

Neste inventario incluírase a información actualizada sobre as coleccións conservadas nos bancos de material biolóxico e xenético de especies silvestres sitos no territorio da Comunidade Autónoma de Galicia. A estes efectos, os bancos deberán proporcionar esta información, polo menos anualmente, á devandita consellería.

A Administración autonómica comunicará a información recollida neste inventario, aos efectos do seu reflexo no Inventario Español de Bancos de Material Biolóxico e Xenético de especies silvestres.

Artigo 106. Acceso e utilización dos recursos xenéticos procedentes de taxons silvestres e distribución de beneficios

1. En materia de acceso e utilización dos recursos xenéticos procedentes de taxóns silvestres e a distribución de beneficios derivados da súa utilización estarase ao disposto no artigo 71 da Lei 42/2007, do 13 de decembro, e na súa normativa de desenvolvemento.

2. Aos efectos do disposto no artigo 71 da Lei 42/2007, do 13 de decembro, no ámbito competencial autonómico, a consellería competente en materia de conservación do patrimonio natural será a autoridade autonómica competente de acceso aos recursos xenéticos.

3. A consellería competente en materia de conservación do patrimonio natural comunicará, no ámbito das súas competencias, ao punto focal nacional as autorizacións outorgadas en materia de acceso aos recursos xenéticos, cuxo contido deberá axustarse ao establecido no Protocolo de Nagoya e nos seus mecanismos de desenvolvemento.

4. Os beneficios derivados da utilización dos recursos xenéticos destinaranse principalmente á conservación da biodiversidade e ao uso sostible dos seus compoñentes.

5. En materia de control da utilización dos recursos xenéticos estarase ao disposto no artigo 72 da Lei 42/2007, do 13 de decembro, e na súa normativa de desenvolvemento. Aos efectos previstos no artigo 13.2 do Real Decreto 124/2017, do 24 de febreiro, relativo ao acceso aos recursos xenéticos procedentes de taxóns silvestres e ao control da utilización, no ámbito competencial autonómico, a consellería competente en materia de conservación do patrimonio natural será a autoridade autonómica competente.

No suposto de detectar infraccións no acceso ou na utilización dos recursos xenéticos baixo a súa competencia, por parte de usuarios que se atopen fóra do territorio español, notificarase dita información ao punto focal nacional aos efectos oportunos.





Artigo 107. *Centros de recuperación de fauna*

1. A consellería competente en materia de conservación do patrimonio natural establecerá centros de recuperación de fauna, que terán como finalidade o coidado e a recuperación dos exemplares de fauna silvestre autóctona que non estean en condicións de subsistir por si mesmos no medio natural. O seu principal obxectivo é a súa reintegración ao medio natural, ou se isto non fose posible, a súa integración en programas de conservación “ex situ” ou de educación ambiental.
2. Aqueles exemplares da fauna silvestre para os que non sexa posible conseguir a súa recuperación nin a súa incorporación a proxectos de cría en cativeiro, de divulgación ou de educación ambiental, poderán, no marco das oportunas decisións técnicas e sempre baixo o necesario respecto á normativa aplicable, ser sacrificados coas oportunas garantías de benestar animal.

Sección 6ª. Especies alóctonas

Artigo 108. *Especies exóticas invasoras*

1. No ámbito competencial autonómico, a prohibición de posesión, transporte, tráfico e comercio de exemplares vivos de especies exóticas invasoras incluídas no Catálogo español de especies exóticas invasoras, dos seus restos ou propágulos que puideran sobrevivir ou reproducirse poderá quedar sen efecto, previa autorización administrativa da consellería competente en materia de conservación do patrimonio natural, logo da solicitude da persoa interesada, cando sexa necesario por razóns de investigación, saúde ou seguridade das persoas, ou con fins de control ou erradicación, no marco de estratexias, plans e campañas que, a tal efecto, se aproben e tendo en conta a relevancia dos aspectos sociais e/ou económicos da actividade á que afecten.
2. Esta autorización outorgarase no prazo máximo de tres meses a contar desde a entrada da solicitude no rexistro do órgano competente para a súa tramitación, entendéndose desestimada por silencio administrativo logo do prazo máximo de resolución sen que se ditase e notificase a resolución.
3. A consellería competente en materia de conservación do patrimonio natural levará a cabo un seguimento das especies exóticas con potencial invasor en Galicia, en especial daquelas que demostraran ese carácter noutras Comunidades Autónomas ou noutros países, co fin de propoñer, no seu caso, a súa inclusión no Catálogo español de especies exóticas invasoras.
4. Sen prexuízo do disposto no artigo 64.7 da Lei 42/2007, do 13 de decembro, a consellería competente en materia de conservación do patrimonio natural poderá, no seu ámbito competencial, elaborar plans que conteñan as directrices de xestión, control e posible





erradicación das especies do Catálogo español de especies exóticas invasoras, outorgando prioridade a aquelas especies que supoñan un maior risco para a conservación da fauna, flora ou hábitats autóctonos ameazados, con particular atención á biodiversidade insular.

5. A consellería competente en materia de conservación do patrimonio natural establecerá unha Rede de alerta para a vixilancia de especies exóticas invasoras que recompila e rexistre datos sobre a incidencia no medio ambiente das especies exóticas invasoras.

6. A Administración autonómica adoptará medidas de control ou erradicación de especies exóticas invasoras. No marco dos plans de control e erradicación da Administración autonómica poderá incluírse a imposición da obriga de execución de tales medidas ás persoas responsables da introdución ou propagación.

A prevención, evitación e reparación dos danos medioambientais causados pola introdución de especies exóticas invasoras realizarase nos termos establecidos na lexislación básica en materia de responsabilidade medioambiental.

7. No caso de incumprimento por parte dos suxeitos responsables das medidas previstas no número anterior, a Administración autonómica poderá proceder á súa execución subsidiaria, a costa do responsable.

8. Decláranse de utilidade pública e interese social as actuacións necesarias para a erradicación de especies exóticas invasoras.

Artigo 109. *Especies exóticas invasoras de preocupación para a Unión Europea*

1. A xestión das especies exóticas invasoras preocupantes para a Unión Europea realizarase consonte ao disposto no Regulamento (UE) nº 1143/2014 do Parlamento Europeo e do Consello, do 22 de outubro de 2014, sobre a prevención e a xestión da introdución e propagación de especies exóticas invasoras.

2. O incumprimento das obrigas previstas no devandito regulamento conlevará a imposición das respectivas sancións previstas no título VI da Lei 42/2007, do 13 de decembro, e nesta lei.

Artigo 110. *Liberación de especies non autóctonas*

1. Prohíbese con carácter xeral, salvo que se dispoña de autorización outorgada pola consellería competente en materia de conservación do patrimonio natural, a liberación de especies non autóctonas no territorio de Galicia, cando estas sexan susceptibles de competir coas especies autóctonas, alterar as súas características xenéticas ou os equilibrios ecolóxicos, así como de dar morte, danar ou inquietar aos animais silvestres.





Exceptúase desta prohibición, a liberación de especies non autóctonas que contén cunha regulación sectorial específica, sen prexuízo das previsións dos instrumentos de planificación dos espazos naturais protexidos.

2. O disposto neste artigo, entenderase sen prexuízo do disposto na normativa básica estatal en relación coa introdución en todo o territorio nacional de especies ou subespecies alóctonas.

Sección 7ª. Especies silvestres autóctonas extinguidas

Artigo 111. Reintrodución de especies silvestres autóctonas extinguidas

1. A consellería competente en materia de conservación do patrimonio natural promoverá a reintrodución de especies silvestres autóctonas extinguidas en Galicia e das que aínda existan poboacións noutros lugares ou en cativeiro, especialmente cando estas reintroducións contribúan ao restablecemento do estado de conservación favorable de especies ou hábitats de interese comunitario.

2. Esta reintrodución de especies silvestres autóctonas extinguidas en Galicia realizarase consonte ao disposto no artigo 55 da Lei 42/2007, do 13 de decembro.

Sección 8ª. Árbores senlleiras

Artigo 112. Catálogo galego de árbores senlleiras

1. O Catálogo galego de árbores senlleiras configúrase como un rexistro público de carácter administrativo dependente da consellería competente en materia de conservación do patrimonio natural, que incluíra aqueles exemplares ou formacións dos que, polos seus valores ou intereses natural, cultural, científico, educativo, estético ou paisaxístico, sexa necesario asegurar a súa conservación.

2. A realización nos exemplares ou formacións incluídos neste catálogo, de todo tipo de tratamentos silvícolas ou actuacións encamiñadas á súa protección, conservación e mellora, requirirá segundo se determine regulamentariamente, autorización da consellería competente en materia de conservación do patrimonio natural ou comunicación previa.

CAPÍTULO II Conservación de hábitats

Artigo 113. Hábitats en perigo de desaparición

Son hábitats en perigo de desaparición aqueles que requiren medidas específicas de protección e conservación por atoparse nalgunha das circunstancias seguintes:





- a) Ter a súa área de distribución moi reducida e en diminución.
- b) Ter sido destruídos na maior parte da súa área de distribución natural.
- c) Ter sufrido un drástico deterioro da súa composición, estrutura e funcións ecolóxicas na maior parte da súa área de distribución natural.
- d) Atoparse en alto risco de transformación irreversible a curto ou medio prazo nunha parte significativa da súa área de distribución, incluíndo o risco de transformación debido aos efectos do cambio climático.

Artigo 114. *Catálogo de hábitats en perigo de desaparición de Galicia*

1. Créase o Catálogo de hábitats en perigo de desaparición de Galicia como rexistro público de carácter administrativo dependente da consellería competente en materia de conservación do patrimonio natural. O contido deste catálogo desenvolverase regulamentariamente.
2. No Catálogo de hábitats en perigo de desaparición de Galicia incluíranse aqueles hábitats en perigo de desaparición existentes en Galicia, ben por ser declarados expresamente como tales por orde da persoa titular da consellería competente en materia de conservación do patrimonio natural, ben por estar incluídos no Catálogo español de hábitats en perigo de desaparición e atoparse en Galicia.
3. O procedemento de inclusión ou exclusión dun hábitat no Catálogo de hábitats en perigo de desaparición de Galicia desenvolverase regulamentariamente.
4. A inclusión dun hábitat no Catálogo de hábitats en perigo de desaparición de Galicia, terá os seguintes efectos:
 - a) Unha superficie adecuada incluírase nalgún instrumento de planificación ou figura de protección de espazos naturais, nova ou xa existente.
 - b) A consellería competente en materia de conservación do patrimonio natural definirá e tomará as medidas necesarias para frear a recesión e eliminar o risco de desaparición destes hábitats nos instrumentos de planificación e doutro tipo adecuados a estes fins.
5. Decláranse de utilidade pública e interese social as obras necesarias para a conservación de hábitats en perigo de desaparición, especialmente as que teñan por obxecto facer fronte a fenómenos catastróficos ou excepcionais.





Artigo 115. *Inventario galego do patrimonio natural e da biodiversidade*

1. A consellería competente en materia de conservación do patrimonio natural, coa colaboración das institucións e organizacións de carácter científico, económico e social, elaborará e manterá actualizado o Inventario galego do patrimonio natural e da biodiversidade que recollerá a distribución, abundancia, estado de conservación e a utilización, así como calquera outra información que se considere necesaria, de todos os elementos integrantes do patrimonio natural de Galicia respecto dos que a Comunidade Autónoma galega ostente competencias.

2. O contido e estrutura do Inventario galego do patrimonio natural e da biodiversidade determinarase regulamentariamente, debendo formar parte do mesmo, cando menos, a información relativa a:

- a) O Catálogo de hábitats en perigo de desaparición de Galicia.
- b) O Listado de especies silvestres en réxime de protección especial de Galicia incluíndo o Catálogo galego de especies ameazadas.
- c) A relación dos espazos naturais protexidos sitos no territorio da Comunidade Autónoma de Galicia.
- d) As áreas protexidas por instrumentos internacionais sitas no territorio da Comunidade Autónoma de Galicia.
- e) O Inventario galego de bancos de material xenético referido a especies silvestres.
- f) O Inventario de humidais de Galicia.
- g) O Catálogo galego de árbores senlleiras.

TÍTULO IV Inspección e réxime sancionador

CAPÍTULO I Inspección

Artigo 116. *Persoal con funcións inspectoras*

1. A inspección do cumprimento do disposto na presente lei e na normativa que a desenvolva será desempeñada polo persoal funcionario con funcións inspectoras dependente da





consellería competente en materia de conservación do patrimonio natural, sen prexuízo das funcións que, conforme á normativa aplicable, sexan desempeñadas por outro persoal.

2. O persoal funcionario con funcións inspectoras dependente da consellería competente en materia de conservación do patrimonio natural terá a condición de axente da autoridade aos efectos do previsto no artigo 77.5 da Lei 39/2015, do 1 de outubro.

Artigo 117. *Facultades do persoal con funcións inspectoras*

O persoal dependente da consellería competente en materia de conservación do patrimonio natural indicado no artigo 116, está facultado no exercicio das súas funcións inspectoras para:

- a) Acceder ás propiedades privadas, sempre que non constitúan domicilio nin outros lugares cuxo acceso requira o consentimento da persoa titular, para levar a cabo as tarefas de inspección. Para o exercicio desta facultade, non se precisará notificación previa da inspección.
- b) Efectuar notificacións e realizar requirimentos de información e documentación ou de realización de actuacións concretas.
- c) Proceder á toma de mostras.
- d) Proceder á toma de fotografías ou outro tipo de imaxes gráficas, sen prexuízo do disposto na normativa vixente sobre segredo industrial e sobre a protección de datos de carácter persoal.
- e) Realizar calquera outra actuación tendente a investigar os feitos que puideran constituír unha infracción administrativa consonte ao disposto nesta lei.
- f) Proceder ao comiso dos medios empregados para cometer as infraccións ou dos produtos ou exemplares obxecto destas.

Artigo 118. *Deberes no exercicio das funcións inspectoras*

O persoal con funcións inspectoras, dependente da consellería competente en materia de conservación do patrimonio natural, durante o seu desenvolvemento está obrigado a:

- a) Identificarse e acreditarse como tal mediante tarxeta acreditativa ou similar.
- b) Observar o respecto e consideración debidos ás persoas interesadas.





- c) Informar ás persoas interesadas dos seus dereitos e deberes en relación cos feitos obxecto da inspección.
- d) Obter toda a información necesaria dos feitos obxecto de inspección e dos seus posibles responsables, accedendo, cando resulte necesario para o exercicio da función inspectora e con respecto á normativa aplicable, aos rexistros públicos existentes.
- e) Gardar sixilo profesional e segredo respecto dos asuntos que coñeza por razón do seu cargo e actividade pública.

Artigo 119. Actuación inspectora do persoal dependente da consellería competente en materia de conservación do patrimonio natural

1. A actuación de inspección iniciárase de oficio, por acordo da persoa titular da xefatura territorial competente por razón do territorio da consellería competente en materia de conservación do patrimonio natural, ben por propia iniciativa, ou como consecuencia de orde superior, a petición razoada doutros órganos ou por denuncia de particular
2. Nas actas emitidas no exercicio das funcións de inspección farase constar, como mínimo: a data, hora e lugar da realización da inspección; a identificación e sinatura do persoal actuante; a identificación da persoa ou entidade inspeccionada ou das persoas coas que se entendan as actuacións; a descrición dos feitos constatados; os datos da toma de mostra, no seu caso. As actas poderán acompañarse de informes aclaratorios e ou complementarios.
3. Unha vez formalizada a acta, entregárase unha copia á persoa ou entidade inspeccionada coa que se entendan as actuacións e esta asinará a súa recepción. Cando a parte inspeccionada ou persoa coa que se entendan as actuacións, se negase a subscribir a acta ou se negase a recibir un exemplar do documento, faranse constar estas circunstancias.

En ausencia de persoas coas que se poidan entender as actuacións, redactárase a acta facendo constar expresamente este extremo.

No caso de non resultar posible redactar a acta no momento da inspección, remitírase un exemplar á persoa inspeccionada no prazo dos tres días seguintes.

4. A sinatura da acta pola persoa ou entidade inspeccionada non implica aceptar o seu contido. En todo caso, a negativa a asinala non suporá, en ningún caso, a paralización ou arquivo das posibles actuacións motivadas pola actividade inspectora.
5. As actas emitidas polo persoal con funcións inspectoras, e os informes aclaratorios ou complementarios dos que se acompañen, de ser o caso, nos que, observándose os requisitos





legais correspondentes, se recollan os feitos constatados por aqueles, farán proba destes salvo que se acredite o contrario.

CAPÍTULO II Infraccións e sancións

Sección 1ª. Infraccións

Artigo 120. *Infraccións*

1. Constitúen infraccións administrativas en materia de conservación do patrimonio natural, as accións ou omisións tipificadas nos artigos seguintes e as tipificadas na Lei 42/2007, do 13 de decembro, sen prexuízo da responsabilidade esixible na vía penal, civil ou doutra orde á que poidan dar lugar.

2. Aos efectos desta lei, as infraccións cualifícanse en leves, graves e moi graves.

Artigo 121. *Infraccións leves*

Serán infraccións leves:

a) A captura, tenza, naturalización, destrución, morte, deterioro, comercio, tráfico ou exhibición non autorizados de especies incluídas no Listado de especies silvestres en réxime de protección especial de Galicia, sempre que non estean incluídas no Catálogo galego de especies ameazadas ou no Listado de Especies Silvestres en Réxime de Protección Especial previsto no artigo 56 da Lei 42/2007, do 13 de decembro.

b) A produción de ruídos evitables que alteren a tranquilidade habitual das especies provocando unha afección ás especies incluídas no Listado de especies silvestres en réxime de protección especial de Galicia.

c) Transitar, circular con vehículos, acampar e acender lume nos lugares expresamente prohibidos nos instrumentos de planificación dos espazos naturais protexidos, cando non existan danos ao patrimonio natural ou á biodiversidade.

d) O incumprimento das condicións impostas nas autorizacións para realizar determinadas actuacións que puidesen afectar a espazos e especies protexidas ou nos instrumentos de planificación previstos nesta lei, cando non existan danos ao patrimonio natural ou á biodiversidade.





e) A destrución, deterioro, subtracción ou cambio de emprazamento dos sinais vinculados aos espazos protexidos, así como o incumprimento por parte das persoas titulares dos predios serventes da obriga de dar paso e permitir a súa instalación, conservación ou renovación.

f) Calquera outro incumprimento dos requisitos, obrigas ou prohibicións establecidas nesta lei, sempre que non estean cualificadas como infracción grave ou moi grave nesta lei ou na Lei 42/2007, do 13 de decembro.

Artigo 122. *Infraccións graves*

Serán infraccións graves:

a) A destrución, alteración da estrutura ou funcionamento ecolóxico do hábitat de especies silvestres en réxime de protección especial de Galicia, sempre que non estean incluídas no Catálogo galego de especies ameazadas ou no Listado de Especies Silvestres en Réxime de Protección Especial, en especial dos lugares de reprodución, invernada, repouso ou alimentación incluídos nos espazos naturais protexidos.

b) A tenza, destrución, morte, deterioro, recolección, comercio, captura ou exposición para o comercio ou naturalización non autorizados de especies incluídas no Catálogo galego de especies ameazadas na categoría de “en perigo de extinción” ou “vulnerables”, ou expresamente identificadas a estes efectos nos instrumentos de planificación dos espazos naturais, así como dos seus propágulos ou restos sempre que estas especies non teñan tal catalogación no Catálogo Español de Especies Ameazadas.

c) A destrución, alteración da estrutura ou funcionamento ecolóxico do hábitat de especies incluídas no Catálogo galego de especies ameazadas na categoría de “en perigo de extinción” ou “vulnerables”, en especial dos lugares de reprodución, invernada, repouso ou alimentación incluídos nos espazos naturais protexidos, sempre que estes hábitats non estean incluídos no Catálogo Español de Hábitats en Perigo de Desaparición.

d) A realización de obras, usos ou actividades nas zonas suxeitas legalmente a algún tipo de limitación conforme á presente lei ou que incumpran a normativa dos instrumentos de planificación dos espazos naturais, sen a debida autorización administrativa.

e) A desobediencia ás ordes ou requirimentos do persoal inspector dependente da consellería competente en materia de conservación do patrimonio natural no exercicio das súas funcións de protección dos espazos naturais e da flora e fauna silvestres regulados pola presente lei, así como a obstaculización de dito exercicio.





- f) A destrución de exemplares ou formacións incluídas no Catálogo galego de árbores senlleiras ou a alteración substancial da súa fisionomía ou da súa área de protección que poida alterar os valores que xustificaron a súa inclusión no devandito catálogo.
- g) O incumprimento das condicións impostas nas autorizacións ou nos instrumentos de planificación previstos nesta lei, cando tal incumprimento determine a produción de danos ao patrimonio natural ou á biodiversidade.
- h) O abandono ou depósito de residuos fora dos lugares destinados ao efecto, cando non se tivera producido un dano ou un risco serio para os valores dos ecosistemas.
- i) O incumprimento das ordes de paralización ou suspensión da actividade imposta pola Administración autonómica como medidas cautelares previas, cando as ditas medidas fosen confirmadas no acordo de inicio do procedemento administrativo sancionador.
- l) Transitar, circular con vehículos, acampar e acender lume nos lugares expresamente prohibidos nos instrumentos de planificación dos espazos naturais protexidos, cando se causen danos aos valores protexidos.
- m) A comisión dunha infracción leve do mesmo tipo que a que motivou a sanción anterior no prazo de 2 anos seguintes á notificación desta, sempre que a resolución sancionadora adquirise firmeza na vía administrativa.

Artigo 123. *Infraccións moi graves*

Serán infraccións moi graves:

- a) A colocación de veneno ou cebos envelenados en espazos naturais protexidos ou as accións intencionadas que afecten gravemente a integridade do espazo.
- b) A tenza, destrución, morte, deterioro, recolección, comercio, captura ou exposición para o comercio ou naturalización non autorizados de especies incluídas no Catálogo galego de especies ameazadas na categoría de “en perigo crítico de extinción” ou expresamente identificadas a estes efectos nos instrumentos de planificación dos espazos naturais, así como dos seus propágulos ou restos.
- c) A destrución, alteración da estrutura ou funcionamento ecolóxico do hábitat de especies incluídas no Catálogo galego de especies ameazadas na categoría de “en perigo crítico de extinción”, en especial dos lugares de reprodución, invernada, repouso ou alimentación incluídos nos espazos naturais protexidos.





d) A destrución, alteración da estrutura ou funcionamento ecolóxico de hábitats incluídos no Catálogo de hábitats en perigo de desaparición de Galicia ao ser declarados expresamente como tales por orde da persoa titular da consellería competente en materia de conservación do patrimonio natural.

e) Calquera outra das infraccións previstas nesta lei e non tipificadas na Lei 42/2007, do 13 de decembro, cando os danos causados ao patrimonio natural ou á biodiversidade superen os 200.000 euros ou cando os beneficios obtidos superen os 100.000 euros.

f) A comisión dunha infracción grave do mesmo tipo que a que motivou a sanción anterior no prazo de 2 anos seguintes á notificación desta, sempre que a resolución sancionadora adquirise firmeza na vía administrativa.

Sección 2ª. Sancións

Artigo 124. Sancións

1. As infraccións tipificadas nesta lei sancionaranse coas seguintes multas:

- a) Infraccións leves: multa de 100 a 3.000 euros.
- b) Infraccións graves: multa de 3.001 a 200.000 euros.
- c) Infraccións moi graves: multa de 200.001 a 2.000.000 euros.

2. Ademais da multa correspondente, poderá impoñerse como sanción accesoria o comiso dos medios empregados para a comisión da infracción ou dos produtos ou exemplares obxecto dela conforme ao disposto no artigo 135.5.

3. Cando se cometan infraccións graves ou moi graves, poderán impoñerse tamén as seguintes sancións accesorias:

- a) Perda da posibilidade de obter subvencións ou axudas públicas da Administración autonómica de Galicia por un prazo de ata tres anos para as infraccións moi graves e ata dous anos para as infraccións graves.
- b) Revogación das autorizacións outorgadas en aplicación da presente lei cuxas condicións foran incumpridas ou suspensión destas por un prazo de ata tres anos para as infraccións moi graves e ata dous anos para as infraccións graves.
- c) Peche dos establecementos, locais ou instalacións.





Artigo 125. *Criterios para a graduación das sancións*

1. Na imposición de sancións, deberá gardarse a debida adecuación entre a gravidade do feito constitutivo da infracción e a sanción aplicada, tendo en conta os seguintes criterios: a magnitude do risco que supón a conduta infractora e a súa repercusión; a contía, no seu caso, dos danos ocasionados; a súa transcendencia polo que respecta á seguridade das persoas ou bens protexidos por esta lei; as circunstancias do responsable; o grado de intencionalidade apreciable na persoa infractora ou infractoras; e, no seu caso, o beneficio ilicitamente obtido como consecuencia da conduta infractora, así como a irreversibilidade dos danos ou deterioros producidos.
2. Cando da comisión dunha infracción derive necesariamente a comisión doutra ou doutras, imponse unicamente a sanción correspondente á infracción máis grave cometida.
3. A reincidencia na comisión de infraccións da mesma categoría nun prazo inferior ao da súa prescrición equiparase coa comisión dunha infracción da categoría inmediatamente superior.
4. Evitarase que o beneficio obtido pola persoa infractora sexa superior ao importe da sanción, a cuxos efectos poderá incrementarse o límite máximo da sanción ata o dobre do beneficio da persoa infractora.
5. A reposición da legalidade mediante a restauración do medio natural ao estado previo ao momento de producirse a infracción ou ben a obtención das autorizacións previstas nesta lei, cando teña lugar en calquera momento anterior á finalización do procedemento administrativo sancionador, determinará a aplicación á persoa interesada da contía sancionadora prevista para as infraccións de gravidade inmediatamente inferior.

Sección 3ª. Reparación do dano causado e indemnización

Artigo 126. *Reparación do dano causado e indemnización*

1. Sen prexuízo das sancións que en cada caso procedan por incumprimento do disposto nesta lei, a persoa infractora deberá reparar o dano causado na forma e condicións establecidas na Lei 26/2007, do 23 de outubro, de Responsabilidade Medioambiental, reparación que comprenderá a obriga de repoñer a situación alterada ao seu estado anterior. A persoa infractora estará obrigada a indemnizar os danos e prexuízos que non poidan ser reparados nos termos da correspondente resolución.
2. A consellería competente en materia de conservación do patrimonio natural poderá proceder á execución subsidiaria das obrigas descritas no número anterior a costa da persoa responsable, previo apercibimento e unha vez transcorrido o prazo establecido para a súa execución voluntaria. Non será necesario o apercibimento previo cando da persistencia da





situación puidera derivarse un perigo inminente para a saúde humana ou o medio ambiente, ou en calquera dos supostos de actuación directa previstos na Lei 26/2007, do 23 de outubro.

No suposto de execución subsidiaria, facúltase á consellería competente en materia de conservación do patrimonio natural para proceder á ocupación dos terreos afectados polos danos, unha vez sexa firme a resolución que impoña esta obriga, quedando exentas estas actuacións da necesidade de obter título habilitante municipal. Exceptúase desta facultade os supostos nos que os terreos constitúan o domicilio ou lugares cuxo acceso requira do consentimento da persoa titular, en que será necesaria a obtención deste consentimento ou da autorización xudicial correspondente.

2. A esixencia de repoñer a situación alterada ao seu estado anterior comprende a obriga da persoa infractora de destruír ou demoler toda clase de instalacións ou obras ilegais e de executar cantos traballos sexan precisos para tal fin, consonte aos prazos, forma e condicións que estableza o órgano competente.

CAPÍTULO III Procedemento sancionador

Artigo 127. *Principios xerais*

1. A potestade sancionadora no ámbito competencial autonómico corresponderalle á consellería competente en materia de conservación do patrimonio natural e exercerase a través do correspondente procedemento sancionador, sendo aplicables as regras e principios establecidos na lexislación sobre procedemento administrativo común e sobre o réxime xurídico do sector público.

2. O prazo máximo para a tramitación e resolución do procedemento sancionador será dun ano a contar dende a data do acordo de iniciación. Transcorrido o devandito prazo sen que se ditase e notificase resolución expresa, producirase a caducidade do procedemento na forma prevista pola lexislación reguladora do procedemento administrativo común.

3. Será pública a acción para esixir ante a Administración autonómica a observancia do establecido nesta lei, nas disposicións que se diten para o seu desenvolvemento e execución e nos instrumentos de planificación previstos nela.

Quen exerza a acción pública prevista no parágrafo anterior deberá fundamentar suficientemente os feitos presuntamente constitutivos de infracción. A decisión de iniciación ou non dun procedemento sancionador por tales feitos será motivada e notificada a quen exercese a dita acción pública.





Artigo 128. *Competencia sancionadora*

1. A competencia para a incoación dos procedementos sancionadores por infraccións tipificadas na presente lei corresponderalle á persoa titular da xefatura territorial competente por razón do territorio da consellería competente en materia de conservación do patrimonio natural.

Se a infracción administrativa afectase ao ámbito territorial de dúas ou máis provincias, a competencia para a incoación poderá ser exercida por calquera das persoas titulares das xefaturas territoriais correspondentes, que o notificará á outra xefatura territorial afectada.

2. Pola súa parte, a competencia para a imposición das sancións ás que se refire esta lei corresponderalle:

a) No suposto de infraccións leves, á persoa titular da xefatura territorial correspondente da consellería competente en materia de conservación do patrimonio natural no caso de que a infracción afecte a unha única provincia, ou á persoa titular da dirección xeral competente en materia de conservación do patrimonio natural no caso de que a infracción afecte a máis dunha provincia.

b) No suposto de infraccións graves, á persoa titular da dirección xeral competente en materia de conservación do patrimonio natural.

c) No suposto de infraccións moi graves, á persoa titular da consellería competente en materia de conservación do patrimonio natural.

Artigo 129. *Suxeitos responsables*

1. Só poderán ser sancionadas por feitos constitutivos de infracción administrativa as persoas físicas e xurídicas, así como, cando unha lei lles recoñeza capacidade de obrar, os grupos de afectados, as unións e entidades sen personalidade xurídica e os patrimonios independentes ou autónomos, que resulten responsables dos mesmos a título de dolo ou culpa.

2. As responsabilidades administrativas que se deriven da comisión dunha infracción serán compatibles coa esixencia á persoa infractora da reposición da situación alterada pola mesma ao seu estado orixinario, así como coa indemnización polos danos e prexuízos causados, que se determinará e esixirá polo órgano ao que corresponda o exercicio da potestade sancionadora. De non satisfacerse a indemnización no prazo que ao efecto se determine en función da súa contía, procederase na forma prevista no artigo 101 da Lei 39/2015, do 1 de outubro.





3. Cando o cumprimento dalgunha obriga prevista nesta lei corresponda a varias persoas conxuntamente, responderán de forma solidaria das infraccións que, no seu caso, se cometan e das sancións que se impoñan. Non obstante, cando a sanción sexa pecuniaria e sexa posible individualizarse na resolución en función do grao de participación de cada responsable.

Artigo 130. *Concorrenza de sancións*

Non poderán sancionarse os feitos que o teñan sido penal ou administrativamente, nos casos en que se aprecie identidade do suxeito, feito e fundamento.

Artigo 131. *Medidas provisionais*

1. Iniciado o procedemento sancionador, o órgano administrativo competente para resolvelo poderá adoptar de oficio ou a instancia de parte e de forma motivada, as medidas provisionais que estime pertinentes para asegurar a eficacia da resolución que puidera recaer, se existen elementos de xuízo suficientes para elo, consonte aos principios de proporcionalidade, efectividade e menor onerosidade.

2. Antes da iniciación do procedemento administrativo, o órgano competente para iniciar ou instruír o procedemento, de oficio ou a instancia de parte, nos casos de urxencia inaprazable e para a protección provisional dos intereses implicados, poderá adoptar de forma motivada as medidas provisionais que resulten necesarias e proporcionadas. No caso de tratarse da adopción do comiso, tamén será competente para a súa adopción, o persoal con funcións inspectoras do artigo 116.

3. As medidas provisionais deberán ser confirmadas, modificadas ou levantadas no acordo de iniciación do procedemento, que deberá efectuarse dentro dos quince días seguintes á súa adopción, o cal poderá ser obxecto do recurso que proceda. En todo caso, ditas medidas quedarán sen efecto se non se inicia o procedemento no devandito prazo ou cando o acordo de iniciación non conteña un pronunciamento expreso acerca destas.

Artigo 132. *Multas coercitivas*

1. Procederase á imposición de multas coercitivas polo órgano competente para o exercicio da potestade sancionadora, reiteradas por lapsos de tempo non inferiores a quince días, se as persoas infractoras non procederan á reparación do dano causado consonte ao ordenado pola Administración. Estas multas coercitivas son independentes e compatibles coas multas que se puideran impoñerse en concepto de sanción.

2. O importe de cada unha das multas coercitivas non excederá, en cada caso, de 3.000 euros, sen que a contía de cada unha delas poida superar o importe da sanción fixada pola infracción cometida.





3. A determinación da contía das multas coercitivas fixarase atendendo aos seguintes criterios:

- a) O retraso no cumprimento da obriga de reparar .
- b) A existencia de intencionalidade ou reiteración no incumprimento das súas obrigas.
- c) A natureza e relevancia dos danos e prexuízos causados.

4. No caso de impago, as multas coercitivas serán esixibles pola vía de constrinximento.

Artigo 133. *Recoñecemento da responsabilidade*

1. Iniciado un procedemento sancionador, se a persoa infractora recoñece a súa responsabilidade, poderase resolver o procedemento coa imposición da sanción que proceda.

2. Cando a sanción teña unicamente carácter pecuniario ou ben caiba impor unha sanción pecuniaria e outra de carácter non pecuniario pero se xustificase a improcedencia da segunda, o pagamento voluntario polo presunto responsable, en calquera momento anterior á resolución, implicará a terminación do procedemento, salvo no relativo á reposición da situación alterada ou á determinación da indemnización polos danos e perdas causados pola comisión da infracción.

3. En ambos os casos, cando a sanción teña unicamente carácter pecuniario, o órgano competente para resolver o procedemento aplicará reducións de, ao menos, o 20 % sobre o importe da sanción proposta, que serán acumulables entre si. As citadas reducións deberán estar determinadas na notificación de iniciación do procedemento e a súa efectividade estará condicionada á desistencia ou renuncia de calquera acción ou recurso en vía administrativa contra a sanción.

A porcentaxe de redución prevista neste número poderá ser incrementada regulamentariamente.

Artigo 134. *Responsabilidade penal*

Nos supostos en que as infraccións puideran ser constitutivas de delito, o órgano instrutor trasladará as actuacións ao órgano xurisdiccional competente e absterase de proseguir o procedemento sancionador mentres a autoridade xudicial non ditara sentenza firme ou resolución que poña fin ao procedemento. A sanción da autoridade xudicial excluírá a imposición de sanción administrativa, nos casos en que se aprecie identidade de suxeito, feitos e fundamento. No caso de non apreciarse a existencia de delito, a Administración poderá





continuar o procedemento sancionador, baseándose nos feitos que a xurisdición competente considerara probados.

Artigo 135. *Comiso*

1. Poderá acordarse o comiso dos medios empregados para a comisión da infracción ou dos produtos ou exemplares obxecto dela como medida provisional nos termos previstos no artigo 131.

2. O comiso poderá efectuarse tanto polo órgano competente para iniciar o procedemento sancionador coma polo persoal con funcións inspectoras regulado nesta lei.

Cando o comiso se acorde por este persoal, deixarase constancia por escrito na acta de inspección correspondente.

3. Os comisos depositaranse en dependencias da Administración autonómica, sen prexuízo da posibilidade de subscribir acordos de colaboración con outras Administracións públicas a estes efectos. En todo caso, darase recibo dos medios, produtos ou exemplares decomisados no que se describirá o seu estado, custodiándose ata que se acorde o seu destino.

4. A medida provisional de comiso poderá ser alzada durante a tramitación do procedemento, de oficio ou a instancia de parte, en virtude de circunstancias sobrevidas ou que non se tiveran en conta no momento da súa adopción. Nos mesmos termos a dita medida provisional poderá ser modificada pola prestación de garantía que se considere suficiente.

En todo caso, a medida provisional acordada extinguirase cando produza efectos a resolución administrativa que poña fin ao procedemento correspondente.

5. De acordo co artigo 124.2 o órgano competente para resolver o procedemento sancionador poderá acordar, como sanción accesoria, o comiso dos medios empregados para a comisión da infracción ou dos produtos ou exemplares obxecto desta. Na resolución na que se imponha esta sanción accesoria deberá determinarse o destino definitivo dos medios, produtos ou exemplares decomisados.

Artigo 136. *Prescripción*

1. As infraccións previstas nesta lei cualificadas como leves prescriben ao ano, as cualificadas como graves, aos tres anos, e as cualificadas como moi graves, aos cinco anos.

O prazo de prescripción das infraccións comezará a contarse desde o día en que a infracción se tivera cometido. No caso de infraccións continuadas ou permanentes, o prazo comezará a contarse desde que finalizou a conduta infractora.





Interrompe a prescrición das infraccións a iniciación, con coñecemento da persoa interesada, do procedemento sancionador, reanudándose o prazo de prescrición se o expediente sancionador estivera paralizado durante máis dun mes por causa non imputable ao presunto responsable.

2. As sancións impostas pola comisión de infraccións leves prescriben ao ano, as impostas por infraccións graves, aos tres anos, e as impostas por infraccións moi graves, aos cinco anos.

O prazo de prescrición das sancións comezará a contarse desde o día seguinte a aquel no que sexa executable a resolución pola que se impón a sanción ou transcorrera o prazo para recorrela.

Interrompe a prescrición das sancións a iniciación, con coñecemento da persoa interesada, do procedemento de execución, reanudándose o prazo se aquel estivera paralizado durante máis dun mes por causa non imputable á persoa infractora.

No caso de desestimación presunta do recurso de alzada interposto contra a resolución pola que se impón a sanción, o prazo de prescrición da sanción comezará a contarse desde o día seguinte a aquel en que remate o prazo legalmente previsto para a resolución de dito recurso.

3. A obriga de reparar o dano causado prevista no artigo 126 non prescribe.

DISPOSICIÓNS ADICIONAIS

Disposición adicional primeira. *Solapamento nun mesmo lugar de distintas figuras de espazos protexidos*

Se se solapan nun mesmo lugar distintas figuras de espazos protexidos, as súas normas reguladoras e os mecanismos de planificación deberán ser coordinados para unificarse nun único documento integrado, co obxecto de que os diferentes réximes aplicables en función de cada categoría conformen un todo coherente. Constitúen unha excepción ao anterior os supostos en que as distintas figuras de espazos protexidos correspondan a diferentes administracións públicas, sen prexuízo da colaboración interadministrativa pertinente.

Disposición adicional segunda. *Prazos dos procedementos e sentido do silencio administrativo*

1. O prazo máximo para resolver os procedementos de competencia autonómica previstos nesta lei que non teñan fixado un prazo específico será de dous anos a contar desde a data do acordo de inicio ou, no caso de iniciación a solicitude de persoa interesada, desde a data na que a solicitude tivese entrada no rexistro do órgano competente para a súa tramitación





2. O silencio administrativo, no ámbito da presente lei e, para os casos nos que non estean previstos expresamente os seus efectos, producirá efectos desestimatorios da solicitude no caso de procedementos iniciados a instancia de parte.

Disposición adicional terceira. *Competencias doutros órganos e administracións*

As autorizacións previstas nesta lei enténdense sen prexuízo das que corresponda outorgar a outros órganos ou administracións no exercicio das súas respectivas competencias.

Disposición adicional cuarta. *Prazo de emisión de informes polo Consello Galego de Medio Ambiente e Desenvolvemento Sostible*

O Consello Galego de Medio Ambiente e Desenvolvemento Sostible disporá dun prazo máximo de vinte días hábiles para a emisión dos informes que se lle soliciten no eido das competencias do dito órgano.

Disposición adicional quinta. *Recursos pesqueiros e recursos fitoxenéticos e zootenéticos para a agricultura e a alimentación*

Salvo para o previsto no artigo 106, quedan excluídos do ámbito de aplicación desta lei:

- a) Os recursos pesqueiros regulados pola Lei 3/2001, do 26 de marzo, de Pesca Marítima do Estado.
- b) Os recursos fitoxenéticos para a agricultura e a alimentación, regulados pola Lei 30/2006, do 26 de xullo, de sementes e plantas de viveiro e de recursos fitoxenéticos.
- c) Os recursos zootenéticos para a agricultura e a alimentación, que se rexerán pola súa normativa específica.

DISPOSICIÓN TRANSITORIAS

Disposición transitoria primeira. *Xuntas reitoras*

As xuntas consultivas constituídas á entrada en vigor desta lei, pasan a denominarse xuntas reitoras, sen que esta modificación da súa denominación conleve ningún cambio nas funcións que teñen encomendadas.

Disposición transitoria segunda. *Zonas de especial protección dos valores naturais*





As zonas de especial protección dos valores naturais declaradas á entrada en vigor desta lei e que sexan LIC, ZEC ou ZEPA terán a consideración de espazos protexidos Rede Natura 2000 competencia da Comunidade Autónoma de Galicia.

Disposición transitoria terceira. *Parques naturais declarados*

Os parques naturais declarados á entrada en vigor desta lei, conservarán a súa consideración como tales aínda que non cumpran os requisitos establecidos no artigo 24.5.

Disposición transitoria cuarta. *Áreas críticas para unha especie*

As áreas prioritarias de conservación recollidas nos plans de recuperación ou de conservación aprobados con anterioridade á entrada en vigor desta lei, terán a consideración de áreas críticas para unha especie.

Disposición transitoria quinta. *Espazos naturais protexidos con instrumento de planificación aprobado*

Os espazos naturais protexidos que contén cun instrumento de planificación aprobado con anterioridade á entrada en vigor desta lei non requirirán da aprobación dun novo instrumento de planificación dos previstos no artigo 49 durante todo o seu período de vixencia.

Disposición transitoria sexta. *Solo urbano nos espazos naturais protexidos preexistentes*

A exclusión recollida no artigo 21.2 non resultará aplicable a aqueles espazos naturais protexidos que xa estiveran declarados como tales á entrada en vigor desta lei.

Disposición transitoria sétima. *Procedementos administrativos en tramitación*

1. Os procedementos sancionadores que se atopan en tramitación á entrada en vigor da presente lei continuarán tramitándose consonte ao establecido na lexislación vixente no momento en que se cometeu a infracción. As disposicións sancionadoras producirán efecto retroactivo en canto favorezan ao presunto infractor ou ao infractor, tanto no referido á tipificación da infracción como á sanción e aos seus prazos de prescrición, incluso respecto das sancións pendentes de cumprimento ao entrar en vigor a nova disposición.

2. O resto de procedementos administrativos en tramitación á entrada en vigor da presente lei, tramitaranse pola normativa vixente ao iniciarse a súa tramitación.





3. O Catálogo galego de especies ameazadas regulado mediante o Decreto 88/2007, do 19 de abril, continuará a rexerse polo disposto na citada norma, en todo o que non se opoña a esta lei, ata que se leve a cabo a súa modificación .

DISPOSICIÓN DERROGATORIAS

Disposición derogatoria única. *Derrogación normativa*

1. Queda derogada a Lei 9/2001, do 21 de agosto, de conservación da natureza.
2. Queda derogado o Decreto 72/2004, do 2 de abril, polo que se declaran determinados Espazos como Zonas de Especial Protección dos Valores Naturais, e o Decreto 124/2005, do 6 de maio, polo que se regula a figura de espazo natural de interese local e a figura do espazo privado de interese natural.
3. Así mesmo, quedan derogadas cantas outras disposicións de igual ou inferior rango se opoñan ao disposto nesta lei.

DISPOSICIÓN DERRADEIRAS

Disposición derradeira primeira. *Modificación da Lei 5/2017, do 19 de outubro, de fomento da implantación de iniciativas empresariais en Galicia*

Engádesse, no número 3 da disposición adicional segunda da Lei 5/2017, do 19 de outubro, de fomento da implantación de iniciativas empresariais en Galicia, un novo parágrafo co seguinte contido:

“En garantía da sustentabilidade financeira do sistema e para permitir realizar as previsións oportunas en canto ao volume de residuos procedentes da fracción orgánica dos residuos urbanos (Forsu) que se van tratar na nova planta de compostaxe, os convenios terán un prazo mínimo de vixencia de cinco anos, que poderá ser prorrogado de común acordo polas partes”.

Disposición derradeira segunda. *Desenvolvemento regulamentario*

Autorízase ao Consello da Xunta a ditar cantas normas sexan precisas para o desenvolvemento da presente lei.





Disposición derradeira terceira. *Actualización dos importes das sancións*

Mediante decreto aprobado polo Consello da Xunta de Galicia poderá procederse á actualización dos importes das sancións recollidas no artigo 124.1. que se realizará de conformidade coa normativa básica estatal en materia de desindexación.

Disposición derradeira cuarta. *Entrada en vigor*

A presente lei entrará en vigor aos vinte días naturais da súa publicación no Diario Oficial de Galicia.



Á MESA DO PARLAMENTO

O Grupo Parlamentario de En Marea, por iniciativa dos seus deputados **Antón Sánchez García** e **Marcos Cal Ogando**, ao abeiro do disposto no artigo 112 do Regulamento da Cámara, presenta a seguinte **Emenda á totalidade, con petición de devolución**, ao **Proxecto de lei do patrimonio natural de Galicia** [doc. núm. 49936, (10/PL-000016)] polas seguintes razóns:

A conservación ambiental non estivo nin está nas prioridades do Goberno galego dende que o PP chegou novamente, en 2009, ao poder autonómico. A rebaixa dos orzamentos en política ambiental foi drástica, e a parálise e a ausencia de avances foi a nota predominante.

Este Proxecto de lei vén substituír a Lei 9/2001, de 21 de agosto, de conservación da natureza, entendendo que xa é unha norma obsoleta e que non se adaptada ás novidades lexislativas europeas e estatais.

Porén, foi unha lei incumprida polo Goberno popular durante os últimos 10 anos, deixando sen desenvolver preceptos básicos do texto legal vixente, mesmo sen ter un desenvolvemento regulamentario. Para por un exemplo, só están aprobados 2 plans de conservación das 74 especies ameazadas que constan no Catálogo.

Isto é mostra da falla de interese da Xunta de Galicia na conservación natural e da biodiversidade.

Outra mostra máis é a ausencia dunha proposta do Goberno galego para a ampliación da Rede Natura 2000, reiteradamente demandada, tamén dende as





institucións europeas, e prometida polo propio PP; ou mesmo a grande demora para adaptar a lei autonómica á estatal que está en vigor dende 2007.

Polo exposto, non é posible que a elaboración dun novo texto legal tape as enormes carencias neste campo do Goberno galego. Moito menos cando este Proxecto de lei segue a manter tics característicos deste goberno que abren a posibilidade á discrecionalidade na actividade urbanística e económica nos espazos protexidos.

En principio prevalecen os instrumentos de planificación e xestión dun espazo protexido sobre calquera outra planificación sectorial e urbanística, pero deixa aberta a porta á discrecionalidade, porque introduce a excepción de “cando concorran razóns imperiosas de interese público de primeira orde”.

Así os planos de ordenación dos recursos, plans reitores de uso e xestión, plans de conservación poderán ser subordinados a intereses alleos á conservación ambiental por criterios moi pouco concretados no texto legal.

Vemos tamén como o texto pretende que os PORN non poidan establecer determinacións sobre os solos urbanos.

O texto legal non regula as boas prácticas forestais como si o fai coas prácticas agrícolas, o que, nun país onde a política forestal é unha ameaza para a biodiversidade ou para o ciclo da auga, é moi chamativo.

Tampouco se contempla un Catálogo de Especies Exóticas Invasoras, unha ameaza para o equilibrio e a biodiversidade.

En contra do que contén a Lei básica estatal 42/2007, ou leis autonómicas, o Goberno galego pretende impoñer unha superficie mínima para a consideración





de parque natural, o que empobrece a protección limitándoa cun criterio simplista. Si hai necesidade de conservación especial dun espazo non vén determinada pola superficie.

Non incorpora principios fundamentais, que si están na lei básica estatal 42/2007 de protección do patrimonio natural, de forma incomprensible. Exemplos destes son a preservación dos servizos ecosistémicos, ou a xustiza e a equidade no reparto dos beneficios do aproveitamento dos recursos.

O Proxecto de lei ten unha visión que desconecta coa realidade social do marco ambiental, cuestións que non poden desligarse, e máis si non se quere que entren en conflito a conservación da natureza e a economía das persoas, falsa dicotomía que sempre introduce este goberno nos debates.

Existen no texto outras ausencias clamorosas como é unha regulación acerca das rías galegas ou unha inclusión exhaustiva dos humidais presentes no inventario de humidais de Galiza.

Mostras do sesgo dos esquecementos da lei é o artigo 84 onde se exclúe o punto 7 do artigo 46 que dí :“7. La realización o ejecución de cualquier plan, programa o proyecto que pueda afectar de forma apreciable a especies incluídas en los anexos II o IV que hayan sido catalogadas, en el ámbito estatal o autonómico, como en peligro de extinción, únicamente se podrá llevar a cabo cuando, en ausencia de otras alternativas, concurren causas relacionadas con la salud humana y la seguridad pública, las relativas a consecuencias positivas de primordial importancia para el medio ambiente u otras razones imperiosas de interés público de primer orden. La justificación del plan, programa o proyecto y la adopción de las correspondientes medidas compensatorias se llevará a cabo conforme a lo previsto en el apartado 5, salvo por lo que se refiere a la remisión





de las medidas compensatorias a la Comisión Europea.” Unha ausencia significativa.

Finalmente, aínda que sempre é importante unha lexislación actualizada, non é menos importante o cumprimento e implementación das leis e o financiamento axeitado e, neste proxecto, non só non se garante un financiamento axeitado senón que textualmente di que: “A maior parte das previsións e modificacións que esta lei introduce respecto á Lei 9/2001 non teñen repercusións económicas para ningunha das administracións afectadas” e, polo tanto, non implican ningún incremento de gasto público.

Creemos firmemente que só co desenvolvemento dun modelo socioeconómico e transversal e do incremento dos orzamentos dedicado a políticas de protección da natureza se poderán cumprir os obxectivos pretendidos, e ambas as dúas condicións non se garanten con este Proxecto de lei.

Por todo o exposto, o Grupo Parlamentario de En Marea presenta a presente emenda de devolución ao Proxecto de lei do patrimonio cultural de Galicia.

Santiago de Compostela, 10 de xuño de 2019.

Asdo.: Antón Sánchez García

Marcos Cal Ogando

Deputados e Voceiro S. do G.P. de En Marea.





Asinado dixitalmente por:

Antón Sánchez García na data 10/06/2019 16:57:42

Marcos Cal Ogando na data 10/06/2019 16:57:51



Reunión do Pleno do Parlamento

Día: 25.06.2019

Hora: 10:00

Orde do día

- 1.2 Debate e votación do Ditame, elaborado pola Comisión 5ª, Sanidade, Política Social e Emprego, sobre o Proxecto de lei de ordenación farmacéutico de Galicia.

47930 (09/PL-000013)

Publicación do Ditame da Comisión, BOPG núm. 488, do 17.06.2019

Publicación emendas e votos particulares, BOPG núm. 488, do 17.06.2019

Vid. Separata núm. 2

PLENO DO PARLAMENTO

25 de xuño de 2019

- 1.2 Debate e votación do Ditame, emitido pola Comisión 5ª, Sanidade, Política Social e Emprego, sobre o Proxecto de lei de ordenación farmacéutica de Galicia (doc. núm. 47930, 10/PL-000013)

Publicación ditame da Comisión, BOPG n.º 488, do 17.06.2019

Publicación de emendas e votos particulares, BOPG n.º 488, do 17.06.2019

Separata núm. 2

1. Procedementos parlamentarios

1.1. Procedementos de natureza normativa

1.1.2. Propostas de normas

1.1.2.1. Proxectos e proposicións de lei

1.1.2.1.1. Proxectos de lei

Ditame emitido pola Comisión 5ª, Sanidade, Política Social e Emprego, sobre o Proxecto de lei de ordenación farmacéutica de Galicia

A Comisión 5ª, Sanidade, Política Social e Emprego, na reunión do 13 de xuño de 2019, adoptou os seguintes acordos:

Aprobación do ditame da Comisión

- 47930 (10/PL-000013)

Presidencia da Xunta de Galicia

Proxecto de lei de ordenación farmacéutica de Galicia

BOPG nº 446, do 21.03.2019

Santiago de Compostela, 13 de xuño de 2019

Miguel Ángel Santalices Vieira

Presidente

Ditame emitido pola Comisión 5ª, Sanidade, Política Social e Emprego sobre o Proxecto de lei de ordenación farmacéutica de Galicia

A Comisión 5ª, Sanidade, Política Social e Emprego, na sesión do día 13 de xuño de 2019, á vista do Informe elaborado pola Ponencia sobre o Proxecto de lei de Ordenación Farmacéutica de Galicia, de conformidade co disposto nos artigos 116 e seguintes do Regulamento do Parlamento de Galicia, aprobou o seguinte:

DITAME

Exposición de motivos

I

O artigo 43 da Constitución española reconece o dereito á protección da saúde, atribuíndo aos poderes públicos a organización e a tutela da saúde pública, a través de medidas preventivas e das prestacións e servizos necesarios.

Consonte o artigo 103 da Lei 14/1986, do 25 de abril, xeral de sanidade, as oficinas de farmacia abertas ao público son establecementos sanitarios suxeitos á planificación sanitaria nos termos establecidos pola lexislación especial de medicamentos e farmacias.



A Lei 16/1997, do 25 de abril, de regulación de servizos das oficinas de farmacia, co obxecto de mellorar a atención farmacéutica á poboación, establece o marco xurídico básico, que debe ser completado polas comunidades autónomas competentes na materia.

Neste sentido, o artigo 28.8 do Estatuto de autonomía dispón que é competencia da Comunidade Autónoma galega o desenvolvemento lexislativo e a execución da lexislación do Estado nos termos que esta establece en materia de establecementos farmacéuticos. E, conforme o seu artigo 33, correspóndelle á Comunidade Autónoma de Galicia o desenvolvemento lexislativo e a execución da lexislación básica do Estado en materia de sanidade interior e a execución da lexislación do Estado sobre produtos farmacéuticos, engadindo o dito precepto, no seu número 4, que a Comunidade Autónoma poderá organizar e administrar para tales fins e dentro do seu territorio todos os servizos relacionados coas materias antes expresadas e exercerá a tutela das institucións, entidades e fundacións en materia de sanidade e Seguridade Social, reservando para si o Estado a alta inspección conducente ao cumprimento das funcións e competencias contidas no precepto.

Pola súa banda, o texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo, fixa os criterios básicos de ordenación do sector farmacéutico, tanto no que atinxe aos establecementos farmacéuticos como ao uso racional dos medicamentos, encomendándolles ás diferentes administracións con competencias en materia de sanidade a ordenación das oficinas de farmacia, servizos farmacéuticos e prestacións farmacéuticas.

A Lei 5/1999, do 21 de maio, de ordenación farmacéutica, regulou ata o de agora a atención farmacéutica na nosa Comunidade Autónoma. Durante os dezanove anos transcorridos desde a súa entrada en vigor a dita lei foi obxecto de modificacións parciais.

En primeiro lugar, pola Lei 4/2005, do 17 de marzo, co obxecto de reformar determinados aspectos da regulación do traslado e transmisión das oficinas de farmacia, así como introducir cambios na regulación da clasificación das unidades de radiofarmacia.

Posteriormente foi modificada pola Lei 7/2006, do 1 de decembro, co fin de eliminar a limitación da idade máxima de 65 anos para solicitar a autorización dunha oficina de farmacia, atendendo os razoamentos expostos polo Tribunal Superior de Xustiza de Galicia no auto no que este tribunal decidiu a formulación de cuestión de inconstitucionalidade no seo do recurso contencioso-administrativo número 4787/2001, interposto pola Federación de Empresarios Farmacéuticos de Galicia.

A terceira modificación efectuouse pola Lei 12/2011, do 26 de decembro, de medidas fiscais e administrativas. Neste caso, as modificacións afectaron os criterios que había que ter en conta na organización do réxime das quendas de garda das oficinas de farmacia, os supostos de establecemento obrigatorio de servizos de farmacia nos hospitais, centros de asistencia social e psiquiátricos e os recursos humanos cos que deberían contar, os casos nos que poderían autorizarse depósitos de medicamentos e produtos sanitarios e as súas funcións, e, finalmente, o réxime sancionador, co obxecto de incorporar novas infraccións e actualizar o réxime das sancións inicialmente previstas.

A derradeira modificación efectuouse pola Lei 9/2017, do 26 de decembro, de medidas fiscais e administrativas, afectando neste caso o réxime de transmisión das novas oficinas de farmacia ad-



xudicadas por concurso público, ampliando, ata os quince anos, o período mínimo para poder efectuar a transmisión daquelas e adaptando a esta modificación a regulación da rexencia.

No entanto, estas modificacións parciais resultaron insuficientes, polo que cómpre acometer unha nova regulación integral da atención farmacéutica, máis acorde co presente e que permita afrontar e dar solución, de maneira máis eficaz, ás actuais necesidades e demandas tanto dos/das profesionais farmacéuticos/as como das persoas usuarias.

Esta nova regulación vén imposta ademais pola necesidade de adaptación da normativa autonómica á normativa estatal de obrigado cumprimento ditada con posterioridade á Lei 5/1999, do 21 de maio, como é o caso da contida no vixente texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo.

II

O obxecto desta lei é a regulación da atención farmacéutica en Galicia, entendida como un servizo de interese público que comprende un conxunto de actuacións que deben prestarse en todos os niveles do noso sistema sanitario, dirixidas a garantirlle á cidadanía o acceso rápido, eficaz, oportuno, equitativo e racional aos medicamentos e produtos sanitarios que precise. Un servizo que, ademais, contribúa a facer un uso racional e eficiente deles nos distintos niveis de asistencia sanitaria e no ámbito da saúde pública, que sempre deberá ser prestado baixo a responsabilidade e supervisión dos/das profesionais farmacéuticos/as, en relación coa adquisición, custodia, conservación, distribución e dispensación de medicamentos e produtos sanitarios.

A regulación da atención farmacéutica realízase desde unha perspectiva ampla, integradora dos diferentes sectores que levan a cabo a dispensación de medicamentos e produtos sanitarios. Por tal motivo, esta lei regula a atención farmacéutica prestada a través das oficinas de farmacia e boticas anexas, así como a prestada a nivel de atención primaria e especializada, e nas entidades prestadoras de servizos sociais e outros centros sanitarios, perseguindo, en todo caso, unha actuación coordinada dos distintos niveis, para ofrecerlle á cidadanía unha atención farmacéutica integral.

As razóns anteriormente expostas son as que motivan a necesidade e oportunidade de promulgar unha nova lei máis acorde cos novos tempos, para o cal se prevén distintas novidades respecto da regulación legal autonómica existente ata o de agora.

Así, por un lado, a experiencia acumulada pola consellaría competente en materia de sanidade ao longo deste tempo no ámbito das oficinas de farmacia puxo de manifesto a necesidade de establecer uns procedementos de adxudicación de novas oficinas de farmacia máis áxiles e rápidos. Por este motivo, o inicio dos concursos públicos de adxudicación das novas oficinas de farmacia será efectuado só de oficio pola consellaría competente en materia de sanidade.

Ademais, co obxecto de lograr unha maior profesionalización deste sector e promover a racionalización da planificación farmacéutica e a regularización e reorganización do mapa farmacéutico, introdúcese como novidade a convocatoria dun concurso previo de traslados ao que poderán con-



correr os/as farmacéuticos/as titulares ou cotitulares dunha oficina de farmacia establecida na Comunidade Autónoma de Galicia. Con posterioridade, convocarase outro concurso para a provisión das oficinas de farmacia vacantes resultantes do concurso de traslados, que englobará tanto as novas oficinas de farmacia recollidas no mapa farmacéutico non cubertas como aquelas que quedasen libres por traslado da persoa titular, sempre e cando se manteñan as razóns de interese público que o aconsellen e sigan sendo necesarias, á vista dos módulos poboacionais previstos nesta nova lei. A este procedemento poderán concorrer todos/as os/as farmacéuticos/as que no momento de finalización do prazo de presentación de solicitudes fixado na convocatoria sexan ou non titulares ou cotitulares dunha oficina de farmacia, establecida dentro ou fóra da nosa comunidade, que non a transmitisen nos dez anos anteriores á dita data.

Outras novidades que hai que destacar neste ámbito son a inclusión da exigencia de constitución de garantías para efectos do concurso público de adxudicación de novas oficinas de farmacia, de cara a asegurar a continuidade do dito procedemento, así como a desaparición do suposto da caducidade das autorizacións administrativas por cumprimento da idade de 70 anos das persoas titulares delas ou a necesidade de autorización de nomeamento dun/dunha farmacéutico/a rexente nos casos de xubilación desta/s persoa/s. Non obstante, en todo caso, no momento de cumprir o/a farmacéutico/a titular ou cotitular a idade de 70 anos e de continuar exercendo a dita función, resultará obrigada a contratación dun/dunha ou varios/as farmacéuticos/as adxuntos/as adicionais, segundo se determine regulamentariamente.

Entre as novidades máis salientables destaca tamén a redución do período de duración da rexencia, que pasa dos cinco aos dous anos, agás nos casos de falecemento cando algún/algunha dos/das herdeiros/as en primeiro grao estea cursando estudos de Farmacia, ou de incapacidade total ou absoluta do/da farmacéutico/a se non reúne os requisitos para a xubilación, nos que poderá estenderse ata un máximo de cinco anos. Esta nova lei tamén acolle e adapta o réxime de transmisión de oficinas de farmacia introducido xa na modificación efectuada pola Lei 9/2017, do 26 de decembro, no artigo 23.2 da anterior Lei 5/1999, do 21 de maio, na que se ampliaba o período exixido para poder proceder á transmisión das oficinas de farmacia adxudicadas polo procedemento de concurso público dos tres aos quince anos, contados desde a apertura ao público da oficina de farmacia, agás nos casos taxados previstos na lei, entre os cales non se recolle agora o suposto de xubilación do/da farmacéutico/a titular, o que resulta coherente tras a eliminación da caducidade da autorización ao faceren estes/as os 70 anos. Nesta liña cómpre salientar que, acorde co anterior, tampouco se recolle agora a xubilación entre os supostos nos que pode autorizarse o nomeamento dun/dunha rexente, o cal si permitía o artigo 12 da Lei 5/1999, do 21 de maio.

Polo que respecta á atención farmacéutica prestada nas oficinas de farmacia, a lei recolle expresamente a prohibición de desenvolver nos locais das oficinas de farmacia actividades de venda ao público de produtos distintos dos propios da canle farmacéutica ou actividades comerciais por sociedades mercantís ou outras entidades con personalidade xurídica diferenciada do/da farmacéutico/a titular ou dos/das farmacéuticos/as cotitulares, con independencia de que o domicilio social radique na propia oficina de farmacia ou noutro lugar distinto. Igualmente, prohíbese o arrendamento, o subarrendamento ou a cesión, a título oneroso ou gratuito, do uso dos locais das oficinas de farmacia a terceiras persoas distintas da persoa titular para o desenvolvemento de calquera actividade, incluso cando esas actividades teñan relación co ámbito sanitario.



Resulta tamén salientable como novidade neste sentido a inclusión da posibilidade de que, de xeito excepcional, e cando se cumpran determinados requisitos, a atención farmacéutica poida ser prestada domiciliariamente, sempre cumprindo estritamente as garantías sobre a calidade e o control sanitario para calquera desas entregas, para o cal se incorporarán os métodos ou sistemas de control necesario, que deberán ser recollidos regulamentariamente, e a obriga de presenza física da persoa titular ou, se é o caso, dun/dunha cotitular, rexente ou substituto/a na oficina de farmacia de maneira habitual durante o horario de atención ao público, para realizar as funcións correspondentes a estes establecementos.

En materia de boticas anexas, destaca a incorporación da posibilidade de que no mapa farmacéutico debe preverse, xunto á nova oficina de farmacia, a instalación dunha botica anexa vinculada a ela naquelas zonas especiais de difícil accesibilidade. A lei tamén recolle a posibilidade de proceder á autorización dunha botica anexa para prestar a atención farmacéutica naqueles casos nos que se concedese unha autorización de traslado ou situación de peche que dificulte o acceso á atención farmacéutica da poboación.

No que atinxe ao establecemento das oficinas de farmacia, sexa por razón de nova instalación ou de cambio de localización, exceptúase o requisito de respectar a distancia mínima de douscentos cincuenta metros naquelas zonas farmacéuticas que contén cunha única oficina de farmacia, sempre e cando concorran razóns de interese xeral que así o xustifiquen. Ademais, naquelas oficinas de farmacia para cuxa instalación e apertura se fixase unha delimitación territorial concreta, a obriga de respectar a dita delimitación no traslado poderá exceptuarse sempre e cando non se manteñan as condicións que motivaron a súa instalación nesa delimitación.

En materia de cambios de localización, a lei incorpora tamén a posibilidade de limitalos cando se aprecie que, no caso de seren autorizados, se produza un detrimento grave do servizo farmacéutico na zona en que se localiza a oficina de farmacia, en especial naqueles núcleos nos que soamente exista a oficina de farmacia establecida, sempre e cando se manteñan as condicións que motivaron a súa autorización inicial. Por último, a lei tamén incorpora o réxime de reforma dos locais de oficinas de farmacia, o cal non estaba regulado ata o de agora.

Respecto da atención farmacéutica prestada a nivel de atención primaria e nos hospitais, centros de asistencia social e outros centros, servizos e establecementos sanitarios, actualízanse as funcións das correspondentes unidades e servizos de farmacia e recóllense as correspondentes ás unidades de radiofarmacia, consonte a normativa estatal aplicable.

Así mesmo, a lei regula as entidades de distribución de medicamentos de uso humano e veterinario e produtos sanitarios, os depósitos de medicamentos e produtos sanitarios e outros aspectos relacionados coa información, promoción e publicidade de medicamentos e produtos sanitarios, e prohíbe toda forma de publicidade e promoción das oficinas de farmacia, agás nos casos establecidos regulamentariamente, así como a organización de eventos ou actividades e a utilización de ferramentas que poidan implicar unha promoción da oficina de farmacia co fin de non interferir no dereito de libre elección de oficina de farmacia por parte da cidadanía.

Establécese, por último, un novo réxime de incompatibilidades dos/das profesionais farmacéuticos/as e un novo réxime sancionador, o cal inclúe unha relación exhaustiva das infraccións e as



correspondentes sancións, a salvo en todo caso das establecidas no texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo, e o prazo para resolver e notificar as resolucións ditadas nos expedientes por infraccións en materia de establecementos farmacéuticos e medicamentos, produtos sanitarios, cosméticos e produtos de coidado persoal. Inclúese entre as sancións a de revogación da autorización daquelas oficinas de farmacia nas que se verifique o incumprimento de xeito reiterado e inxustifico da obriga da dispensación de medicación que lles sexa solicitada pola cidadanía nas condicións legal e regulamentariamente establecidas.

III

A lei estrutúrase en dez títulos.

O título preliminar define o seu obxecto e ámbito de aplicación, que é o de regular a atención farmacéutica no ámbito territorial da Comunidade Autónoma de Galicia.

O título I está dedicado á atención farmacéutica. No capítulo I, relativo ás disposicións xerais, defínese a atención farmacéutica e enuméranse cales son os establecementos e servizos encargados desta e as modalidades e as prohibicións de venda de medicamentos e produtos sanitarios, así como os requisitos para a venda directa aos/ás profesionais da medicina, odontoloxía, veterinaria e podoloxía, exclusivamente, dos medicamentos necesarios para o exercicio da súa actividade profesional, e mais os supostos especiais de entrega de medicamentos e produtos sanitarios.

O capítulo II refírese aos dereitos e obrigas tanto dos establecementos e servizos de atención farmacéutica como da cidadanía, garantindo, entre aqueles, o dereito á saúde dela nos casos de exercicio do dereito á obxección de conciencia.

Finalmente, no capítulo III establécese o réxime das autorizacións administrativas nos establecementos e servizos de atención farmacéutica.

O título II regula a atención farmacéutica no nivel da atención primaria, dividíndose en tres capítulos. O capítulo I, correspondente ás oficinas de farmacia, subdivídese en sete seccións, relativas á súa definición, funcións, condicións e requisitos xerais; titularidade e persoal; atención ao público; planificación e ordenación territorial de novas oficinas de farmacia; procedemento de outorgamento da autorización de instalación de novas oficinas de farmacia; cambios de localización, reforma de local e limitacións; e transmisión e peche.

No capítulo II establécense as condicións para a apertura de boticas anexas. Como novidade destacable incorpórase a posibilidade de que no trámite de planificación da autorización de novas oficinas de farmacia, xunto á nova oficina de farmacia, se prevexa a instalación dunha botica anexa vinculada a ela naquelas zonas de difícil accesibilidade.

Finalmente, o capítulo III recolle a definición e establece as funcións das unidades de farmacia nos centros de atención primaria, deixando para unha regulación posterior a determinación das condicións e requisitos e dos recursos materiais e humanos cos que deben contar as ditas unidades.



Pola súa banda, o título III trata da atención farmacéutica nos hospitais, centros sociosanitarios e outros centros, servizos e establecementos sanitarios, regulando neste tamén os depósitos de medicamentos e produtos sanitarios. Nel establécense os supostos nos que será obrigatorio contar cun servizo de farmacia propio e régulanse as súas funcións, así como os recursos materiais e humanos dos que deben dispoñer.

Segundo o establecido no título IV, a distribución dos medicamentos autorizados será realizada a través das entidades de distribución ou directamente polo laboratorio titular da autorización de comercialización daqueles. Estas entidades e, se é o caso, os laboratorios farmacéuticos que distribúan directamente os seus produtos deberán dispoñer do persoal e dos locais, instalacións e equipos adecuados e suficientes para garantir a adecuada conservación e distribución dos medicamentos, e deberán cumprir os requisitos establecidos na normativa aplicable así como nas normas de boas prácticas de distribución de medicamentos de uso humano. A lei tamén incorpora a prohibición do arrendamento, subarrendamento ou cesión a terceiras persoas dos locais ou instalacións das entidades de distribución. Ademais, exige o nomeamento dun/dunha director/a técnico/a farmacéutico/a, cuxo cargo será incompatible co desempeño profesional doutras actividades de carácter sanitario que supoñan intereses directos coa fabricación ou dispensación de medicamentos e produtos sanitarios ou que vaian en detrimento do adecuado cumprimento das súas funcións.

O título V está dedicado ás unidades de radiofarmacia. Nel establécense que a elaboración dos medicamentos radiofármacos de uso humano se axustará á normativa que os regule. Tamén recolle os tipos de unidades, as autorizacións, os seus recursos humanos e as funcións destas. A lei prevé que, en todo caso, a persoa responsable destas unidades debe ser un/unha facultativo/a especialista en radiofarmacia. Igualmente, para o funcionamento destas unidades é requisito inescusable a presenza do/da dito/a facultativo/a.

O título VI refírese á distribución e dispensación de medicamentos veterinarios, e nel establécense que se levará a cabo nos establecementos e servizos e nas condicións establecidas pola normativa estatal aplicable, por esta lei e polas normas regulamentarias autonómicas que poidan ditarse. Co obxecto de facilitar a distribución dos medicamentos veterinarios desde os laboratorios fabricantes e as entidades importadoras aos establecementos e servizos de dispensación autorizados, a lei prevé a posibilidade de mediación dos centros de distribución de medicamentos veterinarios.

O título VII está dedicado aos/ás profesionais farmacéuticos/as e outro persoal dos establecementos e servizos de atención farmacéutica. A lei define os/as profesionais farmacéuticos/as como aquelas persoas que, posuíndo a titulación correspondente, desenvolvan as súas funcións nos establecementos e servizos de atención farmacéutica regulados nela. De acordo co establecido no dito título, a consellaría competente en materia de sanidade, en colaboración coas universidades, os colexios oficiais de farmacéuticos/as, as sociedades científicas e outras organizacións profesionais, impulsará a formación continuada dos/das profesionais farmacéuticos/as e do persoal auxiliar dos establecementos e servizos de atención farmacéutica, coa finalidade de ofrecer unha prestación útil e eficiente á cidadanía a través da actualización dos seus coñecementos. Finalmente, o citado título recolle o réxime de incompatibilidades no exercicio profesional farmacéutico nos establecementos e servizos que a lei regula.

O título VIII regula a publicidade, a promoción e a información dos medicamentos e produtos sanitarios, prevendo a adopción das medidas oportunas para garantir que a información, a pro-



moción e a publicidade dos medicamentos e produtos sanitarios destinadas aos/ás profesionais da saúde ou á poboación en xeral se axusten a criterios de veracidade, evitando inducir a unha utilización incorrecta ou a un sobreconsumo.

No título IX regúlase o réxime sancionador, e nel recóllense os tipos de infraccións sanitarias, as sancións, as medidas cautelares que poidan ser adoptadas, a duración do procedemento e os prazos de prescrición das infraccións e sancións impostas.

Por último, con respecto ás disposicións adicionais, transitorias, derogatorias e derradeiras, cabe destacar a posibilidade, incluída na disposición adicional única, de instrumentar a colaboración entre a Administración sanitaria, os colexios oficiais de farmacéuticos/as, as organizacións non gobernamentais e as organizacións e os colectivos representativos do sector, a través da subscripción de convenios de colaboración. Complétase o texto con cinco disposicións transitorias: a primeira, relativa á aplicación das disposicións regulamentarias vixentes mentres non se aproben as normas de desenvolvemento previstas na lei, en todo o que non se opoñan ao disposto nela; a segunda, relativa ao réxime aplicable aos distintos procedementos sobre autorización de nova instalación, apertura e funcionamento, reforma, cambio de localización, transmisión e peche de oficinas de farmacia iniciados con anterioridade á entrada en vigor da lei, así como os procedementos sancionadores que se atopan en tramitación na data de entrada en vigor desta lei; a terceira, relativa ás regras aplicables aos locais das oficinas de farmacia en función da súa data de inicio; a cuarta, relativa aos criterios temporais de aplicación do réxime de garda e vacacións; e a quinta —e última—, sobre o réxime de transmisión das oficinas de farmacia afectadas polo concurso de adxudicación de novas oficinas de farmacia convocado pola Resolución do 2 de xullo de 2018, da Secretaría Xeral Técnica da Consellería de Sanidade, pola que se convoca concurso público para a adxudicación de novas oficinas de farmacia.

Pechan o texto unha disposición derogatoria única e mais dúas derradeiras, nas que se recollen, respectivamente, unha habilitación ao Consello da Xunta para ditar as normas necesarias para o seu desenvolvemento e o prazo de entrada en vigor da lei.

O anteproxecto foi sometido ao preceptivo ditame do Consello Económico e Social de Galicia.

TÍTULO PRELIMINAR

Disposicións xerais

Artigo 1. *Obxecto e ámbito de aplicación*

1. O obxecto desta lei é regular a atención farmacéutica e establecer os dereitos e as obrigas que derivan dela no ámbito territorial da Comunidade Autónoma de Galicia.

2. Correspóndelle á Xunta de Galicia, no marco do Estatuto de autonomía de Galicia, e en colaboración con outras administracións públicas e entidades públicas e privadas, garantir, dentro do seu ámbito territorial, unha atención farmacéutica continuada, integral, en condicións de equidade e coa calidade axeitada para permitir facer efectivo o dereito da cidadanía á protección á saúde previsto na Constitución española. Para atender este fin, o persoal farmacéutico cooperará coas persoas pacientes e coas persoas profesionais sanitarias co obxectivo de conseguir resultados na prevención da enfermidade e na restauración da saúde.



TÍTULO I A atención farmacéutica

CAPÍTULO I Disposicións xerais

Artigo 2. *A atención farmacéutica*

1. A atención farmacéutica é un servizo de interese público que comprende o conxunto de actuacións tanto no ámbito asistencial como de saúde pública que deben prestarse baseándose na lexislación vixente e que garante o acceso da cidadanía aos medicamentos e produtos sanitarios e contribúe a facer un uso racional e eficiente deles, tanto nos distintos niveis de asistencia sanitaria como no campo da saúde pública.

2. As actividades que constitúen a atención farmacéutica, encamiñadas á correcta adquisición, conservación, custodia, distribución e dispensación dos medicamentos e produtos sanitarios, fanse baixo a responsabilidade e supervisión dun/dunha farmacéutico/a nos establecementos e servizos sinalados nesta lei.

3. A Administración garantirá que a atención farmacéutica se preste en todos os niveis do sistema de saúde de modo coordinado e integrado e que lle ofrezca á cidadanía unha asistencia eficaz, completa e eficiente.

Artigo 2 bis. *Principios polos que se rexe a atención farmacéutica*

1. Os centros, servizos e establecementos que prestan a atención farmacéutica participan cos poderes públicos na obriga de garantir a saúde pública e fomentar entre a cidadanía a educación sanitaria.

2. As persoas licenciadas en Farmacia son as únicas facultativas responsables da atención farmacéutica.

3. Todos os establecementos que presten servizos de atención farmacéutica deberán contar para o seu funcionamento coa presenza indispensable dunha ou máis persoas farmacéuticas responsables.

4. A dispensación farmacéutica prestarase unicamente a través dos establecementos que recolle o artigo 3 desta lei.

5. Os laboratorios, importadores, almacenistas, oficinas de farmacia de hospitais, servizos de farmacia de áreas de saúde e demais estruturas de atención á saúde están obrigados a fornecer ou dispensar os medicamentos que se lles soliciten.

6. As oficinas de farmacia deberán prestar os seus servizos segundo o seu mellor saber ou entender e facilitarán calquera clase de subministracións farmacéuticas ou de medicamentos, substancias medicamentosas ou que poidan actuar sobre a saúde, así como os seus efectos e accesorios, nas condicións legalmente establecidas.



7. A dispensación de medicamentos deberá realizarse de acordo cos criterios básicos de uso racional que se establezan na normativa do medicamento, nos convenios internacionais e na demais lexislación aplicable.

Artigo 3. *Establecementos e servizos de atención farmacéutica*

1. Para os efectos desta lei, son establecementos e servizos de atención farmacéutica os seguintes:

a) De dispensación:

1º. As oficinas de farmacia.

2º. As boticas anexas.

3º. As unidades de farmacia dos centros de atención primaria, os servizos de farmacia dos hospitais e os dos centros sociosanitarios que presten asistencia sanitaria específica.

4º. Os depósitos de medicamentos e produtos sanitarios.

5º. As unidades de radiofarmacia.

b) De distribución:

As entidades de distribución de medicamentos de uso humano e produtos sanitarios.

2. A distribución e dispensación de medicamentos veterinarios realizarase nos establecementos e servizos que se determinan no artigo 67.

Artigo 4. *Dispensación de medicamentos e produtos sanitarios*

A dispensación de medicamentos e produtos sanitarios só poderá facerse nos establecementos e servizos previstos para tal fin nos números 1.a) e 2 do artigo 3, e nas condicións establecidas para a súa autorización.

Artigo 5. *Modalidades de venda de medicamentos e produtos sanitarios e prohibicións*

1. As modalidades e as prohibicións de venda de medicamentos e produtos sanitarios, así como os requisitos para a venda directa aos/ás profesionais da medicina, odontoloxía, veterinaria e podoloxía, exclusivamente, dos medicamentos necesarios para o exercicio da súa actividade profesional, rexeranse polo disposto na normativa aplicable reguladora de tales materias.

2. Queda prohibido calquera tipo de venda indirecta ao público de produtos sanitarios.

3. Queda tamén prohibida a entrega de regalos ou obsequios que non teñan a condición de mostras como método vinculado á promoción e venda ao público de medicamentos e produtos sanitarios.



Artigo 6. *Supostos especiais de entrega de medicamentos e produtos sanitarios*

1. Excepcionalmente, ás persoas usuarias que residan en zonas rurais illadas ou sexan dependentes, cunhas características e necesidades asistenciais específicas, nas que concorran perda de autonomía funcional e necesidade de coidados por enfermidades crónicas, poderán serlles dispensados os medicamentos e produtos sanitarios, coa entrega informada destes no seu domicilio e co cumprimento das garantías en materia de dispensación de medicamentos e produtos sanitarios impostas pola normativa aplicable, por unha das cinco oficinas de farmacia máis próximas ao domicilio do/da paciente dentro da zona farmacéutica ou, por expresa decisión do/da paciente, por outra oficina de farmacia da mesma área de referencia do punto de atención continuada. En todo caso, sempre deberán ser cumpridas estritamente as garantías sobre a calidade e o control sanitario para calquera destas entregas, para o cal se incorporarán os métodos ou sistemas de control necesarios, que deberán ser recollidos regulamentariamente.

2. Igualmente, estableceranse regulamentariamente as condicións e os requisitos aos que deberá axustarse o procedemento mediante o cal o servizo de farmacia hospitalaria correspondente poderá realizar a entrega informada no lugar de residencia das persoas usuarias, e co cumprimento das garantías en materia de dispensación de medicamentos e produtos sanitarios impostas pola normativa aplicable, daqueles medicamentos cuxa dispensación estea restrinxida unicamente ao ámbito hospitalario de acordo coa normativa estatal vixente, entrega na que poderán colaborar as oficinas de farmacia da zona.

Este procedemento só poderá aplicarse con carácter excepcional nos supostos que se determinen, a prol de favorecer a continuidade asistencial e evitar o desprazamento do/da paciente ao hospital.

CAPÍTULO II Dereitos e obrigas

Artigo 7. *Obrigas dos establecementos e servizos de atención farmacéutica*

1. Os establecementos e servizos de atención farmacéutica previstos nesta lei teñen as seguintes obrigas:

a) Conservar os medicamentos e produtos sanitarios nas condicións establecidas na súa autorización, para o que dispoñerán dos equipos necesarios e levarán rexistros de control de temperatura e humidade na súas instalacións.

a *bis*) Garantir ás persoas usuarias do establecemento farmacéutico unha atención farmacéutica continuada, de acordo coa planificación establecida pola consellaría competente en materia de sanidade.

b) Garantir a recepción, o almacenamento e a subministración dos medicamentos e produtos sanitarios en condicións de seguridade e sen exposición a condicións meteorolóxicas adversas.

b *bis*) Informar sobre o uso correcto e racional dos medicamentos e produtos sanitarios, en especial no referente a indicacións, posoloxía, precaucións, contraindicacións, interaccións e efectos adversos e calquera outro dato de interese, en concordancia cos coñecementos científicos vixentes.



b *ter*) Manter unha adecuada e actualizada formación sobre o uso e a administración de medicamentos e produtos sanitarios.

b *quater*) Participar nas campañas públicas de educación sobre o correcto uso dos medicamentos e produtos sanitarios dispoñibles nos establecementos farmacéuticos.

c) Contar co persoal farmacéutico e técnico e auxiliar necesario e suficiente para o desenvolvemento das súas funcións, co sometemento aos requisitos que en cada caso se determinen.

d) Facilitar ás autoridades sanitarias a información que se lles demande en relación coa actividade desenvolvida.

e) No caso dos establecementos e servizos de dispensación, non dispensar os medicamentos solicitados cando existan dúbidas razoables sobre a lexitimidade da súa prescrición, así como poñelo en coñecemento da Administración sanitaria que resulte competente para efectos de determinar a existencia de posibles infraccións administrativas ou penais.

2. Os establecementos e servizos de atención farmacéutica estarán suxeitos no seu funcionamento, no relativo aos medicamentos de uso humano ou veterinario, ao control e inspección dos servizos de inspección da consellaría competente en materia de sanidade, sen prexuízo das atribucións dos servizos veterinarios oficiais da consellaría competente en materia de gandaría en relación coas inspeccións dos establecementos de dispensación de medicamentos veterinarios, agrupacións gandeiras con programa sanitario e entidades de distribución de medicamentos veterinarios, coas boticas anexas ou coa venda a distancia ao público ou por outras canles de medicamentos non suxeitos a prescrición veterinaria.

3. Os establecementos e servizos de atención farmacéutica regulados nesta lei estarán suxeitos ao rexistro e catalogación e á obriga de elaboración e remisión das informacións que lles sexan requiridas. Igualmente, estarán suxeitos ao cumprimento das obrigas derivadas do principio de solidariedade e integración sanitaria, nos casos de emerxencia ou de perigo para a saúde pública.

3 *bis*. Os establecementos e servizos de atención farmacéutica estarán suxeitos ao cumprimento da lexislación vixente, respectando os dereitos e as liberdades contidos nela, especialmente no que ten que ver co cumprimento da Lei de saúde sexual e reprodutiva e en todas aquelas que afecten a igualdade entre mulleres e homes.

Artigo 8. *Dereitos e obrigas da cidadanía*

1. En materia de atención farmacéutica, ademais dos recollidos na restante normativa aplicable, recoñécense os seguintes dereitos da cidadanía:

a) Elixir libremente a oficina de farmacia.

b) Recibir un trato correcto e a prestación farmacéutica precisa que lle corresponda.



c) Obter do/da farmacéutico/a información que solicite do medicamento ou produto sanitario, sexa de carácter técnico ou económico, con claridade e por escrito se así o solicita.

d) Coñecer e ter acceso aos datos do seu historial farmacoterapéutico nas condicións que se establezan regulamentariamente.

e) Recibir atención farmacéutica garantindo a privacidade e confidencialidade das persoas usuarias.

f) Coñecer a identidade e cualificación profesional da persoa que lle presta a atención farmacéutica e ser atendida por un/unha farmacéutico/a se así o solicita.

f bis) Formular ante as autoridades competentes en materia sanitaria e de consumo cantas queixas, reclamacións e suxestións xulgue necesarias en relación coa atención recibida.

f ter) Empregar calquera dos idiomas oficiais de Galicia.

2. Así mesmo, en relación coa atención farmacéutica, establécense as seguintes obrigas da cidadanía:

a) Cumprir as prescricións económicas e administrativas establecidas pola normativa reguladora da obtención de medicamentos e, se é o caso, de produtos sanitarios, e, en particular, as establecidas para a prestación farmacéutica con cargo a fondos públicos.

b) Acreditar o dereito á prestación farmacéutica do Sistema nacional de saúde e a derivada de convenios especiais nos casos de exercicio dese dereito.

c) Identificarse no acto da dispensación de medicamentos naqueles casos en que sexa requisito obrigado.

d) Tratar co respecto debido o persoal dos establecementos e servizos de atención farmacéutica.

e) Usar as instalacións dos establecementos e servizos de atención farmacéutica de forma axeitada.

f) Facer un uso responsable dos medicamentos e produtos sanitarios.

Artigo 9. *Obxección de conciencia*

A Administración sanitaria garantirá que o dereito á obxección de conciencia dos/das profesionais farmacéuticos/as non limite ou condicione o dereito á saúde da cidadanía. Para tal fin, no caso de exercicio do dereito á obxección de conciencia, a consellaría competente en materia de sanidade deberá adoptar as medidas excepcionais que, preservando o dito dereito, garantan o dereito á saúde da cidadanía.



CAPÍTULO III

Réxime de autorizacións administrativas nos establecementos e servizos de atención farmacéuticaArtigo 10. *Réxime de autorizacións e competencia*

1. Respecto dos establecementos e servizos de atención farmacéutica regulados nesta lei, será exigible a obtención de autorización administrativa previa nos supostos e nos termos previstos nela e na restante normativa a eles aplicable.

2. Correspóndelle á consellaría competente en materia de sanidade a tramitación dos procedementos de autorización e dos restantes procedementos regulados nesta lei cando tal tramitación sexa de competencia autonómica, coa excepción dos supostos nos que, en relación cos medicamentos veterinarios e cos establecementos de distribución e dispensación dos ditos medicamentos, a dita competencia se atribúe á consellaría competente en materia de gandaría.

Artigo 11. *Procedementos de autorización*

1. Os procedementos relativos ás autorizacións previstas nesta lei que tramite a Administración autonómica axustaranse ao disposto nela e na normativa reguladora do procedemento administrativo común das administracións públicas.

2. Transcorrido o prazo para resolver sen que se ditase e notificase resolución expresa, as solicitudes entenderanse desestimadas.

3. Con carácter previo ao outorgamento da autorización autonómica relativa á apertura e posta en funcionamento, transmisión, cambio de localización ou reforma das instalacións, a consellaría competente en materia de sanidade comprobará que se cumpren todos os requisitos establecidos, deixando constancia disto na correspondente acta.

TÍTULO II

A atención farmacéutica no nivel da atención primaria

CAPÍTULO I

As oficinas de farmacia*Sección 1ª. Definición, funcións e condicións e requisitos xerais*Artigo 12. *Definición e funcións*

A oficina de farmacia é un establecemento sanitario privado de interese público, integrado na atención primaria, cuxa propiedade e titularidade pode pertencer a un/unha ou máis farmacéuticos/as, que baixo a súa responsabilidade dirixen e supervisan as seguintes funcións:

- a) Adquirir, conservar e custodiar os medicamentos e produtos sanitarios.



b) Dispensar medicamentos e produtos sanitarios, de acordo coa prescrición médica ou veterinaria, ou segundo as orientacións técnico-farmacéuticas para aqueles con autorización para seren dispensados sen receita.

c) Emitir, no caso de dispensación de medicamentos, un recibo co contido previsto na normativa estatal aplicable. Así mesmo, no momento de dispensar un produto sanitario, emitirán un recibo no que conste o nome do produto, o seu prezo de venda ao público e a achega da persoa usuaria, baixo a responsabilidade e supervisión dun/dunha farmacéutico/a.

d) Facilitar sistemas personalizados de dosificación aos/ás pacientes que o soliciten, co fin de mellorar o cumprimento terapéutico nos tratamentos e coas condicións e requisitos que se establezan regulamentariamente.

e) Informar, aconsellar e instruír respecto dos medicamentos e produtos sanitarios que dispensen, coa incidencia en aspectos que favorezan unha correcta utilización.

f) Colaborar no seguimento farmacoterapéutico individualizado co fin de avaliar a súa efectividade e detectar os fracasos por incumprimento terapéutico, así como de detectar as reaccións adversas e notificárllelas aos organismos de farmacovixilancia.

g) Vixiar, controlar e custodiar as receitas médicas dispensadas, polo tempo establecido pola normativa específica.

h) Colaborar no uso racional dos medicamentos e produtos sanitarios, así como na protección e promoción da saúde.

h bis) Participar de maneira eficiente nos procesos de retirada de medicamentos por instancia da consellaría competente en materia de sanidade, coa colaboración, se é o caso, dos laboratorios fabricantes.

i) Realizar análises clínicas e outras funcións profesionais ou sanitarias que, por estaren recollidas en normas específicas e conforme o disposto nelas, poidan ser desenvolvidas polo/a farmacéutico/a de acordo coa súa titulación e especialidade.

j) Participar en estudos de utilización de medicamentos, así como en estudos epidemiolóxicos.

k) Colaborar en programas de saúde pública e drogodependencias.

l) Colaborar coas medidas tendentes á racionalización do gasto en medicamentos.

m) Colaborar na formación para a obtención do título de grao de Farmacia de acordo coas universidades e coa normativa estatal aplicable.

n) Calquera outra que se estableza legal ou regulamentariamente.



Artigo 13. *Colaboración das oficinas de farmacia no desempeño da prestación farmacéutica do Sistema nacional de saúde*

Poderán establecerse concertos cos colexios oficiais de farmacéuticos/as de Galicia para a colaboración das oficinas de farmacia no desempeño da prestación farmacéutica do Sistema nacional de saúde.

Artigo 14. *Outras actividades*

1. Queda prohibido desenvolver nos locais da oficina de farmacia actividades de venda ao público de produtos distintos dos propios da canle farmacéutica, considerando como tales os medicamentos, os produtos sanitarios e os produtos de parafarmacia.

2. Cando nunha oficina de farmacia se desenvolvan actividades de óptica, análises clínicas, ortopedia, audioprótese, nutrición ou calquera outra actividade sanitaria expresamente autorizada para o seu exercicio nos locais da oficina de farmacia, a persoa titular ou, no caso de seren varias, polo menos unha das persoas cotitulares deberán estar en posesión do título correspondente para o exercicio da dita actividade e cumprir os demais requisitos que se determinen. Malia isto, as persoas titulares poderán contratar profesionais coa titulación correspondente para seren asistidas no desenvolvemento de tales actividades.

3. Nos locais da oficina de farmacia non poderán desenvolver actividades comerciais sociedades mercantís ou outras entidades con personalidade xurídica diferenciada do/da farmacéutico/a titular ou dos/das farmacéuticos/as cotitulares, con independencia de que o domicilio social radique na propia oficina de farmacia ou noutro lugar distinto.

4. Así mesmo, queda prohibido o arrendamento, o subarrendamento ou a cesión, a título oneroso ou gratuito, do uso dos locais da oficina de farmacia a terceiras persoas para o desenvolvemento de calquera actividade, incluso cando esas actividades teñan relación co ámbito sanitario.

Artigo 15. *Acceso ás oficinas de farmacia*

1. As oficinas de farmacia terán acceso directo, libre e permanente desde a vía pública ou desde zonas de uso colectivo á zona de dispensación e atención ás persoas usuarias, e deberán cumprir a lexislación en materia de accesibilidade e eliminación de barreiras arquitectónicas.

2. Queda prohibida a entrada e permanencia de animais na oficina de farmacia, agás no caso de cans de asistencia.

Artigo 16. *Requisitos dos locais*

1. Os locais das oficinas de farmacia dispoñerán dunha superficie útil mínima de setenta metros cadrados. De ocuparen máis dunha planta, estas serán contiguas e estarán comunicadas entre si e serán accesibles para as persoas con diversidade funcional.

2. Os locais das oficinas de farmacia reunirán as condicións hixiénico-sanitarias precisas para prestar unha asistencia farmacéutica correcta.



3. As oficinas de farmacia deberán contar cun equipamento informático adecuado para o desenvolvemento das súas funcións e cos outros medios técnicos e materiais que se prevexan na normativa básica estatal e nas normas que, respectando esta normativa, se diten en desenvolvemento desta lei.

4. As condicións de humidade e de temperatura serán as precisas para a conservación dos medicamentos, materias primas empregadas na formulación maxistral e produtos sanitarios que vaian dispensarse na oficina de farmacia.

5. Así mesmo, o chan, as paredes e os teitos deberán ser dunha natureza que permita unha limpeza e desinfección adecuadas e deberán manterse nun bo estado de conservación, respectando sempre o uso previsto para cada unha das zonas ás que fai referencia o artigo seguinte.

Artigo 16 bis. *Reclamacións na atención farmacéutica*

A consellaría competente en materia de sanidade, en colaboración coa autoridade competente en materia de consumo, dispoñerá dos mecanismos necesarios para que as persoas consumidoras e usuarias das oficinas de farmacia poidan presentar as súas queixas, reclamacións e suxestións en relación coa atención farmacéutica que lles presten, para o cal as oficinas de farmacia deberán dispoñer das correspondentes follas de reclamacións.

Artigo 17. *Zonas das oficinas de farmacia*

1. As oficinas de farmacia contarán coas seguintes zonas:

a) De dispensación e atención ás persoas usuarias.

b) De recepción, revisión e almacenamento de medicamentos e produtos sanitarios.

c) De toma de mostras, no caso de realizar análises clínicas.

d) De atención individualizada, garantindo a privacidade e confidencialidade.

e) De descanso para as gardas.

f) Aseo para uso do persoal da oficina de farmacia.

g) No caso de realizar formulación, de laboratorio para a elaboración de fórmulas maxistrais e preparados oficinais.

2. Cando nas oficinas de farmacia se desenvolvan outras actividades sanitarias para as que a persoa titular ou as persoas cotitulares contén coa preceptiva autorización e titulación, aquelas deberán dispoñer dos espazos adicionais que regulamentariamente se determinen.



Sección 2ª. Titularidade e persoal

Artigo 18. *Titularidade das oficinas de farmacia*

1. Só os/as farmacéuticos/as poderán ser propietarios/as e titulares das oficinas de farmacia. Cada farmacéutico/a soamente poderá ser propietario/a e titular ou copropietario/a e cotitular dunha única oficina de farmacia. A condición de copropietario/a comporta necesariamente a adquisición da condición de cotitular e viceversa, así como a de director/a técnico/a da oficina de farmacia.

2. O/A farmacéutico/a titular ou os/as farmacéuticos/as cotitulares son os/as que obtiveron a autorización de instalación, apertura e funcionamento dunha oficina de farmacia e baixo a responsabilidade dos/das que se exercen nesta as funcións descritas no artigo 12. Deberán tamén dispoñer da propiedade ou dos dereitos de natureza real ou persoal que lexitimen a utilización do local no que se instale a oficina de farmacia.

3. Todos/as os/as farmacéuticos/as cotitulares responderán solidariamente, con independencia do grao de participación de cada un/unha deles/as na propiedade da oficina de farmacia, da correcta prestación da atención farmacéutica na oficina de farmacia, do cumprimento das restantes obrigas que corresponden ás persoas titulares das oficinas de farmacia e das infraccións e sancións derivadas do incumprimento de tales obrigas, de acordo, neste último caso, co disposto no inciso final do artigo 28.3 da Lei 40/2015, do 1 de outubro, do réxime xurídico do sector público.

4. No caso de cotitularidade, non se permitirán cotas de participación inferiores ao 10 % da oficina de farmacia.

Artigo 19. *Farmacéutico/a rexente*

1. Nos casos de falecemento, incapacidade permanente non parcial, incapacitación xudicial ou declaración xudicial de ausencia do/da farmacéutico/a titular ou cotitular, poderá autorizarse o nomeamento dun/dunha farmacéutico/a rexente, que asumirá as mesmas funcións, responsabilidades e incompatibilidades profesionais que as sinaladas para a persoa titular ou cotitular.

2. Nos supostos anteriores, non será precisa a designación dun/dunha farmacéutico/a rexente nos casos de cotitularidade da oficina de farmacia, cando todas as partes estean de acordo e un/unha dos/das cotitulares asuma a responsabilidade da persoa cotitular na que concorra algunha das causas determinadas no número 1.

3. A solicitude de nomeamento de rexente deberá formularse no prazo máximo de vinte días desde o falecemento, a declaración de incapacidade permanente non parcial, a incapacitación xudicial ou a declaración xudicial de ausencia. Se durante este prazo a oficina de farmacia permanece aberta, deberá estar atendida por un/unha farmacéutico/a. No caso contrario, deberá permanecer pechada ata a incorporación do/da farmacéutico/a rexente.

4. No caso de que só exista un/unha farmacéutico/a titular incurso/a nalgunha das causas para as que resulta obrigatorio o nomeamento dun/dunha rexente, de non se producir a solicitude á



que se refire o número anterior, procederase de oficio a iniciar o expediente de peche da oficina de farmacia.

5. A rexencia terá unha duración máxima de dous anos, agás nos casos de falecemento cando algún/algunha dos/das herdeiros/as en primeiro grao estea cursando estudos de Farmacia, ou de incapacidade total ou absoluta do/da farmacéutico/a cando non reúna os requisitos para a xubilación, supostos nos que poderá estenderse ata un máximo de cinco anos.

Artigo 20. *Farmacéutico/a substituto/a*

1. Cando a oficina de farmacia teña un/unha único/a titular que deba ausentarse por circunstancias excepcionais e temporais debidamente xustificadas, como vacacións, permiso de maternidade ou paternidade, enfermidade, incapacidade física e/ou psíquica transitorias, estudos relacionados coa profesión, cargos públicos e outras circunstancias análogas que impidan o desenvolvemento das súas funcións, ou aquel/a fose inhabilitado/a profesionalmente ou condenado/a a pena privativa de liberdade que supoña ingreso efectivo en prisión imposta por sentenza penal firme, a consellaría competente en materia de sanidade poderá autorizar o nomeamento dun/dunha farmacéutico/a substituto/a. Esta exixencia será aplicable igualmente ás oficinas de farmacia de titularidade única que funcionen en réxime de rexencia.

2. O/A farmacéutico/a substituto/a terá as mesmas funcións e responsabilidades e estará sometido/a ao mesmo réxime de incompatibilidades profesionais que a persoa titular ou a rexente.

3. A solicitude de nomeamento de farmacéutico/a substituto/a deberá formularse no prazo máximo de cinco días a partir do momento no que se coñeza ou produza a circunstancia que obriga á desatención da farmacia pola persoa titular ou a rexente. En todo caso, se non hai un/unha farmacéutico/a adxunto, a farmacia permanecerá pechada ata a incorporación do/da farmacéutico/a substituto/a.

4. No caso das vacacións anuais, a duración máxima da substitución será dun mes para cada oficina de farmacia.

Artigo 21. *Farmacéutico/a adxunto/a*

1. Tanto os/as farmacéuticos/as titulares e cotitulares como os/as rexentes e os/as substitutos/as poderán contar coa colaboración de farmacéuticos/as adxuntos/as, para realizar as funcións propias de farmacéutico/a e aquelas que por mor da súa titulación poidan ser levadas a cabo.

2. Os casos nos que será necesaria a presenza de farmacéuticos/as adxuntos/as por razón de idade do/da titular ou cotitular, do/da rexente ou do/da substituto/a, así como segundo o volume de actividade e receitas e a diversidade das funcións da oficina de farmacia, ou o horario ampliado voluntario no que decidisen exercer, serán establecidos regulamentariamente. En todo caso, ao cumprir o/a farmacéutico/a titular ou cotitular, rexente ou substituto/a a idade de 70 anos, e de continuar exercendo a dita función, resultará obrigada a contratación dun/dunha ou varios/as farmacéuticos/as adxuntos/as adicionais, segundo se determine regulamentariamente.



No suposto de que o aumento de actividade proveña das funcións ás que se refire o artigo 12.i), poderá optarse entre a contratación dun/dunha farmacéutico/a adxunto/a ou doutro/a profesional sanitario/a titulado/a competente para o exercicio das ditas funcións.

3. Nos casos de ausencia de carácter ocasional, debidos ao cumprimento de obrigas profesionais ou inescusables de carácter persoal ou público que impidan a presenza do/da titular, cotitular, substituto/a ou rexente, un/unha farmacéutico/a adxunto/a poderá asumir as funcións determinadas no artigo 12, sempre que sexa por un tempo inferior a cinco días. A persoa responsable seguirá sendo, en todo caso, o/a titular, cotitular ou substituto/a da oficina de farmacia ou, se é o caso, o/a rexente.

Artigo 22. *Autorización de nomeamentos*

1. O procedemento de autorización do nomeamento dun/dunha farmacéutico/a rexente, substituto/a ou adxunto/a tramitarase preferentemente por vía electrónica.

A autorización concederase logo da comprobación de que a persoa proposta polo/a titular ou cotitulares, rexente, persoas adquirentes *mortis causa* ou representante legal cumpre coas condicións exixidas nesta lei e aquelas outras que regulamentariamente se determinen.

2. Para autorizar o nomeamento de calquera dos/das farmacéuticos/as previstos/as neste artigo deberá acreditarse o asinamento do correspondente contrato de traballo de conformidade coa lexislación laboral, así como a alta no réxime de Seguridade Social que proceda.

3. Non poderán ser nomeadas como farmacéutico/a rexente, adxunto/a ou substituto/a as persoas que teñan a condición de bolseiras.

3 bis. Da resolución das autorizacións de nomeamentos recollidos nos puntos anteriores darase conta para xeral coñecemento a través da páxina web da consellaría competente en materia de sanidade.

Artigo 23. *Condicións para o nomeamento de persoal*

As condicións, os prazos e os restantes requisitos para o nomeamento e exercicio profesional do/da farmacéutico/a titular, cotitular, rexente, substituto/a ou adxunto/a da oficina de farmacia, así como os supostos nos que o/a farmacéutico/a adxunto/a pode pasar a desempeñar a función de substituto/a, estableceranse regulamentariamente.

Artigo 24. *Persoal técnico e auxiliar de farmacia*

1. O/A farmacéutico/a titular, cotitular, rexente ou substituto/a poderá dispoñer da asistencia do persoal técnico e auxiliar de farmacia necesario para levar a cabo as funcións atribuídas. Este persoal realizará, baixo a dirección e supervisión dun/dunha farmacéutico/a, as funcións propias da súa titulación ou habilitación profesional, así como aquelas outras que lle sexan encomendadas, sempre que non estean reservadas expresamente ao seu desempeño por un/unha farmacéutico/a.



2. A contratación realizarase de conformidade co establecido na lexislación laboral, sendo obrigada, así mesmo, a afiliación ao réxime correspondente da Seguridade Social.

Sección 3ª. Atención ao público

Artigo 25. Presenza e actuación do/da farmacéutico/a e identificación do persoal

1. A presenza e actuación profesional dun/dunha farmacéutico/a na oficina de farmacia é requisito inescusable para levar a cabo as funcións establecidas no artigo 12 e na demais normativa que sexa aplicable. A colaboración de farmacéuticos/as adxuntos/as, técnicos/as ou auxiliares de farmacia non escusa a responsabilidade do/da farmacéutico/a titular ou cotitulares da oficina de farmacia, sen prexuízo das responsabilidades administrativas, civís e penais daquel persoal que poidan derivar en cada caso.

2. A presenza física do/da farmacéutico/a titular ou, se é o caso, dun/dunha cotitular, rexente ou substituto/a na oficina de farmacia de maneira habitual durante o horario de atención ao público será obrigatoria para realizar as funcións establecidas no artigo 12, consonte as condicións que regulamentariamente se establezan.

3. Todo o persoal que preste calquera servizo nas oficinas de farmacia deberá levar o distintivo que o identifique persoal e profesionalmente.

Artigo 26. Sinalización, publicidade e promoción das oficinas de farmacia

1. Todas as oficinas de farmacia deberán estar convenientemente sinalizadas, mediante un distintivo na fachada onde figure de forma visible a palabra «Farmacia», e, así mesmo, mediante unha cruz grega ou de Malta de cor verde exclusivas para oficinas de farmacia, que estará acesa durante o horario de atención ao público, tanto no horario mínimo obrigatorio como no horario ampliado voluntario, así como durante o servizo de garda, e apagada fóra destes horarios e servizos.

2. A colocación de carteis indicadores da localización da oficina de farmacia, naqueles casos nos que por razóns de visibilidade dela sexan necesarios, requirirá autorización da autoridade sanitaria competente.

3. Co fin de non interferir no dereito de libre elección de oficina de farmacia por parte da cidadanía, prohibese toda forma de publicidade ou actividade promocional das oficinas de farmacia, agás nos casos que se determinen regulamentariamente, así como a organización de eventos ou actividades e a utilización de ferramentas que poidan implicar unha promoción da oficina de farmacia.

4. A palabra «Farmacia» e a cruz verde de identificación serán de utilización exclusiva para as oficinas de farmacia. Non se poderá usar este termo e simboloxía para outro tipo de establecementos, agás no suposto recollido no artigo 47 referente ás boticas anexas, como establecementos vinculados á oficina de farmacia.



Artigo 27. *Horarios e servizos de garda das oficinas de farmacia*

1. As oficinas de farmacia prestarán os seus servizos en réxime de liberdade e flexibilidade horaria, dentro do necesario respecto ao cumprimento do horario mínimo obrigatorio e do servizo de garda, sendo en todo caso necesaria a presenza física e actuación profesional dun/dunha farmacéutico/a na prestación do servizo.

2. As oficinas de farmacia permanecerán abertas ao público polo menos durante o horario mínimo obrigatorio establecido. Para estes efectos, diferénciase entre o horario mínimo obrigatorio e o horario voluntario ampliado, conforme o seguinte:

a) O horario mínimo obrigatorio é aquel que deberán cumprir todas as oficinas de farmacia da Comunidade Autónoma de Galicia. Será fixado pola consellaría competente en materia de sanidade, oídos os Colexios oficiais de farmacéuticos/as existentes na nosa comunidade.

b) O horario ampliado voluntario é aquel que as oficinas de farmacia poden realizar por enriba do mínimo obrigatorio.

3. As persoas titulares das oficinas de farmacia deberán comunicar, con carácter previo, o seu horario e o das boticas anexas a elas vinculadas á consellaría competente en materia de sanidade, a través dos Colexios oficiais de farmacéuticos/as, quedando así mesmo obrigadas aquelas a manter a continuidade do dito réxime nos termos que aquela lles indique.

4. O servizo de garda é aquel que debe realizarse con carácter obrigatorio para garantir a continuidade da atención farmacéutica.

5. A atención farmacéutica prestada no nivel de atención primaria polas oficinas de farmacia será continuada. Para tal efecto, fóra do horario mínimo obrigatorio, a atención farmacéutica estará garantida a través do servizo de garda, que debe realizarse con carácter obrigatorio nos termos previstos nos números seguintes.

6. O servizo de garda atenderase mediante un sistema de quendas elaborado polo Colexio oficial de farmacéuticos/as de cada provincia, seguindo os criterios que se establezan por norma regulamentaria, entre os que deberán figurar necesariamente os seguintes:

a) A poboación que se debe atender.

b) A accesibilidade da poboación á atención farmacéutica.

c) A obrigatorialidade de prestación do servizo de garda na área de referencia dos puntos de atención continuada, co fin de garantir a continuidade do proceso de prescrición e dispensación de medicamentos.

En todo caso, os criterios que se establezan deberán aplicarse de forma que permitan en todo momento a cobertura das necesidades asistenciais da poboación.



O dito sistema de quendas deberá ser comunicado, previamente á súa entrada en vigor, polos respectivos colexios á consellaría competente en materia de sanidade para efectos de control e comprobación do cumprimento dos criterios establecidos.

7. A información sobre as oficinas de farmacia en servizo de garda figurará en todas as establecidas na zona farmacéutica, en lugar visible desde o exterior. Esta información tamén estará dispoñible e permanentemente actualizada nas páxinas web dos colexios oficiais de farmacéuticos/as de Galicia, debendo realizarse nos dous idiomas oficiais de Galicia.

7 bis. As oficinas de farmacia que prestan servizos nocturnos e de garda deberán contar con dispositivos que permitan a dispensación desde o interior ao exterior delas con seguridade, de acordo co disposto na normativa sobre seguridade privada que resulte aplicable.

8. As oficinas de farmacia poderán cesar temporalmente as súas actividades durante o período de vacacións sempre e cando queden debidamente cubertas as necesidades de atención farmacéutica durante as vinte e catro horas do día. Correspóndelles aos colexios oficiais de farmacéuticos/as de cada provincia establecer as quendas de vacacións entre as farmacias interesadas en gozalas, tendo en conta que, como norma xeral, deberán permanecer abertas, polo menos, o 50 % das oficinas de farmacia de cada zona farmacéutica.

O período vacacional non poderá exceder un mes ao ano, e deberá ser comunicado á consellaría competente en materia de sanidade, a través dos colexios oficiais de farmacéuticos/as, nos termos que regulamentariamente se establezan.

Sección 4ª. Planificación e ordenación territorial de novas oficinas de farmacia

Artigo 28. Planificación das oficinas de farmacia

1. A autorización de novas oficinas de farmacia estará sometida a planificación co fin de garantir unha atención farmacéutica conveniente, oportuna e eficiente.

2. Regulamentariamente determinarase a forma na que se cubrirá a atención farmacéutica naquelas zonas farmacéuticas nas que non haxa oficina de farmacia.

Artigo 29. Zonas farmacéuticas

1. Tómanse como base de planificación as unidades de atención primaria, que, para os efectos desta lei, se corresponden coas demarcacións municipais nas que se ordena o territorio da Comunidade Autónoma galega, e créanse as zonas farmacéuticas, que se clasifican en:

- a) Zonas farmacéuticas urbanas: correspóndense cos concellos con máis de trinta mil habitantes.
- b) Zonas farmacéuticas semiurbanas: correspóndense cos concellos cun número de habitantes comprendido entre dez mil e trinta mil.
- c) Zonas farmacéuticas rurais: correspóndense cos concellos con menos de dez mil habitantes.



2. Malia o anterior, co obxecto de garantir as necesidades de atención farmacéutica que se requiran, tendo en conta as diferentes características xeográficas, demográficas, turísticas e sanitarias, o Consello da Xunta poderá acordar a declaración de determinadas zonas farmacéuticas como especiais.

Artigo 30. *Módulos de poboación*

1. Establécense os seguintes módulos para o cálculo das oficinas de farmacia que correspondan a cada zona:

a) Zonas farmacéuticas urbanas: unha por cada dous mil oitocentos habitantes empadroados, agás que se supere esa proporción en mil cincocentos habitantes; neste suposto poderá establecerse unha nova oficina de farmacia sempre e cando se constate un incremento neto poboacional desa zona nos últimos cinco anos.

b) Zonas farmacéuticas semiurbanas: unha por cada dous mil cincocentos habitantes empadroados, agás que se supere esa proporción en mil cincocentos habitantes; neste suposto poderá establecerse unha nova oficina de farmacia sempre e cando se constate un incremento neto poboacional desa zona nos últimos cinco anos.

c) Zonas farmacéuticas rurais: unha por cada dous mil habitantes empadroados, agás que se supere esa proporción en mil cincocentos habitantes; neste suposto poderá establecerse unha nova oficina de farmacia sempre e cando se constate un incremento neto poboacional desa zona nos últimos cinco anos.

2. En cada concello poderá haber, polo menos, unha oficina de farmacia.

3. Para o cómputo de habitantes terase en conta a poboación que conste na última revisión do padrón municipal vixente no momento de se iniciaren os traballos necesarios de cara á aprobación do mapa farmacéutico.

Artigo 31. *Distancias entre as oficinas de farmacia*

1. O establecemento dunha oficina de farmacia por razón de nova instalación ou cambio de localización non poderá facerse a unha distancia inferior a douscentos cincuenta metros doutras oficinas de farmacia ou dun centro público de asistencia sanitaria en funcionamento ou cuxa instalación estea prevista pola consellaría competente en materia de sanidade.

2. Excepcionalmente, naquelas zonas farmacéuticas que contén cunha única oficina de farmacia, poderá non exixirse esa distancia mínima cando concorran razóns de interese xeral que así o xustifiquen.

3. Regulamentariamente fixaranse o procedemento, as condicións e os criterios para efectuar a medición das ditas distancias.

4. Nos cambios de localización forzosos provisionais con obriga de retorno, as distancias mínimas ás que se refire o número 1 deste artigo redúcense a cento vinte e cinco metros.



Artigo 32. *Mapa farmacéutico*

Os criterios de planificación farmacéutica contidos nesta lei concretaranse no mapa farmacéutico, que será tramitado de acordo co procedemento regulamentariamente establecido e aprobado polo Consello da Xunta de Galicia.

O mapa farmacéutico relacionará todas as zonas farmacéuticas da Comunidade Autónoma de Galicia, indicando se se trata de zonas urbanas, semiurbanas ou rurais.

O mapa conterá, entre outros extremos, un anexo coas novas oficinas de farmacia e as súas delimitacións territoriais concretas, indicando as que terán vinculada unha botica anexa para cubrir as necesidades daqueles lugares nos que, por carecer de entidade suficiente para a instalación dunha oficina de farmacia ou por tratarse de zonas especiais de difícil accesibilidade, non se poida instalar unha nova oficina.

O mapa farmacéutico deberá ser revisado cando se detecten alteracións significativas no padrón ou outras circunstancias que leven consigo cambios nas necesidades de atención farmacéutica dunha ou varias zonas.

Os concellos ou os colexios oficiais de farmacéuticos/as interesados poderán instar ante a consellaría competente en materia de sanidade a revisión do mapa farmacéutico.

Sección 5ª. Procedemento de outorgamento da autorización de instalación de novas oficinas de farmacia

Artigo 33. *Procedemento de outorgamento da autorización de instalación de novas oficinas de farmacia*

1. A autorización de instalación de novas oficinas de farmacia outorgarase por concurso público, o cal poderá ser de traslado ou de nova adxudicación. O concurso público de traslados deberá convocarse con carácter previo ao concurso de nova adxudicación.

2. Os concursos que se convoquen respectarán os principios de concorrencia competitiva, publicidade, transparencia, mérito e capacidade.

3. A aqueles/as profesionais que xa resultasen adxudicatarios/as dunha oficina de farmacia nun concurso público previo só lles serán computados en posteriores concursos aos que se presenten, como méritos de experiencia profesional e de formación posgraduada, os que sexan posteriores á data de convocatoria do anterior concurso público.

Artigo 34. *Regras de procedemento e de competencia*

1. Os procedementos de adxudicación inicianse de oficio e axustaranse ao disposto nas normas xerais de procedemento administrativo, nesta lei e nas normas que a desenvolvan. A competencia para a iniciación, a tramitación e a resolución dos procedementos corresponderalle á consellaría competente en materia de sanidade.



2. A resolución pola que se convoque o concurso público de adxudicación conterá, como mínimo, o número e a localización das oficinas de farmacia incluídas naquel, o prazo de presentación das solicitudes e as bases polas que se rexerá o dito concurso.

3. A resolución de convocatoria do concurso establecerá a exigencia de constitución de garantías para asegurar a continuidade no procedemento de instalación de farmacias.

4. O prazo máximo para resolver e publicar a resolución dos concursos de adxudicación será de seis meses, contados desde a data da súa convocatoria.

5. A elección das oficinas de farmacia incluídas nos concursos públicos que se convoquen levarase a cabo nun acto público.

6. A adxudicación de oficinas de farmacia efectuarase atendendo a elección que formulen as persoas participantes no acto público de elección, por rigorosa orde de maior a menor puntuación total no concurso de que se trate.

Artigo 35. *Efectos da non apertura da oficina de farmacia adxudicada*

As persoas adxudicatarias dos concursos de traslado ou de nova apertura que non procedan á apertura da correspondente oficina de farmacia nos termos que regulamentariamente se establezan non poderán participar no seguinte concurso de traslado ou de nova adxudicación, respectivamente, que se convoque.

Artigo 36. *Concurso de traslado*

1. A consellaría competente en materia de sanidade convocará, por resolución que se publicará no *Diario Oficial de Galicia* e na súa páxina web, o concurso de traslado ás novas oficinas de farmacia incluídas no mapa farmacéutico de Galicia.

2. Só poderán participar no dito concurso os/as farmacéuticos/as titulares ou cotitulares de oficina de farmacia na Comunidade Autónoma de Galicia que na data de finalización do prazo de presentación de solicitudes desenvolvesen, polo menos, o seu exercicio profesional como titulares ou cotitulares na mesma oficina de farmacia nos cinco anos anteriores, debendo manter tal condición durante todo o procedemento.

No caso de cotitularidade, os/as farmacéuticos/as cotitulares deberán participar no concurso no mesmo réxime de cotitularidade que teñan na data de publicación da convocatoria.

3. En ningún caso poderán ser adxudicatarios/as dunha nova oficina de farmacia os/as titulares ou cotitulares dunha oficina de farmacia instalada na mesma zona farmacéutica na que se pretende abrir a nova.

4. O outorgamento da autorización por resolución firme na vía administrativa dunha oficina de farmacia de nova apertura a un/unha farmacéutico/a que xa sexa titular ou cotitular dunha deter-



minará automaticamente a perda da autorización relativa a esta última, aínda no caso de renuncia á nova oficina adxudicada.

Non obstante, no caso de que contra a resolución de autorización se recorra en vía xurisdiccional, a oficina de farmacia que anteriormente for de titularidade do/da adxudicatario/a ou adxudicatarios/as non entrará en concurso ata que recaia sentenza firme.

Igualmente, no caso de se adoptar a medida cautelar de suspensión da dita resolución no concurso, o/a farmacéutico/a interesado/a manterá a titularidade da oficina de farmacia que xa posuía ata que recaia sentenza firme. Se a dita sentenza anula a autorización de adxudicación realizada no concurso, a persoa interesada seguirá sendo titular da oficina que xa posuía antes daquel. Se, pola contra, a sentenza recaída desestima o recurso interposto fronte á resolución de autorización, procederase de acordo co sinalado no primeiro parágrafo deste número.

5. Regulamentariamente determinarase o momento no que os/as adxudicatarios/as deberán proceder á apertura da nova oficina de farmacia, co fin de asegurar a continuidade na prestación farmacéutica en todas as zonas.

Artigo 37. *Concurso de nova adxudicación*

1. Logo de concluído o concurso de traslados coa autorización das oficinas de farmacia correspondentes a el, a consellaría competente en materia de sanidade convocará, por resolución que se publicará no *Diario Oficial de Galicia* e na súa páxina web, o concurso de nova adxudicación para o outorgamento das autorizacións das oficinas de farmacia vacantes resultantes do concurso de traslado, que englobará tanto as novas oficinas de farmacia recollidas no mapa farmacéutico non cubertas como aquelas que quedasen libres por traslado da persoa titular, sempre e cando, de acordo cos módulos poboacionais previstos na sección 4ª do capítulo I do título II, sigan sendo necesarias.

2. Poderán participar neste concurso de nova adxudicación todos/as os/as farmacéuticos/as que no momento de finalización do prazo de presentación de solicitudes fixado na convocatoria sexan ou non titulares ou cotitulares dunha oficina de farmacia, situada dentro ou fóra da Comunidade Autónoma de Galicia, e non a transmitisen nos dez anos anteriores á dita data.

3. Naqueles supostos nos que o/a farmacéutico/a estiver obrigado/a a pechar a súa oficina de farmacia como consecuencia da execución dunha sentenza xudicial firme que anule a resolución administrativa que autorizou a súa instalación, non se terá en conta o prazo previsto no número anterior.

Artigo 38. *Caducidade da autorización*

1. As autorizacións de instalación das oficinas de farmacia caducarán no caso de falecemento, xubilación total, incapacidade permanente non parcial, incapacitación xudicial ou declaración xudicial de ausencia do/da farmacéutico/a titular ou cotitular, sen prexuízo das previsións dos artigos 19 e 46.

En calquera caso, a caducidade dunha autorización e o conseguinte peche da oficina de farmacia non afectarán o réxime legal aplicable aos locais, ás instalacións e ao equipamento, de conformidade co disposto na lexislación civil.



2. No caso de cotitularidade, se a causa da caducidade afecta só un/unha ou algúns/algunhas dos/das cotitulares, a súa cota de participación na autorización reverterá a favor do resto de cotitulares na mesma proporción que viñesen tendo, sempre que non se producise a transmisión, *inter vivos* ou *mortis causa*, da cota ou cotas de cotitularidade correspondentes ao/á cotitular ou cotitulares incursos/as na causa de caducidade.

Sección 6ª. Cambio de localización, reforma de local e limitacións

Artigo 39. Cambio de localización, tipos e limitacións

1. O cambio de localización dunha oficina de farmacia só poderá efectuarse dentro da mesma zona farmacéutica.

2. Os cambios de localización das oficinas de farmacia estarán suxeitos a autorización administrativa, así como ás condicións e aos requisitos fixados regulamentariamente para tal efecto.

3. Os cambios de localización estarán suxeitos ás seguintes limitacións:

a) Naquelas oficinas de farmacia para cuxa instalación e apertura se fixase unha delimitación territorial concreta, deberá respectarse o ámbito desta, agás cando a Administración sanitaria constata a desaparición das condicións que motivaron a súa instalación nesa delimitación.

b) As oficinas de farmacia autorizadas ao abeiro do disposto no artigo 3.1.b) do Real decreto 909/1978, do 14 de abril, polo que se regula o establecemento, transmisión ou integración das oficinas de farmacia, unicamente poderán trasladarse dentro do mesmo núcleo de poboación para o que fosen autorizadas.

c) Non se autorizará o cambio de localización cando, de ser autorizado, se produza un detrimento grave do servizo farmacéutico na zona en que se localiza a oficina de farmacia, en especial naqueles núcleos nos que soamente exista a oficina de farmacia establecida, e se manteñan as condicións que motivaron a súa autorización inicial.

4. Os cambios de localización poderán ser voluntarios ou forzosos, e estes últimos poderán ser definitivos ou provisionais, conforme as seguintes regras:

a) Son cambios de localización forzosos definitivos aqueles nos que a prestación do servizo dunha oficina de farmacia non poida continuar no local no que está instalada e non exista posibilidade de retorno a el, ben polas condicións físicas das instalacións ou ben porque o/a titular ou cotitulares perdesen a dispoñibilidade xurídica do dito local.

b) Son cambios de localización forzosos provisionais os que se produzan por obras, derrubamento ou demolición do edificio e que supoñan a imposibilidade temporal de funcionamento da oficina de farmacia no seu asentamento, autorizándose con carácter transitorio o seu funcionamento noutras instalacións, coa obriga do/da titular de que a oficina de farmacia retorne ao seu primitivo local.



c) Os cambios de localización voluntarios, de carácter definitivo, serán todos os demais que se produzan por instancia do/da titular ou cotitulares da oficina de farmacia, co fin de mellorar as condicións do local, situación e/ou accesibilidade.

Artigo 40. *Autorización de cambio de localización*

1. Será causa de caducidade da autorización de cambio de localización o transcurso do prazo de seis meses, contados desde a notificación da autorización á persoa titular ou cotitular, sen que a oficina de farmacia abra ao público na nova localización ou, no caso de cambio de localización forzoso provisional, sen que se producise o retorno ao primitivo local.

Regulamentariamente poderán establecerse excepcións ao cumprimento do prazo nos casos nos que a imposibilidade de retorno sexa debida a causa non imputable á persoa titular ou cotitular da oficina de farmacia.

2. Así mesmo, a través de norma regulamentaria poderá establecerse un procedemento urgente para a autorización, que só afectará os cambios de localización forzosos provisionais.

3. A nova situación da oficina de farmacia nos cambios de localización voluntarios e forzosos definitivos respectará as condicións sinaladas no artigo 31.

4. En todo caso, a apertura da oficina de farmacia está suxeita á obtención da preceptiva autorización de funcionamento, de acordo co que regulamentariamente se estableza.

Artigo 41. *Reforma dos locais da oficina de farmacia*

1. As obras que afecten o acceso ou a distribución interior do local ou supoñan ampliación ou redución da súa superficie precisarán da correspondente e autorización. O procedemento de autorización de obras nos locais de oficinas de farmacia establecerase regulamentariamente.

2. Para a realización de calquera outra obra no local deberá presentarse, antes do seu inicio, unha comunicación dirixida á correspondente xefatura territorial da consellaría competente en materia de sanidade.

3. Durante a realización das obras garantirase a adecuada prestación da atención farmacéutica, ademais do cumprimento das condicións hixiénico-sanitarias dos medicamentos e produtos sanitarios.

4. As obras deberán iniciarse no prazo máximo de seis meses desde o outorgamento da autorización ou desde a presentación da comunicación, segundo o caso. O transcurso do dito prazo sen que se iniciasen as obras será causa de caducidade da autorización ou, no caso de obras sometidas a comunicación, determinará a necesidade de presentar unha nova comunicación.

4 bis. En función das condicións das obras e do seu impacto na atención na oficina de farmacia, a autorización das ditas obras poderá supoñer o peche daquela durante o tempo en que se estendan estas. Nestes casos, de existir un prexuízo severo para o acceso poboacional ao servizo farma-



céutico, especialmente nos núcleos poboacionais rurais cunha única oficina de farmacia, poderase autorizar un traslado provisional da oficina.

Sección 7ª. Transmisión e peche

Artigo 42. *Transmisión inter vivos*

1. A transmisión *inter vivos*, total ou parcial, de oficinas de farmacia está suxeita a autorización administrativa, que se outorgará de acordo cos requisitos de procedemento que se determinen regulamentariamente.

2. A transmisión dunha oficina de farmacia a favor doutro/a/s farmacéutico/a/s só poderá levarse a cabo cando leve aberta ao público, baixo titularidade do/da/s transmitente/s, un mínimo de tres anos, contados desde a data da autorización de funcionamento, agás nos supostos de declaración xudicial de ausencia, incapacitación física ou xurídica do/da/s farmacéutico/a/s titular/es ou dun/dunha dos/das titulares da oficina de farmacia, nos que bastará que a oficina estea aberta ao público na data de produción destas circunstancias, as cales deberán quedar acreditadas no expediente. Tamén se considerarán excepción a este período de tempo mínimo a declaración da oficina de farmacia como de viabilidade económica comprometida ou a solicitude por parte do/da titular ou cotitulares da oficina de farmacia da declaración dun concurso de acredores.

3. A transmisión das oficinas de farmacia adjudicadas a partir da entrada en vigor desta lei polo procedemento de concurso público só poderá levarse a cabo cando leven abertas ao público un mínimo de quince anos, contados desde a data da autorización de funcionamento. Nos supostos de declaración xudicial de ausencia ou incapacitación xudicial do/da farmacéutico/a titular ou dun/dunha dos/das titulares, bastará que a oficina estea aberta ao público na data de produción destas circunstancias, as cales deberán quedar acreditadas no expediente.

4. No caso de cotitularidade, na transmisión onerosa e ao amparo dos artigos 1521 e seguintes do Código civil, terán dereito de retracto legal o/a farmacéutico/a cotitular ou, se é o caso, os/as farmacéuticos/as cotitulares proporcionalmente ás súas cotas de participación.

Artigo 43. *Transmisión mortis causa*

1. No caso de falecemento do/da farmacéutico/a titular ou cotitular da oficina de farmacia, os/as adquirentes *mortis causa* deberán comunicar a súa vontade, ou non, de nomeamento de farmacéutico/a rexente para efectos de continuar coa oficina de farmacia, agás no suposto que, no caso de cotitularidade, se recolle no artigo 19.2.

A dita comunicación formularase no prazo máximo de vinte días desde o falecemento e deberá ser acompañada da solicitude de nomeamento de rexente. De non se facer neste tempo e modo, a Administración sanitaria iniciará de oficio o expediente de peche da oficina de farmacia.

2. No caso de optar polo nomeamento dun/dunha farmacéutico/a rexente, ata que este non se produza, se a oficina de farmacia non conta con farmacéuticos/as adicionais, deberá permanecer pechada ata a incorporación do/da farmacéutico/a rexente, de acordo co previsto no artigo 19.3.



3. No suposto de falecemento do/da farmacéutico/a titular ou cotitular, poderán ser titulares ou cotitulares da autorización relativa á oficina de farmacia, nos termos nos que o for a persoa falecida, o/a cónxuxe ou algún/algunha dos/das herdeiros/as en primeiro grao, sempre que sexan farmacéuticos/as e cumpran os demais requisitos exixidos para ser titular.

4. No suposto de transmisión *mortis causa*, o/a cotitular poderá exercitar o seu dereito de retracto legal respecto dunha terceira persoa nos termos previstos na lexislación civil, agás no suposto de que a transmisión se produza a favor do/da cónxuxe ou calquera dos/das herdeiros/as en primeiro grao que, no momento do falecemento do/da cotitular, sexa licenciado/a en Farmacia ou estea cursando estudos de Farmacia, sempre que finalicen estes no prazo de cinco anos.

Artigo 44. *Regras aplicables ás transmisións inter vivos*

1. As transmisións *inter vivos* estarán suxeitas ás seguintes regras:

a) As oficinas de farmacia non poderán transmitirse desde o momento no que a persoa titular presentase solicitude de participación no concurso público de traslados para o outorgamento de autorización respecto doutra oficina de farmacia. Esta limitación manterase ata o esgotamento da vía administrativa en relación co dito concurso público, ou, no caso de recurso, na vía xurisdiccional, ata que recaia sentenza firme.

b) O outorgamento, por resolución firme na vía administrativa, da autorización para a instalación dunha nova oficina de farmacia a quen xa for titular doutra determinará a perda automática da autorización relativa a esta última. En consecuencia, non se poderán autorizar as transmisións que, respecto dela, pretenda efectuar aquel/a, agás no caso de anulación xudicial daquela resolución de autorización.

c) Nos casos de peche provisional obrigatorio dunha oficina de farmacia por inhabilitación profesional ou condena a pena privativa de liberdade que supoña o ingreso efectivo en prisión imposta á persoa titular da oficina de farmacia por sentenza penal firme, esta non poderá transmitir a dita oficina de farmacia durante o tempo no que esta permaneza clausurada.

2. O incumprimento do previsto nas alíneas a) e c) do número anterior será constitutivo de infracción nos termos previstos na lei.

Artigo 45. *Peche provisional*

1. As oficinas de farmacia poderán pechar voluntariamente, e de maneira provisional, logo de autorización, nos casos determinados regulamentariamente.

O peche voluntario provisional dunha oficina de farmacia soamente poderá autorizarse no caso de que quede garantida a prestación da asistencia farmacéutica, debendo presentarse a solicitude cunha antelación de polo menos un mes respecto da data en que o peche vaia producirse.

2. Procederase ao peche provisional obrigatorio dunha oficina de farmacia nos seguintes casos:



a) Por incumprimento dos requisitos exixidos por razóns de sanidade, hixiene e seguridade ou pola concorrencia de circunstancias negativas no funcionamento das oficinas de farmacia das que poidan derivar actuacións susceptibles de prexudicar a saúde da cidadanía.

b) Cando non estiver presente un/unha farmacéutico/a en horario de apertura ao público da oficina de farmacia.

c) Por inhabilitación profesional ou condena a pena privativa de liberdade que supoña ingreso efectivo en prisión impostas á persoa titular da oficina de farmacia por sentenza penal firme, por tempo non superior a dous anos, cando aquela sexa a titular única da oficina de farmacia e non solicitase o nomeamento de substituto/a.

d) No caso de imposición, por acordo do Consello da Xunta, da sanción accesoria de peche provisional temporal da oficina de farmacia, de acordo co sinalado no artigo 75.7.

3. Nos casos de peche provisional obrigatorio adoptaranse as medidas necesarias para garantir a atención farmacéutica.

4. O peche provisional dunha oficina de farmacia non poderá exceder dous anos. Se transcorrido ese prazo persisten as causas que o motivaron, procederase á incoación, de oficio, do expediente de peche definitivo da oficina de farmacia.

Artigo 46. *Peche definitivo*

1. O peche definitivo da oficina de farmacia poderá ser voluntario ou obrigatorio.

2. O peche definitivo voluntario dunha oficina de farmacia está suxeito a autorización administrativa.

3. Son causas do peche definitivo obrigatorio das oficinas de farmacia:

a) A imposición del por sentenza xudicial firme.

b) A imposición del por resolución administrativa firme.

c) A inhabilitación profesional ou a condena a pena privativa de liberdade do/da titular ou cotitulares da oficina de farmacia, mediante sentenza firme ditada nun procedemento penal seguido na súa contra por un delito relacionado directamente coa súa actividade profesional.

d) A non transmisión da oficina de farmacia no prazo máximo de duración do réxime de rexencia establecido nos casos de falecemento, incapacidade permanente non parcial, incapacitación xudicial ou declaración xudicial de ausencia da persoa titular ou cotitulares, agás no suposto previsto no artigo 19.2.

e) A xubilación total do/da farmacéutico/a titular da oficina de farmacia sen tela transmitido previamente. Neste caso, o procedemento de peche poderá incoarse de oficio ou por instancia de



parte, debendo neste caso formularse a solicitude de peche dela no prazo máximo de vinte días desde a declaración de xubilación.

f) A falta de nomeamento dun/dunha farmacéutico/a rexente nos tempos previstos nos artigos 19 e 22.

g) A caducidade, perda ou revogación da autorización de instalación da oficina de farmacia.

h) O transcurso do prazo de dous anos cando subsistan as causas que deron lugar ao peche provisional da oficina de farmacia.

CAPÍTULO II

As boticas anexas

Artigo 47. *Definición*

1. Enténdese por botica anexa o establecemento sanitario autorizado no que se presta atención farmacéutica a unha determinada poboación dunha zona farmacéutica debido á concorrencia dalgún dos supostos previstos no artigo seguinte.

2. A botica anexa estará en todo caso vinculada a unha oficina de farmacia. A persoa titular da dita oficina de farmacia será responsable da dirección técnica e está obrigada á administración, subministración e reposición dos medicamentos e produtos sanitarios que se dispensen nela.

3. O/A farmacéutico/a titular da oficina de farmacia á que a botica anexa estea vinculada será responsable da adquisición dos medicamentos e produtos sanitarios e da vixilancia, control e custodia das receitas dispensadas.

4. A expresión «Botica anexa» será de utilización exclusiva para estes establecementos, os cales deberán estar tamén sinalizados cunha cruz verde, idéntica á exixida para as oficinas de farmacia.

Artigo 48. *Condicións para a apertura*

1. Nas parroquias e lugares onde non poida instalarse unha oficina de farmacia porque non se cumpran os requisitos exixidos legalmente e se dean circunstancias de afastamento, difícil comunicación coa oficina de farmacia máis próxima ou altas concentracións de poboación temporais ou cando concorran situacións de emerxencia que o fagan aconsellable, poderá autorizarse a apertura dunha botica anexa.

2. Así mesmo, no mapa farmacéutico deberán indicarse aquelas que terán vinculada unha botica anexa situada nalgunha zona especial de difícil accesibilidade.

3. Tamén poderá autorizarse a apertura dunha botica anexa para prestar a atención farmacéutica naqueles casos nos que o outorgamento dunha autorización de traslado ou a situación de peche dunha oficina de farmacia dificulte o acceso á atención farmacéutica da poboación.



4. Os requisitos para a instalación de boticas anexas, o procedemento de autorización e o seu réxime de funcionamento e horario mínimo de apertura, así como a súa clausura ou peche, regularanse mediante norma regulamentaria.

Artigo 49. *Vinculación da botica anexa*

1. A botica anexa estará vinculada á oficina de farmacia máis próxima entre as existentes na mesma zona farmacéutica. Nos supostos de renuncia ou non aceptación da vinculación por parte da persoa titular ou cotitulares da oficina de farmacia, a botica anexa poderá vincularse con outra oficina de farmacia da mesma zona farmacéutica, podendo ser vinculada, na súa falta ou no caso de non aceptación da vinculación, á oficina de farmacia máis próxima doutra zona farmacéutica lindante, sempre que a persoa titular ou cotitulares o acepten. Por razóns de interese xeral debidamente xustificadas, poderá autorizarse a vinculación da botica anexa tendo en conta outras circunstancias que se determinen regulamentariamente.

2. A botica anexa estará baixo a responsabilidade do/da farmacéutico/a titular da oficina á que se atope vinculada, que asegurará a cobertura da asistencia farmacéutica de acordo coas necesidades para as cales foi establecida, así como a correcta almacenaxe, custodia e conservación dos medicamentos e produtos sanitarios e a vixilancia, control e custodia das receitas dispensadas.

A dispensación de medicamentos será realizada por un/unha farmacéutico/a, coa colaboración, se é o caso, dun/dunha técnico/a ou auxiliar de farmacia.

3. A transmisión dunha oficina de farmacia que teña vinculada unha botica anexa deberá incluír, como requisito inescusable, esta última.

Artigo 50. *Peche da botica anexa*

1. O peche definitivo dunha oficina de farmacia que teña vinculada unha botica anexa determinará o peche definitivo desta última. Non obstante, se persiste a necesidade da botica anexa, a consellaría competente en materia de sanidade vinculará esta á oficina de farmacia máis próxima da mesma zona farmacéutica ou, no caso de non aceptación desta, á oficina de farmacia máis próxima doutra zona farmacéutica.

2. A desaparición das circunstancias que determinaron a apertura dunha botica anexa será causa de peche desta, deberá ser comunicada ao concello correspondente e terá a súa correspondente indicación no mapa farmacéutico.

CAPÍTULO III

A atención farmacéutica nas estruturas de atención primaria

Artigo 51. *Disposicións xerais*

De acordo cos artigos 3.6 e 83 do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo, no nivel de atención primaria, as unidades de farmacia dos centros de atención primaria prestarán a



atención farmacéutica necesaria para que o equipo multidisciplinario de atención á saúde dispoña dos medios terapéuticos necesarios para a súa aplicación dentro das ditas institucións e para a custodia, conservación e dispensación dos medicamentos que exixan unha particular vixilancia, supervisión e control do equipo multidisciplinario de atención á saúde.

Artigo 52. *Condicións e requisitos*

1. Estableceranse regulamentariamente os requisitos para a creación e o funcionamento das unidades de farmacia previstas no artigo anterior, así como os recursos humanos, materiais e técnicos con que terán que contar.

2. Deberán constituírse depósitos de medicamentos nos centros do sistema sanitario público de atención primaria para o seu uso interno, baixo a responsabilidade dun servizo de farmacia hospitalario ou dunha unidade de farmacia dun centro de atención primaria, debendo quedar aqueles baixo a supervisión dun/dunha farmacéutico/a, que contará coa asistencia do persoal técnico, se é o caso, e demais persoal que precise, segundo o volume de actividade asistencial.

Artigo 53. *Funcións das unidades de farmacia de atención primaria*

1. Son funcións das unidades de farmacia de atención primaria:

a) Garantir e asumir a responsabilidade técnica da adquisición, calidade, correcta conservación, cobertura das necesidades, custodia, preparación de fórmulas maxistrais e preparados oficinais e dispensación dos medicamentos para ser aplicados dentro dos centros de atención primaria e daqueles para os que se exixa unha particular vixilancia, supervisión e control, segundo se establece no artigo 103 da Lei 14/1986, do 25 de abril, xeral de sanidade, e nas disposicións regulamentarias que o desenvolven.

b) Establecer un sistema eficaz e seguro de distribución de medicamentos e produtos sanitarios nos centros e estruturas ao seu cargo.

c) Colaborar no establecemento de sistemas de información sobre xestión de farmacoterapia a partir de estratexias que inclúan aspectos clínicos, de efectividade, seguridade e eficiencia da utilización dos medicamentos e proporcionar unha correcta información e formación sobre medicamentos e produtos sanitarios aos/ás profesionais sanitarios/as.

d) Desenvolver protocolos e guías farmacoterapéuticas que garantan a correcta asistencia farmacoterapéutica aos/ás pacientes, en especial no referente á selección de medicamentos e á continuidade dos tratamentos e sistemas de apoio á toma de decisións clínicas en farmacoterapia.

e) Revisar a medicación nas persoas usuarias do seu ámbito, para detectar ou previr eventos adversos, garantir a adecuación terapéutica e mellorar a adherencia ao tratamento, e contribuír, como parte do equipo multidisciplinario, a que as persoas usuarias obteñan o mellor resultado en saúde derivado da utilización de medicamentos.

f) Establecer un sistema de seguimento farmacoterapéutico das persoas usuarias que contribúa a garantir a adherencia e persistencia terapéutica nos programas de conciliación da medicación,



impulsando a coordinación farmacoterapéutica entre diferentes estruturas sanitarias e niveis asistenciais, así como a integración e a continuidade asistencial.

g) Realizar a homologación sanitaria dos tratamentos prescritos.

h) Colaborar na avaliación de resultados en saúde derivada da utilización dos medicamentos na práctica clínica real, da incorporación da innovación terapéutica e tecnolóxica e das políticas sanitarias.

i) Participar en proxectos e comités de investigación e promover unha investigación clínica en farmacoterapia de calidade e adecuada ás necesidades dos/das pacientes, garantindo a correcta custodia e dispensación dos produtos en fase de investigación clínica.

j) Formar parte das comisións relativas ao uso racional do medicamento ou doutros produtos farmacéuticos, en especial a Comisión Autonómica Central de Farmacia e Terapéutica.

k) Impulsar a coordinación e o traballo en equipo e a colaboración cos hospitais e servizos de atención especializada, coa finalidade de asegurar a calidade da prestación farmacéutica mediante o seguimento dos tratamentos prescritos polo/a médico/a.

l) Establecer programas que potencien un uso seguro dos medicamentos.

m) Impulsar e participar en programas de educación da poboación sobre medicamentos, o seu emprego racional e a prevención do seu abuso.

n) Promover a notificación de incidentes relacionados co uso de medicamentos a través dos sistemas de notificación existentes.

ñ) Realizar cantas funcións poidan redundar nun mellor uso e control dos medicamentos, mediante estratexias de colaboración entre os equipos de atención primaria e os/as profesionais sanitarios/as dos distintos niveis asistenciais, e calquera outra que se estableza na normativa que lles resulte aplicable.

2. Todo o anterior será así mesmo aplicable para os produtos sanitarios, agás naqueles supostos onde resulte imposible a súa aplicación pola propia natureza do produto.

3. As ditas funcións serán realizadas baixo a responsabilidade dun/dunha farmacéutico/a, que contará con medios materiais e persoais suficientes para o seu desenvolvemento.

TÍTULO III

A atención farmacéutica nos hospitais, centros sociosanitarios e outros centros, servizos e establecementos sanitarios

Artigo 54. Atención farmacéutica nos hospitais e centros sociosanitarios

A atención farmacéutica nos hospitais e centros sociosanitarios levarase a cabo a través dos servizos de farmacia hospitalaria propios e dos depósitos de medicamentos e produtos sanitarios.



Neles os/as farmacéuticos/as responsables desenvolverán as funcións previstas nesta lei, prestando un servizo integrado con outras actividades da atención hospitalaria ou sociosanitaria.

Artigo 55. Servizos de farmacia hospitalaria propios dos hospitais e centros sociosanitarios

Será obrigatorio o establecemento dun servizo de farmacia hospitalaria propio en:

- a) Todos os hospitais que teñan cen ou máis camas.
- b) Os centros sociosanitarios con cen ou máis camas en réxime de asistidos/as.

Malia o anterior, a consellaría competente en materia de prestación farmacéutica poderá establecer acordos ou convenios cos centros mencionados nas alíneas a) e b) eximíndoos da dita existencia, sempre e cando dispoñan dun depósito de medicamentos e produtos sanitarios vinculado ao servizo de farmacia do hospital da rede pública que sexa o de referencia na área sanitaria correspondente.

Artigo 56. Funcións dos servizos de farmacia hospitalaria propios dos hospitais e centros sociosanitarios

Os servizos de farmacia hospitalaria propios dos hospitais e centros sociosanitarios terán, ademais das funcións previstas na normativa estatal aplicable, as seguintes:

a) Participar, a través da comisión de farmacia e terapéutica do centro, no proceso multidisciplinario da selección de medicamentos e produtos sanitarios precisos para a correcta atención farmacéutica, baixo criterios de seguridade, calidade e custo/efectividade, recollidos na guía farmacoterapéutica de obrigada difusión, que deberá actualizarse periodicamente.

b) Garantir e asumir a responsabilidade técnica da adquisición, calidade, correcta conservación, cobertura das necesidades, custodia, preparación de fórmulas maxistrais e preparados oficinais e dispensación dos medicamentos precisos para as actividades intrahospitalarias e daqueles outros para tratamentos extrahospitalarios, conforme o establecido no artigo 3.6 do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo.

c) Establecer un sistema eficaz e seguro de distribución de medicamentos, tomar as medidas para garantir a súa correcta conservación, dispoñibilidade, preparación, administración, rastrexabilidade e reposición, custodiar e dispensar os produtos en fase de investigación clínica e velar polo cumprimento da lexislación sobre medicamentos de substancias psicoactivas ou de calquera outro medicamento que requira un control especial.

d) Establecer un sistema de dispensación de todos aqueles medicamentos previstos no artigo 3.6.b) e c) do Real decreto lexislativo 1/2015, do 24 de xullo, que favoreza a atención farmacéutica individualizada e que permita detectar ou previr eventos adversos, garantir a adecuación terapéutica e mellorar a adherencia ao tratamento, e que contribúa a que as persoas usuarias obteñan o mellor resultado en saúde derivado da utilización de medicamentos e permita adaptarse ás novas necesidades asistenciais e aos avances das tecnoloxías da información e comunicación.



e) Participar no seguimento farmacoterapéutico das persoas usuarias que contribúa a garantir a adherencia e persistencia terapéutica nos programas de conciliación da medicación, impulsando a coordinación farmacoterapéutica entre diferentes estruturas sanitarias e niveis asistenciais, así como a integración e a continuidade asistencial.

f) Formar parte das comisións das correspondentes estruturas sanitarias en que poidan ser útiles os seus coñecementos para a selección e avaliación científica dos medicamentos e os criterios de uso, así como formar parte e coordinarse e colaborar coa Comisión Autónoma Central de Farmacia e Terapéutica.

g) Participar no desenvolvemento, implantación e seguimento de protocolos terapéuticos e da guía farmacoterapéutica co fin de conseguir a farmacoterapia máis segura e eficiente, en condicións de equidade e homoxeneidade, e de promover o uso racional do medicamento no hospital e na súa área de influencia.

h) Realizar a homologación sanitaria dos tratamentos prescritos.

i) Colaborar na avaliación de resultados en saúde derivada da utilización dos medicamentos na práctica clínica real, da incorporación da innovación terapéutica e tecnolóxica e das políticas sanitarias.

j) Establecer un servizo de información de medicamentos para todo o persoal do hospital, estudos sistemáticos de utilización de medicamentos e actividades de farmacocinética clínica e todas aquelas actividades da súa competencia que redunden no mellor coidado, axuste posolóxico, terapias de soporte e estado nutricional das persoas usuarias.

k) Colaborar na formación pre e posgraduada de profesionais sanitarios/as.

l) Efectuar traballos de investigación propios ou en colaboración con outras unidades ou servizos e participar nos ensaios clínicos con medicamentos.

m) Colaborar coas estruturas de atención primaria e atención hospitalaria da súa área de influencia no desenvolvemento das súas funcións co fin de garantir unha farmacoterapia integrada e unha continuidade asistencial.

n) Colaborar nos programas que se establezan na súa área sobre o uso racional e seguro do medicamento, así como en programas de formación das persoas usuarias e coidadores/as sobre o uso dos medicamentos e a súa participación activa nos tratamentos.

ñ) Establecer un sistema de farmacovixilancia intrahospitalario e promover a notificación de incidentes relacionados co uso de medicamentos a través dos sistemas de notificación existentes.

o) Participar e coordinar a xestión das compras de medicamentos e produtos sanitarios das estruturas organizativas de xestión integrada para efectos de asegurar a eficiencia daquela.

p) Realizar cantas funcións poidan redundar nun mellor uso e control dos medicamentos mediante estratexias de colaboración entre os/as profesionais sanitarios/as dos distintos niveis asistenciais e calquera outra que se estableza.



Artigo 57. *Recursos materiais e humanos dos servizos de farmacia hospitalaria propios*

1. Os servizos de farmacia hospitalaria propios deberán dispoñer dunha superficie adecuada en relación coa actividade desenvolvida.

2. Os servizos de farmacia hospitalaria propios dos hospitais contarán cunha área diferenciada de atención das persoas usuarias externas, para preservar a confidencialidade e privacidade.

3. Os servizos de farmacia hospitalaria propios dos hospitais e centros sociosanitarios estarán baixo a titularidade e responsabilidade dun/dunha farmacéutico/a especialista en Farmacia Hospitalaria.

4. Dependendo do volume, das actividades e do tipo de centro, fixarase por norma regulamentaria o número de farmacéuticos/as adicionais, de técnicos/as ou auxiliares en farmacia e de persoal administrativo e subalterno necesarios para desenvolver con normalidade o funcionamento do servizo.

5. Todos/as os/as farmacéuticos/as que exerzan a súa actividade nos servizos de farmacia hospitalaria propios estarán en posesión do título de especialista en Farmacia Hospitalaria.

Artigo 58. *Depósitos de medicamentos e produtos sanitarios*

1. Os hospitais e os centros sociosanitarios que presten asistencia sanitaria específica que non contén un servizo de farmacia hospitalario propio e que non estean obrigados a telo deberán dispoñer dun depósito, que estará vinculado a un servizo de farmacia hospitalaria do distrito sanitario e baixo a responsabilidade da persoa que exerza a xefatura do dito servizo, no caso dos hospitais ou centros sociosanitarios do sector público. No caso de que se trate dun hospital ou centro sociosanitario do sector privado, o depósito estará vinculado a unha oficina de farmacia establecida na mesma zona farmacéutica ou a un servizo de farmacia hospitalario.

Os hospitais e centros sociosanitarios cos que se formalicen os acordos ou convenios aos que se refire o artigo 55 deberán dispoñer dun depósito de medicamentos vinculado ao servizo de farmacia hospitalaria do hospital da rede pública que sexa o de referencia na área sanitaria correspondente.

2. Os centros e servizos sanitarios nos que polo elevado volume de medicamentos utilizado ou polas características farmacolóxicas deles ou ben por motivos de saúde pública se considere necesario que deben dispoñer dun depósito serán determinados regulamentariamente. Igualmente, poderá autorizarse a existencia de depósitos noutros centros e establecementos sanitarios onde se leven a cabo tratamentos específicos para determinados tipos de usuarios/as, cando as características dos tratamentos ou as necesidades asistenciais así o exixan.

En todo caso, os citados depósitos deberán estar vinculados a algún dos establecementos ou servizos enumerados no artigo 3.6 do texto refundido da Lei de garantías e uso racional dos medicamentos e produtos sanitarios, aprobado polo Real decreto legislativo 1/2015, do 24 de xullo, aos cales corresponderá a custodia, conservación e dispensación de medicamentos de uso humano.



3. O depósito, dependendo da súa vinculación, será atendido por un/unha farmacéutico/a do servizo de farmacia do distrito sanitario, se é o caso, por un/unha farmacéutico/a do servizo de farmacia hospitalaria do hospital da rede pública que sexa o de referencia na área sanitaria correspondente para os hospitais e centros sociosanitarios que formalicen acordos ou convenios de conformidade co disposto no número 1 ou polo/a farmacéutico/a titular da oficina de farmacia coa que o centro estea vinculado.

4. O/A farmacéutico/a responsable do depósito, coa colaboración do persoal técnico ou auxiliar de farmacia necesario, realizará as funcións seguintes:

a) Garantir a correcta conservación, custodia e dispensación de medicamentos e produtos sanitarios para a súa aplicación dentro do centro, establecemento ou servizo.

b) Asegurar un sistema eficaz e seguro de dispensación de medicamentos e produtos sanitarios no centro, establecemento ou servizo, coa implantación de medidas que contribúan a garantir a súa correcta administración.

c) Establecer as normas de acceso ao depósito para o persoal previamente autorizado, que será aquel que determine o servizo de farmacia responsable do depósito.

d) Informar o persoal sanitario do centro, establecemento ou servizo e os/as propios/as pacientes en materia de medicamentos, así como realizar estudos de utilización de medicamentos.

e) Colaborar coa comisión de farmacia e terapéutica do centro e cos comités éticos de investigación clínica, así como con outras comisións do centro hospitalario de referencia nas que os seus coñecementos poidan ser útiles.

f) Garantir as existencias necesarias para que a dispensación de medicamentos quede cuberta as vinte e catro horas do día.

5. Os depósitos deberán dispoñer dunha superficie adecuada en relación coa actividade desenvolvida e deberán contar co persoal necesario para poder levar a cabo as súas funcións.

Artigo 58 bis. Atención farmacéutica en institucións penitenciarias

1. Os centros penitenciarios deberán establecer servizos de farmacia ou depósitos de medicamentos, que reunirán os requisitos xerais establecidos nos artigos 57 e 58 e serán debidamente autorizados nos termos que regulamentariamente se determinen.

2. Os depósitos de medicamentos destes centros poderán vincularse aos servizos farmacéuticos doutros centros penitenciarios ou aos servizos de farmacia de hospitais da rede pública.

3. As funcións de tales unidades asistenciais serán as establecidas no artigo 56.



TÍTULO IV

Distribución de medicamentos de uso humano e de produtos sanitarios

Artigo 59. *Entidades de distribución*

1. Conforme o disposto no artigo 67.1 do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo, a distribución dos medicamentos autorizados será realizada a través das entidades de distribución ou directamente polo laboratorio titular da autorización de comercialización destes.

2. As entidades de distribución e, se é o caso, os laboratorios farmacéuticos que distribúan directamente os seus produtos dispoñerán do persoal e dos locais, instalacións e equipos adecuados e suficientes para garantir a correcta conservación e distribución dos medicamentos. As entidades cumprirán os requisitos, as condicións e as obrigas establecidos na normativa vixente e nas normas de boas prácticas de distribución de medicamentos de uso humano.

3. A distribución dos produtos sanitarios efectuarase a través de establecementos que garantan o adecuado almacenamento e conservación dos produtos. Os distribuidores de produtos sanitarios contarán coa organización e medios precisos de conformidade coa normativa específica destes produtos.

4. As entidades de distribución autorizadas pola Administración autonómica non poderán arrendar, subarrendar ou ceder a terceiras persoas os locais ou instalacións destinados ao desenvolvemento das súas actividades.

Artigo 60. *Autorización das entidades de distribución de medicamentos de uso humano*

1. De conformidade coa normativa básica estatal, as entidades de distribución de medicamentos de uso humano están sometidas a autorización previa ao seu funcionamento.

2. De acordo co artigo 20.4 do Real decreto 782/2013, do 11 de outubro, sobre distribución de medicamentos de uso humano, as entidades de distribución deberán dispoñer para o seu funcionamento, ademais da preceptiva autorización, dun certificado de cumprimento de boas prácticas de distribución en vigor emitido segundo o establecido no artigo 21 do dito real decreto.

3. En relación cos almacéns grosistas e almacéns por contrato domiciliados no territorio da Comunidade Autónoma de Galicia, correspóndenlle á Administración autonómica a competencia para a tramitación e resolución dos procedementos relativos á autorización previa ao seu funcionamento, así como as autorizacións de modificacións relevantes que afecten os locais, equipamentos e actividades, de modificación das condicións autorizadas, de traslado a outras instalacións e de cesamento da súa actividade. Os ditos procedementos de autorización serán regulados a través de norma regulamentaria.

4. Os almacéns grosistas e almacéns por contrato que non estean domiciliados no territorio da Comunidade Autónoma de Galicia pero que desenvolvan nela a súa actividade están suxeitos á obriga



de comunicación prevista no artigo 68.1 do texto refundido da Lei de garantías e uso racional dos medicamentos e produtos sanitarios, aprobado polo Real decreto legislativo 1/2015, do 24 de xullo.

5. Os cambios de titularidade das entidades de distribución de medicamentos de uso humano cuxa autorización sexa competencia autonómica serán comunicados mediante o procedemento que para tal efecto se determine.

6. Igualmente, aquelas entidades que, ademais de medicamentos, distribúan produtos sanitarios deberán realizar unha previa comunicación de inicio de actividade nos termos previstos na normativa específica que resulte aplicable aos ditos produtos. A modificación de datos e o cesamento de actividade tamén deberán ser comunicados.

Artigo 61. *Dirección técnica e persoal adicional das entidades de distribución de medicamentos de uso humano*

1. De conformidade co artigo 70 do texto refundido da Lei de garantías e uso racional dos medicamentos e produtos sanitarios, aprobado polo Real decreto legislativo 1/2015, do 24 de xullo, as entidades de distribución de medicamentos autorizadas dispoñerán dun/dunha director/a técnico/a farmacéutico/a, cuxo cargo será incompatible con actividades de carácter sanitario que supoñan intereses directos coa fabricación ou dispensación de medicamentos ou que vaian en detrimento do adecuado cumprimento das súas funcións, e que deberá cumprir os requisitos previstos no artigo 6 do Real decreto 782/2013, do 11 de outubro.

2. De acordo co artigo 7 do Real decreto 782/2013, do 11 de outubro, o/a director/a técnico/a farmacéutico/a deberá realizar as súas funcións para garantir a aplicación e o cumprimento das boas prácticas de distribución establecidas na Unión Europea, así como da normativa vixente que sexa aplicable. As ditas funcións inclúen as previstas no dito precepto.

3. Conforme o artigo 5 do Real decreto 782/2013, do 11 de outubro, poderán nomearse un/unha ou máis directores/as técnicos/as farmacéuticos/as suplentes, cos mesmos requisitos que o/a titular, ao/á que substituirán na súa ausencia.

4. Correspóndelle á consellaría competente en materia de sanidade, logo da comprobación do cumprimento dos requisitos aplicables, a aceptación do nomeamento dos/das directores/as técnicos/as farmacéuticos/as das entidades de distribución de medicamentos de competencia autonómica e dos/das seus/súas suplentes.

5. Ademais da dirección técnica, as entidades de distribución de medicamentos deberán dispoñer do persoal adicional necesario para garantir a calidade e seguridade nas actividades de distribución incluídas no ámbito da autorización, nos termos previstos na normativa aplicable.

TÍTULO V Unidades de radiofarmacia

Artigo 62. *Disposicións xerais*

Os medicamentos radiofármacos de uso humano e as funcións que respecto deles correspondan ás unidades de radiofármacos axustaranse á normativa a eles aplicable.



Artigo 63. *Clasificación das unidades de radiofarmacia*

As unidades de radiofarmacia poderán ser de dous tipos:

a) Unidades de radiofarmacia de tipo I, que realizarán as funcións previstas nos números 3 e 4 do artigo 48 do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo, nos termos e condicións previstos na normativa aplicable.

b) Unidades de radiofarmacia de tipo II, que son aquelas que poden estar instaladas en locais independentes dos servizos ou centros asistenciais e realizarán as funcións previstas nos números 3, 4 e 5 do artigo 48 do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo, nos termos e condicións previstos na normativa aplicable.

Artigo 64. *Autorizacións*

A autorización para a apertura, modificación e peche das unidades de radiofarmacia correspóndelle á consellaría competente en materia de sanidade, que establecerá regulamentariamente os procedementos oportunos, podendo así mesmo establecer os controis e as inspeccións que considere necesarios para o seu correcto funcionamento; todo isto sen prexuízo das competencias que correspondan a outros organismos segundo a normativa aplicable.

Artigo 65. *Recursos humanos*

1. A persoa responsable da unidade de radiofarmacia debe ser un/unha facultativo/a especialista en radiofarmacia. En función do tipo e volume da actividade de preparación de radiofármacos desenvolvida pola unidade, poderá ser necesaria a presenza de facultativos/as especialistas en radiofarmacia adicionais. En todo caso, para o funcionamento da unidade requírese a presenza dun/dunha facultativo/a especialista en radiofarmacia.

2. A persoa responsable da unidade de radiofarmacia levará a cabo as seguintes funcións:

a) Asegurar que a adquisición, conservación, preparación, control de calidade, documentación e dispensación dos radiofármacos se realiza de acordo coa lexislación aplicable na materia.

b) Establecer as instrucións específicas de preparación e control dos radiofármacos, de acordo coa normativa aplicable.

c) Comprobar o correcto mantemento dos locais e equipos utilizados na preparación, control e conservación dos radiofármacos.

d) Garantir a calidade dos radiofármacos preparados e conservar o resultado dos controis e verificacións realizadas.

3. A unidade de radiofarmacia contará ademais co persoal técnico, con formación en preparación e control de radiofármacos así como en protección radiolóxica, en número suficiente para desen-



volver a súa actividade de forma adecuada. Todo o persoal facultativo e técnico deberá estar capacitado de conformidade cos requisitos exixidos pola lexislación aplicables en materia de seguridade de instalacións radioactivas e pola restante normativa aplicable.

Artigo 66. *Adquisición e dispensación*

A adquisición e dispensación de radiofármacos elaborados nas unidades de radiofarmacia non integradas en servizos de farmacia é responsabilidade do servizo de farmacia do centro onde se vaian utilizar.

TÍTULO VI

A distribución e dispensación de medicamentos veterinarios

Artigo 67. *A distribución e dispensación de medicamentos veterinarios*

1. A distribución e dispensación de medicamentos veterinarios levarase a cabo nos establecementos e servizos e nas condicións que se prevén no artigo 38 do texto refundido da Lei de garantías e uso racional dos medicamentos e produtos sanitarios, aprobado polo Real decreto legislativo 1/2015, do 24 de xullo, e na restante normativa estatal aplicable, e conforme o disposto nesta lei e na normativa regulamentaria autonómica de desenvolvemento.

2. A dispensación ao público dos medicamentos veterinarios será realizada exclusivamente por:

a) As oficinas de farmacia legalmente establecidas, que, ademais, serán as únicas autorizadas para a elaboración e dispensación de fórmulas maxistrais e preparados oficinais.

b) As entidades ou agrupacións gandeiras autorizadas, sempre que contén cun servizo farmacéutico responsable da custodia, conservación e dispensación destes medicamentos, para o uso exclusivo dos seus membros.

c) Os establecementos comerciais retallistas autorizados, sempre que contén cun servizo farmacéutico responsable da custodia, conservación e dispensación destes medicamentos.

d) As boticas de urxencia de medicamentos veterinarios que, por razóns de urxencia e afastamento, poidan autorizarse, cando non exista nun municipio oficina de farmacia nin outro centro de subministración de medicamentos veterinarios autorizado. Estas boticas poderán estar vinculadas a unha oficina de farmacia, nos termos previstos no artigo 49, ou a calquera outro establecemento ou servizo de dispensación de medicamentos veterinarios autorizado. Neste caso, a dispensación realizarase nos termos establecidos na normativa estatal.

Igualmente, os medicamentos destinados a cans, gatos, animais de terrario, paxaros domiciliarios, peixes de acuario e pequenos roedores que non requiran prescrición veterinaria poderán distribuírse e venderse noutros establecementos, nos termos previstos na normativa básica estatal e na que, con respecto desta, dite a Comunidade Autónoma.

3. As entidades ou agrupacións gandeiras deberán contar cun número de farmacéuticos/as, técnicos/as e auxiliares axeitado ao número de centros de dispensación de medicamentos, nas con-



dicións que regulamentariamente se establezan, así como con programas zoosanitarios aprobados polo órgano competente da Comunidade Autónoma.

4. Os establecementos comerciais retallistas autorizados deberán contar con servizos farmacéuticos, que serán responsables da custodia, subministración e control de utilización dos medicamentos veterinarios. Estes centros dispensadores e os do apartado anterior deberán estar identificados coa lenda «Produtos zoosanitarios».

5. A dispoñibilidade de medicamentos veterinarios polos/as profesionais da veterinaria para o exercicio da súa actividade profesional rexerase pola normativa básica estatal e polas normas que, en desenvolvemento de tales bases, dite a Comunidade Autónoma.

6. O outorgamento das autorizacións de competencia autonómica relativas aos establecementos e servizos de distribución e dispensación exclusiva de medicamentos veterinarios requirirá autorización previa da consellaría competente en materia de ganadería, logo do informe da consellaría competente en materia de sanidade.

A autorización das oficinas de farmacia nas que se dispensen medicamentos veterinarios correspóndelle á consellaría competente en materia de sanidade, conforme o réxime xeral aplicable a tales autorizacións.

Os centros que distribúan medicamentos tanto de uso humano como de uso veterinario serán autorizados pola consellaría competente en materia de sanidade, logo do informe da consellaría competente en materia de ganadería.

TÍTULO VII

Os/As profesionais farmacéuticos/as e outro persoal dos establecementos e servizos de atención farmacéutica

Artigo 68. Definición de profesional farmacéutico/a

Para os efectos desta lei, enténdese por profesionais farmacéuticos/as todas aquelas persoas que, posuíndo a titulación correspondente, desenvolvan as súas funcións nos establecementos e servizos de atención farmacéutica regulados nesta lei.

Artigo 69. Formación continuada

1. A consellaría competente en materia de sanidade, en colaboración coas universidades, os colexios oficiais de farmacéuticos/as, as sociedades científicas e outras organizacións profesionais, contribuirá a impulsar a formación continuada dos profesionais farmacéuticos/as e do persoal auxiliar dos establecementos e servizos de atención farmacéutica coa finalidade de ofrecer unha prestación útil e eficiente á cidadanía a través da actualización dos seus coñecementos.

2. Os colexios oficiais de farmacéuticos/as, as sociedades científicas e as organizacións profesionais promoverán e desenvolverán actividades de formación continuada para contribuír á necesaria



actualización do coñecemento e das habilidades profesionais do persoal que participa nas actividades de atención farmacéutica.

3. As persoas responsables dos establecementos e servizos de atención farmacéutica facilitarán o acceso do persoal ao seu cargo á formación continuada.

Artigo 70. *Incompatibilidades*

1. Con carácter xeral, a titularidade dunha oficina de farmacia e o exercicio profesional farmacéutico nos establecementos e servizos de atención farmacéutica é incompatible coa existencia de calquera clase de intereses económicos directos na fabricación e distribución de medicamentos ou de produtos sanitarios, coas excepcións previstas na disposición transitoria segunda do texto refundido da Lei de garantías e uso racional dos medicamentos e produtos sanitarios, aprobado polo Real decreto legislativo 1/2015, do 24 de xullo.

2. Ademais das incompatibilidades do réxime xeral, o exercicio profesional farmacéutico/a nos establecementos ou servizos de atención farmacéutica regulados nesta lei é incompatible con:

a) O exercicio profesional en calquera outro dos establecementos e servizos de atención farmacéutica regulados nesta lei, coa excepción de boticas anexas e depósitos de medicamentos vinculados ao establecemento ou servizo no que se desenvolve a actividade profesional. Esta incompatibilidade non resultará aplicable no caso de farmacéuticos/as adxuntos/as de oficina de farmacia contratados a tempo parcial, que poderán desenvolver a súa actividade profesional en oficinas de farmacia diferentes, sempre que exista compatibilidade entre os horarios de traballo.

b) O exercicio clínico da medicina, odontoloxía, enfermaría, fisioterapia, podoloxía, veterinaria ou calquera outra actividade profesional que no futuro puider ser habilitada para a prescrición ou indicación de dispensación de medicamentos.

c) O exercicio profesional nos establecementos autorizados para distribuír ou dispensar medicamentos veterinarios (almacéns grosistas, entidades ou agrupacións gandeiras e establecementos comerciais retalistas).

d) O exercicio profesional nos laboratorios de fabricación de medicamentos de uso humano ou veterinario.

3. En particular, o exercicio profesional do/da farmacéutico/a na oficina de farmacia, sexa como farmacéutico/a titular, cotitular, rexente, substituto/a ou adxunto/a, será incompatible con:

a) Calquera actividade profesional ou mercantil que impida a presenza física do/da farmacéutico/a durante o horario de atención ao público da oficina de farmacia.

b) A prestación de servizos retribuídos en calquera administración pública en función de relación laboral, funcionarial ou estatutaria. Esta incompatibilidade non resultará aplicable no caso de farmacéuticos/as exercentes en oficinas de farmacia que teñan a condición de titores/as de prácticas tuteladas e naqueloutros supostos nos que a compatibilidade veña recoñecida pola normativa aplicable.



c) O exercicio profesional como visitador/a médico/a, representante ou comisionista de entidades de fabricación ou distribución de medicamentos ou de produtos sanitarios ou de produtos da canle farmacéutica.

TÍTULO VIII

Publicidade, promoción e información dos medicamentos e produtos sanitarios

Artigo 71. *Garantías na información, promoción e publicidade de medicamentos e produtos sanitarios*

1. A consellaría competente en materia de sanidade adoptará as medidas oportunas para garantir que a información, a promoción e a publicidade dos medicamentos e produtos sanitarios destinadas aos/ás profesionais da saúde ou á poboación en xeral se axusten a criterios de veracidade, evitando inducir a unha utilización incorrecta ou a un sobreconsumo.

2. Así mesmo, correspóndelle á dita consellaría o control de calquera publicidade de medicamentos e produtos sanitarios que se difunda especificamente no ámbito da Comunidade Autónoma de Galicia, de conformidade co procedemento que se determine regulamentariamente.

3. Coidará, ademais, de que a información e promoción dirixida a profesionais sanitarios/as no territorio da Comunidade Autónoma de Galicia estea de acordo coa información técnica e científica autorizada pola Axencia Española de Medicamentos e Produtos Sanitarios, e deberá ser rigorosa, ben fundada e obxectiva e non inducir a erro, de acordo coa lexislación vixente, e axustarse á ficha técnica.

4. Tamén terá acceso, para efectos de inspección, a todos os medios de información, promoción e publicidade de medicamentos e produtos sanitarios dirixidos aos/ás profesionais sanitarios/as ou á poboación en xeral, xa sexan escritos, audiovisuais, informáticos ou de calquera outra natureza.

5. No caso das mensaxes publicitarias difundidas no ámbito da Comunidade Autónoma de Galicia, as entidades responsables delas deberán comunicar a súa intención de realizar esta actividade de acordo co procedemento establecido.

TÍTULO IX

Réxime sancionador

Artigo 72. *Disposicións xerais*

1. As infraccións recollidas nesta lei serán obxecto das correspondentes sancións administrativas, logo da instrución do oportuno expediente, sen prexuízo das responsabilidades civís, penais ou doutra orde que poidan concorrer.

2. As infraccións previstas nesta lei sono sen prexuízo do disposto no texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo; na Lei 8/2003, do 24 de abril, de sanidade animal, respecto dos establecementos de dispensación de medicamentos veterinarios, agrupacións de gandeiros con



programa sanitario e distribuidores de medicamentos veterinarios; e na normativa de desenvolvemento daquel.

No exercicio da potestade sancionadora autonómica en relación co réxime sancionador contido no dito texto refundido será aplicable o prazo máximo para resolver previsto no artigo 78, agás que a normativa específica reguladora estableza un prazo distinto.

Artigo 73. *Acción inspectora*

1. Correspóndelle á consellaría competente en materia de sanidade, a través da inspección sanitaria, a realización das inspeccións que se consideren necesarias para verificar o cumprimento do establecido nesta lei e na normativa estatal en materia de medicamentos e produtos sanitarios nos termos e co alcance previstos nela, sen prexuízo das atribucións dos servizos veterinarios oficiais da consellaría competente en materia de gandería en relación coas inspeccións dos establecementos de dispensación de medicamentos veterinarios, agrupacións gandeiras con programa sanitario e entidades de distribución de medicamentos veterinarios, coas boticas anexas de urxencia ou respecto da venda a distancia ao público ou por outras canles de medicamentos non suxeitos a prescrición veterinaria.

2. O persoal da consellaría competente en materia de sanidade, así como o persoal da consellaría competente en materia de gandería que desenvolva as funcións de inspección, terá a consideración de autoridade sanitaria, de conformidade co establecido na Lei 8/2008, do 10 de xullo, de saúde de Galicia.

Artigo 74. *Infraccións*

1. Constituirán infraccións administrativas, e serán sancionadas nos termos previstos no artigo seguinte, as condutas que a seguir se determinan.

2. As infraccións cualifícanse como leves, graves ou moi graves, atendendo os criterios de risco para a saúde, contía do eventual beneficio, gravidade da alteración sanitaria ou social producida, xeneralización de infracción e reincidencia.

3. Teñen a consideración de infraccións leves as seguintes:

a) Non ir provisto o persoal que presta servizos na oficina de farmacia do distintivo que o identifique.

b) O incumprimento do horario ampliado voluntario da oficina de farmacia comunicado á Administración autonómica.

c) O incumprimento da obriga de información sobre as oficinas de farmacia en servizo de garda prevista no artigo 27.7.

d) Entregar regalos ou obsequios que non teñan a condición de mostras e cun prezo de venda ao público non superior a 15 euros, como cortesía e non como método vinculado á promoción e venda ao público de medicamentos e produtos sanitarios.



e) A lesión dos dereitos da cidadanía previstos no artigo 8.1 sempre que non exista prexuízo asistencial para a persoa interesada.

f) Os incumprimentos das obrigas impostas á cidadanía no artigo 8.2 respecto do persoal e das instalacións dos establecementos e servizos de atención farmacéutica.

g) O incumprimento das obrigas previstas nesta lei en relación coa sinalización e publicidade das oficinas de farmacia.

h) Utilizar as diferentes zonas coas que debe contar unha oficina de farmacia para actividades diferentes ás correspondentes a cada unha delas.

i) Cubrir incorrectamente o libro de estupefacientes e o libro receitario, en tanto que libros de rexistro de carácter sanitario de tenza obrigatoria.

4. Teñen a consideración de infraccións graves as seguintes:

a) O funcionamento dunha unidade de radiofarmacia sen a presenza do persoal exixido en cada caso distinto do/da facultativo/a especialista en radiofarmacia.

b) Incumprir o/a facultativo/a especialista en radiofarmacia responsable dunha unidade de radiofarmacia as funcións atribuídas nesta lei que competan ao seu posto.

c) O incumprimento do horario mínimo obrigatorio establecido para as oficinas de farmacia, así como dos servizos de garda.

d) Carecer do libro de estupefacientes e do libro receitario, en tanto que libros de rexistro de carácter sanitario de tenza obrigatoria.

f) O exercicio ou desenvolvemento de actividades mercantís ou comerciais nas dependencias da oficina de farmacia distintas das vinculadas á súa autorización de instalación.

g) Dispensar medicamentos ou produtos sanitarios a un/unha mesmo/a paciente sen atender as pautas de uso racional deles previstas na ficha técnica.

h) Non contar na oficina de farmacia cun/cunha farmacéutico/a adxunto/a cando sexa obrigatorio, consonte o previsto no artigo 21.2.

i) O incumprimento polas oficinas de farmacia das exixencias e procedementos para a dispensación e/ou facturación das receitas oficiais establecidos polos concertos subscritos pola consellaría competente en materia de sanidade e polo Servizo Galego de Saúde para a execución da prestación farmacéutica, sen prexuízo das infraccións previstas nos artigos 111 e 112 do texto refundido da Lei de garantías e uso racional dos medicamentos e produtos sanitarios, aprobado polo Real decreto legislativo 1/2015, do 24 de xullo.



j) Realizar calquera tipo de publicidade ou actividade promocional da oficina de farmacia, organizar eventos ou actividades e utilizar ferramentas que poidan implicar unha promoción da oficina de farmacia.

k) O incumprimento por parte do/da titular ou cotitulares da oficina de farmacia de calquera das condicións consonte as cales se outorgou a autorización de instalación.

l) A lesión dos dereitos da cidadanía previstos no artigo 8.1 sempre que exista prexuízo asistencial para a persoa interesada.

m) A comisión dunha infracción leve cando, no período dun ano, o mesmo suxeito fose sancionado pola comisión dunha ou máis infraccións leves e as resolucións sancionadoras sexan firmes na vía administrativa.

n) Entregar regalos ou obsequios que non teñan a condición de mostras e cun prezo de venda ao público superior a 15 euros, como cortesía, e non como método vinculado á promoción e venda ao público de medicamentos e produtos sanitarios.

ñ) O incumprimento dos requisitos, obrigas ou prohibicións establecidas nesta lei cando cause alteración e risco sanitario con transcendencia directa para a poboación.

5. Teñen a consideración de infraccións moi graves as seguintes:

a) O incumprimento da normativa autonómica vixente en materia de incompatibilidades.

b) A comisión dunha infracción grave cando, nos últimos cinco anos, o mesmo suxeito fose sancionado pola comisión dunha ou máis infraccións graves e as resolucións sancionadoras sexan firmes na vía administrativa.

c) O incumprimento reiterado e inxustificado por parte das oficinas de farmacia da obriga da dispensación de medicación que lles sexa solicitada polas persoas usuarias nas condicións legal e regulamentariamente establecidas.

Artigo 75. Sancións e criterios de graduación

1. As infraccións tipificadas nesta lei serán sancionadas con multa. Dentro dos límites previstos para as infraccións leves, graves e moi graves, as multas aplicaranse no grao mínimo, medio ou máximo en función dos seguintes criterios:

a) A negligencia, o grao de culpabilidade ou a existencia de intencionalidade.

b) O grao de conivencia.

c) O incumprimento das advertencias previas.

d) A continuidade ou persistencia da conduta infractora.



- e) A cifra de negocios da entidade.
- f) A natureza dos prexuízos causados.
- g) O número de persoas afectadas.
- h) Os beneficios obtidos coa infracción.
- i) A duración dos riscos xerados.
- j) O tipo de establecemento ou servizo no que se cometeu a infracción.
- k) A reincidencia, pola comisión no termo dun ano de máis dunha infracción da mesma natureza cando así se declarase por resolución firme na vía administrativa.

2. As infraccións leves serán sancionadas con multa de 15 a 3.005,06 euros. Dentro destes límites, establécense os seguintes graos:

Grao mínimo: desde 15 ata 601,01 euros.

Grao medio: desde 601,02 a 1.803,04 euros.

Grao máximo: desde 1.803,05 a 3.005,06 euros.

3. As infraccións graves serán sancionadas con multa de 3.005,07 a 15.025,30 euros. Dentro destes límites, establécense os seguintes graos:

Grao mínimo: desde 3.005,07 a 6.010,12 euros.

Grao medio: desde 6.010,13 a 10.517,71 euros.

Grao máximo: desde 10.517,72 a 15.025,30 euros.

4. As infraccións moi graves serán sancionadas con multa de 15.025,31 a 601.012,11 euros ou, de ser unha cantidade superior, ata o quíntuplo do valor dos produtos ou servizos obxecto da infracción. Dentro destes límites, establécense os seguintes graos:

Grao mínimo: desde 15.025,31 a 120.202,42 euros.

Grao medio: desde 120.202,43 a 306.607,26 euros.

Grao máximo: desde 306.607,27 a 601.012,11 euros ou, de ser unha cantidade superior, ata o quíntuplo do valor dos produtos ou servizos obxecto da infracción.

5. As sancións pola comisión de infraccións graves e moi graves serán publicadas no *Diario Oficial de Galicia* unha vez que adquiren firmeza na vía administrativa.



6. Sen prexuízo da multa que proceda impoñer conforme o disposto no número anterior, as infraccións en materia de medicamentos serán sancionadas co comiso, en favor do Tesouro Público, do beneficio ilícito obtido como consecuencia da comisión da infracción. A resolución sancionadora determinará para estes efectos a contía do beneficio ilícito obtido.

7. Ademais, nos supostos de infraccións moi graves, o Consello da Xunta poderá acordar, como sancións accesorias, o peche temporal do establecemento, instalación ou servizo por un prazo máximo de cinco anos.

8. No caso de infraccións moi graves relativas a oficinas de farmacia, o Consello da Xunta poderá acordar, como sancións accesorias, a revogación da autorización administrativa e a prohibición do/da seu/súa titular ou cotitulares de poder participar, durante un período de cinco anos desde que a sanción sexa firme na vía administrativa, en calquera concurso público que se celebre en Galicia para obter a autorización dunha oficina de farmacia.

Artigo 76. *Instrución de expedientes sancionadores*

A instrución dos expedientes administrativos sancionadores será competencia da inspección sanitaria, sen prexuízo das competencias que en materia de medicamentos veterinarios ten atribuídas a consellaría competente en materia de gandería.

Artigo 77. *Competencia sancionadora*

Regulamentariamente determinaranse os órganos competentes para a imposición das sancións ás que se refire o artigo 75, sen prexuízo das competencias que en materia de medicamentos veterinarios ten atribuídas a consellaría competente en materia de gandería.

Artigo 78. *Medidas cautelares*

1. Poderán adoptarse as medidas cautelares consistentes na clausura ou no peche dos establecementos, centros e servizos que non dispoñan das preceptivas autorizacións ou rexistros ou da actuación dos cales derive risco para a saúde da poboación, así como a suspensión do funcionamento ou a prohibición das actividades que se leven a cabo neles, ata que se corrixa os defectos ou se cumpran os requisitos establecidos.

2. Así mesmo, se como consecuencia da acción inspectora se aprecia razoablemente a existencia dun risco inminente e extraordinario para a saúde ou un incumprimento dos requisitos exixidos para a instalación e o funcionamento de centros e establecementos, poderanse adoptar cautelarmente as medidas ás que fan referencia os artigos 26 e 31.2 da Lei 14/1986, do 25 de abril.

Artigo 79. *Prescripción*

1. As infraccións ás que se refire esta lei cualificadas como leves prescribirán ao ano; as cualificadas como graves, aos dous anos; e as cualificadas como moi graves, aos cinco anos.



2. O prazo de prescrición das infraccións comezarase a contar desde o día en que a infracción se cometeu. No caso de infraccións continuadas ou permanentes, o prazo comezará a correr desde que finalizou a conduta infractora.

Interromperá a prescrición a iniciación, co coñecemento da persoa interesada, dun procedemento administrativo de natureza sancionadora, e o prazo de prescrición reiniciarase se o expediente sancionador estiver paralizado durante máis dun mes por causa non imputable á persoa presuntamente responsable.

3. Así mesmo, as sancións impostas por infraccións leves prescribirán ao ano; por infraccións graves, aos dous anos; e por infraccións moi graves, aos cinco anos.

4. O prazo de prescrición das sancións comezarase a contar desde o día seguinte a aquel en que sexa executable a resolución pola que se impón a sanción ou cando transcorrese o prazo para recorrer contra ela.

Interromperá a prescrición a iniciación, co coñecemento da persoa interesada, do procedemento de execución, e volverá transcorrer o prazo se aquel está paralizado durante máis dun mes por causa non imputable á persoa infractora.

No caso de desestimación presunta do recurso de alzada interposto contra a resolución pola que se impón a sanción, o prazo de prescrición da sanción comezarase a contar desde o día seguinte a aquel en que finalice o prazo legalmente previsto para a resolución do dito recurso.

Artigo 80. *Prazo para resolver*

O prazo máximo para ditar e notificar as resolucións sancionadoras por infraccións tipificadas nesta lei será de nove meses.

Disposición adicional única. *Convenios de colaboración*

A consellaría competente en materia de sanidade poderá instrumentar a colaboración entre os colexios oficiais de farmacéuticos/as, as organizacións non gobernamentais, as organizacións e os colectivos representativos do sector e a Administración sanitaria, subscribindo para tal efecto os convenios de colaboración que procedan.

Disposición transitoria primeira. *Aplicación das disposicións regulamentarias vixentes*

Ata que se aproben as normas de desenvolvemento desta lei, será aplicable a normativa regulamentaria vixente en todo o que non se opoña ao disposto nela. En concreto, no caso dos procedementos sancionadores iniciados ao abeiro da lexislación anterior que se atopen en fase de tramitación, continuarán rexéndose, no que respecta á competencia para a imposición das sancións, pola normativa vixente no momento de iniciación deles.



Disposición transitoria segunda. *Procedementos administrativos en tramitación*

1. As solicitudes de autorización de instalación, apertura e funcionamento, reforma, cambio de localización, transmisión e peche de oficinas de farmacia pendentes de resolución á entrada en vigor desta lei rexeranse pola normativa vixente no momento de inicio do procedemento.

2. Aos procedementos sancionadores que se atopen en tramitación na data de entrada en vigor desta lei seranlles aplicables as disposicións sancionadoras vixentes no momento de produción dos feitos que constitúan infracción administrativa. As disposicións sancionadoras contidas nesta lei producirán efecto retroactivo en canto favorezan a persoa presuntamente infractora ou a persoa infractora, tanto no referido á tipificación da infracción como á sanción e aos seus prazos de prescripción, incluso con respecto ás sancións pendentes de cumprimento na data de entrada en vigor desta lei.

Disposición transitoria terceira. *Locais de oficinas de farmacia*

Os requisitos de acceso e zonas das oficinas de farmacia e dos seus locais previstos *ex novo* nesta lei só serán exixibles aos locais correspondentes ás oficinas de farmacia de nova instalación ou no caso de procedementos de cambio de localización ou reforma iniciados con posterioridade á entrada en vigor desta lei. Aos locais existentes nesta data só lles serán aplicables os ditos requisitos no caso de reforma substancial producida con posterioridade á entrada en vigor dela.

A consellaría competente en materia de sanidade, en función de criterios obxectivos e públicos, poderá establecer prazos máximos para o cumprimento de requisitos de acceso para os locais existentes de establecementos de atención farmacéutica, de acordo co establecido no artigo 15 desta lei.

Disposición transitoria cuarta. *Servizo de garda e vacacións*

O sistema de gardas e vacacións establecido nesta lei será aplicable a partir do 1 de xaneiro do ano seguinte ao da entrada en vigor dela.

Disposición transitoria quinta. *Réxime de transmisión das oficinas de farmacia adxudicadas no concurso convocado pola Resolución do 2 de xullo de 2018, da Secretaría Xeral Técnica da Consellería de Sanidade, pola que se convoca concurso público para a adxudicación de novas oficinas de farmacia*

O réxime de transmisión *inter vivos* previsto no número 3 do artigo 42 será aplicable ás oficinas de farmacia adxudicadas no concurso convocado pola Resolución do 2 de xullo de 2018, da Secretaría Xeral Técnica da Consellería de Sanidade, pola que se convoca concurso público para a adxudicación de novas oficinas de farmacia, con independencia da data na que este se resolva.

No caso de se producir a xubilación voluntaria da persoa titular antes do esgotamento dos quince anos previstos, esta poderá solicitar a designación dun/dunha rexente ata completar o período mínimo previsto para a transmisión.

Disposición derogatoria única. *Derrogación normativa*

1. Quedan derogadas total ou parcialmente cantas disposicións de igual ou inferior rango se opoñan ao disposto nesta lei e, en especial, a Lei 5/1999, do 21 de maio, de ordenación farmacéutica.



2. Así mesmo, queda derogada a disposición transitoria segunda da Lei 9/2017, do 26 de decembro, de medidas fiscais e administrativas.

Disposición derradeira primeira. *Habilitación para o desenvolvemento normativo*

Habilítase o Consello da Xunta para ditar as normas de desenvolvemento desta lei.

Disposición derradeira segunda. *Entrada en vigor*

Esta lei entrará en vigor aos vinte días da súa publicación no *Diario Oficial de Galicia*.

Santiago de Compostela, 13 de xuño de 2019

Marta María Rodríguez-Vispo Rodríguez
Presidenta da Comisión

María Montserrat Prado Cores
Secretaria da Comisión



Á Mesa do Parlamento

O Grupo Parlamentario de En Marea, ao abeiro do disposto no Regulamento da Cámara, mantén para a súa defensa en Pleno, todas as emendas presentadas ao **Proxecto de lei de ordenación farmacéutica de Galicia, doc. núm. 47930 (10/PL-000013)**, que non foron incorporadas ao Ditame da Comisión.

Santiago de Compostela, 13 de xuño de 2019.

Asdo.: Luís Villares Naveira

Voceiro do G.P. de En Marea.

Asinado dixitalmente por:

Luis Villares Naveira na data 13/06/2019 18:29:21



Á Mesa do Parlamento

O Grupo Parlamentario dos Socialistas de Galicia, a través do seu portavoz e ao abeiro do disposto no artigo 119 do Regulamento da Cámara, comunícalle a esa Presidencia que **mantén, para a súa defensa en Pleno**, todas as emendas presentadas ao Proxecto de lei de ordenación farmacéutica de Galicia, agás as aprobadas ou transaccionadas (10/PL-000013, doc. núm. 47930)

Pazo do Parlamento, 13 de xuño de 2019

Asdo.: Xoaquín Fernández Leiceaga
Portavoz do G.P. dos Socialistas de Galicia

Asinado dixitalmente por:

Xoaquín María Fernández Leiceaga na data 13/06/2019 13:01:43





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

O **Grupo Parlamentar do Bloque Nacionalista Galego (BNG)**, a través da súa portavoz, e ao abeiro do disposto no artigo 119 do Regulamento da Cámara **MANTÉN**, para a súa defensa en Pleno, todas as emendas presentadas ao **Proxecto de lei de ordenación farmacéutica de Galicia [doc. núm. 47930 (10/PL-000013)]**, que non foron incorporadas ao ditame da Comisión.

Santiago de Compostela, 13 de xuño de 2019

Asdo.: **Ana Pontón Mondelo**

Portavoz do G.P. do BNG

Asinado dixitalmente por:

Ana Pontón Mondelo na data 13/06/2019 12:55:09



Texto para Pleno

PROXECTO DE LEI DE ORDENACIÓN FARMACÉUTICA DE GALICIA

Proxecto de lei: BOPG núm. 446, fascículo 1, do 21 de marzo de 2019
Emendas ao articulado: BOPG núm. 472, do 3 de maio de 2019
Informe da Ponencia: BOPG núm. 483, fascículo 2, do 5 de xuño de 2019
Ditame da Comisión: BOPG núm. 488, do 17 de xuño de 2019

DITAME DA COMISIÓN:

Proxecto de lei de ordenación farmacéutica de Galicia .

EMENDAS MANTIDAS:

-Do G.P. Bloque Nacionalista Galego.
Emenda nº1, de Modificación.

Para todo o texto da lei substituír nos apartados nos que se usen as letras “J” e/ou “K” polas seguintes que corresponda, xa que estas non existen no alfabeto galego.

DITAME DA COMISIÓN:

TÍTULO PRELIMINAR

Disposicións xerais

Artigo 1. Obxecto e ámbito de aplicación

1. O obxecto desta lei é regular a atención farmacéutica e establecer os dereitos e as obrigas que derivan dela no ámbito territorial da Comunidade Autónoma de Galicia.

2. Correspóndelle á Xunta de Galicia, no marco do Estatuto de autonomía de Galicia, e en colaboración con outras administracións públicas e entidades públicas e privadas, garantir, dentro do seu ámbito territorial, unha atención farmacéutica continuada, integral, en condicións de equidade e coa calidade axeitada para permitir facer efectivo o dereito da cidadanía á protección á saúde previsto na Constitución española. Para atender este fin, o persoal farmacéutico cooperará coas persoas pacientes e coas persoas profesionais sanitarias co obxectivo de conseguir resultados na prevención da enfermidade e na restauración da saúde.

NON TEN EMENDAS

DITAME DA COMISIÓN:

TÍTULO I

A atención farmacéutica

CAPÍTULO I

Disposicións xerais

Artigo 2. A atención farmacéutica

1. A atención farmacéutica é un servizo de interese público que **comprende o conxunto de actuacións tanto no ámbito asistencial como de saúde pública que deben prestarse baseándose na lexislación vixente e** que garante o acceso da cidadanía aos medicamentos e produtos sanitarios e contribúe a facer un uso racional e eficiente deles, tanto nos distintos niveis de asistencia sanitaria como no campo da saúde pública.

2. As actividades que constitúen a atención farmacéutica, encamiñadas á correcta adquisición, conservación, custodia, distribución e dispensación dos medicamentos e produtos sanitarios, faranse baixo a responsabilidade e supervisión dun/dunha farmacéutico/a nos establecementos e servizos sinalados nesta lei.

3. A Administración garantirá que a atención farmacéutica se preste en todos os niveis do sistema de saúde de modo coordinado e integrado e que lle ofrezca á cidadanía unha asistencia eficaz, completa e eficiente.

EMENDAS MANTIDAS:

-Do G.P. Bloque Nacionalista Galego.
Emenda nº4, ao apartado 1, de Adición.

Emenda de adición apartado 1 do artigo 2:

Engadir despois de farmacéutica, o seguinte texto: “que debe prestárselle á cidadanía”.

DITAME DA COMISIÓN:

Artigo 2 bis.. Principios polos que se rexe a atención farmacéutica

- 1. Os centros, servizos e establecementos que prestan a atención farmacéutica participan cos poderes públicos na obriga de garantir a saúde pública e fomentar entre a cidadanía a educación sanitaria.**
- 2. As persoas licenciadas en Farmacia son as únicas facultativas responsables da atención farmacéutica.**
- 3. Todos os establecementos que presten servizos de atención farmacéutica deberán contar para o seu funcionamento coa presenza indispensable dunha ou máis persoas farmacéuticas responsables.**
- 4. A dispensación farmacéutica prestarase unicamente a través dos establecementos que recolle o artigo 3 desta lei.**
- 5. Os laboratorios, importadores, almacenistas, oficinas de farmacia de hospitais, servizos de farmacia de áreas de saúde e demais estruturas de atención á saúde están obrigados a fornecer ou dispensar os medicamentos que se lles soliciten.**
- 6. As oficinas de farmacia deberán prestar os seus servizos segundo o seu mellor saber ou entender e facilitarán calquera clase de subministracións farmacéuticas ou de medicamentos, substancias medicamentosas ou que poidan actuar sobre a saúde, así como os seus efectos e accesorios, nas condicións legalmente establecidas.**
- 7. A dispensación de medicamentos deberá realizarse de acordo cos criterios básicos de uso racional que se establezan na normativa do medicamento, nos convenios internacionais e na demais lexislación aplicable.**

NON TEN EMENDAS

DITAME DA COMISIÓN:

Artigo 3. Establecementos e servizos de atención farmacéutica

1. Para os efectos desta lei, son establecementos e servizos de atención farmacéutica os seguintes:

a) De dispensación:

1º. As oficinas de farmacia.

2º. As boticas anexas.

3º. As unidades de farmacia dos centros de atención primaria, os servizos de farmacia dos hospitais e os dos **centros sociosanitarios** que presten asistencia sanitaria específica.

4º. Os depósitos de medicamentos e produtos sanitarios.

5º. As unidades de radiofarmacia.

b) De distribución:

As entidades de distribución de medicamentos de uso humano e produtos sanitarios.

2. A distribución e dispensación de medicamentos veterinarios realizarase nos establecementos e servizos que se determinan no artigo 67.

EMENDAS MANTIDAS:

-Do G.P. En Marea.

Emenda nº1, ao apartado 1.a).1º, de Adición.

Débese engadir no punto 1.a)1º a seguinte expresión:
"...e as oficinas públicas de farmacia"

DITAME DA COMISIÓN:

Artigo 4. Dispensación de medicamentos e produtos sanitarios

A dispensación de medicamentos e produtos sanitarios só poderá facerse nos establecementos e servizos previstos para tal fin nos números 1.a) e 2 do artigo 3, e nas condicións establecidas para a súa autorización.

EMENDAS MANTIDAS:

-Do G.P. En Marea.
Emenda nº2, ao apartado 1 bis), de Adición.

Débase engadir un novo parágrafo co seguinte texto:

“Por razóns de seguridade e custodia da cadea de subministracións, queda prohibida a dispensación ou entrega de medicamentos devoltos polos/as pacientes.”

-Do G.P. Bloque Nacionalista Galego.
Emenda nº5, ao apartado 1 bis), de Adición.

Emenda de adición, artigo 4

Engadir un novo punto co seguinte texto:

“Está prohibida a dispensación, venda ou comercialización de calquera medicamento que sexa devolto ou entregado polos/as doentes ou polo público en xeral ás oficinas de farmacia ou a calquera outro establecemento de atención farmacéutica.”

DITAME DA COMISIÓN:

Artigo 5. Modalidades de venda de medicamentos e produtos sanitarios e prohibicións

1. As modalidades e as prohibicións de venda de medicamentos e produtos sanitarios, así como os requisitos para a venda directa aos/ás profesionais da medicina, odontoloxía, veterinaria e podoloxía, exclusivamente, dos medicamentos necesarios para o exercicio da súa actividade profesional, rexeranse polo disposto na normativa aplicable reguladora de tales materias.
2. Queda prohibido calquera tipo de venda indirecta ao público de produtos sanitarios.
3. Queda tamén prohibida a entrega de regalos ou obsequios que non teñan a condición de mostras como método vinculado á promoción e venda ao público de medicamentos e produtos sanitarios.

EMENDAS MANTIDAS:

-Do G.P. Socialistas de Galicia.
Emenda nº5, ao apartado 2, de Modificación.

Débase modificar no punto 2 do artigo 5 o seguinte contido:
Onde di: "...calquera tipo de venda indirecta ao público...", debe dicir: "...calquera tipo de venda a domicilio ou calquera tipo de venda indirecta...".

-Do G.P. En Marea.
Emenda nº3, ao apartado 3, de Supresión.

Débase suprimir no apartado 3 a seguinte expresión:
"...que non teñan a condición de mostras..."

-Do G.P. En Marea.
Emenda nº4, ao apartado 3 bis), de Adición.

Débase engadir un novo apartado 3 bis) co seguinte texto:
"3 bis). Queda prohibida a venda de medicamentos por vía telemática."

-Do G.P. Bloque Nacionalista Galego.

Emenda nº6, ao apartado 3 bis), de Adición.

Emenda de adición, apartado 3 bis) do artigo 5

Engadir un novo punto, que pasa a ser o 3 bis) co seguinte texto:

"3 bis). Quedan expresamente prohibidas a venda ambulante a domicilio, por correspondencia ou electrónica ou calquera outra modalidade de comercio ao público de medicamentos destinados ao uso humano ou veterinario."

-Do G.P. Bloque Nacionalista Galego.

Emenda nº7, ao apartado 3 ter), de Adición.

Emenda de adición, apartado 3 ter) do artigo 5

Engadir un novo punto 3 ter) co seguinte texto:

"3 ter). Queda tamén prohibida a intermediación con ánimo de lucro de terceiras persoas, entidades ou empresas na dispensación de medicamentos entre establecementos autorizados e a cidadanía."

DITAME DA COMISIÓN:

Artigo 6. Supostos especiais de entrega de medicamentos e produtos sanitarios

1. Excepcionalmente, ás persoas usuarias que residan en zonas rurais illadas ou sexan dependentes, cunhas características e necesidades asistenciais específicas, nas que concorran perda de autonomía funcional e necesidade de cuidados por enfermidades crónicas, poderán serlles dispensados os medicamentos e produtos sanitarios, coa entrega informada destes no seu domicilio e co cumprimento das garantías en materia de dispensación de medicamentos e produtos sanitarios impostas pola normativa aplicable, **por unha das cinco oficinas de farmacia máis próximas ao domicilio do/da paciente dentro da zona farmacéutica** ou, por expresa decisión do/da paciente, por outra oficina de farmacia da mesma área de referencia do punto de atención continuada. **En todo caso, sempre deberán ser cumpridas estritamente as garantías sobre a calidade e o control sanitario para calquera destas entregas, para o cal se incorporarán os métodos ou sistemas de control necesarios, que deberán ser recollidos regulamentariamente.**

2. Igualmente, estableceranse regulamentariamente as condicións e os requisitos aos que deberá axustarse o procedemento mediante o cal o **servizo de farmacia hospitalaria correspondente** poderá realizar a entrega informada no lugar de residencia das persoas usuarias, e co cumprimento das garantías en materia de dispensación de medicamentos e produtos sanitarios impostas pola normativa aplicable, daqueles medicamentos cuxa dispensación estea restrinxida unicamente ao ámbito hospitalario de acordo coa normativa estatal vixente, entrega na que poderán colaborar as oficinas de farmacia da zona.

Este procedemento só poderá aplicarse con carácter excepcional nos supostos que se determinen, a prol de favorecer a continuidade asistencial e evitar o desprazamento do/da paciente ao hospital.

EMENDAS MANTIDAS:

-Do G.P. En Marea.

Emenda nº5, ao apartado 1, de Adición.

Débase engadir no apartado 1, liña 8, despois de: "...oficina de farmacia..." a seguinte expresión:

"ou oficina pública de farmacia"

-Do G.P. Socialistas de Galicia.

Emenda nº8, ao apartado 2, de Adición.

Débase engadir ao final do punto 2 do artigo 6 o seguinte contido:

Engadir *in fine*: "...Nesta misión poderán ser asistidos de xeito voluntario a través de concertos cos servizos municipais de axuda no fogar que se realicen."

-Do G.P. Bloque Nacionalista Galego.

Emenda nº8, ao apartado 2, de Adición.

Emenda de adición, apartado 2 do artigo 6

Engadir despois de: "mediante cal", o seguinte texto: "os servizos de farmacia hospitalaria do".



EMENDAS MANTIDAS:

-Do G.P. En Marea.
Emenda nº6, de Adición.

Débese engadir un novo artigo 6.bis) co seguinte texto:

“Artigo 6 bis). *Control da adherencia terapéutica*

Coa finalidade de coñecer o grao de adherencia terapéutica e os posibles casos de non retirada dos fármacos e produtos prescritos, o rexistro da retirada deles nas oficinas de farmacia ou oficinas públicas de farmacia será notificado ao/á profesional da medicina e enfermaría de referencia.

Así mesmo, a Administración pública publicará trimestralmente os datos de adherencia de cada área e distrito sanitario e poñerá en marcha cantas medidas sexan precisas para tentar atallar as posibles causas económicas ou sociais do non seguimento dos tratamentos prescritos.”

DITAME DA COMISIÓN:

CAPÍTULO II

Dereitos e obrigas

Artigo 7. Obrigas dos establecementos e servizos de atención farmacéutica

1. Os establecementos e servizos de atención farmacéutica previstos nesta lei teñen as seguintes obrigas:

a) Conservar os medicamentos e produtos sanitarios nas condicións establecidas na súa autorización, para o que dispoñerán dos equipos necesarios e levarán rexistros de control de temperatura e humidade na súas instalacións.

a bis) Garantir ás persoas usuarias do establecemento farmacéutico unha atención farmacéutica continuada, de acordo coa planificación establecida pola consellaría competente en materia de sanidade.

b) Garantir a recepción, o almacenamento e a subministración dos medicamentos e produtos sanitarios en condicións de seguridade e sen exposición a condicións meteorolóxicas adversas.

b bis) Informar sobre o uso correcto e racional dos medicamentos e produtos sanitarios, en especial no referente a indicacións, posoloxía, precaucións, contraindicacións, interaccións e efectos adversos e calquera outro dato de interese, en concordancia cos coñecementos científicos vixentes.

b ter) Manter unha adecuada e actualizada formación sobre o uso e a administración de medicamentos e produtos sanitarios.

b quater) Participar nas campañas públicas de educación sobre o correcto uso dos medicamentos e produtos sanitarios dispoñibles nos establecementos farmacéuticos.

c) Contar co persoal farmacéutico e técnico e auxiliar necesario e suficiente para o desenvolvemento das súas funcións, co sometemento aos requisitos que en cada caso se determinen.

d) Facilitar ás autoridades sanitarias a información que se lles demande en relación coa actividade desenvolvida.

e) No caso dos establecementos e servizos de dispensación, non dispensar os medicamentos solicitados cando existan dúbidas razoables sobre a lexitimidade da súa prescrición, así como poñelo en coñecemento da Administración sanitaria que resulte competente para efectos de determinar a existencia de posibles infraccións administrativas ou penais.

2. Os establecementos e servizos de atención farmacéutica estarán suxeitos no seu funcionamento, no relativo aos medicamentos de uso humano ou veterinario, ao control e inspección dos servizos de inspección da consellaría competente en materia de sanidade, sen prexuízo das atribucións dos servizos veterinarios oficiais da consellaría competente en materia de gandería en relación coas inspeccións dos establecementos de dispensación de medicamentos veterinarios, agrupacións gandeiras con programa sanitario e entidades de distribución de medicamentos veterinarios, coas boticas anexas ou coa venda a distancia ao público ou por outras canles de medicamentos non suxeitos a prescrición veterinaria.

3. Os establecementos e servizos de atención farmacéutica regulados nesta lei estarán suxeitos ao rexistro e catalogación e á obriga de elaboración e remisión das informacións que lles sexan requiridas. Igualmente, estarán suxeitos ao cumprimento das obrigas derivadas do principio de solidariedade e integración sanitaria, nos casos de emerxencia ou de perigo para a saúde pública.

3 bis. Os establecementos e servizos de atención farmacéutica estarán suxeitos ao cumprimento da lexislación vixente, respectando os dereitos e as liberdades contidos nela, especialmente no que ten que ver co cumprimento da Lei de saúde sexual e reprodutiva e en todas aquelas que afecten a igualdade entre mulleres e homes.

EMENDAS MANTIDAS:

-Do G.P. Bloque Nacionalista Galego.
Emenda nº9, ao apartado 1, de Adición.

Emenda de adición, apartado 1 do artigo 7



No punto 1 engadir despois de: “previstos nesta lei”, o seguinte texto: “son establecementos sanitarios nos que na súa condición de servizo de interese público se desenvolverán as seguintes funcións e obrigas”

-Do G.P. Socialistas de Galicia.

Emenda nº11, ao apartado 1.b ter), de Adición.

Débese engadir no punto 1 do artigo 7 unha nova alínea que quedará redactada co seguinte contido:

"b ter) Substituír un medicamento prescrito, nos supostos e conforme os requisitos xurídicos establecidos na normativa vixente sobre garantías e uso racional dos medicamentos e produtos sanitarios. En todo caso, o/a farmacéutico/a informará a persoa usuaria sobre a substitución e asegurarse de que coñeza o tratamento prescrito."

DITAME DA COMISIÓN:

Artigo 8. Dereitos e obrigas da cidadanía

1. En materia de atención farmacéutica, ademais dos recollidos na restante normativa aplicable, recoñécense os seguintes dereitos da cidadanía:

- a) Elixir libremente a oficina de farmacia.
- b) Recibir un trato correcto e a prestación farmacéutica precisa que lle corresponda.
- c) Obter do/da farmacéutico/a a información que solicite do medicamento ou produto sanitario, sexa de carácter técnico ou económico, con claridade e por escrito se así o solicita.
- d) Coñecer e ter acceso aos datos do seu historial farmacoterapéutico nas condicións que se establezan regulamentariamente.
- e) Recibir atención farmacéutica garantindo a privacidade e confidencialidade das persoas usuarias.
- f) Coñecer a identidade e cualificación profesional da persoa que lle presta a atención farmacéutica **e ser atendida por un/unha farmacéutico/a se así o solicita.**

f bis) Formular ante as autoridades competentes en materia sanitaria e de consumo cantas queixas, reclamacións e suxestións xulgue necesarias en relación coa atención recibida.

f ter) Empregar calquera dos idiomas oficiais de Galicia.

2. Así mesmo, en relación coa atención farmacéutica, establécense as seguintes obrigas da cidadanía:

- a) Cumprir as prescricións económicas e administrativas establecidas pola normativa reguladora da obtención de medicamentos e, se é o caso, de produtos sanitarios, e, en particular, as establecidas para a prestación farmacéutica con cargo a fondos públicos.

- b) Acreditar o dereito á prestación farmacéutica do Sistema nacional de saúde e a derivada de convenios especiais nos casos de exercicio dese dereito.
- c) Identificarse no acto da dispensación de medicamentos naqueles casos en que sexa requisito obrigado.
- d) Tratar co respecto debido o persoal dos establecementos e servizos de atención farmacéutica.
- e) Usar as instalacións dos establecementos e servizos de atención farmacéutica de forma axeitada.
- f) Facer un uso responsable dos medicamentos e produtos sanitarios.

EMENDAS MANTIDAS:

-Do G.P. Socialistas de Galicia.
Emenda nº14, ao apartado 1.a bis), de Adición.

Débese engadir no punto 1 do artigo 8 unha nova alínea, que quedará redactada co seguinte contido:
"a *bis*) Contar cun adecuado seguimento farmacoterapéutico."

-Do G.P. Socialistas de Galicia.
Emenda nº15, ao apartado 1.e, de Adición.

Débese engadir ao final da alínea e no punto 1 do artigo 8, o seguinte contido:
Engadir *in fine*: "..., e en concreto de todos os datos persoais que se atopen á disposición do establecemento farmacéutico de que se trate e en particular os relativos ao seu estado de saúde e sobre os medicamentos e produtos sanitarios que lles sexan dispensados."

DITAME DA COMISIÓN:

Artigo 9. Obxección de conciencia

A Administración sanitaria garantirá que o dereito á obxección de conciencia dos/das profesionais farmacéuticos/as non limite ou condicione o dereito á saúde da cidadanía. Para tal fin, no caso de exercicio do dereito á obxección de conciencia, **a consellaría competente en materia de sanidade deberá adoptar as medidas** excepcionais que, preservando o dito dereito, garantan o dereito á saúde da cidadanía.

EMENDAS MANTIDAS:

-Do G.P. En Marea.
Emenda nº8, de Supresión.

Débese suprimir o artigo 9.

-Do G.P. Bloque Nacionalista Galego.
Emenda nº10, de Supresión.

Emenda de supresión, artigo 9

Supresión de todo o artigo.

DITAME DA COMISIÓN:

CAPÍTULO III

Réxime de autorizacións administrativas nos establecementos e servizos de atención farmacéutica

Artigo 10. Réxime de autorizacións e competencia

1. Respecto dos establecementos e servizos de atención farmacéutica regulados nesta lei, será exixible a obtención de autorización administrativa previa nos supostos e nos termos previstos nela e na restante normativa a eles aplicable.

2. Correspóndelle á consellaría competente en materia de sanidade a tramitación dos procedementos de autorización e dos restantes procedementos regulados nesta lei cando tal tramitación sexa de competencia autonómica, coa excepción dos supostos nos que, en relación cos medicamentos veterinarios e cos establecementos de distribución e dispensación dos ditos medicamentos, a dita competencia se atribúe á consellaría competente en materia de gandaría.

EMENDAS MANTIDAS:

-Do G.P. Socialistas de Galicia.
Emenda nº20, ao apartado 2, de Supresión.

Débese suprimir no punto 2 do artigo 10 a seguinte expresión:
Suprimir: "...cando tal tramitación sexa de competencia autonómica..."

-Do G.P. Socialistas de Galicia.
Emenda nº21, ao apartado 2 bis), de Adición.

Débese engadir un novo punto no artigo 10, que quedará redactada co seguinte contido:
"2 bis. As autorizacións recollidas no punto anterior serán independentes das autorizacións de carácter local necesarias."

DITAME DA COMISI3N:

Artigo 11. Procedementos de autorizaci3n

1. Os procedementos relativos 3s autorizaci3ns previstas nesta lei que tramite a Administraci3n auton3mica axustaranse ao disposto nela e na normativa reguladora do procedemento administrativo com3n das administraci3ns p3blicas.
2. Transcorrido o prazo para resolver sen que se ditase e notificase resoluci3n expresa, as solicitudes entenderanse desestimadas.
3. Con car3cter previo ao outorgamento da autorizaci3n auton3mica relativa 3 apertura e posta en funcionamento, transmisi3n, cambio de localizaci3n ou reforma das instalaci3ns, **a consellar3a competente en materia de sanidade comprobar3** que se cumpren todos os requisitos establecidos, deixando constancia disto na correspondente acta.

EMENDAS MANTIDAS:

-Do G.P. Socialistas de Galicia.
Emenda n322, ao apartado 2, de Adici3n.

D3bese engadir no punto 2 do artigo 11 o seguinte contido:
Despois de: "...resolver...", engadir: "...de tres meses...".

EMENDAS MANTIDAS:

-Do G.P. En Marea.
Emenda nº9, de Adición.

Débase engadir un novo Capítulo ao Título II antes do que figura en primeiro lugar:

Capítulo I. As oficinas de farmacia públicas

Artigo. 11 bis). Definición

Por este artigo créanse as oficinas de farmacia públicas como establecementos pertencentes á Administración autonómica e vinculadas ás unidades de farmacia dos centros de atención primaria do Servizo Galego de Saúde coa finalidade de proporcionar desde o sistema sanitario público a atención farmacéutica.

O persoal sanitario, tanto farmacéutico como técnico, accederá as prazas que se creen mediante o disposto na normativa referente ao persoal estatutario.

Artigo11 ter). Funcións

As funcións das oficinas de farmacia públicas son as seguintes:

- a) Garantir o acceso á prestación farmacéutica para a poboación, estando vinculadas aos centros de saúde do sistema sanitario público.
- b) Conservar e custodiar os medicamentos e produtos sanitarios.
- c) Dispensar medicamentos e produtos sanitarios, de acordo coa prescrición do/da profesional da medicina ou enfermaría ou segundo as orientacións técnico-farmacéuticas para aqueles con autorización para seren dispensados sen receita.
- d) Emitir, no caso de dispensación de medicamentos, un recibo co contido previsto na normativa estatal aplicable. Así mesmo, no momento de dispensar un produto sanitario, emitirán un recibo no que conste o nome do produto, o seu prezo de venda ao público e a achega da persoa usuaria.
- e) Facilitar sistemas personalizados de dosificación aos/ás pacientes que o soliciten, co fin de mellorar o cumprimento terapéutico, nos tratamentos e coas condicións e requisitos que se establezan regulamentariamente.
- f) Informar, aconsellar e instruír respecto dos medicamentos e produtos sanitarios que dispensen, coa incidencia en aspectos que favorezan unha correcta utilización.
- g) Colaborar no seguimento farmacoterapéutico individualizado co fin de avaliar a súa efectividade e detectar os fracasos por incumprimento terapéutico, así como de detectar as reaccións adversas e notificárllelas aos organismos de farmacovixilancia.

- h) Vixiar, controlar e custodiar as receitas médicas dispensadas, polo tempo establecido pola normativa específica.
- i) Colaborar no uso racional dos medicamentos e produtos sanitarios, así como na protección e promoción da saúde cos equipos de persoal de atención primaria.
- j) Participar en estudos de utilización de medicamentos, así como en estudos epidemiolóxicos, e colaborar nos estudos dos centros de saúde co resto de persoal de atención primaria.
- k) Colaborar en programas de saúde pública e drogodependencias.
- l) Colaborar coas medidas tendentes á racionalización do gasto en medicamentos, uso de xenéricos e fórmulas maxistrais.
- m) Colaborar na formación para a obtención do título de grao de Farmacia de acordo coas universidades e coa normativa estatal aplicable.
- n) Colaborar co resto do persoal de atención primaria, especialmente de traballo social do Servizo Galego de Saúde na detección e derivación de posibles problemas socioeconómicos relacionados coa falta de adherencia terapéutica.
- ñ) Calquera outra que se estableza legal ou regulamentariamente.

Artigo 11 quater). Adquisición de produtos

O Servizo Galego de Saúde, desde a súa dirección de farmacia, garantirá a provisión de produtos e fármacos para as farmacias públicas mediante a adquisición centralizada.

Artigo 11 quinquies). Condicións das dependencias das oficinas de farmacia públicas

1. As dependencias reunirán as condicións hixiénico-sanitarias precisas para prestar unha asistencia farmacéutica correcta. O Servizo Galego de Saúde dotará os ditos servizos co mobiliario e equipamento informático necesario para o axeitado desenvolvemento do traballo neles.

2. As condicións de humidade e de temperatura serán as precisas para a conservación dos medicamentos, materias primas empregadas na formulación maxistral e produtos sanitarios que vaian dispensarse na oficina de farmacia.

3. Respectaranse as mesmas normas de construción relativas á accesibilidade, hixiene e limpeza que no resto das dependencias do Servizo Galego de Saúde.

Artigo 11 sexies). Réxime de funcionamento interno

O Servizo Galego de Saúde ordenará, mediante resolución da Consellería de Sanidade, os horarios das oficinas públicas de farmacia, así como as posibles gardas que se poidan determinar.



O cadro de persoal será acordado cos axentes sociais mediante os instrumentos de negociación legalmente recoñecidos."



DITAME DA COMISIÓN:

TÍTULO II

A atención farmacéutica no nivel da atención primaria

CAPÍTULO I

As oficinas de farmacia

Sección 1ª. Definición, funcións e condicións e requisitos xerais

NON SE PRESENTARON EMENDAS

DITAME DA COMISIÓN:

Artigo 12. Definición e funcións

A oficina de farmacia é un establecemento sanitario privado de interese público, integrado na atención primaria, cuxa propiedade e titularidade pode pertencer a un/unha ou máis farmacéuticos/as, que baixo a súa responsabilidade dirixen e supervisan as seguintes funcións:

- a) Adquirir, conservar e custodiar os medicamentos e produtos sanitarios.
- b) Dispensar medicamentos e produtos sanitarios, de acordo coa prescrición médica ou veterinaria, ou segundo as orientacións técnico-farmacéuticas para aqueles con autorización para seren dispensados sen receita.
- c) Emitir, no caso de dispensación de medicamentos, un recibo co contido previsto na normativa estatal aplicable. Así mesmo, no momento de dispensar un produto sanitario, emitirán un recibo no que conste o nome do produto, o seu prezo de venda ao público e a achega da persoa usuaria, **baixo a responsabilidade e supervisión dun/dunha farmacéutico/a**.
- d) Facilitar sistemas personalizados de dosificación aos/ás pacientes que o soliciten, co fin de mellorar o cumprimento terapéutico nos tratamentos e coas condicións e requisitos que se establezan regulamentariamente.
- e) Informar, aconsellar e instruír respecto dos medicamentos e produtos sanitarios que dispensen, coa incidencia en aspectos que favorezan unha correcta utilización.
- f) Colaborar no seguimento farmacoterapéutico individualizado co fin de avaliar a súa efectividade e detectar os fracasos por incumprimento terapéutico, así como de detectar as reaccións adversas e notificárllelas aos organismos de farmacovixilancia.
- g) Vixiar, controlar e custodiar as receitas médicas dispensadas, polo tempo establecido pola normativa específica.
- h) Colaborar no uso racional dos medicamentos e produtos sanitarios, así como na protección e promoción da saúde

h bis) Participar de maneira eficiente nos procesos de retirada de medicamentos por instancia da consellaría competente en materia de sanidade, coa colaboración, se é o caso, dos laboratorios fabricantes.

i) Realizar análises clínicas e outras funcións profesionais ou sanitarias que, por estaren recollidas en normas específicas e conforme o disposto nelas, poidan ser desenvolvidas polo/a farmacéutico/a de acordo coa súa titulación e especialidade.

j) Participar en estudos de utilización de medicamentos, así como en estudos epidemiolóxicos.

k) Colaborar en programas de saúde pública e drogodependencias.

l) Colaborar coas medidas tendentes á racionalización do gasto en medicamentos.

m) Colaborar na formación para a obtención do título de grao de Farmacia de acordo coas universidades e coa normativa estatal aplicable.

n) Calquera outra que se estableza legal ou regulamentariamente.

NON TEN EMENDAS

DITAME DA COMISIÓN:

Artigo 13. Colaboración das oficinas de farmacia no desempeño da prestación farmacéutica do Sistema nacional de saúde

Poderán establecerse concertos cos colexios oficiais de farmacéuticos/as de Galicia para a colaboración das oficinas de farmacia no desempeño da prestación farmacéutica do Sistema nacional de saúde.

EMENDAS MANTIDAS:

-Do G.P. En Marea.
Emenda nº10, de Supresión.

Débese suprimir o artigo 13.

-Do G.P. Socialistas de Galicia.
Emenda nº25, de Adición.

Débese engadir ao final do artigo 13 o seguinte contido:
Engadir *in fine*: "...e independentemente dos procesos de contratación que a consellaría competente en materia de sanidade poida realizar."

DITAME DA COMISIÓN:

Artigo 14. Outras actividades

1. Queda prohibido desenvolver nos locais da oficina de farmacia actividades de venda ao público de produtos distintos dos propios da canle farmacéutica, considerando como tales os medicamentos, os produtos sanitarios e os produtos de parafarmacia.

2. Cando nunha oficina de farmacia se desenvolvan actividades de óptica, análises clínicas, ortopedia, audioprótese, nutrición ou calquera outra actividade sanitaria expresamente autorizada para o seu exercicio nos locais da oficina de farmacia, a persoa titular ou, no caso de seren varias, polo menos unha das persoas cotitulares deberán estar en posesión do título correspondente para o exercicio da dita actividade e cumprir os demais requisitos que se determinen. Malia isto, as persoas titulares poderán contratar profesionais coa titulación correspondente para seren asistidas no desenvolvemento de tales actividades.

3. Nos locais da oficina de farmacia non poderán desenvolver actividades comerciais sociedades mercantís ou outras entidades con personalidade xurídica diferenciada do/da farmacéutico/a titular ou dos/das farmacéuticos/as cotitulares, con independencia de que o domicilio social radique na propia oficina de farmacia ou noutro lugar distinto.

4. Así mesmo, queda prohibido o arrendamento, o subarrendamento ou a cesión, a título oneroso ou gratuíto, do uso dos locais da oficina de farmacia a terceiras persoas para o desenvolvemento de calquera actividade, incluso cando esas actividades teñan relación co ámbito sanitario.

EMENDAS MANTIDAS:

-Do G.P. Socialistas de Galicia.
Emenda nº26, ao apartado 2, de Modificación.

Débase modificar o punto 2 do artigo 14, que quedará redactado co seguinte contido:

"2. Cando nunha oficina de farmacia se desenvolvan actividades de óptica, análises clínicas, ortopedia, audioprótese, nutrición ou calquera outra actividade sanitaria



expresamente autorizada para o seu exercicio nos locais da oficina de farmacia, garantirase o dereito das persoas usuarias a ser atendidas por profesionais con axeitada cualificación e formación nas distintas áreas, podendo ser exercida ben pola persoa titular ou mediante a correspondente contratación."

-Do G.P. Socialistas de Galicia.
Emenda nº27, ao apartado 3, de Supresión.

Débase suprimir o punto 3 do artigo 14.



EMENDAS MANTIDAS:

-Do G.P. Socialistas de Galicia.
Emenda nº28, de Adición.

Débese engadir un novo artigo 14 que quedará redactado co seguinte contido:

"14 *bis*. Rexistro de Establecementos Farmacéuticos

Créase o Rexistro de Establecementos Farmacéuticos da Comunidade Autónoma de Galicia, adscrito á consellaría competente en materia de sanidade, á cal corresponderá mantelo permanentemente actualizado e no que se inscribirán os establecementos farmacéuticos que se autoricen no seu ámbito territorial, indicando as súas principais características, que se establecerán regulamentariamente. O Rexistro terá natureza administrativa, carácter público, formato electrónico e finalidade informativa para as persoas usuarias."

DITAME DA COMISI3N:

Artigo 15. Acceso 3s oficinas de farmacia

1. As oficinas de farmacia ter3n acceso directo, libre e permanente desde a v3a p3blica ou desde zonas de uso colectivo 3 zona de dispensaci3n e atenci3n 3s persoas usuarias, e deber3n cumprir a lexislaci3n en materia de accesibilidade e eliminaci3n de barreiras arquitect3nicas.

2. Queda prohibida a entrada e permanencia de animais na oficina de farmacia, ag3s no caso de cans de asistencia.

NON SE PRESENTARON EMENDAS

DITAME DA COMISIÓN:

Artigo 16. Requisitos dos locais

1. Os locais das oficinas de farmacia dispoñerán dunha superficie útil mínima de setenta metros cadrados. De ocuparen máis dunha planta, estas serán contiguas e estarán comunicadas entre si e **serán accesibles para as persoas con diversidade funcional**.

2. Os locais das oficinas de farmacia reunirán as condicións hixiénico-sanitarias precisas para prestar unha asistencia farmacéutica correcta.

3. As oficinas de farmacia deberán contar cun equipamento informático adecuado para o desenvolvemento das súas funcións e cos outros medios técnicos e materiais que se prevexan na normativa básica estatal e nas normas que, respectando esta normativa, se diten en desenvolvemento desta lei.

4. As condicións de humidade e de temperatura serán as precisas para a conservación dos medicamentos, materias primas empregadas na formulación maxistral e produtos sanitarios que vaian dispensarse na oficina de farmacia.

5. Así mesmo, o chan, as paredes e os teitos deberán ser dunha natureza que permita unha limpeza e desinfección adecuadas e deberán manterse nun bo estado de conservación, respectando sempre o uso previsto para cada unha das zonas ás que fai referencia o artigo seguinte.

EMENDAS MANTIDAS:

-Do G.P. Socialistas de Galicia.
Emenda nº29, ao apartado 4, de Adición.

Débase engadir ao final do punto 4 do artigo 16 o seguinte contido:

Engadir *in fine*: "...debendo contar con procedementos ou protocolos que aseguren a correcta almacenaxe e conservación dos medicamentos e produtos sanitarios."

DITAME DA COMISIÓN:

Artigo 16 bis.. **Reclamacións na atención farmacéutica**

A consellaría competente en materia de sanidade, en colaboración coa autoridade competente en materia de consumo, dispoñerá dos mecanismos necesarios para que as persoas consumidoras e usuarias das oficinas de farmacia poidan presentar as súas queixas, reclamacións e suxestións en relación coa atención farmacéutica que lles presten, para o cal as oficinas de farmacia deberán dispoñer das correspondentes follas de reclamacións.

NON TEN EMENDAS

DITAME DA COMISIÓN:

Artigo 17. Zonas das oficinas de farmacia

1. As oficinas de farmacia contarán coas seguintes zonas:

- a) De dispensación e atención ás persoas usuarias.
- b) De recepción, revisión e almacenamento de medicamentos e produtos sanitarios.
- c) De toma de mostras, no caso de realizar análises clínicas.
- d) De atención individualizada, garantindo a privacidade e confidencialidade.
- e) De descanso para as gardas.
- f) Aseo para uso do persoal da oficina de farmacia.
- g) No caso de realizar formulación, de laboratorio para a elaboración de fórmulas maxistrais e preparados oficinais.

2. Cando nas oficinas de farmacia se desenvolvan outras actividades sanitarias para as que a persoa titular ou as persoas cotitulares contén coa preceptiva autorización e titulación, aquelas deberán dispoñer dos espazos adicionais que regulamentariamente se determinen.

NON SE PRESENTARON EMENDAS



DITAME DA COMISIÓN:

Sección 2ª. Titularidade e persoal

NON SE PRESENTARON EMENDAS

DITAME DA COMISIÓN:

Artigo 18. Titularidade das oficinas de farmacia

1. Só os/as farmacéuticos/as poderán ser propietarios/as e titulares das oficinas de farmacia. Cada farmacéutico/a soamente poderá ser propietario/a e titular ou copropietario/a e cotitular dunha única oficina de farmacia. A condición de copropietario/a comporta necesariamente a adquisición da condición de cotitular e viceversa, así como a de director/a técnico/a da oficina de farmacia.

2. O/A farmacéutico/a titular ou os/as farmacéuticos/as cotitulares son os/as que obtiveron a autorización de instalación, apertura e funcionamento dunha oficina de farmacia e baixo a responsabilidade dos/das que se exercen nesta as funcións descritas no artigo 12. Deberán tamén dispoñer da propiedade ou dos dereitos de natureza real ou persoal que lexitimen a utilización do local no que se instale a oficina de farmacia.

3. Todos/as os/as farmacéuticos/as cotitulares responderán solidariamente, con independencia do grao de participación de cada un/unha deles/as na propiedade da oficina de farmacia, da correcta prestación da atención farmacéutica na oficina de farmacia, do cumprimento das restantes obrigas que corresponden ás persoas titulares das oficinas de farmacia e das infraccións e sancións derivadas do incumprimento de tales obrigas, de acordo, neste último caso, co disposto no inciso final do artigo 28.3 da Lei 40/2015, do 1 de outubro, do réxime xurídico do sector público.

4. No caso de cotitularidade, non se permitirán cotas de participación inferiores ao 10 % da oficina de farmacia.

NON SE PRESENTARON EMENDAS

DITAME DA COMISIÓN:

Artigo 19. Farmacéutico/a rexente

1. Nos casos de falecemento, incapacidade permanente non parcial, incapacitación xudicial ou declaración xudicial de ausencia do/da farmacéutico/a titular ou cotitular, poderá autorizarse o nomeamento dun/dunha farmacéutico/a rexente, que asumirá as mesmas funcións, responsabilidades e incompatibilidades profesionais que as sinaladas para a persoa titular ou cotitular.
2. Nos supostos anteriores, non será precisa a designación dun/dunha farmacéutico/a rexente nos casos de cotitularidade da oficina de farmacia, cando todas as partes estean de acordo e un/unha dos/das cotitulares asuma a responsabilidade da persoa cotitular na que concorra algunha das causas determinadas no número 1.
3. A solicitude de nomeamento de rexente deberá formularse no prazo máximo de vinte días desde o falecemento, a declaración de incapacidade permanente non parcial, a incapacitación xudicial ou a declaración xudicial de ausencia. Se durante este prazo a oficina de farmacia permanece aberta, deberá estar atendida por un/unha farmacéutico/a. No caso contrario, deberá permanecer pechada ata a incorporación do/da farmacéutico/a rexente.
4. No caso de que só exista un/unha farmacéutico/a titular incurso/a nalgunha das causas para as que resulta obrigatorio o nomeamento dun/dunha rexente, de non se producir a solicitude á que se refire o número anterior, procederase de oficio a iniciar o expediente de peche da oficina de farmacia.
5. A rexencia terá unha duración máxima de dous anos, agás nos casos de falecemento cando algún/algunha dos/das herdeiros/as en primeiro grao estea cursando estudos de Farmacia, ou de incapacidade total ou absoluta do/da farmacéutico/a cando non reúna os requisitos para a xubilación, supostos nos que poderá estenderse ata un máximo de cinco anos.

EMENDAS MANTIDAS:

- Do G.P. Bloque Nacionalista Galego.

Emenda nº13, ao apartado 1, de Adición.

Emenda de adición, apartado 1 do artigo 19

Engadir ao final do apartado 1 o seguinte texto: "A oficina de farmacia sacarase a concurso no seguinte concurso que se convoque."

-Do G.P. Bloque Nacionalista Galego.
Emenda nº14, ao apartado 1.a), de Adición.

Emenda de adición, subapartado a), apartado 1 do artigo 19

Engadir no apartado 1 un subapartado a) co seguinte texto:

"a) A autorización de designación de farmacéutico/a rexente será realizada pola consellaría competente en materia de sanidade, logo da comprobación de que o/a designado/a polo/a titular, herdeiros/as ou representante legal cumpre cos requisitos establecidos."

-Do G.P. Bloque Nacionalista Galego.
Emenda nº15, ao apartado 5, de Supresión.

Emenda de supresión, apartado 5 do artigo 19

Suprimir o apartado 5.

-Do G.P. En Marea.
Emenda nº11, ao apartado 5, de Substitución.

Débase substituir no apartado 5 a seguinte expresión:
Onde di: "...herdeiros en primeiro grao..." por:
"herdeiros/as directos/as"

-Do G.P. Socialistas de Galicia.
Emenda nº31, ao apartado 5, de Modificación.

Débase modificar no punto 5 do artigo 19 o seguinte contido:
Onde di: "...herdeiros/as en primeiro grao estea cursando...",
debe dicir: "...herdeiros/as en primeiro e segundo grao estea cursando...".

DITAME DA COMISIÓN:

Artigo 20. Farmacéutico/a substituto/a

1. Cando a oficina de farmacia teña un/unha único/a titular que deba ausentarse por circunstancias excepcionais e temporais debidamente xustificadas, como vacacións, permiso de maternidade ou paternidade, enfermidade, incapacidade física e/ou psíquica transitorias, estudos relacionados coa profesión, cargos públicos e outras circunstancias análogas que impidan o desenvolvemento das súas funcións, ou aquel/a fose inhabilitado/a profesionalmente ou condenado/a a pena privativa de liberdade que supoña ingreso efectivo en prisión imposta por sentenza penal firme, a consellaría competente en materia de sanidade poderá autorizar o nomeamento dun/dunha farmacéutico/a substituto/a. Esta exigencia será aplicable igualmente ás oficinas de farmacia de titularidade única que funcionen en réxime de rexencia.

2. O/A farmacéutico/a substituto/a terá as mesmas funcións e responsabilidades e estará sometido/a ao mesmo réxime de incompatibilidades profesionais que a persoa titular ou a rexente.

3. A solicitude de nomeamento de farmacéutico/a substituto/a deberá formularse no prazo máximo de cinco días a partir do momento no que se coñeza ou produza a circunstancia que obriga á desatención da farmacia pola persoa titular ou a rexente. En todo caso, se non hai un/unha farmacéutico/a adxunto, a farmacia permanecerá pechada ata a incorporación do/da farmacéutico/a substituto/a.

4. No caso das vacacións anuais, a duración máxima da substitución será dun mes para cada oficina de farmacia.

EMENDAS MANTIDAS:

-Do G.P. Socialistas de Galicia.
Emenda nº32, ao apartado 1, de Adición.

Débase engadir no punto 1 do artigo 20 o seguinte contido:
Despois de: "...farmacéutico/a substituto/a...", engadir:
"...indicando a causa e o prazo previsto da substitución, que fará público para xeral coñecemento...".

DITAME DA COMISIÓN:

Artigo 21. Farmacéutico/a adxunto/a

1. Tanto os/as farmacéuticos/as titulares e cotitulares como os/as rexentes e os/as substitutos/as poderán contar coa colaboración de farmacéuticos/as adxuntos/as, **para realizar as funcións propias de farmacéutico/a e aquelas que por mor da súa titulación poidan ser levadas a cabo.**

2. Os casos nos que será necesaria a presenza de farmacéuticos/as adxuntos/as por razón de idade do/da titular ou cotitular, do/da rexente ou do/da substituto/a, así como segundo o volume **de actividade e receitas** e a diversidade das funcións da oficina de farmacia, ou o horario ampliado voluntario no que decidisen exercer, serán establecidos regulamentariamente. En todo caso, ao cumprir o/a farmacéutico/a titular ou cotitular, rexente ou substituto/a a idade de 70 anos, e de continuar exercendo a dita función, resultará obrigada a contratación dun/dunha ou varios/as farmacéuticos/as adxuntos/as adicionais, segundo se determine regulamentariamente.

No suposto de que o aumento de actividade proveña das funcións ás que se refire o artigo 12.i), poderá optarse entre a contratación dun/dunha farmacéutico/a adxunto/a ou doutro/a profesional sanitario/a titulado/a competente para o exercicio das ditas funcións.

3. Nos casos de ausencia de carácter ocasional, debidos ao cumprimento de obrigas profesionais ou inescusables de carácter persoal ou público que impidan a presenza do/da titular, cotitular, substituto/a ou rexente, un/unha farmacéutico/a adxunto/a poderá asumir as funcións determinadas no artigo 12, sempre que sexa por un tempo inferior a cinco días. A persoa responsable seguirá sendo, en todo caso, o/a titular, cotitular ou substituto/a da oficina de farmacia ou, se é o caso, o/a rexente.

EMENDAS MANTIDAS:

-Do G.P. Bloque Nacionalista Galego.
Emenda nº16, ao apartado 2, de Supresión.

Emenda de supresión, apartado 2 do artigo 21

Eliminar no apartado todo o parágrafo que empeza: "No suposto....", até: "...funcións".

-Do G.P. Socialistas de Galicia.
Emenda nº33, ao apartado 3 bis), de Adición.

Débase engadir no artigo 21 un novo punto que quedará redactado co seguinte contido:

"3 *bis*. A contratación realizarase de conformidade co establecido na lexislación laboral, sendo obrigada, así mesmo, a afiliación ao réxime correspondente da Seguridade Social."

DITAME DA COMISIÓN:

Artigo 22. Autorización de nomeamentos

1. O procedemento de autorización do nomeamento dun/dunha farmacéutico/a rexente, substituto/a ou adxunto/a tramitarase preferentemente por vía electrónica.

A autorización concederase logo da comprobación de que a persoa proposta polo/a titular ou cotitulares, rexente, persoas adquirentes mortis causa ou representante legal cumpre coas condicións exixidas nesta lei e aquelas outras que regulamentariamente se determinen.

2. Para autorizar o nomeamento de calquera dos/das farmacéuticos/as previstos/as neste artigo deberá acreditarse o asinamento do correspondente contrato de traballo de conformidade coa lexislación laboral, así como a alta no réxime de Seguridade Social que proceda.

3. Non poderán ser nomeadas como farmacéutico/a rexente, adxunto/a ou substituto/a as persoas que teñan a condición de bolseiras.

3 bis. Da resolución das autorizacións de nomeamentos recollidos nos puntos anteriores darase conta para xeral coñecemento a través da páxina web da consellaría competente en materia de sanidade.

NON TEN EMENDAS



DITAME DA COMISIÓN:

Artigo 23. Condicións para o nomeamento de persoal

As condicións, os prazos e os restantes requisitos para o nomeamento e exercicio profesional do/da farmacéutico/a titular, cotitular, rexente, substituto/a ou adxunto/a da oficina de farmacia, así como os supostos nos que o/a farmacéutico/a adxunto/a pode pasar a desempeñar a función de substituto/a, estableceranse regulamentariamente.

EMENDAS MANTIDAS:

-Do G.P. Socialistas de Galicia.
Emenda nº35, de Supresión.

Débese suprimir o artigo 23.

DITAME DA COMISIÓN:

Artigo 24. Persoal técnico e auxiliar de farmacia

1. O/A farmacéutico/a titular, cotitular, rexente ou substituto/a poderá dispoñer da asistencia do persoal técnico e auxiliar de farmacia necesario para levar a cabo as funcións atribuídas. Este persoal realizará, baixo a dirección e supervisión dun/dunha farmacéutico/a, as funcións propias da súa titulación ou habilitación profesional, así como aquelas outras que lle sexan encomendadas, sempre que non estean reservadas expresamente ao seu desempeño por un/unha farmacéutico/a.

2. A contratación realizarase de conformidade co establecido na lexislación laboral, sendo obrigada, así mesmo, a afiliación ao réxime correspondente da Seguridade Social.

NON SE PRESENTARON EMENDAS



DITAME DA COMISI3N:

Secci3n 3^a. Atenci3n ao p3blico

NON SE PRESENTARON EMENDAS

DITAME DA COMISIÓN:

Artigo 25. Presenza e actuación do/da farmacéutico/a e identificación do persoal

1. A presenza e actuación profesional dun/dunha farmacéutico/a na oficina de farmacia é requisito inescusable para levar a cabo as funcións establecidas no artigo 12 e na demais normativa que sexa aplicable. A colaboración de farmacéuticos/as adxuntos/as, técnicos/as ou auxiliares de farmacia non escusa a responsabilidade do/da farmacéutico/a titular ou cotitulares da oficina de farmacia, sen prexuízo das responsabilidades administrativas, civís e penais daquel persoal que poidan derivar en cada caso.

2. A presenza física do/da farmacéutico/a titular ou, se é o caso, dun/dunha cotitular, rexente ou substituto/a na oficina de farmacia de maneira habitual durante o horario de atención ao público será obrigatoria para realizar as funcións establecidas no artigo 12, consonte as condicións que regulamentariamente se establezan.

3. Todo o persoal que preste calquera servizo nas oficinas de farmacia deberá levar o distintivo que o identifique persoal e profesionalmente.

EMENDAS MANTIDAS:

-Do G.P. Bloque Nacionalista Galego.
Emenda nº18, ao apartado 2, de Substitución.

Emenda de substitución, apartado 2 do artigo 25

No apartado 2 substituír na segunda línea, donde dí: "de maneira habitual", por: "debe estar garantida".

DITAME DA COMISIÓN:

Artigo 26. Sinalización, publicidade e promoción das oficinas de farmacia

1. Todas as oficinas de farmacia deberán estar convenientemente sinalizadas, mediante un distintivo na fachada onde figure de forma visible a palabra «Farmacia», e, así mesmo, mediante unha cruz grega ou de Malta de cor verde **exclusivas para oficinas de farmacia**, que estará acesa durante o horario de atención ao público, tanto no horario mínimo obrigatorio como no horario ampliado voluntario, así como durante o servizo de garda, e apagada fóra destes horarios e servizos.

2. A colocación de carteis indicadores da localización da oficina de farmacia, naqueles casos nos que por razóns de visibilidade dela sexan necesarios, requirirá autorización da autoridade sanitaria competente.

3. Co fin de non interferir no dereito de libre elección de oficina de farmacia por parte da cidadanía, prohíbese toda forma de publicidade ou actividade promocional das oficinas de farmacia, agás nos casos que se determinen regulamentariamente, así como a organización de eventos ou actividades e a utilización de ferramentas que poidan implicar unha promoción da oficina de farmacia.

4. A palabra «Farmacia» e a cruz verde de identificación serán de utilización exclusiva para as oficinas de farmacia. Non se poderá usar este termo e simboloxía para outro tipo de establecementos, agás no suposto recollido no artigo 47 referente ás boticas anexas, como establecementos vinculados á oficina de farmacia.

EMENDAS MANTIDAS:

-Do G.P. Socialistas de Galicia.
Emenda nº38, ao apartado 1, de Adición.

Débase engadir ao final do punto 1 do artigo 26 o seguinte contido:

Engadir *in fine*: "...Poderán instalarse tantas cruces como número de fachadas teña a oficina de farmacia cando esta dea a diferentes rúas."

-Do G.P. Bloque Nacionalista Galego.
Emenda nº19, ao apartado 1, de Adición.

Emenda de adición, apartado 1 do artigo 26

Engadir no apartado 1 despois de: "farmacia", o seguinte: "ou botica".

-Do G.P. Socialistas de Galicia.
Emenda nº39, ao apartado 2, de Adición.

Débese engadir ao final do punto 2 do artigo 26 o seguinte contido:

Engadir *in fine*: "...ademais daqueloutras, se é o caso, necesarias."

-Do G.P. Bloque Nacionalista Galego.
Emenda nº20, ao apartado 4, de Adición.

Emenda de adición, apartado 4 do artigo 26

Engadir no apartado 4 despois de: "farmacia", o seguinte: "ou botica".

DITAME DA COMISIÓN:

Artigo 27. Horarios e servizos de garda das oficinas de farmacia

1. As oficinas de farmacia prestarán os seus servizos en réxime de liberdade e flexibilidade horaria, dentro do necesario respecto ao cumprimento do horario mínimo obrigatorio e do servizo de garda, sendo en todo caso necesaria a presenza física e actuación profesional dun/dunha farmacéutico/a na prestación do servizo.

2. As oficinas de farmacia permanecerán abertas ao público polo menos durante o horario mínimo obrigatorio establecido. Para estes efectos, diferénciase entre o horario mínimo obrigatorio e o horario voluntario ampliado, conforme o seguinte:

a) O horario mínimo obrigatorio é aquel que deberán cumprir todas as oficinas de farmacia da Comunidade Autónoma de Galicia. Será fixado pola consellaría competente en materia de sanidade, **oídos os** colexios oficiais de farmacéuticos/as existentes na nosa comunidade.

b) O horario ampliado voluntario é aquel que as oficinas de farmacia poden realizar por enriba do mínimo obrigatorio.

3. As persoas titulares das oficinas de farmacia deberán comunicar, con carácter previo, o seu horario e o das boticas anexas a elas vinculadas á consellaría competente en materia de sanidade, a través dos colexios oficiais de farmacéuticos/as, quedando así mesmo obrigadas aquelas a manter a continuidade do dito réxime nos termos que aquela lles indique.

4. O servizo de garda é aquel que debe realizarse con carácter obrigatorio para garantir a continuidade da atención farmacéutica.

5. A atención farmacéutica prestada no nivel de atención primaria polas oficinas de farmacia será continuada. Para tal efecto, fóra do horario mínimo obrigatorio, a atención farmacéutica estará garantida a través do servizo de garda, que debe realizarse con carácter obrigatorio nos termos previstos nos números seguintes.

6. O servizo de garda atenderase mediante un sistema de quendas elaborado polo colexio oficial de farmacéuticos/as de cada provincia, seguindo os criterios que se establezan por norma regulamentaria, entre os que deberán figurar necesariamente os seguintes:

- a) A poboación que se debe atender.
- b) A accesibilidade da poboación á atención farmacéutica.
- c) A obrigatoriedade de prestación do servizo de garda na área de referencia dos puntos de atención continuada, co fin de garantir a continuidade do proceso de prescrición e dispensación de medicamentos.

En todo caso, os criterios que se establezan deberán aplicarse de forma que permitan en todo momento a cobertura das necesidades asistenciais da poboación.

O dito sistema de quendas deberá ser comunicado, **previamente á súa entrada en vigor**, polos respectivos colexios á consellaría competente en materia de sanidade para efectos de control e comprobación do cumprimento dos criterios establecidos.

7. A información sobre as oficinas de farmacia en servizo de garda figurará en todas as establecidas na zona farmacéutica, en lugar visible desde o exterior. Esta información tamén estará dispoñible e permanentemente actualizada nas páxinas web dos colexios oficiais de farmacéuticos/as de Galicia, **debendo realizarse nos dous idiomas oficiais de Galicia.**

7 bis. As oficinas de farmacia que prestan servizos nocturnos e de garda deberán contar con dispositivos que permitan a dispensación desde o interior ao exterior delas con seguridade, de acordo co disposto na normativa sobre seguridade privada que resulte aplicable.

8. As oficinas de farmacia poderán cesar temporalmente as súas actividades durante o período de vacacións sempre e cando queden debidamente cubertas as necesidades de atención farmacéutica durante as vinte e catro horas do día. Correspóndelles aos colexios oficiais de farmacéuticos/as de cada provincia establecer as quendas de vacacións entre as farmacias interesadas en gozalas, tendo en conta que, como norma xeral, deberán permanecer abertas, polo menos, o 50 % das oficinas de farmacia de cada zona farmacéutica.

O período vacacional non poderá exceder un mes ao ano, e deberá ser comunicado á consellaría competente en materia de sanidade, a través dos colexios oficiais de farmacéuticos/as, nos termos que regulamentariamente se establezan.

EMENDAS MANTIDAS:

-Do G.P. Bloque Nacionalista Galego.
Emenda nº21, de Substitución.

Emenda de substitución, apartado 1 do artigo 27

No apartado 1 substituír: “en réxime de liberdade e flexibilidade horaria, dentro do necesario respecto ao”, polo seguinte texto: “á cidadanía de forma continuada tendo en conta o”.

-Do G.P. Bloque Nacionalista Galego.
Emenda nº23, ao apartado 7, de Adición.

Emenda de adición, apartado 7 do artigo 27

No apartado 7 engadir despois de: “visíbel desde o exterior”, polo seguinte: “redactado cando menos en lingua galega”.



DITAME DA COMISI3N:

Secci3n 4^a. Planificaci3n e ordenaci3n territorial de novas oficinas de farmacia

NON SE PRESENTARON EMENDAS

DITAME DA COMISIÓN:

Artigo 28. Planificación das oficinas de farmacia

1. A autorización de novas oficinas de farmacia estará sometida a planificación co fin de garantir unha atención farmacéutica conveniente, oportuna e eficiente.
2. Regulamentariamente determinarase a forma na que se cubrirá a atención farmacéutica naquelas zonas farmacéuticas nas que non haxa oficina de farmacia.

EMENDAS MANTIDAS:

-Do G.P. Bloque Nacionalista Galego.
Emenda nº24, ao apartado 1, de Substitución.

Emenda de substitución, apartado 1 do artigo 28

Substituír o apartado 1 polo seguinte texto:

"A planificación farmacéutica constitúe a previsión do número mínimo de oficinas de farmacia que precisa cada zona farmacéutica para acadar un equitativo acceso á atención farmacéutica da poboación de Galicia e sen cuxa garantía non poderán instalarse novas oficinas de farmacia conforme o libre exercicio profesional. A planificación das oficinas de farmacia realizarase baseándose nas necesidades de atención farmacéutica da poboación."

-Do G.P. Socialistas de Galicia.
Emenda nº43, ao apartado 1, de Adición.

Débese engadir ao final do punto 1 do artigo 28 o seguinte contido:

Engadir *in fine*: "...tal que poida garantirse o obxectivo de que en cada zona farmacéutica exista polo menos unha oficina farmacéutica."

-Do G.P. Socialistas de Galicia.
Emenda nº44, ao apartado 2, de Supresión.

Débese suprimir o punto 2 do artigo 28.

DITAME DA COMISIÓN:

Artigo 29. Zonas farmacéuticas

1. Tómanse como base de planificación as unidades de atención primaria, que, para os efectos desta lei, se corresponden coas demarcacións municipais nas que se ordena o territorio da Comunidade Autónoma galega, e créanse as zonas farmacéuticas, que se clasifican en:

a) Zonas farmacéuticas urbanas: correspóndense cos concellos con máis de trinta mil habitantes.

b) Zonas farmacéuticas semiurbanas: correspóndense cos concellos cun número de habitantes comprendido entre dez mil e trinta mil.

c) Zonas farmacéuticas rurais: correspóndense cos concellos con menos de dez mil habitantes.

2. Malia o anterior, co obxecto de garantir as necesidades de atención farmacéutica que se requiran, tendo en conta as diferentes características xeográficas, demográficas, turísticas e sanitarias, o Consello da Xunta poderá acordar a declaración de determinadas zonas farmacéuticas como especiais.

NON SE PRESENTARON EMENDAS

DITAME DA COMISIÓN:

Artigo 30. Módulos de poboación

1. Establécense os seguintes módulos para o cálculo das oficinas de farmacia que correspondan a cada zona:

a) Zonas farmacéuticas urbanas: unha por cada dous mil oitocentos habitantes empadroados, agás que se supere esa proporción en mil cincocentos habitantes; neste suposto poderá establecerse unha nova oficina de farmacia sempre e cando se constate un incremento neto poboacional desa zona nos últimos cinco anos.

b) Zonas farmacéuticas semiurbanas: unha por cada dous mil cincocentos habitantes empadroados, agás que se supere esa proporción en mil cincocentos habitantes; neste suposto poderá establecerse unha nova oficina de farmacia sempre e cando se constate un incremento neto poboacional desa zona nos últimos cinco anos.

c) Zonas farmacéuticas rurais: unha por cada dous mil habitantes empadroados, agás que se supere esa proporción en mil cincocentos habitantes; neste suposto poderá establecerse unha nova oficina de farmacia sempre e cando se constate un incremento neto poboacional desa zona nos últimos cinco anos.

2. En cada concello poderá haber, polo menos, unha oficina de farmacia.

3. Para o cómputo de habitantes terase en conta a poboación que conste na última revisión do padrón municipal vixente no momento de se iniciaren os traballos necesarios de cara á aprobación do mapa farmacéutico.

EMENDAS MANTIDAS:

-Do G.P. Bloque Nacionalista Galego.
Emenda nº25, ao apartado 2, de Substitución.

Emenda de substitución, apartado 2 do artigo 30

No punto 2 substituír “podará” por “terá que”.

-Do G.P. Socialistas de Galicia.

Emenda nº45, ao apartado 2, de Modificación.

Débese modificar o punto 2 do artigo 30, que quedará redactado co seguinte contido:

"2. En cada concello de máis de mil habitantes deberá haber, canto menos, unha oficina de farmacia e no resto, de non existir, deberá garantirse unha botica anexa."

-Do G.P. En Marea.

Emenda nº12, ao apartado 3 bis), de Adición.

Débese engadir un novo apartado 3 bis)co seguinte texto:

"3 bis). Para o cómputo das ratios teranse en conta as farmacias públicas que o Servizo Galego de Saúde constituía ao abeiro do disposto nesta lei."

-Do G.P. Socialistas de Galicia.

Emenda nº46, ao apartado 3 bis), de Adición.

Débese engadir no artigo 30 un novo punto, que quedará redactado co seguinte contido:

"3 bis). Nos municipios que teñan a cualificación de turísticos, a consellaría competente en materia de sanidade, de acordo co concello, poderá establecer un módulo complementario, durante os meses en que tiver lugar tal incremento, para o cal establecerá regulamentariamente unha serie de parámetros obxectivos, tales como prazas utilizadas en hoteis e aloxamentos temporais, vivendas de segunda residencia, etc., tal que permitan posibilitar a apertura dalgunha oficina de farmacia complementaria."

DITAME DA COMISIÓN:

Artigo 31. Distancias entre as oficinas de farmacia

1. O establecemento dunha oficina de farmacia por razón de nova instalación ou cambio de localización non poderá facerse a unha distancia inferior a douscentos cincuenta metros doutras oficinas de farmacia ou dun centro público de asistencia sanitaria en funcionamento ou cuxa instalación estea prevista pola consellaría competente en materia de sanidade.
2. Excepcionalmente, naquelas zonas farmacéuticas que contén cunha única oficina de farmacia, poderá non exixirse esa distancia mínima cando concorran razóns de interese xeral que así o xustifiquen.
3. Regulamentariamente fixaranse o procedemento, as condicións e os criterios para efectuar a medición das ditas distancias.
4. Nos cambios de localización forzosos provisionais con obriga de retorno, as distancias mínimas ás que se refire o número 1 deste artigo redúcense a cento vinte e cinco metros.

EMENDAS MANTIDAS:

-Do G.P. Socialistas de Galicia.
Emenda nº47, ao apartado 1, de Adición.

Débase engadir ao final do punto 1 do artigo 31 o seguinte contido:
Engadir *in fine*: "...No caso de novas instalacións de centros sanitarios, a consellaría competente en materia de sanidade realizará as actuacións oportunas co obxectivo de dar cumprimento á distancia establecida."

-Do G.P. Bloque Nacionalista Galego.
Emenda nº26, ao apartado 1, de Adición.

Emenda de adición, apartado 1 do artigo 31

No apartado 1 engadir despois de: "público", o seguinte: "ou concertado coa Xunta".

-Do G.P. Bloque Nacionalista Galego.



Emenda nº27, ao apartado 1, de Adición.

Emenda de adición, apartado 1 do artigo 31

No apartado 1 engadir despois de: “asistencia sanitaria”, o seguinte texto: “ou sociosanitaria”.

DITAME DA COMISIÓN:

Artigo 32. Mapa farmacéutico

Os criterios de planificación farmacéutica contidos nesta lei concretaranse no mapa farmacéutico, que será tramitado de acordo co procedemento regulamentariamente establecido e aprobado polo Consello da Xunta de Galicia.

O mapa farmacéutico relacionará todas as zonas farmacéuticas da Comunidade Autónoma de Galicia, indicando se se trata de zonas urbanas, semiurbanas ou rurais.

O mapa conterá, entre outros extremos, un anexo coas novas oficinas de farmacia e as súas delimitacións territoriais concretas, indicando as que terán vinculada unha botica anexa para cubrir as necesidades daqueles lugares nos que, por carecer de entidade suficiente para a instalación dunha oficina de farmacia ou por tratarse de zonas especiais de difícil accesibilidade, non se poida instalar unha nova oficina.

O mapa farmacéutico deberá ser revisado cando se detecten alteracións significativas no padrón ou outras circunstancias que leven consigo cambios nas necesidades de atención farmacéutica dunha ou varias zonas.

Os concellos ou os colexios oficiais de farmacéuticos/as interesados poderán instar ante a consellaría competente en materia de sanidade a revisión do mapa farmacéutico.

EMENDAS MANTIDAS:

-Do G.P. Socialistas de Galicia.
Emenda nº48, ao apartado 1, de Adición.

Débase engadir ao final do primeiro parágrafo do artigo 32 o seguinte contido:

Engadir *in fine*: "...Previamente á súa aprobación, remitirase ao Parlamento de Galicia para que sexa obxecto de tratamento."

-Do G.P. Socialistas de Galicia.
Emenda nº49, ao apartado 5, de Modificación.



Débese modificar no quinto parágrafo do artigo 32 o seguinte contido:

Onde di: "Os concellos ou os colexios...", debe dicir: "As administracións locais e os colexios...".



DITAME DA COMISI3N:

Secci3n 5^a. Procedemento de outorgamento da autorizaci3n de instalaci3n de novas oficinas de farmacia

NON SE PRESENTARON EMENDAS

DITAME DA COMISIÓN:

Artigo 33. Procedemento de outorgamento da autorización de instalación de novas oficinas de farmacia

1. A autorización de instalación de novas oficinas de farmacia outorgarase por concurso público, o cal poderá ser de traslado ou de nova adxudicación. O concurso público de traslados deberá convocarse con carácter previo ao concurso de nova adxudicación.

2. Os concursos que se convoquen respectarán os principios de concorrencia competitiva, publicidade, transparencia, mérito e capacidade.

3. A aqueles/as profesionais que xa resultasen adxudicatarios/as dunha oficina de farmacia nun concurso público previo só lles serán computados en posteriores concursos aos que se presenten, como méritos de experiencia profesional e de formación posgraduada, os que sexan posteriores á data de convocatoria do anterior concurso público.

EMENDAS MANTIDAS:

-Do G.P. Bloque Nacionalista Galego.
Emenda nº28, ao apartado 1.a), de Adición.

Emenda de adición, subapartado a) do apartado 1 do artigo 33

Engadir un novo subapartado a) co seguinte texto:
"a) Os servizos e establecementos regulados por esta lei están suxeitos a rexistro e catalogación, avaliación, inspección e control."

-Do G.P. Bloque Nacionalista Galego.
Emenda nº29, ao apartado 1.b), de Adición.

Emenda de adición, subapartado b) do apartado 1 do artigo 33

Engadir un novo subapartado b) co seguinte texto:

"b) Con carácter previo á apertura tanto por nova instalación como por traslado, modificación ou ampliación das instalacións,



realizárase visita de inspección para comprobar que se cumpren todos os requisitos establecidos, e redactárase a correspondente acta de inspección."

DITAME DA COMISIÓN:

Artigo 34. Regras de procedemento e de competencia

1. Os procedementos de adxudicación iniciaranse de oficio e axustaranse ao disposto nas normas xerais de procedemento administrativo, nesta lei e nas normas que a desenvolvan. A competencia para a iniciación, a tramitación e a resolución dos procedementos corresponderalle á consellaría competente en materia de sanidade.
2. A resolución pola que se convoque o concurso público de adxudicación conterá, como mínimo, o número e a localización das oficinas de farmacia incluídas naquel, o prazo de presentación das solicitudes e as bases polas que se rexerá o dito concurso.
3. A resolución de convocatoria do concurso establecerá a exigencia de constitución de garantías para asegurar a continuidade no procedemento de instalación de farmacias.
4. O prazo máximo para resolver e publicar a resolución dos concursos de adxudicación será de seis meses, contados desde a data da súa convocatoria.
5. A elección das oficinas de farmacia incluídas nos concursos públicos que se convoquen levarase a cabo nun acto público.
6. A adxudicación de oficinas de farmacia efectuarase atendendo a elección que formulen as persoas participantes no acto público de elección, por rigorosa orde de maior a menor puntuación total no concurso de que se trate.

EMENDAS MANTIDAS:

-Do G.P. Socialistas de Galicia.
Emenda nº51, ao apartado 1, de Modificación.

Débase modificar no punto 1 do artigo 34 o seguinte contido:
Onde di: "...adxudicación iniciaranse de oficio e axustaranse...", debe dicir: "...adxudicación poderá iniciarse por petición dos concellos, por petición dos colexios oficiais de farmacéuticos/as ou de oficio pola consellaría competente en materia de sanidade e axustaranse...".



DITAME DA COMISIÓN:

Artigo 35. Efectos da non apertura da oficina de farmacia adxudicada

As persoas adxudicatarias dos concursos de traslado ou de nova apertura que non procedan á apertura da correspondente oficina de farmacia nos termos que regulamentariamente se establezan non poderán participar no seguinte concurso de traslado ou de nova adxudicación, respectivamente, que se convoque.

NON SE PRESENTARON EMENDAS

DITAME DA COMISIÓN:

Artigo 36. Concurso de traslado

1. A consellaría competente en materia de sanidade convocará, por resolución que se publicará no Diario Oficial de Galicia e na súa páxina web, o concurso de traslado ás novas oficinas de farmacia incluídas no mapa farmacéutico de Galicia.

2. Só poderán participar no dito concurso os/as farmacéuticos/as titulares ou cotitulares de oficina de farmacia na Comunidade Autónoma de Galicia que na data de finalización do prazo de presentación de solicitudes desenvolvesen, polo menos, o seu exercicio profesional como titulares ou cotitulares na mesma oficina de farmacia nos cinco anos anteriores, debendo manter tal condición durante todo o procedemento.

No caso de cotitularidade, os/as farmacéuticos/as cotitulares deberán participar no concurso no mesmo réxime de cotitularidade que teñan na data de publicación da convocatoria.

3. En ningún caso poderán ser adxudicatarios/as dunha nova oficina de farmacia os/as titulares ou cotitulares dunha oficina de farmacia instalada na mesma zona farmacéutica na que se pretende abrir a nova.

4. O outorgamento da autorización por resolución firme na vía administrativa dunha oficina de farmacia de nova apertura a un/unha farmacéutico/a que xa sexa titular ou cotitular dunha determinará automaticamente a perda da autorización relativa a esta última, aínda no caso de renuncia á nova oficina adxudicada.

Non obstante, no caso de que contra a resolución de autorización se recorra en vía xurisdiccional, a oficina de farmacia que anteriormente for de titularidade do/da adxudicatario/a ou adxudicatarios/as non entrará en concurso ata que recaia sentenza firme.

Igualmente, no caso de se adoptar a medida cautelar de suspensión da dita resolución no concurso, o/a farmacéutico/a interesado/a manterá a titularidade da oficina de farmacia que xa posuía ata que recaia sentenza firme. Se a dita sentenza anula a autorización de

adxudicación realizada no concurso, a persoa interesada seguirá sendo titular da oficina que xa posuía antes daquel. Se, pola contra, a sentenza recaída desestima o recurso interposto fronte á resolución de autorización, procederase de acordo co sinalado no primeiro parágrafo deste número.

5. Regulamentariamente determinarase o momento no que os/as adxudicatarios/as deberán proceder á apertura da nova oficina de farmacia, co fin de asegurar a continuidade na prestación farmacéutica en todas as zonas.

EMENDAS MANTIDAS:

-Do G.P. En Marea.
Emenda nº13, de Supresión.

Débese suprimir o artigo 36

DITAME DA COMISIÓN:

Artigo 37. Concurso de nova adxudicación

1. Logo de concluído o concurso de traslados coa autorización das oficinas de farmacia correspondentes a el, a consellaría competente en materia de sanidade convocará, por resolución que se publicará no Diario Oficial de Galicia e na súa páxina web, o concurso de nova adxudicación para o outorgamento das autorizacións das oficinas de farmacia vacantes resultantes do concurso de traslado, que englobará tanto as novas oficinas de farmacia recollidas no mapa farmacéutico non cubertas como aquelas que quedasen libres por traslado da persoa titular, sempre e cando, de acordo cos módulos poboacionais previstos na sección 4ª do capítulo I do título II, sigan sendo necesarias.

2. Poderán participar neste concurso de nova adxudicación todos/as os/as farmacéuticos/as que no momento de finalización do prazo de presentación de solicitudes fixado na convocatoria sexan ou non titulares ou cotitulares dunha oficina de farmacia, situada dentro ou fóra da Comunidade Autónoma de Galicia, e non a transmitisen nos dez anos anteriores á dita data.

3. Naqueles supostos nos que o/a farmacéutico/a estiver obrigado/a a pechar a súa oficina de farmacia como consecuencia da execución dunha sentenza xudicial firme que anule a resolución administrativa que autorizou a súa instalación, non se terá en conta o prazo previsto no número anterior.

EMENDAS MANTIDAS:

-Do G.P. Bloque Nacionalista Galego.
Emenda nº30, ao apartado 1, de Adición.

Emenda de adición, apartado 1 do artigo 37

No apartado 1 despois de: "convocará", engádesse o seguinte: "como mínimo cada catro anos, e será publicado no *Diario Oficial de Galicia* no primeiro semestre do ano".

-Do G.P. Bloque Nacionalista Galego.
Emenda nº31, ao apartado 2, de Substitución.

Emenda de substitución, apartado 2 do artigo 37

No apartado 2 ao final do parágrafo substituír: “ nos dez anos anteriores”, por: “nos quince anos anteriores”.

-Do G.P. Bloque Nacionalista Galego.
Emenda nº32, ao apartado 3 bis), de Adición.

Emenda de adición, apartado 3 bis) do artigo 37

Engadir un novo apartado que pasa a ser o 3 bis) co seguinte texto:

“3 bis). Os méritos alegados nos expedientes de creación dunha oficina de farmacia por quen sexa adxudicatario/a de autorización de funcionamento dela non poderán ser tidos en conta nos sucesivos expedientes de creación de oficinas de farmacia.”

DITAME DA COMISIÓN:

Artigo 38. Caducidade da autorización

1. As autorizacións de instalación das oficinas de farmacia caducarán no caso de falecemento, xubilación total, incapacidade permanente non parcial, incapacitación xudicial ou declaración xudicial de ausencia do/da farmacéutico/a titular ou cotitular, sen prexuízo das previsións dos artigos 19 e 46.

En calquera caso, a caducidade dunha autorización e o conseguinte peche da oficina de farmacia non afectarán o réxime legal aplicable aos locais, ás instalacións e ao equipamento, de conformidade co disposto na lexislación civil.

2. No caso de cotitularidade, se a causa da caducidade afecta só un/unha ou algúns/algunhas dos/das cotitulares, a súa cota de participación na autorización reverterá a favor do resto de cotitulares na mesma proporción que viñesen tendo, sempre que non se producise a transmisión, inter vivos ou mortis causa, da cota ou cotas de cotitularidade correspondentes ao/á cotitular ou cotitulares incurso/as na causa de caducidade.

NON SE PRESENTARON EMENDAS



DITAME DA COMISIÓN:

Sección 6ª. Cambio de localización, reforma de local e limitacións

NON SE PRESENTARON EMENDAS

DITAME DA COMISIÓN:

Artigo 39. Cambio de localización, tipos e limitacións

1. O cambio de localización dunha oficina de farmacia só poderá efectuarse dentro da mesma zona farmacéutica.

2. Os cambios de localización das oficinas de farmacia estarán suxeitos a autorización administrativa, así como ás condicións e aos requisitos fixados regulamentariamente para tal efecto.

3. Os cambios de localización estarán suxeitos ás seguintes limitacións:

a) Naquelas oficinas de farmacia para cuxa instalación e apertura se fixase unha delimitación territorial concreta, deberá respectarse o ámbito desta, agás cando a Administración sanitaria constate a desaparición das condicións que motivaron a súa instalación nesa delimitación.

b) As oficinas de farmacia autorizadas ao abeiro do disposto no artigo 3.1.b) do Real decreto 909/1978, do 14 de abril, polo que se regula o establecemento, transmisión ou integración das oficinas de farmacia, unicamente poderán trasladarse dentro do mesmo núcleo de poboación para o que fosen autorizadas.

c) Non se autorizará o cambio de localización cando, de ser autorizado, se produza un detrimento grave do servizo farmacéutico na zona en que se localiza a oficina de farmacia, en especial naqueles núcleos nos que soamente exista a oficina de farmacia establecida, e se manteñan as condicións que motivaron a súa autorización inicial.

4. Os cambios de localización poderán ser voluntarios ou forzosos, e estes últimos poderán ser definitivos ou provisionais, conforme as seguintes regras:

a) Son cambios de localización forzosos definitivos aqueles nos que a prestación do servizo dunha oficina de farmacia non poida continuar no local no que está instalada e non exista posibilidade de retorno a el, ben polas condicións físicas das instalacións ou ben porque o/a titular ou cotitulares perdesen a dispoñibilidade xurídica do dito local.

b) Son cambios de localización forzosos provisionais os que se produzan por obras, derrubamento ou demolición do edificio e

que supoñan a imposibilidade temporal de funcionamento da oficina de farmacia no seu asentamento, autorizándose con carácter transitorio o seu funcionamento noutras instalacións, coa obriga do/da titular de que a oficina de farmacia retorne ao seu primitivo local.

c) Os cambios de localización voluntarios, de carácter definitivo, serán todos os demais que se produzan por instancia do/da titular ou cotitulares da oficina de farmacia, co fin de mellorar as condicións do local, situación e/ou accesibilidade.

EMENDAS MANTIDAS:

-Do G.P. Bloque Nacionalista Galego.
Emenda nº33, ao apartado 3.c), de Adición.

Emenda de adición, subapartado c) do apartado 3 do artigo 39

No subapartado c) do apartado 3 engadir despois de: “ do servizo farmaceutico”, o seguinte: “ou quede sen oficina de farmacia”.

DITAME DA COMISIÓN:

Artigo 40. Autorización de cambio de localización

1. Será causa de caducidade da autorización de cambio de localización o transcurso do prazo de seis meses, contados desde a notificación da autorización á persoa titular ou cotitular, sen que a oficina de farmacia abra ao público na nova localización ou, no caso de cambio de localización forzoso provisional, sen que se producise o retorno ao primitivo local.

Regulamentariamente poderán establecerse excepcións ao cumprimento do prazo nos casos nos que a imposibilidade de retorno sexa debida a causa non imputable á persoa titular ou cotitular da oficina de farmacia.

2. Así mesmo, a través de norma regulamentaria poderá establecerse un procedemento urxente para a autorización, que só afectará os cambios de localización forzosos provisionais.

3. A nova situación da oficina de farmacia nos cambios de localización voluntarios e forzosos definitivos respectará as condicións sinaladas no artigo 31.

4. En todo caso, a apertura da oficina de farmacia está suxeita á obtención da preceptiva autorización de funcionamento, de acordo co que regulamentariamente se estableza.

NON SE PRESENTARON EMENDAS

DITAME DA COMISIÓN:

Artigo 41. Reforma dos locais da oficina de farmacia

1. As obras que afecten o acceso ou a distribución interior do local ou supoñan ampliación ou redución da súa superficie precisarán da correspondente autorización. O procedemento de autorización de obras nos locais de oficinas de farmacia establecerase regulamentariamente.

2. Para a realización de calquera outra obra no local deberá presentarse, antes do seu inicio, unha comunicación dirixida á correspondente xefatura territorial da consellaría competente en materia de sanidade.

3. Durante a realización das obras garantirase a adecuada prestación da atención farmacéutica, ademais do cumprimento das condicións hixiénico-sanitarias dos medicamentos e produtos sanitarios.

4. As obras deberán iniciarse no prazo máximo de seis meses desde o outorgamento da autorización ou desde a presentación da comunicación, segundo o caso. O transcurso do dito prazo sen que se iniciasen as obras será causa de caducidade da autorización ou, no caso de obras sometidas a comunicación, determinará a necesidade de presentar unha nova comunicación.

4 bis. En función das condicións das obras e do seu impacto na atención na oficina de farmacia, a autorización das ditas obras poderá supoñer o peche daquela durante o tempo en que se estendan estas. Nestes casos, de existir un prexuízo severo para o acceso poboacional ao servizo farmacéutico, especialmente nos núcleos poboacionais rurais cunha única oficina de farmacia, poderase autorizar un traslado provisional da oficina.

NON TEN EMENDAS



DITAME DA COMISI3N:

Secci3n 7^a. Transmisi3n e peche

NON SE PRESENTARON EMENDAS

DITAME DA COMISIÓN:

Artigo 42. Transmisión inter vivos

1. A transmisión inter vivos, total ou parcial, de oficinas de farmacia está suxeita a autorización administrativa, que se outorgará de acordo cos requisitos de procedemento que se determinen regulamentariamente.

2. A transmisión dunha oficina de farmacia a favor doutro/a/s farmacéutico/a/s só poderá levarse a cabo cando leve aberta ao público, baixo titularidade do/da/s transmitente/s, un mínimo de tres anos, contados desde a data da autorización de funcionamento, agás nos supostos de declaración xudicial de ausencia, incapacitación física ou xurídica do/da/s farmacéutico/a/s titular/es ou dun/dunha dos/das titulares da oficina de farmacia, nos que bastará que a oficina estea aberta ao público na data de produción destas circunstancias, as cales deberán quedar acreditadas no expediente. Tamén se considerarán excepción a este período de tempo mínimo a declaración da oficina de farmacia como de viabilidade económica comprometida ou a solicitude por parte do/da titular ou cotitulares da oficina de farmacia da declaración dun concurso de acredores.

3. A transmisión das oficinas de farmacia adxudicadas a partir da entrada en vigor desta lei polo procedemento de concurso público só poderá levarse a cabo cando leven abertas ao público un mínimo de quince anos, contados desde a data da autorización de funcionamento. Nos supostos de declaración xudicial de ausencia ou incapacitación xudicial do/da farmacéutico/a titular ou dun/dunha dos/das titulares, bastará que a oficina estea aberta ao público na data de produción destas circunstancias, as cales deberán quedar acreditadas no expediente.

4. No caso de cotitularidade, na transmisión onerosa e ao amparo dos artigos 1521 e seguintes do Código civil, terán dereito de retracto legal o/a farmacéutico/a cotitular ou, se é o caso, os/as farmacéuticos/as cotitulares proporcionalmente ás súas cotas de participación.

EMENDAS MANTIDAS:

-Do G.P. Bloque Nacionalista Galego.

Emenda nº34, ao apartado 2.a), de Adición.

Emenda de adición, subapartado a) do apartado 2 do artigo 42

No apartado 2 engadir un novo subapartado a) co seguinte texto:

"a) A transmisión das oficinas de farmacia estará suxeita a autorización da consellaría competente en materia de sanidade. Previamente á transmisión, a persoa transmitente comunicaralle á Administración sanitaria o prezo e as demais condicións xerais da transmisión."

-Do G.P. Bloque Nacionalista Galego.

Emenda nº35, ao apartado 2.b), de Adición.

Emenda de adición subapartado b) do apartado 2 do artigo 42

Engadir un novo subapartado b) no apartado 2 co seguinte texto:

"b) A Administración sanitaria fará pública, mediante anuncio no *Diario Oficial de Galicia*, a apertura dun concurso de méritos para determinar a orde de preferencia para a transmisión entre todas as persoas que acepten as condicións da oferta efectuada polo/a transmitente, nos termos en que figure reflectida esta no expediente administrativo. A transmisión autorizarase, unha vez valorados os méritos das persoas solicitantes, en favor da que alcance maior puntuación."

DITAME DA COMISIÓN:

Artigo 43. Transmisión mortis causa

1. No caso de falecemento do/da farmacéutico/a titular ou cotitular da oficina de farmacia, os/as adquirentes mortis causa deberán comunicar a súa vontade, ou non, de nomeamento de farmacéutico/a rexente para efectos de continuar coa oficina de farmacia, agás no suposto que, no caso de cotitularidade, se recolle no artigo 19.2.

A dita comunicación formularase no prazo máximo de vinte días desde o falecemento e deberá ser acompañada da solicitude de nomeamento de rexente. De non se facer neste tempo e modo, a Administración sanitaria iniciará de oficio o expediente de peche da oficina de farmacia.

2. No caso de optar polo nomeamento dun/dunha farmacéutico/a rexente, ata que este non se produza, se a oficina de farmacia non conta con farmacéuticos/as adicionais, deberá permanecer pechada ata a incorporación do/da farmacéutico/a rexente, de acordo co previsto no artigo 19.3.

3. No suposto de falecemento do/da farmacéutico/a titular ou cotitular, poderán ser titulares ou cotitulares da autorización relativa á oficina de farmacia, nos termos nos que o for a persoa falecida, o/a cónxuxe ou algún/algunha dos/das herdeiros/as en primeiro grao, sempre que sexan farmacéuticos/as e cumpran os demais requisitos exixidos para ser titular.

4. No suposto de transmisión mortis causa, o/a cotitular poderá exercer o seu dereito de retracto legal respecto dunha terceira persoa nos termos previstos na lexislación civil, agás no suposto de que a transmisión se produza a favor do/da cónxuxe ou calquera dos/das herdeiros/as en primeiro grao que, no momento do falecemento do/da cotitular, sexa licenciado/a en Farmacia ou estea cursando estudos de Farmacia, sempre que finalicen estes no prazo de cinco anos.

EMENDAS MANTIDAS:

-Do G.P. Bloque Nacionalista Galego.
Emenda nº36, ao apartado 1, de Substitución.



Emenda de substitución, apartado 1 do artigo 43

No apartado 1, no segundo parágrafo substituír: “solicitud de nomeamento”, por: “proposta de nomeamento”.

-Do G.P. Bloque Nacionalista Galego.

Emenda nº37, ao apartado 2, de Supresión.

Emenda de supresión, apartado 2 do artigo 43

Suprimir o apartado 2.

DITAME DA COMISIÓN:

Artigo 44. Regras aplicables ás transmisións inter vivos

1. As transmisións inter vivos estarán suxeitas ás seguintes regras:

a) As oficinas de farmacia non poderán transmitirse desde o momento no que a persoa titular presentase solicitude de participación no concurso público de traslados para o outorgamento de autorización respecto doutra oficina de farmacia. Esta limitación manterase ata o esgotamento da vía administrativa en relación co dito concurso público, ou, no caso de recurso, na vía xurisdiccional, ata que recaia sentenza firme.

b) O outorgamento, por resolución firme na vía administrativa, da autorización para a instalación dunha nova oficina de farmacia a quen xa for titular doutra determinará a perda automática da autorización relativa a esta última. En consecuencia, non se poderán autorizar as transmisións que, respecto dela, pretenda efectuar aquel/a, agás no caso de anulación xudicial daquela resolución de autorización.

c) Nos casos de peche provisional obrigatorio dunha oficina de farmacia por inhabilitación profesional ou condena a pena privativa de liberdade que supoña o ingreso efectivo en prisión imposta á persoa titular da oficina de farmacia por sentenza penal firme, esta non poderá transmitir a dita oficina de farmacia durante o tempo no que esta permaneza clausurada.

2. O incumprimento do previsto nas alíneas a) e c) do número anterior será constitutivo de infracción nos termos previstos na lei.

NON SE PRESENTARON EMENDAS

DITAME DA COMISIÓN:

Artigo 45. Peche provisional

1. As oficinas de farmacia poderán pechar voluntariamente, e de maneira provisional, logo de autorización, nos casos determinados regulamentariamente.

O peche voluntario provisional dunha oficina de farmacia soamente poderá autorizarse no caso de que quede garantida a prestación da asistencia farmacéutica, debendo presentarse a solicitude cunha antelación de polo menos un mes respecto da data en que o peche vaia producirse.

2. Procederase ao peche provisional obrigatorio dunha oficina de farmacia nos seguintes casos:

a) Por incumprimento dos requisitos exixidos por razóns de sanidade, hixiene e seguridade ou pola concorrencia de circunstancias negativas no funcionamento das oficinas de farmacia das que poidan derivar actuacións susceptibles de prexudicar a saúde da cidadanía.

b) Cando non estiver presente un/unha farmacéutico/a en horario de apertura ao público da oficina de farmacia.

c) Por inhabilitación profesional ou condena a pena privativa de liberdade que supoña ingreso efectivo en prisión impostas á persoa titular da oficina de farmacia por sentenza penal firme, por tempo non superior a dous anos, cando aquela sexa a titular única da oficina de farmacia e non solicitase o nomeamento de substituto/a.

d) No caso de imposición, por acordo do Consello da Xunta, da sanción accesoria de peche provisional temporal da oficina de farmacia, de acordo co sinalado no artigo 75.7.

3. Nos casos de peche provisional obrigatorio adoptaranse as medidas necesarias para garantir a atención farmacéutica.

4. O peche provisional dunha oficina de farmacia non poderá exceder dous anos. Se transcorrido ese prazo persisten as causas que o motivaron, procederase á incoación, de oficio, do expediente de peche definitivo da oficina de farmacia.

NON SE PRESENTARON EMENDAS

DITAME DA COMISIÓN:

Artigo 46. Peche definitivo

1. O peche definitivo da oficina de farmacia poderá ser voluntario ou obrigatorio.

2. O peche definitivo voluntario dunha oficina de farmacia está suxeito a autorización administrativa.

3. Son causas do peche definitivo obrigatorio das oficinas de farmacia:

a) A imposición del por sentenza xudicial firme.

b) A imposición del por resolución administrativa firme.

c) A inhabilitación profesional ou a condena a pena privativa de liberdade do/da titular ou cotitulares da oficina de farmacia, mediante sentenza firme ditada nun procedemento penal seguido na súa contra por un delito relacionado directamente coa súa actividade profesional.

d) A non transmisión da oficina de farmacia no prazo máximo de duración do réxime de rexencia establecido nos casos de falecemento, incapacidade permanente non parcial, incapacitación xudicial ou declaración xudicial de ausencia da persoa titular ou cotitulares, agás no suposto previsto no artigo 19.2.

e) A xubilación total do/da farmacéutico/a titular da oficina de farmacia sen tela transmitido previamente. Neste caso, o procedemento de peche poderá incoarse de oficio ou por instancia de parte, debendo neste caso formularse a solicitude de peche dela no prazo máximo de vinte días desde a declaración de xubilación.

f) A falta de nomeamento dun/dunha farmacéutico/a rexente nos temos previstos nos artigos 19 e 22.

g) A caducidade, perda ou revogación da autorización de instalación da oficina de farmacia.

h) O transcurso do prazo de dous anos cando subsistan as causas que deron lugar ao peche provisional da oficina de farmacia.

EMENDAS MANTIDAS:

-Do G.P. Bloque Nacionalista Galego.
Emenda nº38, ao apartado 2, de Adición.

Emenda de adición, apartado 2 do artigo 46

No apartado 2 engadir ao final o seguinte texto:

"Antes de autorizar o peche definitivo voluntario dunha oficina de farmacia esta sacrase a concurso para garantir a asistencia sanitaria ás persoas usuarias e aos/ás doentes".

-Do G.P. Bloque Nacionalista Galego.
Emenda nº39, ao apartado 3 bis), de Modificación.

Emenda de modificación, apartado 3 bis) do artigo 46

Engadir un novo punto 3 bis) co seguinte texto:

"3 bis). Serán motivo para revogar a autorización e sacar a concurso unha oficina de farmacia os seguintes supostos:"

Pasando os subapartados c) d) e) f) g) e h) a ser números respectivamente a) b) c) d) e) f)

DITAME DA COMISIÓN:

CAPÍTULO II

As boticas anexas

Artigo 47. Definición

1. Enténdese por botica anexa o establecemento sanitario autorizado no que se presta atención farmacéutica a unha determinada poboación dunha zona farmacéutica debido á concorrencia dalgún dos supostos previstos no artigo seguinte.
2. A botica anexa estará en todo caso vinculada a unha oficina de farmacia. A persoa titular da dita oficina de farmacia será responsable da dirección técnica e está obrigada á administración, subministración e reposición dos medicamentos e produtos sanitarios que se dispensen nela.
3. O/A farmacéutico/a titular da oficina de farmacia á que a botica anexa estea vinculada será responsable da adquisición dos medicamentos e produtos sanitarios e da vixilancia, control e custodia das receitas dispensadas.
4. A expresión «Botica anexa» será de utilización exclusiva para estes establecementos, os cales deberán estar tamén sinalizados cunha cruz verde, idéntica á exixida para as oficinas de farmacia.

NON SE PRESENTARON EMENDAS

DITAME DA COMISIÓN:

Artigo 48. Condicións para a apertura

1. Nas parroquias e lugares onde non poida instalarse unha oficina de farmacia porque non se cumpran os requisitos exixidos legalmente e se dean circunstancias de afastamento, difícil comunicación coa oficina de farmacia máis próxima ou altas concentracións de poboación temporais ou cando concorran situacións de emerxencia que o fagan aconsellable, poderá autorizarse a apertura dunha botica anexa.

2. Así mesmo, no mapa farmacéutico **deberán** indicarse aquelas que terán vinculada unha botica anexa situada nunha zona especial de difícil accesibilidade.

3. Tamén poderá autorizarse a apertura dunha botica anexa para prestar a atención farmacéutica naqueles casos nos que o outorgamento dunha autorización de traslado ou a situación de peche dunha oficina de farmacia dificulte o acceso á atención farmacéutica da poboación.

4. Os requisitos para a instalación de boticas anexas, o procedemento de autorización e o seu réxime de funcionamento e horario mínimo de apertura, así como a súa clausura ou peche, regularanse mediante norma regulamentaria.

EMENDAS MANTIDAS:

-Do G.P. Bloque Nacionalista Galego.
Emenda nº40, ao apartado 1, de Adición.

Emenda de adición, apartado 1 do artigo 48

No apartado 1 engadir despois de: "afastamento", o seguinte:
"falta de equidade".

-Do G.P. Socialistas de Galicia.
Emenda nº52, ao apartado 1 bis), de Adición.

Débase engadir un novo punto no artigo 48, que quedará redactado co seguinte contido:

"1 bis). O procedemento para a autorización dunha botica anexa poderase iniciar por petición dos órganos de goberno do



concello no que estea radicado o núcleo de poboación onde se pretenda instalar ou de oficio pola Administración sanitaria."

DITAME DA COMISIÓN:

Artigo 49. Vinculación da botica anexa

1. A botica anexa estará vinculada á oficina de farmacia máis próxima entre as existentes na mesma zona farmacéutica. Nos supostos de renuncia ou non aceptación da vinculación por parte da persoa titular ou cotitulares da oficina de farmacia, a botica anexa poderá vincularse con outra oficina de farmacia da mesma zona farmacéutica, podendo ser vinculada, na súa falta ou no caso de non aceptación da vinculación, á oficina de farmacia máis próxima doutra zona farmacéutica lindante, sempre que a persoa titular ou cotitulares o acepten. Por razóns de interese xeral debidamente xustificadas, poderá autorizarse a vinculación da botica anexa tendo en conta outras circunstancias que se determinen regulamentariamente.

2. A botica anexa estará baixo a responsabilidade do/da farmacéutico/a titular da oficina á que se atope vinculada, que asegurará a cobertura da asistencia farmacéutica de acordo coas necesidades para as cales foi establecida, así como a correcta almacenaxe, custodia e conservación dos medicamentos e produtos sanitarios e a vixilancia, control e custodia das receitas dispensadas.

A dispensación de medicamentos será realizada por un/unha farmacéutico/a, coa colaboración, se é o caso, dun/dunha técnico/a ou auxiliar de farmacia.

3. A transmisión dunha oficina de farmacia que teña vinculada unha botica anexa deberá incluír, como requisito inescusable, esta última.

EMENDAS MANTIDAS:

-Do G.P. Bloque Nacionalista Galego.
Emenda nº41, ao apartado 3 bis), de Adición.

Emenda de adición, apartado 3 bis) do artigo 49

Engadir un novo apartado 3 bis) co seguinte texto:

"3 bis). A atención da botica anexa será realizada por farmacéutico/a que preste os seus servizos na oficina de



farmacia titular, debendo garantir o/a titular o servizo en ambos os establecementos con farmacéutico/a titular."

DITAME DA COMISIÓN:

Artigo 50. Peche da botica anexa

1. O peche definitivo dunha oficina de farmacia que teña vinculada unha botica anexa determinará o peche definitivo desta última. Non obstante, se persiste a necesidade da botica anexa, a consellaría competente en materia de sanidade vinculará esta á oficina de farmacia máis próxima da mesma zona farmacéutica ou, no caso de non aceptación desta, á oficina de farmacia máis próxima doutra zona farmacéutica.

2. A desaparición das circunstancias que determinaron a apertura dunha botica anexa será causa de peche desta, **deberá ser comunicada ao concello correspondente e terá a súa correspondente indicación no mapa farmacéutico.**

NON TEN EMENDAS

DITAME DA COMISIÓN:

CAPÍTULO III

A atención farmacéutica nas estruturas de atención primaria

Artigo 51. Disposicións xerais

De acordo cos artigos 3.6 e 83 do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo, no nivel de atención primaria, as unidades de farmacia dos centros de atención primaria prestarán a atención farmacéutica necesaria para que o equipo multidisciplinario de atención á saúde dispoña dos medios terapéuticos necesarios para a súa aplicación dentro das ditas institucións e para a custodia, conservación e dispensación dos medicamentos que exixan unha particular vixilancia, supervisión e control do equipo multidisciplinario de atención á saúde.

NON SE PRESENTARON EMENDAS

DITAME DA COMISIÓN:

Artigo 52. Condicións e requisitos

1. Estableceranse regulamentariamente os requisitos para a creación e o funcionamento das unidades de farmacia previstas no artigo anterior, así como os recursos humanos, materiais e técnicos con que terán que contar.
2. Deberán constituírse depósitos de medicamentos nos centros do sistema sanitario público de atención primaria para o seu uso interno, baixo a responsabilidade dun servizo de farmacia hospitalario ou dunha unidade de farmacia dun centro de atención primaria, debendo quedar aqueles baixo a supervisión dun/dunha farmacéutico/a, que contará coa asistencia do persoal técnico, se é o caso, e demais persoal que precise, segundo o volume de actividade asistencial.

NON TEN EMENDAS

DITAME DA COMISIÓN:

Artigo 53. Funcións das unidades de farmacia de atención primaria

1. Son funcións das unidades de farmacia de atención primaria:

a) Garantir e asumir a responsabilidade técnica da adquisición, calidade, correcta conservación, cobertura das necesidades, custodia, preparación de fórmulas maxistrais e preparados oficinais e dispensación dos medicamentos para ser aplicados dentro dos centros de atención primaria e daqueles para os que se exixa unha particular vixilancia, supervisión e control, segundo se establece no artigo 103 da Lei 14/1986, do 25 de abril, xeral de sanidade, e nas disposicións regulamentarias que o desenvolven.

b) Establecer un sistema eficaz e seguro de distribución de medicamentos e produtos sanitarios nos centros e estruturas ao seu cargo.

c) Colaborar no establecemento de sistemas de información sobre xestión de farmacoterapia a partir de estratexias que inclúan aspectos clínicos, de efectividade, seguridade e eficiencia da utilización dos medicamentos e proporcionar unha correcta información e formación sobre medicamentos e produtos sanitarios aos/ás profesionais sanitarios/as.

d) Desenvolver protocolos e guías farmacoterapéuticas que garantan a correcta asistencia farmacoterapéutica aos/ás pacientes, en especial no referente á selección de medicamentos e á continuidade dos tratamentos e sistemas de apoio á toma de decisións clínicas en farmacoterapia.

e) Revisar a medicación nas persoas usuarias do seu ámbito, para detectar ou prever eventos adversos, garantir a adecuación terapéutica e mellorar a adherencia ao tratamento, e contribuír, como parte do equipo multidisciplinario, a que as persoas usuarias obteñan o mellor resultado en saúde derivado da utilización de medicamentos.

f) Establecer un sistema de seguimento farmacoterapéutico das persoas usuarias que contribúa a garantir a adherencia e persistencia terapéutica nos programas de conciliación da medicación, impulsando a coordinación farmacoterapéutica

entre diferentes estruturas sanitarias e niveis asistenciais, así como a integración e a continuidade asistencial.

g) Realizar a homologación sanitaria dos tratamentos prescritos.

h) Colaborar na avaliación de resultados en saúde derivada da utilización dos medicamentos na práctica clínica real, da incorporación da innovación terapéutica e tecnolóxica e das políticas sanitarias.

i) Participar en proxectos e comités de investigación e promover unha investigación clínica en farmacoterapia de calidade e adecuada ás necesidades dos/das pacientes, garantindo a correcta custodia e dispensación dos produtos en fase de investigación clínica.

j) Formar parte das comisións relativas ao uso racional do medicamento ou doutros produtos farmacéuticos, en especial a Comisión Autónoma Central de Farmacia e Terapéutica.

k) Impulsar a coordinación e o traballo en equipo e a colaboración cos hospitais e servizos de atención especializada, coa finalidade de asegurar a calidade da prestación farmacéutica mediante o seguimento dos tratamentos prescritos polo/a médico/a.

l) Establecer programas que potencien un uso seguro dos medicamentos.

m) Impulsar e participar en programas de educación da poboación sobre medicamentos, o seu emprego racional e a prevención do seu abuso.

n) Promover a notificación de incidentes relacionados co uso de medicamentos a través dos sistemas de notificación existentes.

ñ) Realizar cantas funcións poidan redundar nun mellor uso e control dos medicamentos, mediante estratexias de colaboración entre os equipos de atención primaria e os/as profesionais sanitarios/as dos distintos niveis asistenciais, e calquera outra que se estableza na normativa que lles resulte aplicable.



2. Todo o anterior será así mesmo aplicable para os produtos sanitarios, agás naqueles supostos onde resulte imposible a súa aplicación pola propia natureza do produto.

3. As ditas funcións serán realizadas baixo a responsabilidade dun/dunha farmacéutico/a, que contará con medios materiais e persoais suficientes para o seu desenvolvemento.

NON SE PRESENTARON EMENDAS

DITAME DA COMISIÓN:

TÍTULO III

A atención farmacéutica nos hospitais, centros **sociosanitarios** e outros centros, servizos e establecementos sanitarios

Artigo 54. Atención farmacéutica nos hospitais e centros **sociosanitarios**

A atención farmacéutica nos hospitais e centros **sociosanitarios** levarase a cabo a través dos servizos de farmacia hospitalaria propios e dos depósitos de medicamentos e produtos sanitarios. Neles os/as farmacéuticos/as responsables desenvolverán as funcións previstas nesta lei, prestando un servizo integrado con outras actividades da atención hospitalaria ou sociosanitaria.

EMENDAS MANTIDAS:

-Do G.P. Bloque Nacionalista Galego.
Emenda nº44, ao apartado 1 bis), de Adición.

Emenda de adición, apartado 1 bis) do artigo 54

Engadir un novo apartado 1 bis) co seguinte texto:

"1 bis). Para os efectos desta lei terán a consideración de centros sociosanitarios aqueles que atendan sectores de poboación tales como persoas maiores, discapacitadas, internas en centros penitenciarios e calquera outra cuxas condicións de saúde requiran, ademais da atención social, determinada asistencia sanitaria."

DITAME DA COMISIÓN:

Artigo 55. Servizos de farmacia hospitalaria propios dos hospitais e centros **sociosanitarios**

Será obrigatorio o establecemento dun servizo de farmacia hospitalaria propio en:

- a) Todos os hospitais que teñan cen ou máis camas.
- b) Os centros **sociosanitarios** con cen ou máis camas en réxime de asistidos/as.

Malia o anterior, a consellaría competente en materia de prestación farmacéutica poderá establecer acordos ou convenios cos centros mencionados nas alíneas a) e b) eximíndoos da dita exigencia, sempre e cando dispoñan dun depósito de medicamentos e produtos sanitarios vinculado ao servizo de farmacia do hospital da rede pública que sexa o de referencia na área sanitaria correspondente.

EMENDAS MANTIDAS:

-Do G.P. Bloque Nacionalista Galego.
Emenda nº45, ao apartado a), de Supresión.

Emenda de supresión, apartado a) do artigo 55

No apartado a) eliminar: “que teñan máis de 100 camas”.

-Do G.P. En Marea.
Emenda nº15, ao apartado b), de Supresión.

Débase suprimir na letra b) a seguinte expresión:
“...en réxime de asistidos/as.”

-Do G.P. Bloque Nacionalista Galego.
Emenda nº46, ao apartado b), de Supresión.

Emenda de supresión, apartado b) do artigo 55

No apartado b) eliminar “letra a)”.

DITAME DA COMISIÓN:

Artigo 56. Funcións dos servizos de farmacia hospitalaria propios dos hospitais e centros **sociosanitarios**

Os servizos de farmacia hospitalaria propios dos hospitais e centros **sociosanitarios** terán, ademais das funcións previstas na normativa estatal aplicable, as seguintes:

- a) Participar, a través da comisión de farmacia e terapéutica do centro, no proceso multidisciplinario da selección de medicamentos e produtos sanitarios precisos para a correcta atención farmacéutica, baixo criterios de seguridade, calidade e custo/efectividade, recollidos na guía farmacoterapéutica de obrigada difusión, que deberá actualizarse periodicamente.
- b) Garantir e asumir a responsabilidade técnica da adquisición, calidade, correcta conservación, cobertura das necesidades, custodia, preparación de fórmulas maxistrais e preparados oficinais e dispensación dos medicamentos precisos para as actividades intrahospitalarias e daqueles outros para tratamentos extrahospitalarios, conforme o establecido no artigo 3.6 do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo.
- c) Establecer un sistema eficaz e seguro de distribución de medicamentos, tomar as medidas para garantir a súa correcta conservación, dispoñibilidade, preparación, administración, rastrexabilidade e reposición, custodiar e dispensar os produtos en fase de investigación clínica e velar polo cumprimento da lexislación sobre medicamentos de substancias psicoactivas ou de calquera outro medicamento que requira un control especial.
- d) Establecer un sistema de dispensación de todos aqueles medicamentos previstos no artigo 3.6.b) e c) do Real decreto lexislativo 1/2015, do 24 de xullo, que favoreza a atención farmacéutica individualizada e que permita detectar ou previr eventos adversos, garantir a adecuación terapéutica e mellorar a adherencia ao tratamento, e que contribúa a que as persoas usuarias obteñan o mellor resultado en saúde derivado da utilización de medicamentos e permita adaptarse ás novas necesidades asistenciais e aos avances das tecnoloxías da información e comunicación.

- e) Participar no seguimento farmacoterapéutico das persoas usuarias que contribúa a garantir a adherencia e persistencia terapéutica nos programas de conciliación da medicación, impulsando a coordinación farmacoterapéutica entre diferentes estruturas sanitarias e niveis asistenciais, así como a integración e a continuidade asistencial.
- f) Formar parte das comisións das correspondentes estruturas sanitarias en que poidan ser útiles os seus coñecementos para a selección e avaliación científica dos medicamentos e os criterios de uso, así como formar parte e coordinarse e colaborar coa Comisión Autónoma Central de Farmacia e Terapéutica.
- g) Participar no desenvolvemento, implantación e seguimento de protocolos terapéuticos e da guía farmacoterapéutica co fin de conseguir a farmacoterapia máis segura e eficiente, en condicións de equidade e homoxeneidade, e de promover o uso racional do medicamento no hospital e na súa área de influencia.
- h) Realizar a homologación sanitaria dos tratamentos prescritos.
- i) Colaborar na avaliación de resultados en saúde derivada da utilización dos medicamentos na práctica clínica real, da incorporación da innovación terapéutica e tecnolóxica e das políticas sanitarias.
- j) Establecer un servizo de información de medicamentos para todo o persoal do hospital, estudos sistemáticos de utilización de medicamentos e actividades de farmacocinética clínica e todas aquelas actividades da súa competencia que redunden no mellor coidado, axuste posolóxico, terapias de soporte e estado nutricional das persoas usuarias.
- k) Colaborar na formación pre e posgraduada de profesionais sanitarios/as.
- l) Efectuar traballos de investigación propios ou en colaboración con outras unidades ou servizos e participar nos ensaios clínicos con medicamentos.
- m) Colaborar coas estruturas de atención primaria e atención hospitalaria da súa área de influencia no desenvolvemento das súas funcións co fin de garantir unha farmacoterapia integrada e unha continuidade asistencial.

n) Colaborar nos programas que se establezan na súa área sobre o uso racional e seguro do medicamento, así como en programas de formación das persoas usuarias e coidadores/as sobre o uso dos medicamentos e a súa participación activa nos tratamentos.

ñ) Establecer un sistema de farmacovixilancia intrahospitalario e promover a notificación de incidentes relacionados co uso de medicamentos a través dos sistemas de notificación existentes.

o) Participar e coordinar a xestión das compras de medicamentos e produtos sanitarios das estruturas organizativas de xestión integrada para efectos de asegurar a eficiencia daquela.

p) Realizar cantas funcións poidan redundar nun mellor uso e control dos medicamentos mediante estratexias de colaboración entre os/as profesionais sanitarios/as dos distintos niveis asistenciais e calquera outra que se estableza.

NON TEN EMENDAS

DITAME DA COMISIÓN:

Artigo 57. Recursos materiais e humanos dos servizos de farmacia hospitalaria propios

1. Os servizos de farmacia hospitalaria propios deberán dispoñer dunha superficie adecuada en relación coa actividade desenvolvida.
2. Os servizos de farmacia hospitalaria propios dos hospitais contarán cunha área diferenciada de atención das persoas usuarias externas, para preservar a confidencialidade e privacidade.
3. Os servizos de farmacia hospitalaria propios dos hospitais e centros **sociosanitarios** estarán baixo a titularidade e responsabilidade dun/dunha farmacéutico/a especialista en Farmacia Hospitalaria.
4. Dependendo do volume, das actividades e do tipo de centro, fixarase por norma regulamentaria o número de farmacéuticos/as adicionais, de técnicos/as ou auxiliares en farmacia e de persoal administrativo e subalterno necesarios para desenvolver con normalidade o funcionamento do servizo.
5. Todos/as os/as farmacéuticos/as que exerzan a súa actividade nos servizos de farmacia hospitalaria propios estarán en posesión do título de especialista en Farmacia Hospitalaria.

NON TEN EMENDAS

DITAME DA COMISIÓN:

Artigo 58. Depósitos de medicamentos e produtos sanitarios

1. Os hospitais e os centros **sociosanitarios** que presten asistencia sanitaria específica que non contén cun servizo de farmacia hospitalario propio e que non estean obrigados a telo deberán dispoñer dun depósito, que estará vinculado a un servizo de farmacia hospitalaria do distrito sanitario e baixo a responsabilidade da persoa que exerza a xefatura do dito servizo, no caso dos hospitais ou centros **sociosanitarios** do sector público. No caso de que se trate dun hospital ou centro **sociosanitario** do sector privado, o depósito estará vinculado a unha oficina de farmacia establecida na mesma zona farmacéutica ou a un servizo de farmacia hospitalario.

Os hospitais e centros **sociosanitarios** cos que se formalicen os acordos ou convenios aos que se refire o artigo 55 deberán dispoñer dun depósito de medicamentos vinculado ao servizo de farmacia hospitalaria do hospital da rede pública que sexa o de referencia na área sanitaria correspondente.

2. Os centros e servizos sanitarios nos que polo elevado volume de medicamentos utilizado ou polas características farmacolóxicas deles ou ben por motivos de saúde pública se considere necesario que deben dispoñer dun depósito serán determinados regulamentariamente. Igualmente, poderá autorizarse a existencia de depósitos noutros centros e establecementos sanitarios onde se leven a cabo tratamentos específicos para determinados tipos de usuarios/as, cando as características dos tratamentos ou as necesidades asistenciais así o exixan.

En todo caso, os citados depósitos deberán estar vinculados a algún dos establecementos ou servizos enumerados no artigo 3.6 do texto refundido da Lei de garantías e uso racional dos medicamentos e produtos sanitarios, aprobado polo Real decreto legislativo 1/2015, do 24 de xullo, aos cales corresponderá a custodia, conservación e dispensación de medicamentos de uso humano.

3. O depósito, dependendo da súa vinculación, será atendido por un/unha farmacéutico/a do servizo de farmacia do distrito sanitario, se é o caso, por un/unha farmacéutico/a do servizo de farmacia hospitalaria do hospital da rede pública que sexa o de referencia na área sanitaria correspondente para os

hospitais e centros **sociosanitarios** que formalicen acordos ou convenios de conformidade co disposto no número 1 ou polo/a farmacéutico/a titular da oficina de farmacia coa que o centro estea vinculado.

4. O/A farmacéutico/a responsable do depósito, coa colaboración do persoal técnico ou auxiliar de farmacia necesario, realizará as funcións seguintes:

a) Garantir a correcta conservación, custodia e dispensación de medicamentos e produtos sanitarios para a súa aplicación dentro do centro, establecemento ou servizo.

b) Asegurar un sistema eficaz e seguro de dispensación de medicamentos e produtos sanitarios no centro, establecemento ou servizo, coa implantación de medidas que contribúan a garantir a súa correcta administración.

c) Establecer as normas de acceso ao depósito para o persoal previamente autorizado, que será aquel que determine o servizo de farmacia responsable do depósito.

d) Informar o persoal sanitario do centro, establecemento ou servizo e os/as propios/as pacientes en materia de medicamentos, así como realizar estudos de utilización de medicamentos.

e) Colaborar coa comisión de farmacia e terapéutica do centro e cos comités éticos de investigación clínica, así como con outras comisións do centro hospitalario de referencia nas que os seus coñecementos poidan ser útiles.

f) Garantir as existencias necesarias para que a dispensación de medicamentos quede cuberta as vinte e catro horas do día.

5. Os depósitos deberán dispoñer dunha superficie adecuada en relación coa actividade desenvolvida e deberán contar co persoal necesario para poder levar a cabo as súas funcións.

EMENDAS MANTIDAS:

-Do G.P. Bloque Nacionalista Galego.
Emenda nº50, ao apartado 1, de Supresión.

Emenda de supresión, apartado 1 do artigo 58

Suprimir en todo o apartado 1: "Os hospitais".

-Do G.P. Bloque Nacionalista Galego.
Emenda nº51, ao apartado 1, de Supresión.

Emenda de supresión, apartado 1 do artigo 58

No apartado 1 suprimir a partir de: "No suposto de que se trate", até o fina do parágrafo.

-Do G.P. En Marea.
Emenda nº16, ao apartado 1, de Adición.

Débese engadir ao final do primeiro parágrafo do apartado 1 a seguinte expresión:

"No caso dos centros de carácter privado, o servizo non supoñerá un custo para a Administración pública, establecendo as medidas pertinentes para tal fin."

DITAME DA COMISIÓN:

Artigo 58 bis). Atención farmacéutica en institucións penitenciarias

1. Os centros penitenciarios deberán establecer servizos de farmacia ou depósitos de medicamentos, que reunirán os requisitos xerais establecidos nos artigos 57 e 58 e serán debidamente autorizados nos termos que regulamentariamente se determinen.

2. Os depósitos de medicamentos destes centros poderán vincularse aos servizos farmacéuticos doutros centros penitenciarios ou aos servizos de farmacia de hospitais da rede pública.

3. As funcións de tales unidades asistenciais serán as establecidas no artigo 56.

NON TEN EMENDAS

DITAME DA COMISIÓN:

TÍTULO IV

Distribución de medicamentos de uso humano e de produtos sanitarios

Artigo 59. Entidades de distribución

1. Conforme o disposto no artigo 67.1 do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo, a distribución dos medicamentos autorizados será realizada a través das entidades de distribución ou directamente polo laboratorio titular da autorización de comercialización destes.

2. As entidades de distribución e, se é o caso, os laboratorios farmacéuticos que distribúan directamente os seus produtos dispoñerán do persoal e dos locais, instalacións e equipos adecuados e suficientes para garantir a correcta conservación e distribución dos medicamentos. As entidades cumprirán os requisitos, as condicións e as obrigas establecidos na normativa vixente e nas normas de boas prácticas de distribución de medicamentos de uso humano.

3. A distribución dos produtos sanitarios efectuarase a través de establecementos que garantan o adecuado almacenamento e conservación dos produtos. Os distribuidores de produtos sanitarios contarán coa organización e medios precisos de conformidade coa normativa específica destes produtos.

4. As entidades de distribución autorizadas pola Administración autonómica non poderán arrendar, subarrendar ou ceder a terceiras persoas os locais ou instalacións destinados ao desenvolvemento das súas actividades.

NON SE PRESENTARON EMENDAS

DITAME DA COMISIÓN:

Artigo 60. Autorización das entidades de distribución de medicamentos de uso humano

1. De conformidade coa normativa básica estatal, as entidades de distribución de medicamentos de uso humano están sometidas a autorización previa ao seu funcionamento.

2. De acordo co artigo 20.4 do Real decreto 782/2013, do 11 de outubro, sobre distribución de medicamentos de uso humano, as entidades de distribución deberán dispoñer para o seu funcionamento, ademais da preceptiva autorización, dun certificado de cumprimento de boas prácticas de distribución en vigor emitido segundo o establecido no artigo 21 do dito real decreto.

3. En relación cos almacéns grosistas e almacéns por contrato domiciliados no territorio da Comunidade Autónoma de Galicia, correspóndenlle á Administración autonómica a competencia para a tramitación e resolución dos procedementos relativos á autorización previa ao seu funcionamento, así como as autorizacións de modificacións relevantes que afecten os locais, equipamentos e actividades, de modificación das condicións autorizadas, de traslado a outras instalacións e de cesamento da súa actividade. Os ditos procedementos de autorización serán regulados a través de norma regulamentaria.

4. Os almacéns grosistas e almacéns por contrato que non estean domiciliados no territorio da Comunidade Autónoma de Galicia pero que desenvolvan nela a súa actividade están suxeitos á obriga de comunicación prevista no artigo 68.1 do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo.

5. Os cambios de titularidade das entidades de distribución de medicamentos de uso humano cuxa autorización sexa competencia autonómica serán comunicados mediante o procedemento que para tal efecto se determine.

6. Igualmente, aquelas entidades que, ademais de medicamentos, distribúan produtos sanitarios deberán realizar unha previa comunicación de inicio de actividade nos termos previstos na normativa específica que resulte aplicable aos



ditos produtos. A modificación de datos e o cesamento de actividade tamén deberán ser comunicados.

NON SE PRESENTARON EMENDAS

DITAME DA COMISIÓN:

Artigo 61. Dirección técnica e persoal adicional das entidades de distribución de medicamentos de uso humano

1. De conformidade co artigo 70 do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo, as entidades de distribución de medicamentos autorizadas dispoñerán dun/dunha director/a técnico/a farmacéutico/a, cuxo cargo será incompatible con actividades de carácter sanitario que supoñan intereses directos coa fabricación ou dispensación de medicamentos ou que vaian en detrimento do adecuado cumprimento das súas funcións, e que deberá cumprir os requisitos previstos no artigo 6 do Real decreto 782/2013, do 11 de outubro.

2. De acordo co artigo 7 do Real decreto 782/2013, do 11 de outubro, o/a director/a técnico/a farmacéutico/a deberá realizar as súas funcións para garantir a aplicación e o cumprimento das boas prácticas de distribución establecidas na Unión Europea, así como da normativa vixente que sexa aplicable. As ditas funcións inclúen as previstas no dito precepto.

3. Conforme o artigo 5 do Real decreto 782/2013, do 11 de outubro, poderán nomearse un/unha ou máis directores/as técnicos/as farmacéuticos/as suplentes, cos mesmos requisitos que o/a titular, ao/á que substituirán na súa ausencia.

4. Correspóndelle á consellaría competente en materia de sanidade, logo da comprobación do cumprimento dos requisitos aplicables, a aceptación do nomeamento dos/das directores/as técnicos/as farmacéuticos/as das entidades de distribución de medicamentos de competencia autonómica e dos/das seus/súas suplentes.

5. Ademais da dirección técnica, as entidades de distribución de medicamentos deberán dispoñer do persoal adicional necesario para garantir a calidade e seguridade nas actividades de distribución incluídas no ámbito da autorización, nos termos previstos na normativa aplicable.

NON SE PRESENTARON EMENDAS

DITAME DA COMISIÓN:

TÍTULO V

Unidades de radiofarmacia

Artigo 62. Disposicións xerais

Os medicamentos radiofármacos de uso humano e as funcións que respecto deles correspondan ás unidades de radiofármacos axustaranse á normativa a eles aplicable.

EMENDAS MANTIDAS:

-Do G.P. En Marea.
Emenda nº17, de Adición.

Débese engadir un novo parágrafo ao inicio do artigo co seguinte texto:

“Os hospitais e centros da rede pública serán abastecidos por unidades de radiofarmacia públicas.”

DITAME DA COMISIÓN:

Artigo 63. Clasificación das unidades de radiofarmacia

As unidades de radiofarmacia poderán ser de dous tipos:

- a) Unidades de radiofarmacia de tipo I, que realizarán as funcións previstas nos números 3 e 4 do artigo 48 do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo, nos termos e condicións previstos na normativa aplicable.

- b) Unidades de radiofarmacia de tipo II, que son aquelas que poden estar instaladas en locais independentes dos servizos ou centros asistenciais e realizarán as funcións previstas nos números 3 , 4 e 5 do artigo 48 do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo, nos termos e condicións previstos na normativa aplicable.

NON SE PRESENTARON EMENDAS

DITAME DA COMISIÓN:

Artigo 64. Autorizacións

A autorización para a apertura, modificación e peche das unidades de radiofarmacia correspóndelle á consellaría competente en materia de sanidade, que establecerá regulamentariamente os procedementos oportunos, podendo así mesmo establecer os controis e as inspeccións que considere necesarios para o seu correcto funcionamento; todo isto sen prexuízo das competencias que correspondan a outros organismos segundo a normativa aplicable.

NON SE PRESENTARON EMENDAS

DITAME DA COMISIÓN:

Artigo 65. Recursos humanos

1. A persoa responsable da unidade de radiofarmacia debe ser un/unha facultativo/a especialista en radiofarmacia. En función do tipo e volume da actividade de preparación de radiofármacos desenvolvida pola unidade, poderá ser necesaria a presenza de facultativos/as especialistas en radiofarmacia adicionais. En todo caso, para o funcionamento da unidade requírese a presenza dun/dunha facultativo/a especialista en radiofarmacia.

2. A persoa responsable da unidade de radiofarmacia levará a cabo as seguintes funcións:

a) Asegurar que a adquisición, conservación, preparación, control de calidade, documentación e dispensación dos radiofármacos se realiza de acordo coa lexislación aplicable na materia.

b) Establecer as instrucións específicas de preparación e control dos radiofármacos, de acordo coa normativa aplicable.

c) Comprobar o correcto mantemento dos locais e equipos utilizados na preparación, control e conservación dos radiofármacos.

d) Garantir a calidade dos radiofármacos preparados e conservar o resultado dos controis e verificacións realizadas.

3. A unidade de radiofarmacia contará ademais co persoal técnico, con formación en preparación e control de radiofármacos así como en protección radiolóxica, en número suficiente para desenvolver a súa actividade de forma adecuada. Todo o persoal facultativo e técnico deberá estar capacitado de conformidade cos requisitos exixidos pola lexislación aplicables en materia de seguridade de instalacións radioactivas e pola restante normativa aplicable.

NON SE PRESENTARON EMENDAS



DITAME DA COMISIÓN:

Artigo 66. Adquisición e dispensación

A adquisición e dispensación de radiofármacos elaborados nas unidades de radiofarmacia non integradas en servizos de farmacia é responsabilidade do servizo de farmacia do centro onde se vaian utilizar.

NON SE PRESENTARON EMENDAS

DITAME DA COMISIÓN:

TÍTULO VI

A distribución e dispensación de medicamentos veterinarios

Artigo 67. A distribución e dispensación de medicamentos veterinarios

1. A distribución e dispensación de medicamentos veterinarios levarase a cabo nos establecementos e servizos e nas condicións que se prevén no artigo 38 do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo, e na restante normativa estatal aplicable, e conforme o disposto nesta lei e na normativa regulamentaria autonómica de desenvolvemento.

2. A dispensación ao público dos medicamentos veterinarios será realizada exclusivamente por:

a) As oficinas de farmacia legalmente establecidas, que, ademais, serán as únicas autorizadas para a elaboración e dispensación de fórmulas maxistrais e preparados oficinais.

b) As entidades ou agrupacións gandeiras autorizadas, sempre que contén cun servizo farmacéutico responsable da custodia, conservación e dispensación destes medicamentos, para o uso exclusivo dos seus membros.

c) Os establecementos comerciais retallistas autorizados, sempre que contén cun servizo farmacéutico responsable da custodia, conservación e dispensación destes medicamentos.

d) As boticas de urxencia de medicamentos veterinarios que, por razóns de urxencia e afastamento, poidan autorizarse, cando non exista nun municipio oficina de farmacia nin outro centro de subministración de medicamentos veterinarios autorizado. Estas boticas poderán estar vinculadas a unha oficina de farmacia, nos termos previstos no artigo 49, ou a calquera outro establecemento ou servizo de dispensación de medicamentos veterinarios autorizado. Neste caso, a dispensación realizarase nos termos establecidos na normativa estatal.

Igualmente, os medicamentos destinados a cans, gatos, animais de terrario, paxaros domiciliarios, peixes de acuario e pequenos roedores que non requiran prescrición veterinaria poderán distribuírse e venderse noutros establecementos, nos termos previstos na normativa básica estatal e na que, con respecto desta, dite a Comunidade Autónoma.

3. As entidades ou agrupacións gandeiras deberán contar cun número de farmacéuticos/as, técnicos/as e auxiliares axeitado ao número de centros de dispensación de medicamentos, nas condicións que regulamentariamente se establezan, así como con programas zosanitarios aprobados polo órgano competente da Comunidade Autónoma.

4. Os establecementos comerciais retallistas autorizados deberán contar con servizos farmacéuticos, que serán responsables da custodia, subministración e control de utilización dos medicamentos veterinarios. Estes centros dispensadores e os do apartado anterior deberán estar identificados coa lenda «Produtos zosanitarios».

5. A dispoñibilidade de medicamentos veterinarios polos/as profesionais da veterinaria para o exercicio da súa actividade profesional rexerase pola normativa básica estatal e polas normas que, en desenvolvemento de tales bases, dite a Comunidade Autónoma.

6. O outorgamento das autorizacións de competencia autonómica relativas aos establecementos e servizos de distribución e dispensación exclusiva de medicamentos veterinarios requirirá autorización previa da consellaría competente en materia de gandería, logo do informe da consellaría competente en materia de sanidade.

A autorización das oficinas de farmacia nas que se dispensen medicamentos veterinarios correspóndelle á consellaría competente en materia de sanidade, conforme o réxime xeral aplicable a tales autorizacións.

Os centros que distribúan medicamentos tanto de uso humano como de uso veterinario serán autorizados pola consellaría competente en materia de sanidade, logo do informe da consellaría competente en materia de gandería.

NON SE PRESENTARON EMENDAS

DITAME DA COMISIÓN:

TÍTULO VII

Os/As profesionais farmacéuticos/as e outro persoal dos establecementos e servizos de atención farmacéutica

Artigo 68. Definición de profesional farmacéutico/a

Para os efectos desta lei, enténdese por profesionais farmacéuticos/as todas aquelas persoas que, posuíndo a titulación correspondente, desenvolvan as súas funcións nos establecementos e servizos de atención farmacéutica regulados nesta lei.

NON SE PRESENTARON EMENDAS

DITAME DA COMISIÓN:

Artigo 69. Formación continuada

1. A consellaría competente en materia de sanidade, en colaboración coas universidades, os colexios oficiais de farmacéuticos/as, as sociedades científicas e outras organizacións profesionais, contribuirá a impulsar a formación continuada dos profesionais farmacéuticos/as e do persoal auxiliar dos establecementos e servizos de atención farmacéutica coa finalidade de ofrecer unha prestación útil e eficiente á cidadanía a través da actualización dos seus coñecementos.
2. Os colexios oficiais de farmacéuticos/as, as sociedades científicas e as organizacións profesionais promoverán e desenvolverán actividades de formación continuada para contribuir á necesaria actualización do coñecemento e das habilidades profesionais do persoal que participa nas actividades de atención farmacéutica.
3. As persoas responsables dos establecementos e servizos de atención farmacéutica facilitarán o acceso do persoal ao seu cargo á formación continuada.

NON SE PRESENTARON EMENDAS

DITAME DA COMISIÓN:

Artigo 70. Incompatibilidades

1. Con carácter xeral, a titularidade dunha oficina de farmacia e o exercicio profesional farmacéutico nos establecementos e servizos de atención farmacéutica é incompatible coa existencia de calquera clase de intereses económicos directos na fabricación e distribución de medicamentos ou de produtos sanitarios, coas excepcións previstas na disposición transitoria segunda do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo.

2. Ademais das incompatibilidades do réxime xeral, o exercicio profesional farmacéutico/a nos establecementos ou servizos de atención farmacéutica regulados nesta lei é incompatible con:

a) O exercicio profesional en calquera outro dos establecementos e servizos de atención farmacéutica regulados nesta lei, coa excepción de boticas anexas e depósitos de medicamentos vinculados ao establecemento ou servizo no que se desenvolve a actividade profesional. Esta incompatibilidade non resultará aplicable no caso de farmacéuticos/as adxuntos/as de oficina de farmacia contratados a tempo parcial, que poderán desenvolver a súa actividade profesional en oficinas de farmacia diferentes, sempre que exista compatibilidade entre os horarios de traballo.

b) O exercicio clínico da medicina, odontoloxía, enfermaría, fisioterapia, podoloxía, veterinaria ou calquera outra actividade profesional que no futuro puiden ser habilitada para a prescrición ou indicación de dispensación de medicamentos.

c) O exercicio profesional nos establecementos autorizados para distribuír ou dispensar medicamentos veterinarios (almacéns grosistas, entidades ou agrupacións gandeiras e establecementos comerciais retalistas).

d) O exercicio profesional nos laboratorios de fabricación de medicamentos de uso humano ou veterinario.

3. En particular, o exercicio profesional do/da farmacéutico/a na oficina de farmacia, sexa como farmacéutico/a titular, cotitular, rexente, substituto/a ou adxunto/a, será incompatible con:

- a) Calquera actividade profesional ou mercantil que impida a presenza física do/da farmacéutico/a durante o horario de atención ao público da oficina de farmacia.
- b) A prestación de servizos retribuídos en calquera administración pública en función de relación laboral, funcionarial ou estatutaria. Esta incompatibilidade non resultará aplicable no caso de farmacéuticos/as exercentes en oficinas de farmacia que teñan a condición de titores/as de prácticas tuteladas e naqueloutros supostos nos que a compatibilidade veña recoñecida pola normativa aplicable.
- c) O exercicio profesional como visitador/a médico/a, representante ou comisionista de entidades de fabricación ou distribución de medicamentos ou de produtos sanitarios ou de produtos da canle farmacéutica.

NON SE PRESENTARON EMENDAS

DITAME DA COMISIÓN:

TÍTULO VIII

Publicidade, promoción e información dos medicamentos e produtos sanitarios

Artigo 71. Garantías na información, promoción e publicidade de medicamentos e produtos sanitarios

1. A consellaría competente en materia de sanidade adoptará as medidas oportunas para garantir que a información, a promoción e a publicidade dos medicamentos e produtos sanitarios destinadas aos/ás profesionais da saúde ou á poboación en xeral se axusten a criterios de veracidade, evitando inducir a unha utilización incorrecta ou a un sobreconsumo.

2. Así mesmo, correspóndelle á dita consellaría o control de calquera publicidade de medicamentos e produtos sanitarios que se difunda especificamente no ámbito da Comunidade Autónoma de Galicia, de conformidade co procedemento que se determine regulamentariamente.

3. Coidará, ademais, de que a información e promoción dirixida a profesionais sanitarios/as no territorio da Comunidade Autónoma de Galicia estea de acordo coa información técnica e científica autorizada pola Axencia Española de Medicamentos e Produtos Sanitarios, e deberá ser rigorosa, ben fundada e obxectiva e non inducir a erro, de acordo coa lexislación vixente, e axustarse á ficha técnica.

4. Tamén terá acceso, para efectos de inspección, a todos os medios de información, promoción e publicidade de medicamentos e produtos sanitarios dirixidos aos/ás profesionais sanitarios/as ou á poboación en xeral, xa sexan escritos, audiovisuais, informáticos ou de calquera outra natureza.

5. No caso das mensaxes publicitarias difundidas no ámbito da Comunidade Autónoma de Galicia, as entidades responsables delas deberán comunicar a súa intención de realizar esta actividade de acordo co procedemento establecido.



NON SE PRESENTARON EMENDAS

EMENDAS MANTIDAS:

-Do G.P. Socialistas de Galicia.
Emenda nº56, de Adición.

Débese engadir un novo artigo 71, que quedará redactado co seguinte contido:

"Artigo 71 bis. A visita médica en centros sanitarios do Servizo Galego de Saúde

1. A información e promoción de medicamentos que se pretenda efectuar nos centros sanitarios dependentes do Servizo Galego de Saúde a través de visita médica realizarase de acordo coa planificación que se estableza e, en calquera caso, sen que se produzan interferencias na correcta atención sanitaria das persoas pacientes nin nas actividades de carácter formativo e docente do persoal profesional sanitario daqueles.

2. Os laboratorios que desexen realizar visita médica nos centros sanitarios do Servizo Galego de Saúde deberán efectuar previamente a correspondente comunicación á consellaría competente en materia de sanidade, nos prazos e de acordo cos requisitos que regulamentariamente se establezan. De igual modo, os centros que desexen recibila deberán poñelo en coñecemento do dito órgano.

3. De tales visitas elaborárase un rexistro, que será desenvolto regulamentariamente e onde deberán constar as principais características da visita efectuada, tales como a relación de medicamentos presentados, a data das visitas, os datos identificativos correspondentes, etc."

EMENDAS MANTIDAS:

-Do G.P. Socialistas de Galicia.
Emenda nº57, de Adición.

Débase engadir un novo artigo 71, que quedará redactado co seguinte contido:

"Artigo 71 ter. Comisión de Farmacia de Galicia

1. A Comisión de Farmacia de Galicia constitúese como o órgano colexiado adscrito á consellaría competente en materia de sanidade, nas cuestións de participación e asesoramento en materia de planificación e ordenación farmacéuticas.

2. A Comisión asumirá as seguintes funcións:

a) Coñecer e emitir informe sobre os proxectos normativos en materia de planificación e ordenación farmacéutica.

b) Coñecer e emitir informe sobre os concursos de oficinas de farmacias.

c) Coñecer as reclamacións recibidas en relación cos distintos servizos e establecementos farmacéuticos.

d) Coñecer e emitir informe en relación cos servizos de urxencias e horarios ampliados.

e) Impulsar a coordinación e cooperación entre as oficinas de farmacia e os servizos farmacéuticos de atención primaria e especializada.

f) Emitir informe sobre o mapa farmacéutico.

g) Coñecer os datos de facturación ao Servizo Galego de Saúde das oficinas de farmacia da Comunidade Autónoma de Galicia. Para tales efectos, o Servizo Galego de Saúde, en colaboración cos colexios oficiais de farmacéuticos/as, elevará á Comisión de Farmacia de Galicia, para o seu coñecemento, a facturación anual de produtos farmacéuticos financiados polo Servizo Galego de Saúde correspondentes ás oficinas de farmacia da Comunidade Autónoma de Galicia.

h) Calquera outra función que lle sexa encomendada en materias da súa competencia.

3. A composición e as normas de funcionamento interno da Comisión serán aprobadas regulamentariamente polo Consello da Xunta de Galicia, por proposta da consellaría competente en materia de sanidade, ben que, necesariamente, deberán estar integrados nela representantes dos colexios oficiais de farmacéuticos/as, dos concellos, das organizacións sindicais representativas do sector e das organizacións de persoas usuarias e consumidoras.

4. Na súa composición respectarase o equilibrio entre homes e mulleres."

EMENDAS MANTIDAS:

-Do G.P. En Marea.
Emenda nº18, de Adición.

Débese engadir entre os actuais Títulos VIII e IX un novo título co seguinte texto:

“Título VIII bis). Laboratorio da Farmacia Pública de Galicia
Artigo 71 bis). Constitución do Laboratorio da Farmacia Pública de Galicia

Por este artigo habilitase a constitución do Laboratorio da Farmacia Pública de Galicia.

A Administración autonómica dotará de recursos suficientes para a posta en marcha e mantemento da dita infraestrutura.

Estableceranse regulamentariamente os recursos humanos, materiais e técnicos dos que dispoñerá, así como as normas de funcionamento interno, sen prexuízo da negociación cos axentes sociais en materia de persoal.

Artigo 71 ter). Obxectivos

A constitución do Laboratorio da Farmacia Pública de Galicia terá como obxectivos:

1. Impulsar a investigación farmacéutica e o I+D+i como un instrumento de mellora da saúde da poboación, tendo en conta as prioridades marcadas polo Plan galego de investigación, desenvolvemento e innovación tecnolóxica e polo Plan de saúde.
 2. Mellorar o acceso equitativo aos fármacos e traballar contra o desabastecemento mediante a produción pública daqueles medicamentos e produtos farmacéuticos permitidos pola lei.
 3. Racionalizar o gasto farmacéutico mediante a obtención de fármacos e produtos propios.
 4. Colaborar na formación académica dos/das residentes de Farmacia."
-

DITAME DA COMISIÓN:

TÍTULO IX

Réxime sancionador

Artigo 72. Disposicións xerais

1. As infraccións recollidas nesta lei serán obxecto das correspondentes sancións administrativas, logo da instrución do oportuno expediente, sen prexuízo das responsabilidades civís, penais ou doutra orde que poidan concorrer.

2. As infraccións previstas nesta lei sono sen prexuízo do disposto no texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo; na Lei 8/2003, do 24 de abril, de sanidade animal, respecto dos establecementos de dispensación de medicamentos veterinarios, agrupacións de gandeiros con programa sanitario e distribuidores de medicamentos veterinarios; e na normativa de desenvolvemento daquel.

No exercicio da potestade sancionadora autonómica en relación co réxime sancionador contido no dito texto refundido será aplicable o prazo máximo para resolver previsto no artigo 78, agás que a normativa específica reguladora estableza un prazo distinto.

NON SE PRESENTARON EMENDAS

DITAME DA COMISIÓN:

Artigo 73. Acción inspectora

1. Correspóndelle á consellaría competente en materia de sanidade, a través da inspección sanitaria, a realización das inspeccións que se consideren necesarias para verificar o cumprimento do establecido nesta lei e na normativa estatal en materia de medicamentos e produtos sanitarios nos termos e co alcance previstos nela, sen prexuízo das atribucións dos servizos veterinarios oficiais da consellaría competente en materia de gandería en relación coas inspeccións dos establecementos de dispensación de medicamentos veterinarios, agrupacións gandeiras con programa sanitario e entidades de distribución de medicamentos veterinarios, coas boticas anexas de urxencia ou respecto da venda a distancia ao público ou por outras canles de medicamentos non suxeitos a prescrición veterinaria.

2. O persoal da consellaría competente en materia de sanidade, así como o persoal da consellaría competente en materia de gandería que desenvolva as funcións de inspección, terá a consideración de autoridade sanitaria, de conformidade co establecido na Lei 8/2008, do 10 de xullo, de saúde de Galicia.

EMENDAS MANTIDAS:

-Do G.P. Socialistas de Galicia.
Emenda nº58, ao apartado 2 bis), de Adición.

Débese engadir un novo punto no artigo 73, que quedará redactado co seguinte contido:

"2 *bis*. Cando os servizos de inspección dispoñan de indicios de posibles irregularidades que poidan derivar en condutas obxecto de sancións ou en supostos de infracción flagrante, nestes casos, e acreditando a súa identidade por petición dos/das responsables do servizo de farmacia, estarán autorizados para:

- a) Entrar libremente en todo centro ou establecemento regulado por esta lei.
- b) Proceder ás probas, investigacións e exames necesarios para comprobar o cumprimento da normativa farmacéutica.
- c) Tomar ou sacar mostras, co fin de comprobar o cumprimento do previsto na lexislación farmacéutica.



d) Realizar cantas actividades sexan precisas para o cumprimento das funcións de inspección que desenvolvan.

O persoal inspector levantará acta co resultado da inspección, que poderá ser asinada xunto co/coa responsable do servizo de atención farmacéutica. O asinamento desta non supoñerá conformidade co contido da acta.

No suposto de se apreciaren presuntas infraccións, as actas de inspección serán remitidas ao órgano competente, para a instrución dos procedementos sancionadores que deriven do resultado da inspección efectuada."

EMENDAS MANTIDAS:

-Do G.P. Socialistas de Galicia.
Emenda nº59, de Adición.

Débese engadir un novo artigo 73, que quedará redactado co seguinte contido:

"Artigo 73 bis. Plan anual de inspección farmacéutica

As actividades inspectoras serán levadas a cabo de acordo co Plan anual de inspección, que deberá aprobarse previamente e ser de coñecemento público."

DITAME DA COMISIÓN:

Artigo 74. Infraccións

1. Constituirán infraccións administrativas, e serán sancionadas nos termos previstos no artigo seguinte, as condutas que a seguir se determinan.

2. As infraccións cualifícanse como leves, graves ou moi graves, atendendo os criterios de risco para a saúde, contía do eventual beneficio, gravidade da alteración sanitaria ou social producida, xeneralización de infracción e reincidencia.

3. Teñen a consideración de infraccións leves as seguintes:

a) Non ir provisto o persoal que presta servizos na oficina de farmacia do distintivo que o identifique.

b) O incumprimento do horario ampliado voluntario da oficina de farmacia comunicado á Administración autonómica.

c) O incumprimento da obriga de información sobre as oficinas de farmacia en servizo de garda prevista no artigo 27.7.

d) Entregar regalos ou obsequios que non teñan a condición de mostras e cun prezo de venda ao público non superior a 15 euros, como cortesía e non como método vinculado á promoción e venda ao público de medicamentos e produtos sanitarios.

e) A lesión dos dereitos da cidadanía previstos no artigo 8.1 sempre que non exista prexuízo asistencial para a persoa interesada.

f) Os incumprimentos das obrigas impostas á cidadanía no artigo 8.2 respecto do persoal e das instalacións dos establecementos e servizos de atención farmacéutica.

g) O incumprimento das obrigas previstas nesta lei en relación coa sinalización e publicidade das oficinas de farmacia.

h) Utilizar as diferentes zonas coas que debe contar unha oficina de farmacia para actividades diferentes ás correspondentes a cada unha delas.

i) Cubrir incorrectamente o libro de estupefacientes e o libro receitario, en tanto que libros de rexistro de carácter sanitario de tenza obrigatoria.

4. Teñen a consideración de infraccións graves as seguintes:

a) O funcionamento dunha unidade de radiofarmacia sen a presenza do persoal exixido en cada caso distinto do/da facultativo/a especialista en radiofarmacia.

b) Incumprir o/a facultativo/a especialista en radiofarmacia responsable dunha unidade de radiofarmacia as funcións atribuídas nesta lei que competan ao seu posto.

c) O incumprimento do horario mínimo obrigatorio establecido para as oficinas de farmacia, así como dos servizos de garda.

d) Carecer do libro de estupefacientes e do libro receitario, en tanto que libros de rexistro de carácter sanitario de tenza obrigatoria.

f) O exercicio ou desenvolvemento de actividades mercantís ou comerciais nas dependencias da oficina de farmacia distintas das vinculadas á súa autorización de instalación.

g) Dispensar medicamentos ou produtos sanitarios a un/unha mesmo/a paciente sen atender as pautas de uso racional deles previstas na ficha técnica.

h) Non contar na oficina de farmacia cun/cunha farmacéutico/a adxunto/a cando sexa obrigatorio, consonte o previsto no artigo 21.2.

i) O incumprimento polas oficinas de farmacia das exixencias e procedementos para a dispensación e/ou facturación das receitas oficiais establecidos polos concertos subscritos pola consellaría competente en materia de sanidade e polo Servizo Galego de Saúde para a execución da prestación farmacéutica, sen prexuízo das infraccións previstas nos artigos 111 e 112 do texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo.

j) Realizar calquera tipo de publicidade ou actividade promocional da oficina de farmacia, organizar eventos ou actividades e utilizar ferramentas que poidan implicar unha promoción da oficina de farmacia.

k) O incumprimento por parte do/da titular ou cotitulares da oficina de farmacia de calquera das condicións consonte as cales se outorgou a autorización de instalación.

l) A lesión dos dereitos da cidadanía previstos no artigo 8.1 sempre que exista prexuízo asistencial para a persoa interesada.

m) A comisión dunha infracción leve cando, no período dun ano, o mesmo suxeito fose sancionado pola comisión dunha ou máis infraccións leves e as resolucións sancionadoras sexan firmes na vía administrativa.

n) Entregar regalos ou obsequios que non teñan a condición de mostras e cun prezo de venda ao público superior a 15 euros, como cortesía, e non como método vinculado á promoción e venda ao público de medicamentos e produtos sanitarios.

ñ) O incumprimento dos requisitos, obrigas ou prohibicións establecidas nesta lei cando cause alteración e risco sanitario con transcendencia directa para a poboación.

5. Teñen a consideración de infraccións moi graves as seguintes:

a) O incumprimento da normativa autonómica vixente en materia de incompatibilidades.

b) A comisión dunha infracción grave cando, nos últimos cinco anos, o mesmo suxeito fose sancionado pola comisión dunha ou máis infraccións graves e as resolucións sancionadoras sexan firmes na vía administrativa.

c) O incumprimento reiterado e inxustificado por parte das oficinas de farmacia da obriga da dispensación de medicación que lles sexa solicitada polas persoas usuarias nas condicións legal e regulamentariamente establecidas.

NON SE PRESENTARON EMENDAS

DITAME DA COMISIÓN:

Artigo 75. Sancións e criterios de graduación

1. As infraccións tipificadas nesta lei serán sancionadas con multa. Dentro dos límites previstos para as infraccións leves, graves e moi graves, as multas aplicaranse no grao mínimo, medio ou máximo en función dos seguintes criterios:

- a) A negligencia, o grao de culpabilidade ou a existencia de intencionalidade.
- b) O grao de conivencia.
- c) O incumprimento das advertencias previas.
- d) A continuidade ou persistencia da conduta infractora.
- e) A cifra de negocios da entidade.
- f) A natureza dos prexuízos causados.
- g) O número de persoas afectadas.
- h) Os beneficios obtidos coa infracción.
- i) A duración dos riscos xerados.
- j) O tipo de establecemento ou servizo no que se cometeu a infracción.
- k) A reincidencia, pola comisión no termo dun ano de máis dunha infracción da mesma natureza cando así se declarase por resolución firme na vía administrativa.

2. As infraccións leves serán sancionadas con multa de 15 a 3.005,06 euros. Dentro destes límites, establécense os seguintes graos:

Grao mínimo: desde 15 ata 601,01 euros.

Grao medio: desde 601,02 a 1.803,04 euros.

Grao máximo: desde 1.803,05 a 3.005,06 euros.

3. As infraccións graves serán sancionadas con multa de 3.005,07 a 15.025,30 euros. Dentro destes límites, establécense os seguintes graos:

Grao mínimo: desde 3.005,07 a 6.010,12 euros.

Grao medio: desde 6.010,13 a 10.517,71 euros.

Grao máximo: desde 10.517,72 a 15.025,30 euros.

4. As infraccións moi graves serán sancionadas con multa de 15.025,31 a 601.012,11 euros ou, de ser unha cantidade superior, ata o quíntuplo do valor dos produtos ou servizos obxecto da infracción. Dentro destes límites, establécense os seguintes graos:

Grao mínimo: desde 15.025,31 a 120.202,42 euros.

Grao medio: desde 120.202,43 a 306.607,26 euros.

Grao máximo: desde 306.607,27 a 601.012,11 euros ou, de ser unha cantidade superior, ata o quíntuplo do valor dos produtos ou servizos obxecto da infracción.

5. As sancións pola comisión de infraccións graves e moi graves serán publicadas no Diario Oficial de Galicia unha vez que adquiren firmeza na vía administrativa.

6. Sen prexuízo da multa que proceda impoñer conforme o disposto no número anterior, as infraccións en materia de medicamentos serán sancionadas co comiso, en favor do Tesouro Público, do beneficio ilícito obtido como consecuencia da comisión da infracción. A resolución sancionadora determinará para estes efectos a contía do beneficio ilícito obtido.

7. Ademais, nos supostos de infraccións moi graves, o Consello da Xunta poderá acordar, como sancións accesorias, o peche temporal do establecemento, instalación ou servizo por un prazo máximo de cinco anos.

8. No caso de infraccións moi graves relativas a oficinas de farmacia, o Consello da Xunta poderá acordar, como sancións accesorias, a revogación da autorización administrativa e a prohibición do/da seu/súa titular ou cotitulares de poder participar, durante un período de cinco anos desde que a sanción sexa firme na vía administrativa, en calquera concurso



público que se celebre en Galicia para obter a autorización dunha oficina de farmacia.

NON SE PRESENTARON EMENDAS



DITAME DA COMISIÓN:

Artigo 76. Instrución de expedientes sancionadores

A instrución dos expedientes administrativos sancionadores será competencia da inspección sanitaria, sen prexuízo das competencias que en materia de medicamentos veterinarios ten atribuídas a consellaría competente en materia de gandaría.

NON SE PRESENTARON EMENDAS



DITAME DA COMISI3N:

Artigo 77. Competencia sancionadora

Regulamentariamente determinaranse os 3rganos competentes para a imposici3n das sancions 3s que se refire o artigo 75, sen prexuzo das competencias que en materia de medicamentos veterinarios ten atribuidas a consellaría competente en materia de gandería.

NON SE PRESENTARON EMENDAS

DITAME DA COMISIÓN:

Artigo 78. Medidas cautelares

1. Poderán adoptarse as medidas cautelares consistentes na clausura ou no peche dos establecementos, centros e servizos que non dispoñan das preceptivas autorizacións ou rexistros ou da actuación dos cales derive risco para a saúde da poboación, así como a suspensión do funcionamento ou a prohibición das actividades que se leven a cabo neles, ata que se corrixa os defectos ou se cumpran os requisitos establecidos.

2. Así mesmo, se como consecuencia da acción inspectora se aprecia razoablemente a existencia dun risco inminente e extraordinario para a saúde ou un incumprimento dos requisitos exixidos para a instalación e o funcionamento de centros e establecementos, poderanse adoptar cautelarmente as medidas ás que fan referencia os artigos 26 e 31.2 da Lei 14/1986, do 25 de abril.

NON SE PRESENTARON EMENDAS

DITAME DA COMISIÓN:

Artigo 79. Prescrición

1. As infraccións ás que se refire esta lei cualificadas como leves prescribirán ao ano; as cualificadas como graves, aos dous anos; e as cualificadas como moi graves, aos cinco anos.

2. O prazo de prescrición das infraccións comezarase a contar desde o día en que a infracción se cometeu. No caso de infraccións continuadas ou permanentes, o prazo comezará a correr desde que finalizou a conduta infractora.

Interromperá a prescrición a iniciación, co coñecemento da persoa interesada, dun procedemento administrativo de natureza sancionadora, e o prazo de prescrición reiniciarase se o expediente sancionador estiver paralizado durante máis dun mes por causa non imputable á persoa presuntamente responsable.

3. Así mesmo, as sancións impostas por infraccións leves prescribirán ao ano; por infraccións graves, aos dous anos; e por infraccións moi graves, aos cinco anos.

4. O prazo de prescrición das sancións comezarase a contar desde o día seguinte a aquel en que sexa executable a resolución pola que se impón a sanción ou cando transcorrese o prazo para recorrer contra ela.

Interromperá a prescrición a iniciación, co coñecemento da persoa interesada, do procedemento de execución, e volverá transcorrer o prazo se aquel está paralizado durante máis dun mes por causa non imputable á persoa infractora.

No caso de desestimación presunta do recurso de alzada interposto contra a resolución pola que se impón a sanción, o prazo de prescrición da sanción comezarase a contar desde o día seguinte a aquel en que finalice o prazo legalmente previsto para a resolución do dito recurso.

NON SE PRESENTARON EMENDAS

**DITAME DA COMISIÓN:**

Artigo 80. Prazo para resolver

O prazo máximo para ditar e notificar as resolucións sancionadoras por infraccións tipificadas nesta lei será de nove meses.

EMENDAS MANTIDAS:

-Do G.P. Socialistas de Galicia.
Emenda nº60, de Modificación.

Débese modificar no artigo 80 o seguinte contido:
Onde di: "...nove meses...", debe dicir: "...seis meses...".

DITAME DA COMISIÓN:

Disposición adicional única. Convenios de colaboración

A consellaría competente en materia de sanidade poderá instrumentar a colaboración entre os colexios oficiais de farmacéuticos/as, as organizacións non gobernamentais, as organizacións e os colectivos representativos do sector e a Administración sanitaria, subscribindo para tal efecto os convenios de colaboración que procedan.

NON SE PRESENTARON EMENDAS

DITAME DA COMISIÓN:

Disposición transitoria primeira. Aplicación das disposicións regulamentarias vixentes

Ata que se aproben as normas de desenvolvemento desta lei, será aplicable a normativa regulamentaria vixente en todo o que non se opoña ao disposto nela. En concreto, no caso dos procedementos sancionadores iniciados ao abeiro da lexislación anterior que se atopen en fase de tramitación, continuarán rexéndose, no que respecta á competencia para a imposición das sancións, pola normativa vixente no momento de iniciación deles.

NON SE PRESENTARON EMENDAS

DITAME DA COMISIÓN:

Disposición transitoria segunda. Procedementos administrativos en tramitación

1. As solicitudes de autorización de instalación, apertura e funcionamento, reforma, cambio de localización, transmisión e peche de oficinas de farmacia pendentes de resolución á entrada en vigor desta lei rexeranse pola normativa vixente no momento de inicio do procedemento.

2. Aos procedementos sancionadores que se atopen en tramitación na data de entrada en vigor desta lei seranlles aplicables as disposicións sancionadoras vixentes no momento de produción dos feitos que constitúan infracción administrativa. As disposicións sancionadoras contidas nesta lei producirán efecto retroactivo en canto favorezan a persoa presuntamente infractora ou a persoa infractora, tanto no referido á tipificación da infracción como á sanción e aos seus prazos de prescripción, incluso con respecto ás sancións pendentes de cumprimento na data de entrada en vigor desta lei.

NON SE PRESENTARON EMENDAS

DITAME DA COMISIÓN:

Disposición transitoria terceira. Locais de oficinas de farmacia

Os requisitos de acceso e zonas das oficinas de farmacia e dos seus locais previstos ex novo nesta lei só serán exhibibles aos locais correspondentes ás oficinas de farmacia de nova instalación ou no caso de procedementos de cambio de localización ou reforma iniciados con posterioridade á entrada en vigor desta lei. Aos locais existentes nesta data só lles serán aplicables os ditos requisitos no caso de reforma substancial producida con posterioridade á entrada en vigor dela.

A consellaría competente en materia de sanidade, en función de criterios obxectivos e públicos, poderá establecer prazos máximos para o cumprimento de requisitos de acceso para os locais existentes de establecementos de atención farmacéutica, de acordo co establecido no artigo 15 desta lei.

NON TEN EMENDAS

DITAME DA COMISIÓN:

Disposición transitoria cuarta. Servizo de garda e vacacións

O sistema de gardas e vacacións establecido nesta lei será aplicable a partir do 1 de xaneiro do ano seguinte ao da entrada en vigor dela.

NON SE PRESENTARON EMENDAS

DITAME DA COMISIÓN:

Disposición transitoria quinta. Réxime de transmisión das oficinas de farmacia adxudicadas no concurso convocado pola Resolución do 2 de xullo de 2018, da Secretaría Xeral Técnica da Consellería de Sanidade, pola que se convoca concurso público para a adxudicación de novas oficinas de farmacia

O réxime de transmisión inter vivos previsto no número 3 do artigo 42 será aplicable ás oficinas de farmacia adxudicadas no concurso convocado pola Resolución do 2 de xullo de 2018, da Secretaría Xeral Técnica da Consellería de Sanidade, pola que se convoca concurso público para a adxudicación de novas oficinas de farmacia, con independencia da data na que este se resolva.

No caso de se producir a xubilación voluntaria da persoa titular antes do esgotamento dos quince anos previstos, esta poderá solicitar a designación dun/dunha rexente ata completar o período mínimo previsto para a transmisión.

NON SE PRESENTARON EMENDAS

DITAME DA COMISIÓN:

Disposición derogatoria única. Derogación normativa

1. Quedan derogadas total ou parcialmente cantas disposicións de igual ou inferior rango se opoñan ao disposto nesta lei e, en especial, a Lei 5/1999, do 21 de maio, de ordenación farmacéutica.

2. Así mesmo, queda derogada a disposición transitoria segunda da Lei 9/2017, do 26 de decembro, de medidas fiscais e administrativas.

NON SE PRESENTARON EMENDAS

DITAME DA COMISIÓN:

Disposición derradeira primeira. Habilitación para o desenvolvemento normativo

Habíltase o Consello da Xunta para ditar as normas de desenvolvemento desta lei.

EMENDAS MANTIDAS:

-Do G.P. Socialistas de Galicia.
Emenda nº62, de Adición.

Débese engadir un novo parágrafo na disposición derradeira primeira, que quedará redactado co seguinte contido:
"Establécese un prazo máximo de oito meses para a aprobación do regulamento de desenvolvemento desta lei."

-Do G.P. Socialistas de Galicia.
Emenda nº63, de Adición.

Débese engadir un novo parágrafo na disposición derradeira primeira, que quedará redactada co seguinte contido:
"Establécese un prazo máximo dun ano para a aprobación do mapa farmacéutico regulado no artigo 32 desta lei."

-Do G.P. Socialistas de Galicia.
Emenda nº64, de Adición.

Débese engadir un novo parágrafo na disposición derradeira primeira, que quedará redactada co seguinte contido:
"As oficinas de farmacias autorizadas en Galicia ata a data de entrada en vigor desta lei forman parte do mapa da Comunidade Autónoma, declarándose de utilidade pública o mantemento, como mínimo, das actuais oficinas de farmacias abertas ao público."

**DITAME DA COMISIÓN:**

Disposición derradeira segunda. Entrada en vigor

Esta lei entrará en vigor aos vinte días da súa publicación no Diario Oficial de Galicia.

NON SE PRESENTARON EMENDAS

DITAME DA COMISIÓN:

Exposición de motivos.

I

O artigo 43 da Constitución española recoñece o dereito á protección da saúde, atribuíndo aos poderes públicos a organización e a tutela da saúde pública, a través de medidas preventivas e das prestacións e servizos necesarios.

Consonte o artigo 103 da Lei 14/1986, do 25 de abril, xeral de sanidade, as oficinas de farmacia abertas ao público son establecementos sanitarios suxeitos á planificación sanitaria nos termos establecidos pola lexislación especial de medicamentos e farmacias.

A Lei 16/1997, do 25 de abril, de regulación de servizos das oficinas de farmacia, co obxecto de mellorar a atención farmacéutica á poboación, establece o marco xurídico básico, que debe ser completado polas comunidades autónomas competentes na materia.

Neste sentido, o artigo 28.8 do Estatuto de autonomía dispón que é competencia da Comunidade Autónoma galega o desenvolvemento lexislativo e a execución da lexislación do Estado nos termos que esta estableza en materia de establecementos farmacéuticos. E, conforme o seu artigo 33, correspóndelle á Comunidade Autónoma de Galicia o desenvolvemento lexislativo e a execución da lexislación básica do Estado en materia de sanidade interior e a execución da lexislación do Estado sobre produtos farmacéuticos, engadindo o dito precepto, no seu número 4, que a Comunidade Autónoma poderá organizar e administrar para tales fins e dentro do seu territorio todos os servizos relacionados coas materias antes expresadas e exercerá a tutela das institucións, entidades e fundacións en materia de sanidade e Seguridade Social, reservando para si o Estado a alta inspección conducente ao cumprimento das funcións e competencias contidas no precepto.

Pola súa banda, o texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo, fixa os criterios básicos de ordenación do sector farmacéutico, tanto no que atinxe aos establecementos farmacéuticos como ao uso

racional dos medicamentos, encomendándolles ás diferentes administracións con competencias en materia de sanidade a ordenación das oficinas de farmacia, servizos farmacéuticos e prestacións farmacéuticas.

A Lei 5/1999, do 21 de maio, de ordenación farmacéutica, regulou ata o de agora a atención farmacéutica na nosa Comunidade Autónoma. Durante os dezanove anos transcorridos desde a súa entrada en vigor a dita lei foi obxecto de modificacións parciais.

En primeiro lugar, pola Lei 4/2005, do 17 de marzo, co obxecto de reformar determinados aspectos da regulación do traslado e transmisión das oficinas de farmacia, así como introducir cambios na regulación da clasificación das unidades de radiofarmacia.

Posteriormente foi modificada pola Lei 7/2006, do 1 de decembro, co fin de eliminar a limitación da idade máxima de 65 anos para solicitar a autorización dunha oficina de farmacia, atendendo os razoamentos expostos polo Tribunal Superior de Xustiza de Galicia no auto no que este tribunal decidiu a formulación de cuestión de inconstitucionalidade no seo do recurso contencioso-administrativo número 4787/2001, interposto pola Federación de Empresarios Farmacéuticos de Galicia.

A terceira modificación efectuouse pola Lei 12/2011, do 26 de decembro, de medidas fiscais e administrativas. Neste caso, as modificacións afectaron os criterios que había que ter en conta na organización do réxime das quendas de garda das oficinas de farmacia, os supostos de establecemento obrigatorio de servizos de farmacia nos hospitais, centros de asistencia social e psiquiátricos e os recursos humanos cos que deberían contar, os casos nos que poderían autorizarse depósitos de medicamentos e produtos sanitarios e as súas funcións, e, finalmente, o réxime sancionador, co obxecto de incorporar novas infraccións e actualizar o réxime das sancións inicialmente previstas.

A derradeira modificación efectuouse pola Lei 9/2017, do 26 de decembro, de medidas fiscais e administrativas, afectando neste caso o réxime de transmisión das novas oficinas de farmacia adxudicadas por concurso público, ampliando, ata os quince anos, o período mínimo para poder efectuar a transmisión daquelas e adaptando a esta modificación a regulación da rexencia.

No entanto, estas modificacións parciais resultaron insuficientes, polo que cómpre acometer unha nova regulación integral da atención farmacéutica, máis acorde co presente e que permita afrontar e dar solución, de maneira máis eficaz, ás actuais necesidades e demandas tanto dos/das profesionais farmacéuticos/as como das persoas usuarias.

Esta nova regulación vén imposta ademais pola necesidade de adaptación da normativa autonómica á normativa estatal de obrigado cumprimento ditada con posterioridade á Lei 5/1999, do 21 de maio, como é o caso da contida no vixente texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo.

II

O obxecto desta lei é a regulación da atención farmacéutica en Galicia, entendida como un servizo de interese público que comprende un conxunto de actuacións que deben prestarse en todos os niveles do noso sistema sanitario, dirixidas a garantirlle á cidadanía o acceso rápido, eficaz, oportuno, equitativo e racional aos medicamentos e produtos sanitarios que precise. Un servizo que, ademais, contribúa a facer un uso racional e eficiente deles nos distintos niveis de asistencia sanitaria e no ámbito da saúde pública, que sempre deberá ser prestado baixo a responsabilidade e supervisión dos/das profesionais farmacéuticos/as, en relación coa adquisición, custodia, conservación, distribución e dispensación de medicamentos e produtos sanitarios.

A regulación da atención farmacéutica realízase desde unha perspectiva ampla, integradora dos diferentes sectores que levan a cabo a dispensación de medicamentos e produtos sanitarios. Por tal motivo, esta lei regula a atención farmacéutica prestada a través das oficinas de farmacia e boticas anexas, así como a prestada a nivel de atención primaria e especializada, e nas entidades prestadoras de servizos sociais e outros centros sanitarios, perseguindo, en todo caso, unha actuación coordinada dos distintos niveis, para ofrecerlle á cidadanía unha atención farmacéutica integral.

As razóns anteriormente expostas son as que motivan a necesidade e oportunidade de promulgar unha nova lei máis acorde cos novos tempos, para o cal se prevén distintas

novidades respecto da regulación legal autonómica existente ata o de agora.

Así, por un lado, a experiencia acumulada pola consellaría competente en materia de sanidade ao longo deste tempo no ámbito das oficinas de farmacia puxo de manifesto a necesidade de establecer uns procedementos de adxudicación de novas oficinas de farmacia máis áxiles e rápidos. Por este motivo, o inicio dos concursos públicos de adxudicación das novas oficinas de farmacia será efectuado só de oficio pola consellaría competente en materia de sanidade.

Ademais, co obxecto de lograr unha maior profesionalización deste sector e promover a racionalización da planificación farmacéutica e a regularización e reorganización do mapa farmacéutico, introdúcese como novidade a convocatoria dun concurso previo de traslados ao que poderán concorrer os/as farmacéuticos/as titulares ou cotitulares dunha oficina de farmacia establecida na Comunidade Autónoma de Galicia. Con posterioridade, convocarase outro concurso para a provisión das oficinas de farmacia vacantes resultantes do concurso de traslados, que englobará tanto as novas oficinas de farmacia recollidas no mapa farmacéutico non cubertas como aquelas que quedasen libres por traslado da persoa titular, sempre e cando se manteñan as razóns de interese público que o aconsellen e sigan sendo necesarias, á vista dos módulos poboacionais previstos nesta nova lei. A este procedemento poderán concorrer todos/as os/as farmacéuticos/as que no momento de finalización do prazo de presentación de solicitudes fixado na convocatoria sexan ou non titulares ou cotitulares dunha oficina de farmacia, establecida dentro ou fóra da nosa comunidade, que non a transmitisen nos dez anos anteriores á dita data.

Outras novidades que hai que destacar neste ámbito son a inclusión da exigencia de constitución de garantías para efectos do concurso público de adxudicación de novas oficinas de farmacia, de cara a asegurar a continuidade do dito procedemento, así como a desaparición do suposto da caducidade das autorizacións administrativas por cumprimento da idade de 70 anos das persoas titulares delas ou a necesidade de autorización de nomeamento dun/dunha farmacéutico/a rexente nos casos de xubilación desta/s persoa/s. Non obstante, en todo caso, no momento de cumprir o/a farmacéutico/a titular ou cotitular a idade de 70 anos e de continuar exercendo a dita función, resultará obrigada a contratación dun/dunha ou varios/as farmacéuticos/as

adxuntos/as adicionais, segundo se determine regulamentariamente.

Entre as novidades máis salientables destaca tamén a redución do período de duración da rexencia, que pasa dos cinco aos dous anos, agás nos casos de falecemento cando algún/algunha dos/das herdeiros/as en primeiro grao estea cursando estudos de Farmacia, ou de incapacidade total ou absoluta do/da farmacéutico/a se non reúne os requisitos para a xubilación, nos que poderá estenderse ata un máximo de cinco anos. Esta nova lei tamén acolle e adapta o réxime de transmisión de oficinas de farmacia introducido xa na modificación efectuada pola Lei 9/2017, do 26 de decembro, no artigo 23.2 da anterior Lei 5/1999, do 21 de maio, na que se ampliaba o período exixido para poder proceder á transmisión das oficinas de farmacia adxudicadas polo procedemento de concurso público dos tres aos quince anos, contados desde a apertura ao público da oficina de farmacia, agás nos casos taxados previstos na lei, entre os cales non se recolle agora o suposto de xubilación do/da farmacéutico/a titular, o que resulta coherente tras a eliminación da caducidade da autorización ao faceren estes/as os 70 anos. Nesta liña cómpre salientar que, acorde co anterior, tampouco se recolle agora a xubilación entre os supostos nos que pode autorizarse o nomeamento dun/dunha rexente, o cal si permitía o artigo 12 da Lei 5/1999, do 21 de maio.

Polo que respecta á atención farmacéutica prestada nas oficinas de farmacia, a lei recolle expresamente a prohibición de desenvolver nos locais das oficinas de farmacia actividades de venda ao público de produtos distintos dos propios da canle farmacéutica ou actividades comerciais por sociedades mercantís ou outras entidades con personalidade xurídica diferenciada do/da farmacéutico/a titular ou dos/das farmacéuticos/as cotitulares, con independencia de que o domicilio social radique na propia oficina de farmacia ou noutro lugar distinto. Igualmente, prohíbese o arrendamento, o subarrendamento ou a cesión, a título oneroso ou gratuíto, do uso dos locais das oficinas de farmacia a terceiras persoas distintas da persoa titular para o desenvolvemento de calquera actividade, incluso cando esas actividades teñan relación co ámbito sanitario.

Resulta tamén salientable como novidade neste sentido a inclusión da posibilidade de que, de xeito excepcional, e cando se cumpran determinados requisitos, a atención farmacéutica poida ser prestada domiciliariamente, **sempre cumprindo**

estritamente as garantías sobre a calidade e o control sanitario para calquera desas entregas, para o cal se incorporarán os métodos ou sistemas de control necesario, que deberán ser recollidos regulamentariamente, e a obriga de presenza física da persoa titular ou, se é o caso, dun/dunha cotitular, rexente ou substituto/a na oficina de farmacia de maneira habitual durante o horario de atención ao público, para realizar as funcións correspondentes a estes establecementos.

En materia de boticas anexas, destaca a incorporación da posibilidade de que no mapa farmacéutico **debe preverse**, xunto á nova oficina de farmacia, a instalación dunha botica anexa vinculada a ela naquelas zonas especiais de difícil accesibilidade. A lei tamén recolle a posibilidade de proceder á autorización dunha botica anexa para prestar a atención farmacéutica naqueles casos nos que se concedese unha autorización de traslado ou situación de peche que dificulte o acceso á atención farmacéutica da poboación.

No que atinxe ao establecemento das oficinas de farmacia, sexa por razón de nova instalación ou de cambio de localización, exceptúase o requisito de respectar a distancia mínima de douscentos cincuenta metros naquelas zonas farmacéuticas que contén cunha única oficina de farmacia, sempre e cando concorran razóns de interese xeral que así o xustifiquen. Ademais, naquelas oficinas de farmacia para cuxa instalación e apertura se fixase unha delimitación territorial concreta, a obriga de respectar a dita delimitación no traslado poderá exceptuarse sempre e cando non se manteñan as condicións que motivaron a súa instalación nesa delimitación.

En materia de cambios de localización, a lei incorpora tamén a posibilidade de limitalos cando se aprecie que, no caso de seren autorizados, se produza un detrimento grave do servizo farmacéutico na zona en que se localiza a oficina de farmacia, en especial naqueles núcleos nos que soamente exista a oficina de farmacia establecida, sempre e cando se manteñan as condicións que motivaron a súa autorización inicial. Por último, a lei tamén incorpora o réxime de reforma dos locais de oficinas de farmacia, o cal non estaba regulado ata o de agora.

Respecto da atención farmacéutica prestada a nivel de atención primaria e nos hospitais, centros **sociosanitarios** e outros centros, servizos e establecementos sanitarios, actualízanse as funcións das correspondentes unidades e servizos de farmacia e recóllense as correspondentes ás

unidades de radiofarmacia, consonte a normativa estatal aplicable.

Así mesmo, a lei regula as entidades de distribución de medicamentos de uso humano e veterinario e produtos sanitarios, os depósitos de medicamentos e produtos sanitarios e outros aspectos relacionados coa información, promoción e publicidade de medicamentos e produtos sanitarios, e prohíbe toda forma de publicidade e promoción das oficinas de farmacia, agás nos casos establecidos regulamentariamente, así como a organización de eventos ou actividades e a utilización de ferramentas que poidan implicar unha promoción da oficina de farmacia co fin de non interferir no dereito de libre elección de oficina de farmacia por parte da cidadanía.

Establécese, por último, un novo réxime de incompatibilidades dos/das profesionais farmacéuticos/as e un novo réxime sancionador, o cal inclúe unha relación exhaustiva das infraccións e as correspondentes sancións, a salvo en todo caso das establecidas no texto refundido da Lei de garantías e uso racional dos medicamentos e produtos sanitarios, aprobado polo Real decreto lexislativo 1/2015, do 24 de xullo, e o prazo para resolver e notificar as resolucións ditadas nos expedientes por infraccións en materia de establecementos farmacéuticos e medicamentos, produtos sanitarios, cosméticos e produtos de coidado persoal. Inclúese entre as sancións a de revogación da autorización daquelas oficinas de farmacia nas que se verifique o incumprimento de xeito reiterado e inxustificado da obriga da dispensación de medicación que lles sexa solicitada pola cidadanía nas condicións legal e regulamentariamente establecidas.

III

A lei estrutúrase en dez títulos.

O título preliminar define o seu obxecto e ámbito de aplicación, que é o de regular a atención farmacéutica no ámbito territorial da Comunidade Autónoma de Galicia.

O título I está dedicado á atención farmacéutica. No capítulo I, relativo ás disposicións xerais, defínese a atención farmacéutica e enuméranse cales son os establecementos e servizos encargados desta e as modalidades e as prohibicións de venda de medicamentos e produtos sanitarios, así como os requisitos para a venda directa aos/ás profesionais da medicina, odontoloxía, veterinaria e podoloxía, exclusivamente,

dos medicamentos necesarios para o exercicio da súa actividade profesional, e mais os supostos especiais de entrega de medicamentos e produtos sanitarios.

O capítulo II refírese aos dereitos e obrigas tanto dos establecementos e servizos de atención farmacéutica como da cidadanía, garantindo, entre aqueles, o dereito á saúde dela nos casos de exercicio do dereito á obxección de conciencia.

Finalmente, no capítulo III establécese o réxime das autorizacións administrativas nos establecementos e servizos de atención farmacéutica.

O título II regula a atención farmacéutica no nivel da atención primaria, dividíndose en tres capítulos. O capítulo I, correspondente ás oficinas de farmacia, subdivídese en sete seccións, relativas á súa definición, funcións, condicións e requisitos xerais; titularidade e persoal; atención ao público; planificación e ordenación territorial de novas oficinas de farmacia; procedemento de outorgamento da autorización de instalación de novas oficinas de farmacia; cambios de localización, reforma de local e limitacións; e transmisión e peche.

No capítulo II establécese as condicións para a apertura de boticas anexas. Como novidade destacable incorpórase a posibilidade de que no trámite de planificación da autorización de novas oficinas de farmacia, xunto á nova oficina de farmacia, se prevexa a instalación dunha botica anexa vinculada a ela naquelas zonas de difícil accesibilidade.

Finalmente, o capítulo III recolle a definición e establece as funcións das unidades de farmacia nos centros de atención primaria, deixando para unha regulación posterior a determinación das condicións e requisitos e dos recursos materiais e humanos cos que deben contar as ditas unidades.

Pola súa banda, o título III trata da atención farmacéutica nos hospitais, centros **sociosanitarios** e outros centros, servizos e establecementos sanitarios, regulando neste tamén os depósitos de medicamentos e produtos sanitarios. Nel establécese os supostos nos que será obrigatorio contar cun servizo de farmacia propio e régulanse as súas funcións, así como os recursos materiais e humanos dos que deben dispoñer.



Segundo o establecido no título IV, a distribución dos medicamentos autorizados será realizada a través das entidades de distribución ou directamente polo laboratorio titular da autorización de comercialización daqueles. Estas entidades e, se é o caso, os laboratorios farmacéuticos que distribúan directamente os seus produtos deberán dispoñer do persoal e dos locais, instalacións e equipos adecuados e suficientes para garantir a adecuada conservación e distribución dos medicamentos, e deberán cumprir os requisitos establecidos na normativa aplicable así como nas normas de boas prácticas de distribución de medicamentos de uso humano. A lei tamén incorpora a prohibición do arrendamento, subarrendamento ou cesión a terceiras persoas dos locais ou instalacións das entidades de distribución. Ademais, exige o nomeamento dun/dunha director/a técnico/a farmacéutico/a, cuxo cargo será incompatible co desempeño profesional doutras actividades de carácter sanitario que supoñan intereses directos coa fabricación ou dispensación de medicamentos e produtos sanitarios ou que vaian en detrimento do adecuado cumprimento das súas funcións.

O título V está dedicado ás unidades de radiofarmacia. Nel establécese que a elaboración dos medicamentos radiofármacos de uso humano se axustará á normativa que os regule. Tamén recolle os tipos de unidades, as autorizacións, os seus recursos humanos e as funcións destas. A lei prevé que, en todo caso, a persoa responsable destas unidades debe ser un/unha facultativo/a especialista en radiofarmacia. Igualmente, para o funcionamento destas unidades é requisito inescusable a presenza do/da dito/a facultativo/a.

O título VI refírese á distribución e dispensación de medicamentos veterinarios, e nel establécese que se levará a cabo nos establecementos e servizos e nas condicións establecidas pola normativa estatal aplicable, por esta lei e polas normas regulamentarias autonómicas que poidan ditarse. Co obxecto de facilitar a distribución dos medicamentos veterinarios desde os laboratorios fabricantes e as entidades importadoras aos establecementos e servizos de dispensación autorizados, a lei prevé a posibilidade de mediación dos centros de distribución de medicamentos veterinarios.

O título VII está dedicado aos/ás profesionais farmacéuticos/as e outro persoal dos establecementos e servizos de atención farmacéutica. A lei define os/as profesionais farmacéuticos/as como aquelas persoas que, posuíndo a titulación correspondente, desenvolvan as súas funcións nos



establecementos e servizos de atención farmacéutica regulados nela. De acordo co establecido no dito título, a consellaría competente en materia de sanidade, en colaboración coas universidades, os colexios oficiais de farmacéuticos/as, as sociedades científicas e outras organizacións profesionais, impulsará a formación continuada dos/das profesionais farmacéuticos/as e do persoal auxiliar dos establecementos e servizos de atención farmacéutica, coa finalidade de ofrecer unha prestación útil e eficiente á cidadanía a través da actualización dos seus coñecementos. Finalmente, o citado título recolle o réxime de incompatibilidades no exercicio profesional farmacéutico nos establecementos e servizos que a lei regula.

O título VIII regula a publicidade, a promoción e a información dos medicamentos e produtos sanitarios, prevendo a adopción das medidas oportunas para garantir que a información, a promoción e a publicidade dos medicamentos e produtos sanitarios destinadas aos/ás profesionais da saúde ou á poboación en xeral se axusten a criterios de veracidade, evitando inducir a unha utilización incorrecta ou a un sobreconsumo.

No título IX regúlase o réxime sancionador, e nel recóllense os tipos de infraccións sanitarias, as sancións, as medidas cautelares que poidan ser adoptadas, a duración do procedemento e os prazos de prescrición das infraccións e sancións impostas.

Por último, con respecto ás disposicións adicionais, transitorias, derogatorias e derradeiras, cabe destacar a posibilidade, incluída na disposición adicional única, de instrumentar a colaboración entre a Administración sanitaria, os colexios oficiais de farmacéuticos/as, as organizacións non gobernamentais e as organizacións e os colectivos representativos do sector, a través da subscripción de convenios de colaboración. Complétase o texto con cinco disposicións transitorias: a primeira, relativa á aplicación das disposicións regulamentarias vixentes mentres non se aproben as normas de desenvolvemento previstas na lei, en todo o que non se opoñan ao disposto nela; a segunda, relativa ao réxime aplicable aos distintos procedementos sobre autorización de nova instalación, apertura e funcionamento, reforma, cambio de localización, transmisión e peche de oficinas de farmacia iniciados con anterioridade á entrada en vigor da lei, así como os procedementos sancionadores que se atopan en tramitación na data de entrada en vigor desta lei; a terceira, relativa ás

regras aplicables aos locais das oficinas de farmacia en función da súa data de inicio; a cuarta, relativa aos criterios temporais de aplicación do réxime de garda e vacacións; e a quinta —e última—, sobre o réxime de transmisión das oficinas de farmacia afectadas polo concurso de adxudicación de novas oficinas de farmacia convocado pola Resolución do 2 de xullo de 2018, da Secretaría Xeral Técnica da Consellería de Sanidade, pola que se convoca concurso público para a adxudicación de novas oficinas de farmacia.

Pechan o texto unha disposición derogatoria única e mais dúas derradeiras, nas que se recollen, respectivamente, unha habilitación ao Consello da Xunta para ditar as normas necesarias para o seu desenvolvemento e o prazo de entrada en vigor da lei.

O anteproxecto foi sometido ao preceptivo ditame do Consello Económico e Social de Galicia.

EMENDAS MANTIDAS:

-Do G.P. En Marea.

Emenda nº19, ao apartado II.3, de Adición.

Débase engadir despois do terceiro parágrafo do apartado II o seguinte parágrafo:

“Créanse por esta lei as oficinas de farmacia públicas, como unha extensión do sistema sanitario para facer efectivo o acceso aos tratamentos farmacéuticos e mellorar a equidade para os/as doentes e o traballo en conxunto co resto do persoal sanitario do Servizo Galego de Saúde.”

-Do G.P. Socialistas de Galicia.

Emenda nº65, ao apartado II.4, de Adición.

Débase engadir ao final do cuarto parágrafo do segundo epígrafe da exposición de motivos:

Engadir *in fine*: "..., podendo ser solicitado polos concellos ou colexios profesionais de farmacéuticos/as."

-Do G.P. En Marea.

Emenda nº20, ao apartado II.5, de Supresión.

Débase suprimir no apartado II o quinto parágrafo ("Ademais...nos dez anos anteriores á dita data.")

-Do G.P. En Marea.

Emenda nº21, ao apartado II.8, de Adición.

Débase engadir despois do oitavo parágrafo do apartado II o seguinte texto:

“Elimínase a obxección de conciencia, garantindo a equidade no acceso dos/das doentes aos medicamentos e produtos sanitarios, facilitando o cumprimento dos dereitos en materia de saúde e a igualdade entre mulleres e homes contidos na normativa vixente.

Así mesmo, establécese un control da adherencia terapéutica, traballando para evitar aqueles abandonos de tratamentos derivados da situación económica ou social das persoas doentes.”

-Do G.P. En Marea.

Emenda nº22, ao apartado III.1, de Adición.

Débase engadir despois do primeiro parágrafo do apartado III o seguinte texto:

“Esta lei constitúe ademais o Laboratorio da Farmacia Pública de Galicia, situando a nosa Comunidade Autónoma como pioneira na produción de fármacos e produtos farmacéuticos e en establecer un organismo para a investigación en materia farmacéutica que teña como obxectivo último o beneficio da poboación galega.”

-Do G.P. Socialistas de Galicia.

Emenda nº68, ao apartado III.14, de Supresión.

Débase engadir ao final do parágrafo catorce do terceiro epígrafe da exposición de motivos o seguinte contido:

Engadir *in fine*: “...igualmente regúlase a visita médica en centros médicos sanitarios do Servizo Galego de Saúde.”

-Do G.P. Socialistas de Galicia.

Emenda nº69, ao apartado III.14 bis), de Adición.

Débase engadir un novo parágrafo (inmediatamente despois do catorce parágrafo) no terceiro epígrafe da exposición de motivos:

Engadir ao final: “...Por último, neste título créase a Comisión de Farmacia de Galicia, que se constitúe como un órgano colexiado adscrito á consellaría competente en materia de



sanidade nas cuestións de participación e asesoramento en materia de planificación e ordenación farmacéuticas, indicando as súas funcións e establecendo as entidades que con carácter mínimo deben formar parte dela."

-Do G.P. Socialistas de Galicia.

Emenda nº70, ao apartado III.17, de Adición.

Débese engadir no parágrafo dezasete do terceiro epígrafe da exposición de motivos o seguinte contido:

Despois de: "...para o seu desenvolvemento...", engadir: "...fixando períodos máximos para a aprobación do regulamento ou do mapa farmacéutico...".



Reunión do Pleno do Parlamento
Día: 25.06.2019 Hora: 10:00
Orde do día

2. Comparecencia

Reunión do Pleno do Parlamento

Día: 25.06.2019

Hora: 10:00

Orde do día

2.1 51608(10/PPP-000102)


Dirección Xeral de Relacións Institucionais e Parlamentarias

Da Sra. conselleira de Educación, Universidade e Formación Profesional, por petición propia, para informar sobre a situación do ensino e da universidade de Galicia ao remate do curso 2018-2019




XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Dirección Xeral de Relacións Institucionais
e Parlamentarias



galicia



Solicitolle, consonte o disposto no artigo 144 do Regulamento da Cámara, a comparecencia a petición propia -ante o Pleno- da conselleira de Educación, Universidade e Formación Profesional para informar "sobre a situación do ensino e da universidade en Galicia ao remate do curso 2018-19".

Santiago de Compostela,

A directora xeral de Relacións Institucionais e Parlamentarias
(ASINADO DIXITALMENTE)

Asinado por: GARCÍA-SEGUROS ALVAREZ, BLANCA
Cargo: Directora Xeral
Data e hora: 17/08/2019 13:03:57

Sr. presidente do Parlamento de Galicia



CVE: 61E7/886A1
Verificación: <https://sede.xunta.gal/ovp>



Reunión do Pleno do Parlamento
Día: 25.06.2019 Hora: 10:00
Orde do día

3. Mocións

Reunión do Pleno do Parlamento
Día: 25.06.2019 Hora: 10:00
Orde do día

3.1 51558(10/MOC-000149)

Grupo Parlamentario de En Marea

Solla Fernández, Eva e Villares Naveira, Luis

Sobre as actuacións que debe levar a cabo o Goberno galego en relación coas listas de espera non estruturais do Sergas e coa política de persoal da Consellería de Sanidade (Moción a consecuencia da Interpelación nº 8786, publicada no BOPG nº 115, do 18.05.2017, e debatida na sesión plenaria do 11.06.2019)

Á MESA DO PARLAMENTO

O **Grupo Parlamentario de En Marea**, por iniciativa da súa deputada **Eva Solla Fernández** e a través do seu voceiro **Luís Villares Naveira**, ao abeiro do disposto no artigo 151.2 do Regulamento da Cámara, presenta a seguinte **Moción** para a substanciación da **Interpelación 8786 (10/INT-000373)** debatida na sesión plenaria do 11 de xuño de 2019, sobre as listas de espera non estruturais do SERGAS e a política de persoal da Consellería de Sanidade.

MOCIÓN:

“O Parlamento de Galicia insta á Xunta de Galicia a:

- Dar cumprimento das solicitudes de información ao abeiro do artigo 9 do Regulamento da Cámara en relación coas listas non estruturais do SERGAS.
- Informar ao resto de voceiros de sanidade do Parlamento de Galicia dos datos das listas de espera non estruturais do SERGAS.
- Comprometerse a non realizar ningún peche de camas nin servizos mentres existan listas de espera, procedendo á apertura das plantas e alas inoperativas de xeito permanente, dotándoas co persoal necesario, para dar cumprimento aos prazos establecidos na Lei de Garantías de prestacións sanitarias sen ter que recorrer á privada.
- Recuperar progresivamente as prazas amortizadas tanto en atención primaria como hospitalaria, negociando coas representantes sindicais a súa oferta pública.”





PARLAMENTO DE GALICIA
REGISTRO XERAL ENTRADA
Data asento: 14/06/2019 11:10:50
Nº Registro: 51558
Data envío: 14/06/2019 11:10:50.405



Santiago de Compostela, 14 de xuño de 2019.

Asdo.: Eva Solla Fernández

Deputada do G.P. de En Marea.

Luis Villares Naveira

Voceiro do G.P. de En Marea.

Asinado dixitalmente por:

Eva Solla Fernández na data 14/06/2019 11:09:32

Luis Villares Naveira na data 14/06/2019 11:10:01

CSX, REGISTRO XERAL ENTRADA
Validado
<https://seceda.parlamentodegalicia.gal/tramites/csx/>



Reunión do Pleno do Parlamento
Día: 25.06.2019 Hora: 10:00
Orde do día

3.2 51562(10/MOC-000150)

Grupo Parlamentario do Bloque Nacionalista Galego

Bará Torres, Xosé Luís

Sobre as actuacións que debe levar a cabo o Goberno galego en materia de seguridade viaria (Moción a consecuencia da Interpelación nº 43360, publicada no BOPG nº 417, do 23.01.2019, e debatida na sesión plenaria do 11.06.2019)



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 14/06/2019 12:20:58
Nº Rexistro: 51562
Data envío: 14/06/2019 12:20:58.875

Á Mesa do Parlamento

O Grupo Parlamentar do Bloque Nacionalista Galego (BNG), a iniciativa do deputado **Luis Bará Torres**, ao abeiro do disposto no artigo 151.2 do Regulamento da Cámara, presenta a seguinte **Moción** para substanciar a Interpelación debatida na sesión plenaria celebrada o pasado 11 de xuño, sobre a política do Goberno galego en materia de seguridade viaria (doc. núm **43360**, [10/INT-001431]).

Moción

“O Parlamento insta á Xunta de Galiza a:

1. Poñer en marcha unha Mesa institucional e social pola seguridade viaria co obxecto de promover un gran acordo de país arredor desta materia, coa participación das administracións, das organizacións sindicais, das entidades sociais e de todos os sectores relacionados coa mobilidade.
2. Establecer o termo “violencia viaria” para referirse á “sinistralidade viaria” provocada por factores como a conduta temeraria, a conducción baixo os efectos das drogas e alcol, e as imprudencias relacionadas co uso do móbil.
3. Declarar a seguridade viaria e a loita contra a violencia viaria como prioridade da acción de goberno e, en consecuencia, desenvolver un plan de medidas extraordinarias e urxentes para reducir significativamente os accidentes de tráfico e o número de vítimas tanto en zonas urbanas como en vías interurbanas.
4. Dirixirse ao goberno do Estado para que se impulsen os cambios normativos actualmente en tramitación que poderían incidir na baixada da cantidade e gravidade dos accidentes de tráfico.

CSM-REXISTROXERAL-VOL2
Verificación
<https://sede.parlamentodegalicia.gal/ramitas/csv/>





BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 14/06/2019 12:20:58
Nº Rexistro: 51562
Data envío: 14/06/2019 12:20:58.876

5. Desenvolver con carácter urxente campañas de sensibilización social e accións publicitarias impactantes que poñan de relevo as causas e as graves consecuencias dos accidentes de tráfico, facendo fincapé nos factores humanos (distraccións, exceso de velocidade, conduta temeraria e conducción baixo os efectos das drogas e alcol) que inciden no número e gravidade dos sinistros.

6. Desenvolver no prazo máximo de un ano un programa de educación formal e non formal sobre seguridade e violencia viaria que contemple accións nos medios de comunicación públicos, nos centros sociocomunitarios e no ámbito escolar. Con respecto ao eido educativo, este plan incluírá cando menos as seguintes liñas de actuación:

- Inclusión dos contidos de mobilidade sustentábel e segura no currículo escolar.
- Elaboración de materiais pedagóxicos sobre mobilidade e seguridade viaria dirixidos aos diferentes niveis educativos.
- Programa formativo para docentes.

7. Iniciar no segundo semestre de 2019 os traballos para a elaboración dunha Estratexia galega e unha lei da mobilidade sustentábel, saudábel e segura. Neste marco, débese apostar decididamente polos modos de mobilidade sustentábel e saudábel, en liña coas Estratexias galegas sobre a emerxencia climática e desenvolvemento sustentábel.

8. Iniciar no segundo semestre de 2019 os traballos de elaboración do novo Plan de seguridade Viaria de Galiza 2020-2023, contando coa máxima participación institucional e social.

CSX4 REXISTROZv5xXVQL2
Verificado
<https://seceda.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 14/06/2019 12:20:58
Nº Registro: 51562
Data envío: 14/06/2019 12:20:58.876

9. Desenvolver con carácter urgente actuacións específicas na rede viaria de competencia autonómica dirixidas a mellorar a seguridade nas travesías urbanas e nomeadamente a protexer as persoas que se desprazan a pé e en bici.

10. Desenvolver actuacións para previr os accidentes causados con fauna mediante a sinalización de puntos negros, creación de pasos e medidas de control da fauna.

11. Estudar, previr e reducir a sinistralidade laboral causada por accidentes de tráfico.

12. Desenvolver un plan específico de estudo, prevención e redución dos accidentes de motos.

13. Estudar a posta en funcionamento do transporte a demanda en zonas de ocio nocturno.

14. Iniciar negociacións co goberno central para a transferencia gradual da rede viaria do Estado, coa correspondente financiación, e para a axilización da transferencia das competencias en materia de tráfico e seguridade viaria. Transitoriamente, demandar o reinvestimento en Galiza do diñeiro recadado por multas de tráfico priorizando as actuacións de eliminación de puntos negros na rede viaria do Estado, así como a aprobación dunha dotación orzamentaria extraordinaria para mellora xeral da citada rede.

15. Desenvolver, en colaboración coa administración central, un plan de redución do prezo das peaxes e de liberación do pagamento de peaxes en treitos con funcionalidade de variantes e circunvalacións, para reducir o tráfico de paso por zonas urbanas.

CSX4 REGISTROZv5xXVQL2
Verificación
<https://seecta.parlamentodegalicia.gal/tramites/csx/>





BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 14/06/2019 12:20:58
Nº Rexistro: 51562
Data envío: 14/06/2019 12:20:58.876

16. Elaborar una guía de boas prácticas en materia de mobilidade e seguridade viaria no ámbito urbano, aproveitando a experiencia de cidades e vilas que están a desenvolver plans de actuación integral con moi bos resultados.

17. Establecer una planificación e priorización dos investimentos na rede viaria autonómica, así como criterios uniformes e obxectivos na transferencia da titularidade ás entidades locais evitando o reparto discrecional de fondos públicos e os convenios á carta.

18. Establecer como norma xeral a convocatoria de subvencións por concorrencia competitiva para financiar actuacións de mellora da rede viaria e urbanización de espazos públicos promovidas por entidades locais.”

Santiago de Compostela, 14 de xuño de 2019

Asdo.: **Luis Bará Torres**
Deputado do G.P. do BNG
Ana Pontón Mondelo
Portavoz do G.P. do BNG

Asinado dixitalmente por:

Xosé Luis Bará Torres na data 14/06/2019 12:20:15

CSX4REXISTROZv5xXVQL2
Verificación
<https://seecta.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 14/06/2019 12:20:58
Nº Registro: 51562
Data envío: 14/06/2019 12:20:58.876

Ana Pontón Mondelo na data 14/06/2019 12:20:26

CSV XERXISTROZv5xXVQL2
Validado
<https://seecta.parlamentodegalicia.gal/tramites/csv/>



Reunión do Pleno do Parlamento
Día: 25.06.2019 Hora: 10:00
Orde do día

3.3 51582(10/MOC-000151)

Grupo Parlamentario dos Socialistas de Galicia

Torrado Quintela, Julio

Sobre as actuacións que debe levar a cabo o Goberno galego en relación co fenómeno social da soidade non desexada (Moción a consecuencia da Interpelación nº 48288, publicada no BOPG nº 455, do 03.04.2019, e debatida na sesión plenaria do 11.06.2019)



PARLAMENTO DE GALICIA
REXISTRO XERAL ENTRADA
Data asento: 14/06/2019 16:30:00
Nº Rexistro: 51582
Data envío: 14/06/2019 16:16:20.165

Á Mesa do Parlamento

O **Grupo Parlamentario dos Socialistas de Galicia**, por iniciativa do seu deputado **Julio Torrado Quintela**, a través do seu portavoz e ao abeiro do disposto no artigo 151.2 do Regulamento da Cámara, presenta a seguinte **moción** para substanciar a Interpelación debatida na Sesión plenaria celebrada os días 11 e 12 de xuño de 2019, sobre a política do Goberno galego en relación co fenómeno social da soidade non desexada (10/INT-001597, documento número 48288).

Moción

O Parlamento galego insta a Xunta de Galicia a:

Elaborar, durante a X lexislatura e en colaboración coa Fegamp, un informe que permita dimensionar o impacto do fenómeno da soidade en Galicia.

a) Dito documento conterá un censo de persoas maiores que viven soas en Galicia.

b) Tendo en conta os resultados deste informe, e en colaboración coa Fegamp, o Goberno de España, e a participación do terceiro sector, elaborar de maneira urxente unha Estratexia de prevención e atención á soidade non desexada en Galicia, que aborde de forma integral este fenómeno.

Pazo do Parlamento, 14 de xuño de 2019

Asdo.: Julio Torrado Quintela
Deputado do G.P. dos Socialistas de Galicia

Asdo.: Xoaquín Fernández Leiceaga
Portavoz do G.P. dos Socialistas de Galicia



Asinado dixitalmente por:

Julio Torrado Quintela na data 14/06/2019 16:14:41

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tif: 981 551 530 · gp-socialista@parlamentodegalicia.es



PARLAMENTO DE GALICIA
REGISTRO XERAL ENTRADA
Data asento: 14/06/2019 16:30:00
Nº Registro: 51582
Data envío: 14/06/2019 16:16:20.165

Xoaquín María Fernández Leiceaga na data 14/06/2019 16:14:53

CSV REGISTRO XERAL ENTRADA
Validado
<https://seccr.parlamentodegalicia.gal/tramites/csv/>



Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tif: 981 551 530 · gp-socialista@parlamentodegalicia.es

Reunión do Pleno do Parlamento
Día: 25.06.2019 Hora: 10:00
Orde do día

4. Proposicións non de lei

Reunión do Pleno do Parlamento
Día: 25.06.2019 Hora: 10:00
Orde do día

4.1 36111(10/PNP-002682)

Grupo Parlamentario Popular de Galicia

Castiñeira Broz, Jaime e 6 máis

Sobre o fomento por parte da Xunta de Galicia, en colaboración coa Fegamp, da constitución de parques públicos de vivenda en alugueiro social nos concellos de menos de vinte mil habitantes, co emprego simultáneo das liñas de axuda destinadas á rehabilitación de vivendas de titularidade municipal

Publicación da iniciativa, 354, 12.09.2018

A Mesa do Parlamento

O Grupo Parlamentario Popular de Galicia a través do seu **Portavoz** e por iniciativa dos deputados e deputadas, **Jaime Castiñeira Broz, Martín Fernández Prado, Jacobo Moreira Ferro, Marta Nóvoa Iglesias, M^a Julia Rodríguez Barreira, Gonzalo Trénor López e Daniel Varela Suanzes-Carpegna**, ao abeiro do disposto no artigo 160 e concordantes do Regulamento da Cámara, presenta ante esa Mesa a seguinte **proposición non de lei para o seu debate en Pleno**.

Exposición de motivos

Se ben a Xunta de Galicia ten competencia exclusiva en materia de política de vivenda na Comunidade Autónoma, a Lei Reguladora das Bases de Réxime Local establece, no seu artigo 25 (punto 2^a) que entre as competencias dos concellos se atopan a “Promoción e xestión da vivenda de protección pública con criterios de sostibilidade financeira. Conservación e rehabilitación da edificación”.

A meirande parte dos concellos galegos non exercen esta competencia. É comprensible naqueles de menor poboación e recursos insuficientes para dotarse dun parque público de vivendas.

Pola súa parte, a Xunta de Galicia conta cun parque público de vivendas en alugueiro e axudas destinadas aos concellos que poden facilitar a constitución dun parque público de vivenda en alugueiro destinada ás familias de menos recursos. Entre esas axudas están o Fondo de Cooperación cos concellos, o programa de rehabilitación de vivendas de Mestres e outros colectivos, as axudas para infravivenda rural, etc..

No programa electoral có que o Partido Popular de Galicia obtivo a confianza maioritaria dos galegos en setembro de 2016, dentro da política de vivenda recollíase un compromiso específico de que “Buscarase a colaboración e implicación dos concellos para asumir as actuacións de reurbanización dos espazos públicos, así como adoptar medidas orientadas a facilitar as actuacións de rehabilitación”.

Por estas razóns, o Grupo Parlamentario Popular, presenta a seguinte proposición non de lei en Pleno:

“O Parlamento de Galicia insta á Xunta de Galicia a fomentar, en colaboración coa Fegamp, a constitución de parques públicos de vivenda en alugueiro social nos concellos de menos de 20.000 habitantes, co emprego simultáneo das liñas de axudas de que dispón a Xunta de Galicia para a rehabilitación de vivendas de titularidade municipal”



**GRUPO PARLAMENTARIO
POPULAR DE GALICIA**



**PARLAMENTO DE GALICIA
REXISTRO XERAL ENTRADA
Data asento: 06/09/2018 16:30
Nº Rexistro: 36111
Data envío: 06/09/2018 16:21:45.499**

Santiago de Compostela, 6 de setembro de 2018

Asinado dixitalmente por:

Pedro Puy Fraga na data 06/09/2018 16:14:59

Jaime Castiñeira Broz na data 06/09/2018 16:15:07

Martín Fernández Prado na data 06/09/2018 16:15:13

Jacobo Moreira Ferro na data 06/09/2018 16:15:21

Marta Novoa Iglesias na data 06/09/2018 16:15:28

María Julia Rodríguez Barreira na data 06/09/2018 16:15:36

Gonzalo Trenor López na data 06/09/2018 16:15:43

Daniel Luis Varela Suanzes-Carpegna na data 06/09/2018 16:15:56

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

Reunión do Pleno do Parlamento
Día: 25.06.2019 Hora: 10:00
Orde do día

4.2 46284(10/PNP-003465)

Grupo Parlamentario Popular de Galicia

Prado del Río, Paula e 8 máis

Sobre a posición do Parlamento de Galicia respecto da
Proposición de lei orgánica contra a ocupación ilegal e para
a convivencia veciñal e a protección da seguridade das
persoas e cousas nas comunidades de propietarios, presentada
no Congreso dos Deputados

Publicación da iniciativa, 434, 20.02.2019

Á Mesa do Parlamento

O Grupo Parlamentario Popular de Galicia, a través do seu Portavoz, e por iniciativa das deputadas e deputados **Paula Prado del Río, María Antón Vilasánchez, Jaime Castiñeira Broz, Martín Fernández Prado, Jacobo Moreira Ferro, Marta Novoa Iglesias, Julia Rodríguez Barreira, Gonzalo Trenor López e Daniel Varela Suanzes-Carpegna** e abeiro do disposto no artigo 160 e concordantes do Regulamento da Cámara, presenta ante esa Mesa, a seguinte **Proposición non de Lei para o seu debate en pleno**.

EXPOSICIÓN DE MOTIVOS:

O Partido Popular anunciou na presentación no Congreso dos Deputados dunha Proposición de Lei Orgánica destinada a combater a ocupación ilegal de vivendas que garanta o dereito de propiedade, a seguridade de persoas e bens e a convivencia social. No seu articulado establécese, entre outras medidas, que a Policía poderá desalojar a vivenda ocupada ilegalmente nun prazo express de 24 horas, sen necesidade de esperar varios meses como ata agora e reforza o delito de usurpación pasando dunha multa a pena de privación de liberdade dun a tres anos.

Fronte á pasividade e mesmo permisividade dos mal chamados “alcaldes do cambio”, esta Proposición de Lei, de aprobarse, evitaría situacións como a do “Patio Maravillas” en Madrid ou que se produzan feitos tan lamentables como o ocorrido o pasado 5 de xaneiro en Badalona, onde morreron tres veciños dun inmovible a consecuencia dunha sobrecarga eléctrica provocada pola “picada” ilegal dos okupas que vivían ademais de forma ilegal nun edificio do barrio de San Roc.

Esta normativa tamén evitaría a batalla campal que se produciu en xuño de 2017 en Santiago de Compostela cando foi decretado, por un xulgado, o desaloxo da casa número 11 da rúa da Algalia, onde resultaron feridos 6 policías, agredidos por un grupo de encapuchados que actuou con extrema violencia nunha manifestación para evitar o desaloxo do colectivo Escarmio e Maldicer, desaloxo que tamén foi rexeitado por Compostela Aberta, formación política que lidera Martiño Noriega, o alcalde de Santiago, criticando a actuación policial e xudicial e saiu en defensa dos okupas e mesmo nun comunicado respaldaba a ocupación facendo un recoñecemento explícito das manifestacións culturais de iniciativa popular, como é o caso dos centros sociais ocupados, que optan por funcionar á marxe das institucións, actividade que, para o partido do goberno municipal, non xeraba ningún problema de convivencia nin de seguridade. Con posterioridade, abriu un expediente urbanístico sancionador ao



propietario por tapiar o edificio para cumprir co mandato xudicial, e tras a retirada do tapiado, en xaneiro de 2019, produciuse unha reokupación do inmovible.

Estes concellos, lonxe de promover unha política efectiva de vivenda dedicáronse a “consentir” unha usurpación da propiedade que non é xustificable en ningún caso, pois trátase dunha ilegalidade en contra do dereito constitucionalmente recoñecido, a propiedade.

Cando hai unha ocupación ilegal, hai un acto contrario a dereito. Non pode ser que estas políticas de cambio baséense en considerar a ocupación ilegal como unha situación tolerable ou admisible, como non o é calquera outra ilegalidade.

Combater o alarmante e crecente problema da ocupación de vivendas, loitar contra as mafias e a delincuencia asociada á mesma e garantir así, a propiedade privada, a convivencia e a seguridade son os motivos principais que impulsan esta iniciativa normativa no Congreso dos Deputados.

Aínda que na última década acurtáronse substancialmente os prazos xudiciais para o desaloxo de vivendas, o problema da ocupación xera alarma na sociedade española e o número de vivendas ocupadas non deixa de aumentar. Ademais, o fenómeno xerou a instauración de mafias da ocupación e a utilización de moitos destes inmovibles para actividades delituosas.

Como exemplo, na Comunidade de Madrid había 4.472 vivendas okupadas, 498 máis que un ano antes, a setembro de 2018. A maioría destes inmovibles atópanse, ademais, na capital. Estas cifras reproducense de maneira similar noutras grandes capitais españolas.

A Proposición de Lei define por primeira vez de forma clara a ocupación ilegal e impide que os okupas se tenten amparar en fendas legais ou en dereitos que asisten ao cidadán que actúa legalmente, para cometer ese atentado contra a propiedade privada. Para iso permíttese que as autoridades públicas e os seus axentes interveñan dentro do espazo ocupado para proceder ao desaloxo. A autoridade pública poderá desaloxar as vivendas ocupadas ilegalmente nun prazo de 24 horas.

Así mesmo, a nova lei reforzará as penas asociadas aos delitos de usurpación, que pasarían de multa a privación de liberdade dun a tres anos e contempla de maneira específica a figura das mafias de okupación





GRUPO PARLAMENTARIO
POPULAR DE GALICIA



PARLAMENTO DE GALICIA
REGISTRO XERAL ENTRADA
Data asento: 13/02/2019 17:32:08
Nº Registro: 46284
Data envío: 13/02/2019 17:32:08.230

Así, axiliza o proceso penal para xulgar este tipo de delincuencia e para iso modifica a Lei de Axuizamento Criminal e a Lei do Xurado.

De igual maneira, amplía a reforma dos procesos civís, aprobada en xuño de 2018, para que as persoas xurídicas propietarias de vivendas ou posuidores lexítimos poidan exercer o seu dereito coa mesma axilidade que as persoas físicas á hora de recuperar a posesión das súas casas.

A nova normativa, de aprobarse, facultará tamén ás comunidades de propietarios, cando os ocupantes ilegais realicen actividades prohibidas ou molestas ou incívicas, para garantir a correcta convivencia veciñal. Ademais, considera nula a inscrición no padrón municipal cando a persoa inscrita sexa un okupa ilegal, modificando para iso a Lei de Bases de Réxime local.

Esta Proposición de Lei non regula os desafuzamentos hipotecarios nin arrendaticios nin ten como obxectivo regular os coñecidos “precarios” e deixa claro que esta normativa nada ten que ver coa que se aprobou en protección das persoas en situacións de emerxencia social ou especial vulnerabilidade habitacional cuxa protección se atopa definida en numerosas normas aprobadas polo Partido Popular.

Polas indubidables vantaxes sociais que esta iniciativa comporta, o Grupo Parlamentario Popular de Galicia presenta a seguinte **propoción non de lei en pleno**:

“1.- O Parlamento de Galicia manifesta o seu firme apoio á Proposición de Lei Orgánica contra a ocupación ilegal e para a convivencia veciñal e a protección da seguridade das persoas e cousas nas comunidades de propietarios, rexistrada no Congreso dos Deputados o 31 de xaneiro.

2.- O Parlamento de Galicia reclama das forzas políticas con representación parlamentaria que dean a súa aprobación a esta iniciativa normativa antiokupa, pioneira en España, por ser de interese xeral e necesaria para corrixir un grave problema social e de convivencia xerado por mor destas actividades ilegais contrarias ao dereito á propiedade e á seguridade das persoas e as cousas.”

Santiago de Compostela, 13 de febreiro de 2019.



Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdeg Galicia.com



GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 13/02/2019 17:32:08
Nº Rexistro: 46284
Data envío: 13/02/2019 17:32:08.230

Asinado dixitalmente por:

Pedro Puy Fraga na data 13/02/2019 17:20:03

Paula Prado Del Río na data 13/02/2019 17:20:18

Maria Antón Vilasánchez na data 13/02/2019 17:20:44

Jaime Castiñeira Broz na data 13/02/2019 17:20:52

Martín Fernández Prado na data 13/02/2019 17:20:59

Jacobo Moreira Ferro na data 13/02/2019 17:21:11

Marta Novoa Iglesias na data 13/02/2019 17:21:22

María Julia Rodríguez Barreira na data 13/02/2019 17:21:47

Gonzalo Trenor López na data 13/02/2019 17:22:07

Daniel Luis Varela Suanzes-Carpegna na data 13/02/2019 17:24:01



CSV REXISTRO-Par-VFTT0d-6

Verificación

<https://seecta.parlamentodegalicia.gal/tramites/csv/>

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

Reunión do Pleno do Parlamento
Día: 25.06.2019 Hora: 10:00
Orde do día

4.3 47507(10/PNP-003592)

Grupo Parlamentario dos Socialistas de Galicia

Díaz Villoslada, Juan Manuel e 7 máis

Sobre a elaboración pola Xunta de Galicia, coa participación das organizacións sindicais máis representativas, dunha proposta para a implantación de servizos de escolas infantís para o persoal funcionario da Administración autonómica

Publicación da iniciativa, 446, 21.03.2019



Á Mesa do Parlamento

O Grupo Parlamentario dos Socialistas de Galicia, por iniciativa dos seus deputados e deputadas, Juan Manuel Díaz Villoslada, Noela Blanco Rodríguez, Julio Torrado Quintela, Patricia Vilán Lorenzo, Matilde Begoña Rodríguez Rumbo, Patricia Otero Rodríguez, María Pierres López e Xoaquín Fernández Leiceaga, a través do portavoz e ao abeiro do disposto no artigo 160 do Regulamento da Cámara, presenta ante esa mesa a seguinte proposición non de lei para o seu debate en Pleno.

Son coñecidas as vantaxes que comporta a implantación de escolas infantís nos centros de traballo, como unha medida positiva cara á conciliación, e que derivan, entre outras cuestións, nunha redución do absentismo, un aumento da motivación e da produtividade, a mellora da planificación, a diminución da ansiedade, a mellora da comunicación, o aumento da calidade e tempo de descanso, etc.

Pódese comprobar que aínda son escasos en Galicia este tipo de establecementos infantís en empresas e organismos, públicos ou privados, de certa dimensión e cun número de persoas traballadoras de certa relevancia.

A Consellería de Política Social ten convocado axudas para promover a construción de escolas infantís en polígonos industriais, condicionadas ao cumprimento dunhas determinadas condicións mínimas, pero cun éxito bastante limitado.

Dáse ademais a circunstancia de que a propia Xunta de Galicia conta con escasos espazos dedicados a escolas infantís nos seus propios centros de traballo máis importantes. Cabe mencionar nomeadamente que o complexo de San Caetano non conta con tales servizos, pese ao numeroso persoal que presta o seu traballo nestas dependencias na capital da nosa comunidade, o que contrasta con outros centros da propia Administración autonómica que cun menor número de persoal contan con tales servizos.

A Axencia Galega de Servizos Sociais convoca anualmente un procedemento de adjudicación de prazas para fillos e fillas do persoal da Xunta de Galicia, pero como pode comprobarse, unicamente os complexos administrativos autonómicos de Vigo e Pontevedra están dotados de escolas infantís nas súas propias dependencias, pero non acontece o mesmo no resto, nos casos que recolle a Resolución das cidades de Santiago, A Coruña, Ferrol, Lugo e Ourense.

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es





PARLAMENTO DE GALICIA
REXISTRO XERAL ENTRADA
Data asento: 08/03/2019 11:31:18
Nº Rexistro: 47507
Data envío: 08/03/2019 11:31:18.843

Tamén cabe referirse cara ao futuro próximo, que coa construción da estación intermodal en Santiago, se efectuará o traslado da actual estación de autobuses, quedando ese inmovible integrado nos espazos públicos da Administración autonómica, cunhas actuacións a acometer que deberan incluír a realización dunha escola infantil.

Todo o cal leva á conclusión da bondade e a necesidade de realizar desde a Xunta de Galicia unha proposta sobre a implantación dos servizos de escolas infantís nos seus propios centros de traballo máis importantes, cuestión que debe contar coa participación e colaboración das organizacións sindicais máis representativas, e na que se incluíría unha previsión sobre os tempos concretos e investimentos necesarios cara á súa efectiva implantación, que non debe ser superior a catro anos.

Por iso, o Grupo Parlamentario dos Socialistas de Galicia, presenta a seguinte proposición non de lei:

O Parlamento de Galicia insta a Xunta de Galicia a elaborar, coa participación das organizacións sindicais máis representativas, no prazo máximo de seis meses, unha proposta para a implantación de servizos de escolas infantís para o persoal funcionario da Administración autonómica que presta os seus servizos en Santiago de Compostela, singularmente en San Caetano e San Lázaro; así como para aqueles centros de traballo propios máis importantes cos que conta Galicia. (A Coruña, Ferrol, Ourense, Lugo).

Pazo do Parlamento, 8 de marzo de 2019

Asinado dixitalmente por:

Juan Manuel Díaz Villoslada na data 08/03/2019 11:13:22

Noela Blanco Rodríguez na data 08/03/2019 11:13:33

Julio Torrado Quintela na data 08/03/2019 11:13:40

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es





PARLAMENTO DE GALICIA
REGISTRO XERAL ENTRADA
Data asento: 08/03/2019 11:31:18
Nº Registro: 47507
Data envío: 08/03/2019 11:31:18.843

Patricia Vilán Lorenzo na data 08/03/2019 11:13:47

Matilde Begoña Rodríguez Rumbo na data 08/03/2019 11:13:58

Patricia Otero Rodríguez na data 08/03/2019 11:14:04

María Luisa Pierres López na data 08/03/2019 11:14:11

Xoaquín María Fernández Leiceaga na data 08/03/2019 11:14:16



Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es

Reunión do Pleno do Parlamento
Día: 25.06.2019 Hora: 10:00
Orde do día

4.4 49953(10/PNP-003781)

Grupo Parlamentario de En Marea

Cuña Bóveda, María de los Ángeles e Chao Pérez, Luca

Sobre as actuacións que debe levar a cabo o Goberno galego en relación cos títulos expedidos pola Escola de Canteiros de Poio

Publicación da iniciativa, 479, 22.05.2019



Á MESA DO PARLAMENTO

O **Grupo Parlamentar de En Marea**, a iniciativa das súas deputadas **Ánxeles Cuña Bóveda e Luca Chao Pérez**, ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate en Pleno**.

EXPOSICIÓN DE MOTIVOS

A Escola de Canteiros de Poio naceu no ano 1979, no mosteiro da localidade. Dependía, na súa orixe, do Ministerio de Cultura, pero, tres anos máis tarde, a Deputación de Pontevedra fíxose cargo dela.

A Escola foi creada para transmitir ás novas xeracións as artes que, durante séculos, deron sona ao noso patrimonio labrado en pedra. A institución imparte 5 anos de formación, tres que habilitan para ser canteiro e dous máis para formar aos mestres canteiros. Cada curso consta de preto de mil horas lectivas.

Para poder levar a cabo a súa fermosa labor, a Escola conta cun orzamento anual de 1 millón de euros.

Malia que o centro dispón dos medios necesarios para ser un centro de referencia nacional e internacional, a realidade é que nestes momentos suma só 11 alumnos. Nos seus mellores tempos, había arredor de 80 estudantes, moitos dos cales remataron traballando na Catedral de Santiago, na Sagrada Familia, no Big Ben, no Capitolio...

A razón de que se producira semellante descenso do alumnado é que, por mor do





desleixo insensato da Xunta de Galicia, os títulos da Escola non posúen validez oficial ningunha. A Asociación de canteiros leva máis dunha década denunciándoo, pero as institucións non souberon estar á altura das súas esixencias.

Isto ten que mudar de inmediato. A Formación Profesional é competencia exclusiva do Goberno da Xunta, polo que lle corresponde a el iniciar os trámites e homologación para que os títulos da Escola de Canteiros de Poio se recoñezan, como corresponde, como títulos de ciclo medio e ciclo superior.

Por todo o dito, o Grupo Parlamentar de En Marea presenta a seguinte Proposición non de lei:

O Parlamento galego insta a Xunta de Galicia a:

- Iniciar os trámites para homologar os títulos da Escola de Canteiros de Poio converténdoo en títulos de ciclo medio e superior.
- Homologar retrospectivamente tódolos títulos expedidos pola Escola de Canteiros ao longo dos seus corenta anos de historia.

Santiago de Compostela, 16 de maio de 2019.

Asdo.: Ánxeles Cuña Bóveda

Luca Chao Perez

Deputadas do G.P. de En Marea

Luís Villares Naveira

Voceiro do G.P. de En Marea





PARLAMENTO DE GALICIA
REGISTRO XERAL ENTRADA
Data asento: 16/05/2019 12:18:58
Nº Registro: 49953
Data envío: 16/05/2019 12:18:58.277



Asinado dixitalmente por:

María de los Ángeles Cuña Bóveda na data 16/05/2019 11:39:52

Luca Chao Pérez na data 16/05/2019 11:40:10

Luis Villares Naveira na data 16/05/2019 11:40:28



CSV REGISTRO49953-1165

Verificar

<https://seceda.parlamentodegalicia.gal/tramites/csv/>

Reunión do Pleno do Parlamento
Día: 25.06.2019 Hora: 10:00
Orde do día

4.5 50311(10/PNP-003812)

Grupo Parlamentario dos Socialistas de Galicia

Pierres López, María Luisa e 2 máis

Sobre a posta en marcha polo Goberno galego dun procedemento para a valoración da calidade arquitectónica das edificacións afectadas polos artigos 24 e 39 da Lei 2/2016, do solo de Galicia, que queiran obter a excepcionalidade do cumprimento das condicións especiais xenéricas que lles son aplicables

Publicación da iniciativa, 483, 05.06.2019



Á Mesa do Parlamento

O **Grupo Parlamentario dos Socialistas de Galicia**, por iniciativa das súas deputadas e do seu deputado **María Luisa Pierres López, Luís Manuel Álvarez Martínez e Patricia Vilán Lorenzo**, a través do seu portavoz, e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei** para o seu debate en **Pleno**.

Exposición de motivos

A calidade é a propiedade ou conxunto de propiedades inherente a algo, que permite vulgar o seu valor, e que permite comparala con calquera outra da súa mesma especie.

Para o historiador e crítico da arquitectura Willian Curtis *“a arquitectura de calidade está intimamente ligada ao diálogo coa sociedade co contexto urbano – en sentido físico – e a iconografía da cidade.”*

Nun contexto no que ten diminuído a obra pública, ábrese un momento idóneo para reflexionar sobre este concepto co obxectivo de mellorar a calidade xeral da arquitectura.

Aínda hoxe as persoas usuarias descoñecen as calidades a valorar nunha edificación, máxime se falamos do ámbito residencial, tan agredido e pouco coidado durante anos no territorio galego.

Galicia conta con persoas expertas suficientes para poder valorar en todo caso as condicións de calidade arquitectónica que lle da a unha edificación un valor engadido. Ése que no futuro a convirte en moitos casos en patrimonio susceptible de seren conservado e protexido. Ter en conta a imitación do tradicional, ou a idade como único valor que outorga calidade a unha edificación é negar a posibilidade de aportar arquitecturas que nun futuro podan converterse tamén en patrimonio

A día de hoxe, contamos con edificacións modernas e contemporáneas recoñecidas internacionalmente, non só en ámbitos urbanos senón incluso en contornos rurais. Moitas delas non empregan materiais ou volumetrías tradicionais, e sen embargo conseguen a súa integración na paisaxe e contornos. Sen embargo a normativa actual e moitos dos planeamentos municipais, antepoñen o valor da preexistencia, moitas veces sen valor, e desdeñan a





PARLAMENTO DE GALICIA
REXISTRO XERAL ENTRADA
Data asento: 29/05/2019 16:37:03
Nº Rexistro: 50311
Data envío: 29/05/2019 16:37:03.690

contemporaneidade, aínda que a súa linguaxe recolla as proporcións, o equilibrio e os principios da tradicional, e os reinterprete afastándose do mero mimetismo tipolóxico.

A Lei 2/2016, do 10 de febreiro, do solo de Galicia xa contempla a calidade arquitectónica, contemplándoa en dous dos seus artigos:

Art. 24 Réxime e condicións de edificación no solo de núcleo rural

No seu punto 7: as novas edificacións que se pretendan situar nos núcleos rurais tradicionais identificaranse coas características propias do lugar e estarán encamiñadas a consolidar a trama rural existente. Todas elas cumprirán as seguintes condicións:

As características tipolóxicas, estéticas e construtivas e os materiais, as cores e os acabados serán acordes coa paisaxe rural e coas construcións tradicionais do asentamento, sen prexuízo doutras propostas que se xustifiquen pola súa calidade arquitectónica.

Artigo 39. Condicións xerais das edificacións no solo rústico

No seu punto apartado c) Cumprir as seguintes condicións de edificación:

– As características tipolóxicas, estéticas e construtivas e os materiais, as cores e os acabados serán acordes coa paisaxe rural e coas construcións do contorno, sen prexuízo doutras propostas que se xustifiquen pola súa calidade arquitectónica.

Pero estes artigos, non atopan unha aplicación práctica, porque non existe a día de hoxe un procedemento que permita ás persoas promotoras xustificar a calidade arquitectónica das súas edificacións.

A situación é tan incomprensible, e tan contraria a unha mellor paisaxe, que a día de hoxe a falta de calidade arquitectónica dunha vivenda non a discute ninguén, sempre que asuma unha cor, un material e un volume, pero a calidade extraordinaria parece ser algo que se rexeita como un problema a evitar.



Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es



PARLAMENTO DE GALICIA
REGISTRO XERAL ENTRADA
Data asento: 29/05/2019 16:37:03
Nº Rexistro: 50311
Data envío: 29/05/2019 16:37:03.690

Por todo o exposto, o Grupo Parlamentario dos Socialistas de Galicia presenta a seguinte proposición non de lei en Pleno:

O Parlamento galego insta a Xunta de Galicia a poñer en marcha, no prazo máximo de catro meses, un procedemento que permita valorar a calidade arquitectónica de todas aquelas edificacións que afectadas polos artigos 24 e 39 da Lei 2/2016, do 10 de febreiro, do solo de Galicia queiran obter a excepcionalidade de cumprimento das condicións especiais xenéricas que lle son de aplicación.

Pazo do Parlamento, 29 de maio de 2019

Asdo.: María Luisa Pierres López
Luís Manuel Álvarez Martínez
Patricia Vilán Lorenzo
Deputadas e deputado do G.P. dos Socialistas de Galicia

Asdo.: Xoaquín Fernández Leiceaga
Portavoz do G.P. dos Socialistas de Galicia

Asinado dixitalmente por:

María Luisa Pierres López na data 29/05/2019 16:33:51

Luis Manuel Álvarez Martínez na data 29/05/2019 16:33:57

Patricia Vilán Lorenzo na data 29/05/2019 16:34:02

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tif: 981 551 530 · gp-socialista@parlamentodegalicia.es





PARLAMENTO DE GALICIA
REGISTRO XERAL ENTRADA
Data asento: 29/05/2019 16:37:03
Nº Registro: 50311
Data envío: 29/05/2019 16:37:03.690

Xoaquín María Fernández Leiceaga na data 29/05/2019 16:34:08

CSV REGISTROS CNPOJ6
Verificado
<https://seccr.parlamentodegalicia.gal/tramites/csv/>



Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tif: 981 551 530 · gp-socialista@parlamentodegalicia.es

Reunión do Pleno do Parlamento
Día: 25.06.2019 Hora: 10:00
Orde do día

4.6 50426(10/PNP-003820)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre as actuacións que debe levar a cabo o Goberno galego en relación cos pregos de condicións para a concesión do servizo público de transporte regular de viaxeiros por estrada e a elaboración dun novo plan de transporte público por estrada

Publicación da iniciativa, 486, 12.06.2019



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 03/06/2019 12:19:33
Nº Rexistro: 50426
Data envío: 03/06/2019 12:19:33.838

Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas e deputados **Luis Bará Torres, Ana Pontón Mondelo, Olalla Rodil Fernández, Xosé Luis Rivas Cruz, Montserrat Prado Cores e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate en Pleno**.

EXPOSICIÓN DE MOTIVOS

O Tribunal Administrativo de Contratación Pública decretou o pasado 26 de abril a suspensión cautelar do proceso de licitación dos contratos de transporte de viaxeiros/as por estrada. Esta medida foi acordada a petición das patronais do sector e do sindicato CIG, que consideraban que os pregos teñen unhas estimacións de custos económicos erróneas, o que tería consecuencias moi negativas para a viabilidade do servizo e para as condicións laborais e salariais do persoal.

Posteriormente, tanto as organizacións sindicais como patronais presentaron recursos contra os pregos dos novos contratos, nos que sinalan numerosas deficiencias en materia de custos económicos das concesións e de vulneración da legalidade.

Tanto a suspensión cautelar como os recursos presentados poñen en evidencia as presións, a falta de rigor e a falta de planificación con que a Consellaría de Infraestruturas e Mobilidade está a levar a posta en marcha do chamado Plan de Transporte Público por estrada, no que prevalecen criterios de aforro económico sobre a mellora do servizo público.

CSM - REVISTRONH8vneP2e9
Verificación:
<https://sede.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 03/06/2019 12:19:33
Nº Rexistro: 50426
Data envío: 03/06/2019 12:19:33.838

Ademais dun discutíbel mapa de liñas, que pon de manifesto un defectuoso estudo de campo por parte das empresas consultoras, os pregos conteñen un deficiente estudo dos custos económico-financeiros das concesións, que se sitúan moi por debaixo dos compromisos adquiridos polo propio goberno galego e que terían como consecuencia principal a perda de postos de traballo e o empeoramento das condicións laborais e salariais dos traballadores e traballadoras. O acontecido no pasado co concurso do transporte sanitario do SERGAS, que se licitou por debaixo do custo real, é un precedente negativo que hai que ter en conta para evitar que se repita.

Esta suspensión cautelar e a resolución dos recursos pode afectar ao calendario de licitacións e adjudicacións establecido pola Dirección Xeral de Mobilidade, que prevía que os 100 primeiros contratos estivesen operativos en agosto e que os 50 restantes se licitarían no mes de xuño para entrar en funcionamento a finais de 2019.

Polo anteriormente exposto, o Grupo Parlamentar do BNG presenta a seguinte proposición non de lei para o debate en Pleno:

“O Parlamento insta á Xunta de Galiza a

1. Reformular os pregos de condicións da concesión do servizo público de transporte regular de viaxeiros por estrada (lotes XG 600 a XG 743) dado que a execución do contrato vai supoñer o incumprimento das obrigas sociais e laborais a respecto dos traballadores e traballadoras.

2. Abrir un proceso de diálogo e negociación con todos os axentes sociais e institucionais para elaborar un novo plan de transporte público por estrada, que se

2

CSX: REXISTRO FROM BNG P29
Verificado
<https://seceda.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR
Parlamento de Galicia

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 03/06/2019 12:19:33
Nº Registro: 50426
Data envío: 03/06/2019 12:19:33.838

enmarque nun Plan Director de Mobilidade Sostíbel e que responda ás necesidades do territorio e da sociedade galega do século XXI.”

Santiago de Compostela, 3 de xuño de 2019

Asdo.: **Luis Bará Torres**

Noa Presas Bergantiños

Olalla Rodil Fernández

Xosé Luis Rivas Cruz

Montserrat Prado Cores

Deputadas e deputados do G.P. do BNG

Ana Pontón Mondelo

Portavoz do G.P. do BNG

Asinado dixitalmente por:

Xosé Luis Bará Torres na data 03/06/2019 12:13:56

María Montserrat Prado Cores na data 03/06/2019 12:14:02

Ana Pontón Mondelo na data 03/06/2019 12:14:04

Xose Luis Rivas Cruz na data 03/06/2019 12:14:05

CSV: REGISTRO FROM BNG P29
Verificado
<https://seceda.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR
Parlamento de Galicia

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
ep-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 03/06/2019 12:19:33
Nº Registro: 50426
Data envío: 03/06/2019 12:19:33.838

Olalla Rodil Fernández na data 03/06/2019 12:14:08

Noa Presas Bergantiños na data 03/06/2019 12:14:09

CSV, EXIST FROM BNG P29
Verificado
<https://seceda.parlamentodegalicia.gal/tramites/csv/>



Reunión do Pleno do Parlamento
Día: 25.06.2019 Hora: 10:00
Orde do día

4.7 50678(10/PNP-003829)

Grupo Parlamentario de En Marea

Miranda Pena, Flora María e 2 máis

Sobre a elaboración pola Xunta de Galicia dunha proposta alternativa e sustentable para o depósito dos lodos procedentes da dragaxe do río Lérez

Publicación da iniciativa, 486, 12.06.2019



PARLAMENTO DE GALICIA
REXISTRO XERAL ENTRADA
Data asento: 05/06/2019 13:35:23
Nº Rexistro: 50678
Data envío: 05/06/2019 13:35:23.643



Á MESA DO PARLAMENTO

O Grupo Parlamentar de En Marea, por iniciativa das súas deputadas **Flora Miranda Pena, Paula Quinteiro Araujo e Marcos Cal Ogando**, ao abeiro do disposto no artigo 160 no do Regulamento da Cámara, presenta a seguinte **Proposición non de lei para o seu debate en Pleno**.

Exposición de motivos

Durante a pasada semana vén de anunciarse que o lugar escollido por Portos de Galicia para depositar os residuos procedentes dun futuro e suposto dragado do río Lérez será o entorno da Illa de Sálvora.

Dende a nosa organización xa temos amosado a nosa posición contraria ao actual proxecto de dragaxe que parece, unicamente, buscar o beneficio dunha entidade vencellada ao turismo náutico sen clarificar as consecuencias medioambientais, ou os supostos beneficios deste dragado para o marisqueo na ría de Pontevedra. Beneficios que nos poñemos en dúbidas co actual proxecto. Pero agora, ademais, este proxecto pretende depositar os lodos que se retiren do Lérez na ría de Arousa, no entorno do Parque Nacional, e sen ningún tipo de estudo que garanta que estes non afectarán á riqueza pesqueira e marisqueira da ría de Arousa.

Non parece razoable que cando se ten rexeitado a opción de depositar este lodos en Tambo, polo impacto que suporía para o seu entorno e a súa produción marisqueira, a solución sexa depositalos na ría máis produtiva do mundo, e que xa está a sufrir enormes impactos medioambientais derivados do descoido da Xunta de Galicia.

CSM - REXISTROSGIBEU.p8
Verificación:
<https://sede.parlamentodegalicia.gal/ramitas/csv/>





PARLAMENTO DE GALICIA
REXISTRO XERAL ENTRADA
Data asento: 05/06/2019 13:35:23
Nº Rexistro: 50678
Data envío: 05/06/2019 13:35:23.643



Por todo o exposto, o Grupo Parlamentar de En Marea presenta a seguinte Proposición non de lei para o seu debate en Pleno:

O Parlamento Galego acorda demandar da Xunta de Galicia a elaboración dunha proposta alternativa e sustentable para o depósito dos lodos procedentes do dragado do Lérez, de tal forma que se garanta que estes non afectarán a ningunha das rías galegas, nomeadamente a ría de Arousa.

Santiago de Compostela, 5 de xuño de 2019.

Asdo.: Flora Miranda Pena

Paula Quinteiro Araújo

Marcos Cal Ogando

Deputadas e deputado do G.P. de En Marea.

Luís Villares Naveira

Voceiro do G.P. de En Marea.

Asinado dixitalmente por:

Flora María Miranda Pena na data 05/06/2019 13:31:57

Paula Quinteiro Araújo na data 05/06/2019 13:32:07



CSV: REXISTROa9g8BUj8

Verificado

<https://seceda.parlamentodegalicia.gal/tramites/csv/>



PARLAMENTO DE GALICIA
REGISTRO XERAL ENTRADA
Data asento: 05/06/2019 13:35:23
Nº Registro: 50678
Data envío: 05/06/2019 13:35:23.643



Marcos Cal Ogando na data 05/06/2019 13:32:25

Luis Villares Naveira na data 05/06/2019 13:32:52

CSV REGISTRO de Galicia
Verificado
<https://seceda.parlamentodegalicia.gal/tramites/csv/>



Reunión do Pleno do Parlamento
Día: 25.06.2019 Hora: 10:00
Orde do día

4.8 50691(10/PNP-003830)

Grupo Parlamentario do Bloque Nacionalista Galego

Rodil Fernández, Olalla e 5 máis

Sobre o desenvolvemento e aplicación polo Goberno galego, de xeito real e efectivo, da Lei 2/2014, pola igualdade de trato e a non discriminación de lesbianas, gays, transexuais, bisexuais e intersexuais en Galicia, así como as actuacións que debe levar a cabo ao respecto

Publicación da iniciativa, 486, 12.06.2019



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 05/06/2019 16:30:00
Nº Rexistro: 50691
Data envío: 05/06/2019 14:05:38.313

Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas e deputados **Olalla Rodil Fernández, Luis Bará Torres, Ana Pontón Mondelo, Xosé Luis Rivas Cruz, Montserrat Prado Cores e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate en Pleno**, sobre o grao de aplicación e desenvolvemento da Lei 2/2014, do 14 de abril, pola igualdade de trato e a non discriminación de lesbianas, gays, transexuais, bisexuais e intersexuais en Galiza e as medidas que debe adoptar o Goberno galego para avanzar cara á unha sociedade inclusiva, diversa, máis democrática e xusta.

EXPOSICIÓN DE MOTIVOS

En abril de 2014 o Parlamento aprobou por unanimidade a Lei 2/2014 pola igualdade de trato e non discriminación de lesbianas, gays, transexuais, bisexuais e intersexuais.

Galiza convertíase así no primeiro territorio do Estado español en contar cun instrumento normativo contra a discriminación por razón de orientación sexual ou identidade de xénero. Porén, transcorridos cinco anos desde a súa aprobación e entrada en vigor o noso país foi ficando atrás.

Alén das limitacións coas que o propio texto legal naceu --nomeadamente a non incorporación dun capítulo de sancións ou dun protocolo de resposta perante agresións LGBTfóbicas que si prevía o proxecto de lei no seu inicio-- o veto do Partido Popular

CSM-REXISTROPOLYRUH9
Verificación:
<https://sede.parlamentodegalicia.gal/tramites/csv/>



en xullo de 2017 a continuar avanzando cunha Lei galega de identidade de xénero, desprazou Galiza da posición de vangarda.

De facto, a Lei 2/2014 apenas inclúe unha única referencia expresa á transexualidade (artigo 20) en relación á garantía de “atención sanitaria, segundo a necesidade e o criterio clínico, das prácticas e para as terapias relacionadas coa transexualidade”.

A falta de impulso e vontade política do Partido Popular na Xunta de Galiza fixo que transcorridos cinco anos continúe sen se aplicar e desenvolver na súa totalidade a Lei 2/2014.

Así pois,

a) No **ámbito laboral** a Xunta de Galiza tiña obriga de elaborar un estudo no que se visibilizase a situación das persoas LGBT para os efectos de coñecer a súa situación laboral e as medidas a adoptar para loitar contra a súa discriminación en empresas públicas e privadas (artigo 12.3). Non se fixo.

Tampouco se ten elaborado un protocolo de igualdade e boas prácticas en materia de non discriminación por razón de orientación sexual e identidade de xénero (artigo 12.7). O Consello Galego de Relacións Laborais ten publicado unha *Guía de boas prácticas en materia de igualdade para a negociación colectiva* mais ao abeiro da Lei 3/2007 de 22 de marzo, para a igualdade efectiva de mulleres e homes. A guía só fai referencia en dúas ocasións á discriminación por orientación sexual e nin unha soa á transexualidade.

b) No **ámbito social e familiar**, lonxe de aproveitar a rede de Centros Quérote creada polo BNG durante o Goberno bipartito, o Partido Popular optou por derivar a





BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 05/06/2019 16:30:00
Nº Rexistro: 50691
Data envío: 05/06/2019 14:05:38.313

atención de persoas LGBT aos CIM coa reforma do Decreto que os regula en 2016 sobrecargando aínda máis estes servizos e a un persoal sen a formación necesaria. Durante a última década, ademais, baleirouse de contido os Quérote poñendo fin a importantes programas dirixidos especialmente á non discriminación do colectivo LGBT como *Entendo*.

c) No **ámbito sanitario** e especificamente no referido ás persoas transexuais, a Xunta de Galiza ten aprobado a Instrución 13/2017 pola que se establece o procedemento a seguir polos profesionais do SERGAS para a atención á transexualidade das persoas menores de idade. Un texto claramente insuficiente, enfocado na creación da unidade de referencia do CHUS mais que non unifica criterios de asistencia e no acceso a tratamentos polo que precisa ser complementada cun protocolo que foi anunciado mais non aprobado até o momento.

Neste senso, a Xunta de Galiza –ao contrario que outros territorios como Aragón, Madrid, Valencia ou Andalucía-- non permite a modificación da identidade na tarxeta sanitaria, aínda que insta ao uso do nome sentido durante a atención sanitaria. Isto evidencia a necesidade de mudanzas legais como as previstas no proxecto de Lei galega de identidade de xénero vetado en 2017.

Por todo isto, o Grupo Parlamentar do BNG presenta a seguinte proposición non de lei para debate en Pleno:

“O Parlamento insta a Xunta de Galiza a desenvolver e aplicar de maneira real e efectiva a Lei 2/2014, do 14 de abril, pola igualdade de trato e a non discriminación de lesbianas, gays, transexuais, bisexuais e intersexuais en Galiza adoptando, entre outras, as seguintes medidas:

3

CSV REXISTROPOLY/RUH9
Verificado
<https://seceda.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR
Parlamento de Galicia

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 05/06/2019 16:30:00
Nº Rexistro: 50691
Data envío: 05/06/2019 14:05:38.313

1.- Elaborar e publicar no menor prazo de tempo posíbel mais en todo caso antes de que remate a presente lexislatura, un estudo no que se visibilizase a situación socio-laboral das persoas LGBT e as medidas a adoptar para loitar contra a súa discriminación en empresas públicas e privadas así como promover a ocupación daqueles colectivos con maior taxa de exclusión.

2.- Elaborar, no marco do diálogo social (incluídas as organizacións representativas do colectivo LGBT) e antes de rematar a presente lexislatura, un protocolo específico de igualdade e boas prácticas no ámbito empresarial e as relacións laborais en materia de non discriminación por razón de orientación sexual e identidade de xénero.

3.- Modificar o Decreto 130/2016, do 15 de setembro, polo que se establecen os requisitos e o procedemento para o recoñecemento e acreditación dos centros de información á muller de titularidade das entidades locais de Galiza, así como para a modificación e extinción do seu recoñecemento, retirándolles as competencias en materia LGBT.

4.- Reforzar, dotando de máis recursos económicos e humanos, así como dunha programación estábel a rede de Centros Quérote+ prestando especial atención ao colectivo LGBT naqueles aspectos nos que, malia os avances en dereitos, a orientación do desexo ou a identidade sexual e de xénero continúan a ser causa de discriminación.

5.- Diseñar e difundir unha campaña entre o persoal do SERGAS encamiñada a socializar a Instrución 13/2017 así como a formar, resolver posíbeis dúbidas ou diferenzas de criterios na súa aplicación. Desenvolver, ampliar e mellorar a devandita Instrución a través da aprobación dun protocolo sobre atención sanitaria de persoas





BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 05/06/2019 16:30:00
Nº Registro: 50691
Data envío: 05/06/2019 14:05:38.313

transexuais, maiores e menores de idade, desde un enfoque despatoloxizante e baseado no respecto do dereito de autodeterminación de xénero.”

Santiago de Compostela, 5 de xuño de 2019

Asdo.: **Olalla Rodil Fernández**

Luis Bará Torres

Noa Presas Bergantiños

Xosé Luis Rivas Cruz

Montserrat Prado Cores

Deputadas e deputados do G.P. do BNG

Ana Pontón Mondelo

Portavoz do G.P. do BNG

Asinado dixitalmente por:

Olalla Rodil Fernández na data 05/06/2019 14:04:39

Xosé Luis Bará Torres na data 05/06/2019 14:04:49

Noa Presas Bergantiños na data 05/06/2019 14:04:55

María Montserrat Prado Cores na data 05/06/2019 14:05:04

CSV: REGISTROPOLY/RU19
Verificado
<https://seecta.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR
Parlamento de Galicia

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
ep-bng@parlamentodegalicia.gal
15702 Santiago de Compostela
Galiza

PARLAMENTO
DE GALICIA



PARLAMENTO DE GALICIA
REGISTRO XERAL ENTRADA
Data asento: 05/06/2019 16:30:00
Nº Registro: 50691
Data envío: 05/06/2019 14:05:38.313

Xose Luis Rivas Cruz na data 05/06/2019 14:05:12

Ana Pontón Mondelo na data 05/06/2019 14:05:21

CSX REGISTROPOLYRUH9
Verificado
<https://seecta.parlamentodegalicia.gal/tramites/csx/>



Reunión do Pleno do Parlamento
Día: 25.06.2019 Hora: 10:00
Orde do día

5. Interpelacións

Reunión do Pleno do Parlamento
Día: 25.06.2019 Hora: 10:00
Orde do día

5.1 45948(10/INT-001520)

Grupo Parlamentario dos Socialistas de Galicia

Torrado Quintela, Julio e 2 máis

Sobre a política do Goberno galego en relación coa atención á
saúde da muller

Publicación da iniciativa, 434, 20.02.2019



PARLAMENTO DE GALICIA
REXISTRO XERAL ENTRADA
Data asento: 11/02/2019 16:30:00
Nº Rexistro: 45948
Data envío: 11/02/2019 16:26:33.619

Á Mesa do Parlamento

Julio Torrado Quintela, María Luisa Pierres López e Noela Blanco Rodríguez, deputado e deputadas pertencentes ao **Grupo Parlamentario dos Socialistas de Galicia**, ao abeiro do disposto no artigo 147 do Regulamento da Cámara, presentan ante esa Mesa a seguinte **interpelación**.

A Lei Orgánica 2/2010, do 3 de marzo, de saúde sexual e reprodutiva e de interrupción voluntaria do embarazo, aprobada polo goberno presidido por José Luis Rodríguez Zapatero, constituíu un avance nos dereitos das mulleres sobre a súa saúde sexual e reprodutiva. Esta lei superou á lexislación anterior (Lei orgánica 9/1985) e abriu a posibilidade ás mulleres de decidir de maneira máis completa e libre sobre a súa propia maternidade.

Esta lei ten sido considerada un gran avance de dereitos por numerosos organismos políticos internacionais, e conta cun amplísimo respaldo científico e profesional. De maneira especial ten sido amosado dende entón un apoio contundente e masivo por parte das mulleres, que viron un desenvolvemento legal dunha situación que necesitaba unha regulación ao nivel da súa importancia.

Dende entón véñese producindo, de maneira sistemática e periódica, un rexeitamento a esta lexislación e unha chamada á limitación de dereitos por parte das posicións e organizacións máis restritivas e reaccionarias no que corresponde aos dereitos civís, especialmente aos dereitos das mulleres. Recentemente estas posicións ideolóxicas, minoritarias na sociedade, tiveron un reforzamento dende organizacións ideoloxicamente situadas na extrema dereita, apoiadas en organizacións residuais en número. Contra o que sería o resultado natural desta situación que limitaría esas valoracións a meras expresións políticas de organizacións con limitada capacidade de influencia, percíbese un incremento do apoio ao rexeitamento á citada lei por parte de líderes de partidos de elevada representación institucional no conxunto de España e nas distintas autonomías, como é o caso do Partido Popular a través do seu principal referente Pablo Casado.

No caso de Galicia, a aplicación da Lei 2/2010 debera recibir un pulo de reforzo e non de minoración, pois existen datos que evidencian que non chega ao 10 % o número de mulleres que poden acollerse na rede sanitaria pública galega a este dereito, existindo unha derivación a centros concertados. Existiron casos nos últimos tempos de mulleres que, tendo solicitado o seu dereito recollido na lei, foron derivadas a clínicas doutras comunidades autónomas, como o caso de

CSM-REXISTRO-xgf-Qde8Sx-9
Verificación:
<https://sede.parlamentodegalicia.gal/tramites/csv/>



Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es



PARLAMENTO DE GALICIA
REXISTRO XERAL ENTRADA
Data asento: 11/02/2019 16:30:00
Nº Rexistro: 45948
Data envío: 11/02/2019 16:26:33.619

Madrid, demorando a atención no tempo, o que causa maior risco para a muller e un período excesivo. Algún caso resultou en consecuencias fatais, e o Sergas xa foi condenado por mala atención a unha muller embarazada, por esta demora nun caso que obrigou a unha muller a acudir polos seus propios medios a Madrid e que terminou por perder o útero e a súa posterior capacidade reprodutiva.

En diversas ocasións, o Grupo Parlamentario Socialista ten formulado no Parlamento de Galicia a necesidade dun plan integral de atención sanitaria ás mulleres, dadas as especificidades que se deben considerar, e a Xunta de Galicia terminou por anunciar un plan nesta liña a partires do caso antes citado da condena ao Sergas.

Por todo o exposto, o deputado e as deputadas que asinan interpelan ao Goberno galego nos seguintes termos:

1. Apoia á Xunta de Galicia de maneira inequívoca a Lei orgánica 2/2010, do 3 de marzo, de saúde sexual e reprodutiva e de interrupción voluntaria do embarazo?
2. Por que a Xunta de Galicia non pode garantir hoxe que todas as mulleres que desexen interromper o seu embarazo poidan facelo en Galicia, cunha atención integral e de calidade, con axuste aos protocolos internacionais e coa maior e mellor atención sanitaria, psicolóxica e emocional posible?
3. Considera a Xunta de Galicia que están ben dotados en termos materiais e humanos os centros de atención primaria tanto urbanos como rurais en Galicia no que corresponde a atención sanitaria á muller?
4. Ten a Xunta de Galicia elaborado un Plan integral de atención sanitaria á muller?

Pazo do Parlamento, 11 de febreiro de 2019

Asdo.: Julio Torrado Quintela
María Luisa Pierres López
Noela Blanco Rodríguez
Deputado e deputadas do G.P. dos Socialistas de Galicia



Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es



PARLAMENTO DE GALICIA
REGISTRO XERAL ENTRADA
Data asento: 11/02/2019 16:30:00
Nº Registro: 45948
Data envío: 11/02/2019 16:26:33.619

Asinado dixitalmente por:

Julio Torrado Quintela na data 11/02/2019 16:25:10

María Luisa Pierres López na data 11/02/2019 16:25:16

Noela Blanco Rodríguez na data 11/02/2019 16:25:20

CSV REGISTRO-XG5089Sx-9
Validado
<https://seccr.parlamentodegalicia.gal/tramites/csv/>



Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tif: 981 551 530 · gp-socialista@parlamentodegalicia.es

Reunión do Pleno do Parlamento
Día: 25.06.2019 Hora: 10:00
Orde do día

5.2 48741(10/INT-001623)

Grupo Parlamentario dos Socialistas de Galicia

Burgo López, María de la Concepción e Álvarez Martínez, Luis Manuel

Sobre a política do Goberno galego en relación co sector das artes escénicas

Publicación da iniciativa, 458, 09.04.2019



Mesa do Parlamento

Concepción Burgo López e Luis Álvarez Martínez, deputada e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 147 do Regulamento da Cámara, presentan ante esa Mesa a seguinte **Interpelación**:

O Centro Dramático Galego (CDG), creado fai mais de 30 anos como resposta ás demandas do sector escénico, está sufrindo dende a chegada do PP a Xunta de Galicia un proceso de abandono moi preocupante.

Nos últimos anos os problemas se multiplicaron e están a provocar unha seria inqueda en todo o sector pola continua perda de peso dun centro que tiña que ser emblemático para a cultura galega.

A Asociación de Actores e Actrices de Galicia (AAAG) está a denunciar dende fai anos estes problemas sen atopar unha resposta positiva da Consellería de Cultura ni da Agadic.

Si ben os problemas do CDG, como dixemos antes, se deron desde o principio do goberno do Sr. Feijoo, nos últimos anos se multiplicaron ao decidir Agadic, na tempada de 2016, instaurar un sistema de selección de elencos baseada na libre concorrencia e nas leis que rexen a función pública, un marco legal que ten un moi difícil axustarse á realidade do sector escénico e as peculiaridades laborais dos intérpretes. Eses desaxustes, e as irregularidades cometidas diante o proceso, levaron a dimisión aos membros do tribunal encargado da selección de actores e actrices para Martes de Carnaval de Valle-Inclán, así como a dimisión do director Tito Asorey. No 2018, en cambio e a pesar de que o director de Agadic afirmaba que non había outra forma de seleccionar os elencos, decidiuse externalizar o proceso de contratación, dramaturxia tradución e interpretación a unha compañía privada, perdendo a Agadic o control da obra, situación que nunca se dera no CDG.

Pero CDG leva tempo sufrindo outros problemas que están a reducir case a nada o seu papel. Ente eles un forte descenso da súa actividade cunha cada vez máis reducida produción propia, que agora é de só unha obra por tempada e con elencos moi reducidos de dez intérpretes. Tampouco se fan coproducións e a distribución resúmese en una pequena xira polas sete cidades galegas. Con todo





PARLAMENTO DE GALICIA
REXISTRO XERAL ENTRADA
Data asento: 04/04/2019 16:35:22
Nº Rexistro: 48741
Data envío: 04/04/2019 16:35:22.347

elo e co forte proceso de burocratización e unha lexislación pouco acorde cas necesidades do sector, o CDG deixou de constituír un impulso para o sector teatral como é a súa obriga e tampouco cumpre a súa labor de levar a cultura teatral en galego a cidadanía, perdendo a súa conexión co público.

A AAAG, xa no 2017, alertou desta situación e solicitou unha mesa sectorial entre a administración e as asociacións profesionais dos sector para abordar, non só o procedemento de selección de elencos, senón tamén o conxunto dos problemas de funcionamento do CDG e para dar conta dunha reivindicación reiterada nos últimos anos no sector: a refundación da institución pública de teatro, de xeito que conte con unha entidade xurídica propia, uns orzamentos adecuados, e unha independencia que poida encaixar o funcionamento público coas particularidades artísticas e laborais do sector. A Agadic convocou unha mesa de traballo en 2018 pero só para abordar os procesos de selección, negándose a analizar os restantes problemas.

Os problemas de burocratización e de falta de adecuación do marco legal xeral as peculiaridade dos sectores artísticos non afecta tan só ao CDG nin se circunscribe ao marco galego. Outras institucións autonómicas e tamén o Instituto Nacional de Artes Escénicas y Musicales do que dependen o Centro Dramático Nacional e a Compañía de Teatro Clásico entre outros tamén os están a sufrir.

Debido a evidencia dos problemas, o 13 de decembro de 2018 na reunión anual do Consejo Estatal de las Artes Escénicas e de la Música, o ministro de Cultura fixo públicas unha serie de medidas importantes para as artes escénicas motivadas pola necesidade de levar a cabo cambios urxentes das políticas culturais adaptadas aos novos tempos entre as que destaca a elaboración dunha nova lei de funcionamento para o INAEM, porque como dixo o ministro, se non queremos afogar a cultura debemos garantir marcos específicos xa que as dinámicas, necesidades e procedementos dos sector cultural son diferentes aos doutros sectores.

Sorprendentemente, nesta importante reunión do Consejo Estatal de las Artes Escénicas y de la Música, Galicia non estaba presente nin a través da Consellería de Cultura nin da Agadic. Unha ausencia que cremos debe ser explicada porque os temas tratados interesan a todos, ao igual que as posibles solucións.



Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es



PARLAMENTO DE GALICIA
REXISTRO XERAL ENTRADA
Data asento: 04/04/2019 16:35:22
Nº Rexistro: 48741
Data envío: 04/04/2019 16:35:22.347

Os socialistas cremos que xa é hora de que a Consellería de Cultura adopte as solucións necesarias de acordo co sector para que o CDG teña as ferramentas necesarias para poder cumprir o seu importante papel dentro da cultura do noso país e remate con esta situación de esmorecemento.

Polo exposto, a deputada e deputado asinantes formulan a seguinte interpelación:

- 1.ª) Como valora a Consellería de Cultura os continuos problemas e o descenso de actividade do Centro Dramático Galego?
- 2.ª) Considera que hai que establecer cambios no CDG para mellorar a súa situación?
- 3.ª) Cal é o motivo de que Galicia non estivera presente na reunión do Consejo Estatal de las Artes Escénicas y de la Música?
- 4.ª) Como valora os plans de reforma do INAEM e ás súas unidades de produción?
- 5.ª) Considera que se poderían aplicar ao CDG?
- 6.ª) Considera que é necesario un cambio no marco legal do CDG tal como está a pedir o sector e que dote ao Centro das ferramentas necesarias para aumentar a súa autonomía e cumprir a súa labor adecuándose as peculiaridades das artes escénicas?

Pazo do Parlamento, 04 de abril de 2019

Asdo.: Concepción Burgo López
Luis Manuel Álvarez Martínez
Deputada e deputado do G.P. dos Socialistas de Galicia

Asinado dixitalmente por:

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es





PARLAMENTO DE GALICIA
REGISTRO XERAL ENTRADA
Data asento: 04/04/2019 16:35:22
Nº Registro: 48741
Data envío: 04/04/2019 16:35:22.347

Maria de la Concepción Burgo López na data 04/04/2019 16:32:46

Luis Manuel Álvarez Martínez na data 04/04/2019 16:32:53



Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es

Reunión do Pleno do Parlamento
Día: 25.06.2019 Hora: 10:00
Orde do día

5.3 50774(10/INT-001694)

Grupo Parlamentario de En Marea

Quinteiro Araújo, Paula e Cal Ogando, Marcos

Sobre a política do Goberno galego en relación coa igualdade de trato e a non discriminación de lesbianas, gays, transexuais, bisexuais e intersexuais

Publicación da iniciativa, 486, 12.06.2019

Á MESA DO PARLAMENTO

Paula Quinteiro Araújo e Marcos Cal Ogando, deputada e deputado do Grupo Parlamentar de **En Marea**, ao abeiro do disposto no artigo 147 do Regulamento da Cámara, presentan a seguinte **INTERPELACIÓN**.

A loita contra lgbifobia e a defensa dos dereitos das persoas LGTBI+ debe ser unha prioridade para as administracións públicas, xa que, a pesar de que se teñen dado avances nos últimos tempos, grazas, fundamentalmente, aos esforzos do tecido asociativo, aínda queda moito por facer para conquistar a igualdade plena.

No ano 2014, Galicia aprobaba a Lei 2/2014, pola igualdade de trato e non discriminación de lesbianas, gais, transexuais, bisexuais e intersexuais; un marco que supuxo un avance pero que non incluíu algúns asuntos fundamentais polo veto do Partido PP. Ademais, aínda está lonxe de ser cumprida no seu conxunto, en parte porque moitos dos seus apartados están sen desenvolver.

En dita lei, por exemplo, recóllese, na súa Disposición Adicional, a necesidade de informar ao Parlamento de Galicia mediante a remisión dun informe sobre a aplicación desta con carácter trianual. A Xunta de Galicia presentou un documento pasados catro anos que só era unha descrición da Lei 2/2014 e dúas sinxelas actuacións, que ademais recibiron as críticas do tecido asociativo pola súa ineficacia. A Xunta non puido elaborar un informe serio a día de hoxe porque a lei continúa a estar sen desenvolver.

Por outra banda, no ano 2017, o PP botou abaixo unha Proposta de Lei de identidade de xénero realizada polos propios colectivos, dificultando que os dereitos das persoas transexuais se recoñezan e se respecten.





Esta Lei buscaba algo tan básico como o libre recoñecemento e respecto á libre manifestación da identidade de xénero. Abordaba ámbitos como a xestión administrativa cotián, a atención sanitaria, medidas educativas e de formación ou medidas para conquistar garantías de non discriminación no ámbito laboral.

Unha lexislación necesaria porque as dificultades existentes, incluso en cuestións tan básicas como ver recoñecida a súa identidade, son múltiples.

No ámbito sanitario a perspectiva de tutelaxe e segregación continúa presente, existindo trabas para o acceso aos tratamentos e persistindo unha diferenza importante en función da zona onde vivas.

No ámbito laboral os prexuízos tamén continúan presentes dificultando en moitas ocasións o acceso a un emprego.

Na Lei do 2014, no seu artigo 12. Medidas de promoción de igualdade de trato e non discriminación por parte da Administración autonómica galega, recóllese que o órgano competente da Comunidade Autónoma en materia de traballo establecerá un programa de información e divulgación da normativa aplicable relativa á non discriminación por razón de orientación sexual e identidade de xénero, así como programas de loita contra a discriminación, particularmente no ámbito laboral, dirixidos a empresarios e empresarias, sindicatos, autónomos, responsables da inspección laboral, do servizo público de emprego e de calquera centro de traballo, e tamén, que a Administración autonómica promoverá a elaboración dun estudo no que se visibilice a situación das persoas LGTBI e no que se garantan a confidencialidade e a privacidade dos datos das persoas, para os efectos de coñecer a súa situación laboral e as medidas que se deben adoptar para loitar contra a súa posible discriminación no ámbito das empresas públicas e

CSX4 REXISTRO6WU0OHkLur7
Verificado
<https://sede.parlamentodegalicia.gal/tramites/csx/>





privadas. Pero a día de hoxe non se coñecen os avances na posta en marcha destes plans e estudos.

Faise preciso non só crear protocolos máis adaptados á realidade en todos os ámbitos, contando coa participación do tecido asociativo, senón tamén aumentar o coñecemento dos xa existentes por parte dos profesionais, xa que en ocasións, a pesar de existir non se están cumprindo, algo que se exemplifica por exemplo no ámbito educativo, co protocolo educativo para garantir a igualdade, a non discriminación e a liberdade de identidade de xénero

Os dereitos das persoas LGTBI+ non poden depender de boas vontades, senón de feitos. Nos últimos anos, lonxe de respectar e mellorar a lexislación existente, nalgúns ámbitos incluso se deu un retroceso. Así, por exemplo, a Xunta foi desmantelando os Centros Quérote + e pasou a incorporar coa modificación a través dun Real Decreto a atención ás persoas LGTBI nos Centros de Información ás Mulleres, algo que, debido as limitacións de persoal e a falta de aposta por un programa de formación específico non está permitindo que esta atención se estea levando adiante con garantías.

As taxas de exclusión do colectivo deben coñecerse en profundidade para poder tomar medidas que as solucionen, polo que urxe levar adiante estudos específicos como reconece a lexislación actual. A finais do ano 2018 aprobouse a creación do Observatorio galego contra a discriminación por orientación sexual e identidade de xénero, para que neste se denunciasen casos de discriminación e servira como órgano consultivo para propor políticas públicas. Este é un espazo que é necesario e que puidera ser útil para avanzar no grao de coñecemento das problemáticas e das solucións a tomar, pero tal e como está concibido ten defectos importantes.

CSX: REXISTROBWOCHLur7
Validado
<https://seceda.parlamentodegalicia.gal/tramites/csv/>





O papel dos colectivos debería ser máis central neste e a transparencia sobre o funcionamento tamén debería ser maior, pero, a pesar de recibir numerosas alegacións neste sentido ao Decreto que o regula, a Xunta ignorou gran parte destas propostas de mellora.

Por todo o exposto, preséntase a seguinte Interpelación:

- 1.) Que avaliación fai do grao de cumprimento da Lei 2/2014, pola igualdade de trato e non discriminación de lesbianas, gays, transexuais, bisexuais e intersexuais? Que prazos contemplan para desenvolver a lei?
- 2.) Que medidas levaron adiante para rematar coa patoloxización das persoas transexuais? Considera que o marco lexislativo actual é suficiente para conseguilo?
- 3.) De que maneira difundiron o protocolo educativo para garantir a igualdade, a non discriminación e la liberdade de identidade de xénero? Que seguimento está facendo da aplicación deste?
- 4.) Realizou algún estudo para coñecer e facer visible a situación das persoas LGTBI no relativo a súa situación laboral, tal e como recolle a lexislación actual?
- 5.) Que programas de loita contra a discriminación, particularmente no ámbito laboral, levou adiante a Xunta de Galicia dende a aprobación da Lei no ano 2014?

Santiago de Compostela, 6 de xuño de 2019





PARLAMENTO DE GALICIA
REGISTRO XERAL ENTRADA
Data asento: 06/06/2019 12:47:53
Nº Rexistro: 50774
Data envío: 06/06/2019 12:47:53.871



Asdo.: Paula Quinteiro Araújo

Marcos Cal Ogando

Deputadas do G.P. de En Marea.

Asinado dixitalmente por:

Paula Quinteiro Araújo na data 06/06/2019 12:27:49

Marcos Cal Ogando na data 06/06/2019 12:28:02

CSX: REXISTRO6WU0OHkLur7
Verificado
<https://seceda.parlamentodegalicia.gal/tramites/csx/>



Reunión do Pleno do Parlamento
Día: 25.06.2019 Hora: 10:00
Orde do día

6. Preguntas para resposta oral do Presidente da Xunta

Reunión do Pleno do Parlamento
Día: 25.06.2019 Hora: 10:00
Orde do día

6.1 51628(10/POPX-000154)

Grupo Parlamentario de En Marea

Villares Naveira, Luis

Sobre a valoración da Xunta de Galicia respecto do crecemento da economía galega dende o ano 2009 e as súas consecuencias



PARLAMENTO DE GALICIA
REXISTRO XERAL ENTRADA
Data asento: 17/06/2019 17:40:07
Nº Rexistro: 51628
Data envío: 17/06/2019 17:40:07.398



Á MESA DO PARLAMENTO

Luís Villares Naveira, Voceiro do **Grupo Parlamentario de En Marea**, ao abeiro do disposto no artigo 152.2 do Regulamento da Cámara, presenta a seguinte **PREGUNTA**, para a súa resposta **oral en Pleno**, dirixida ao **Presidente da Xunta de Galicia**.

Sr. Presidente, que valoración fai do crecemento da economía galega dende o 2009 e as súas consecuencias?

Santiago de Compostela, 17 de xuño de 2019.

Asdo.: Luís Villares Naveira

Voceiro do G.P. de En Marea.

Asinado dixitalmente por:

Luis Villares Naveira na data 17/06/2019 17:38:53

CSM-REXISTRODQMSB249
Verificación:
<https://sede.parlamentodegalicia.gal/ramilas/csv/>



Reunión do Pleno do Parlamento
Día: 25.06.2019 Hora: 10:00
Orde do día

6.2 51639(10/POPX-000155)

Grupo Parlamentario do Bloque Nacionalista Galego

Pontón Mondelo, Ana Belén

Sobre o nivel de confianza da cidadanía diante dos continuos
cambios de criterio do Goberno galego



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 17/06/2019 18:24:37
Nº Rexistro: 51639
Data envío: 17/06/2019 18:24:37.822

Á Mesa do Parlamento

Ana Pontón Mondelo, portavoz do **Grupo Parlamentar do Bloque Nacionalista Galego (BNG)**, ao abeiro do disposto no artigo 152.2 do Regulamento da Cámara e das normas supletorias do 17 de marzo de 2015, formula a seguinte **PREGUNTA** dirixida ao **Presidente do Goberno**, para a súa resposta **oral** en **Pleno**.

PREGUNTA AO PRESIDENTE:

Sr Feijóo, considera que despois dos seus continuos cambios de criterio, as galegos e os galegos poden confiar na súa palabra?

Santiago de Compostela, 17 de xuño de 2019

Asdo.: **Ana Pontón Mondelo**

Portavoz do G.P. do BNG

Asinado dixitalmente por:

Ana Pontón Mondelo na data 17/06/2019 18:15:56

CSM-REXISTROE/whWmy0
Verificación:
<https://sede.parlamentodegalicia.gal/ramitas/csv/>



Reunión do Pleno do Parlamento
Día: 25.06.2019 Hora: 10:00
Orde do día

6.3 51640(10/POPX-000156)

Grupo Parlamentario dos Socialistas de Galicia

Fernández Leiceaga, Xoaquín María

Sobre o balance global dos máis de dez anos de exercicio da
Presidencia da Xunta de Galicia



Á Mesa do Parlamento

Xoaquín Fernández Leiceaga, portavoz do Grupo Parlamentario dos Socialistas de Galicia, ao abeiro do disposto no artigo 152.2, presenta ante esa Mesa a seguinte **pregunta** para a súa resposta **oral en Pleno**, dirixida ao **Sr. presidente da Xunta de Galicia**.

Sr. presidente, que balance global fai dos xa máis de dez anos como presidente da Xunta de Galicia?

Pazo do Parlamento, 17 de xuño de 2019

Asdo.: **Xoaquín Fernández Leiceaga**
Portavoz G.P. dos Socialistas de Galicia

Asinado dixitalmente por:

Xoaquín María Fernández Leiceaga na data 17/06/2019 16:15:56

CSM-REXISTROnBaux10199
Verificación:
<https://sede.parlamentodegalicia.gal/tramites/csv/>



Reunión do Pleno do Parlamento
Día: 25.06.2019 Hora: 10:00
Orde do día

7. Preguntas ao Goberno

Reunión do Pleno do Parlamento
Día: 25.06.2019 Hora: 10:00
Orde do día

7.1 43509(10/POP-005159)

Grupo Parlamentario de En Marea

Villares Naveira, Luis e 3 máis

Sobre as previsións da Xunta de Galicia respecto do rescate
do carácter público dos medios de emerxencias

Publicación da iniciativa, 417, 23.01.2019

Á MESA DO PARLAMENTO

Luís Villares Naveira, Carmen Santos Queiruga, Paula Vázquez Verao e Davide Rodríguez Estévez, deputados e deputadas do Grupo Parlamentar de En Marea, ao abeiro do disposto no artigo 155 do Regulamento da Cámara, presentan a seguinte **Pregunta para a súa resposta oral en Pleno**.

A acción dos poderes públicos en materia de protección civil orientase ao estudo e prevención das situacións de grave risco, catástrofe ou calamidade pública e á protección e socorro de persoas e bens nos casos en que ditas situacións e produzan.

A protección civil é un servizo público en cuxa organización, funcionamento e execución participan tanto as diferentes administracións públicas como a cidadanía.

A protección civil atopa actualmente o seu fundamento xurídico dentro da Constitución, na obriga dos poderes públicos de garantir o dereito á vida e á integridade física, como primeiro e máis importante de todos os dereitos fundamentais (art. 15), no principio da solidariedade territorial e nas esixencias esenciais de eficacia e coordinación administrativa (art. 103).

Sobre esta base aprobouse a Lei 17/2015, de 21 de xaneiro, sobre Protección Civil, e unha serie de normas para complementar o marco normativo como o Real Decreto 407/1992, de 24 de abril, polo que se aproba a Norma Básica de Protección Civil ou o real Decreto 1378/1985, de 1 de agosto, sobre medidas provisionais para a actuación en situacións de emerxencia nos casos de grave risco, catástrofe ou calamidade pública. En Galicia cóntase coa Lei 5/2007, de 7 de maio, de emerxencias de Galicia.

Dende a publicación desa normativa ata hoxe, tanto os servizos de emerxencias como a cidadanía en xeral, continúan sen contar cun Mapa de Emerxencias





operativo, problemática que atinxe a diversos colectivos á hora de realizar adecuadamente as labores encomendadas.

Xa no ano 2013 a Xunta falaba dos Grupos de Emerxencias Supramunicipais (GES) como unha creación froito da implicación e o consenso entre Xunta, Deputacións provinciais e FEGAMP (concellos), promovendo a ampliación e racionalización do seu ámbito de intervención cara un deseño supramunicipal, eliminando barreiras administrativas e superando duplicidades, para favorecer unha distribución máis racional dos recursos no territorio.

Xa daquela, a propia Xunta manifestaba, en diversos documentos, que os GES debían ter unha estrutura profesionalizada e permanente, e un financiamento estable no tempo.

Os GES estarían coordinados tecnicamente cos servizos contra incendios, cos distritos forestais e coa Central de Atención ás Emerxencias 112. A coordinación ordinaria realizaríase co concello no que se ubicara a base do Grupo, tendo sempre presente o seu carácter supramunicipal.

Establecíase daquela e mantense que os GES deben ter unha operatividade as 24 horas do día, os 365 días do ano, contando co persoal e recursos estipulado co convenio.

En canto aos criterios de distribución, xa daquela se prevían segundo lugares onde non existisen servizos de emerxencia dese tipo, poboación atendida, zonas con riscos potenciais (temporais, inundacións, empresas do sector químico, vías de comunicación, montañas, etc), existencia de medios e recursos municipais e estrutura organizativa de emerxencias.

Na actualidade, o Mapa de Emerxencias de Galicia estaría integrado polos parques de bombeiros locais (grandes cidades), parques de bombeiros comarcais e servizos municipais de bombeiros, Grupos de Emerxencias Supramunicipais (GES), Servizo de Prevención e Defensa contra os Incendios Forestais (SPDCIF), etc... complementándose o Mapa con Protección Civil, Garda Civil, Policía Nacional, Policía Autonómica, Servizos Sanitarios, 112, etc.

CSX4 REXISTRO-VqZDYszFK-6
Validado
<https://seceda.parlamentodegalicia.gal/tramites/csv/>





Na actualidade este Mapa de Emerxencias de Galicia amósase deficiente e ineficaz para mobilizar recursos, polo que na práctica, este Mapa non existe como tal.

Dende os servizos de emerxencias teñen denunciado en reiteradas ocasións deficiencias na organización e xestión diaria das emerxencias, sostendo que a xestión adoita verse entorpecida por decisións erradas da Xunta. Remarcan tamén que, o feito de que non se conte cun mapa actualizado de equipos de intervención, a “arbitrariedade” na cobertura xeográfica, o “desequilibrio territorial” na protección da cidadanía ou a falta de criterios técnicos, en lugar de puramente partidistas, son aspectos que non fan senón empeorar a calidade dos servizos de emerxencias.

A temeridade da Xunta neste ámbito vese reforzada por primar os intereses económicos e de empresas amigas sobre o interese público de salvagarda da poboación, que se traduce en privatizacións sistemáticas dos medios de emerxencias.

En xullo de 2017 Alfonso Rueda asegurara que “a Xunta non se nega a facer a revisión do Mapa de Emerxencias pero tendo en conta que os recursos son os que son. Outra cousa é a distribución que fagamos deles”. Nese mesmo ano, dende o Partido Popular dicían “confiar” en que Galicia contase en 2018 cun novo modelo de emerxencias profesional e estable. Por “exceso de confianza” ou falta de motivación política, non se deu tal situación, e actualmente so se seguen escoitando promesas. Agora, Luís Menor ven de manifestar que o proxecto de orzamentos da Xunta para 2019 inclúe as partidas precisas por parte da Xunta para poder fechar o novo Mapa de Emerxencias.

Por todo o exposto, os deputados asinantes formulan a seguinte pregunta para a súa resposta oral en Pleno:



CSV: REXISTRO-VqZDYszFK-6





PARLAMENTO DE GALICIA
REXISTRO XERAL ENTRADA
Data asento: 15/01/2019 12:46:43
Nº Rexistro: 43509
Data envío: 15/01/2019 12:46:43.467



- Ten previsto a Xunta rescatar o carácter público dos medios de emerxencias, para así exercer a xestión directa e conseguir a precisa integración funcional dos mesmos, favorecendo a implementación efectiva do Mapa de Emerxencias de Galicia?.

Santiago de Compostela, 15 de xaneiro de 2019.

Asdo.: Luís Villares Naveira
Carmen Santos Queiruga
Paula Vázquez Verao
Davide Rodríguez Estévez
Deputadas e deputados do G.P. de En Marea.

Asinado dixitalmente por:

Luis Villares Naveira na data 15/01/2019 12:26:41

Carmen Santos Queiruga na data 15/01/2019 12:26:48

Paula Vázquez Verao na data 15/01/2019 12:26:56

David Rodríguez Estévez na data 15/01/2019 12:27:01



CSX4 REXISTRO-VqZDYszFK-6

Validado

<https://seceda.parlamentodegalicia.gal/tramites/csv/>

Reunión do Pleno do Parlamento
Día: 25.06.2019 Hora: 10:00
Orde do día

7.2 43933(10/POP-005254)

Grupo Parlamentario Popular de Galicia

García Míguez, María Ángeles e 7 máis

Sobre o balance por parte do Goberno galego das actuacións desenvolvidas pola Unidade de Policía Adscrita en materia de protección das vítimas de violencia de xénero

Publicación da iniciativa, 417, 23.01.2019

Á Mesa do Parlamento

Marian García Míguez, Paula Prado del Río, Isabel Novo Fariña, César Fernández Gil, Antonio Mouriño Villar, Alberto Pazos Couñago, Julia Rodríguez Barreira e Jacobo Moreira Ferro, deputadas e deputados do Grupo Parlamentario Popular de Galicia, ao abeiro do disposto no artigo 152 e concordantes do Regulamento da Cámara, presentan ante esa Mesa a seguinte **pregunta para a súa resposta oral na pleno**

O 26 de outubro de 2015, tivo lugar a sinatura entre o Ministro de Interior e a Xunta de Galicia, dun Protocolo en Materia de Violencia de Xénero para a coordinación de actuacións e a cooperación entre a Xefatura Superior de Policía de Galicia e a Unidade do CNP Adscrita á Comunidade Autónoma (UPA).

No marco deste acordo, unha vez superado un curso específico e as correspondentes prácticas nas Comisarías de Policía respectivas, creáronse dentro da Unidade Adscrita, as Unidades de Prevención, Asistencia e Protección ás vítimas de violencia de xénero (UPAPs), con funcións idénticas ás das “*Unidades de Familia y Mujer*” (UFAM-Protección) das Comisarías da Policía Nacional.

Deste xeito, a partires do mes de setembro de 2016, o persoal da UPA, integrado nas citadas unidades, comeza facerse cargo das mulleres protexidas, asignadas desde as Comisarías de Policía Nacional de Santiago, A Coruña, Lugo, Ourense, Pontevedra e Vigo.

Polo exposto, os deputados e deputadas, formulan a seguinte pregunta oral en pleno:

-Que balance fai o Goberno galego das actuacións desenvolvidas pola Unidade de Policía Adscrita en materia de protección das vítimas de violencia de xénero?

Santiago de Compostela, 17 de xaneiro de 2019.

Asinado dixitalmente por:

María Ángeles García Míguez na data 17/01/2019 11:55:20

Paula Prado Del Río na data 17/01/2019 11:55:38

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com





**GRUPO PARLAMENTARIO
POPULAR DE GALICIA**



**PARLAMENTO DE GALICIA
REXISTRO XERAL ENTRADA
Data asento: 17/01/2019 12:05:58
Nº Rexistro: 43933
Data envío: 17/01/2019 12:05:58.322**

María Isabel Novo Fariña na data 17/01/2019 11:55:57

César Manuel Fernández Gil na data 17/01/2019 11:56:12

Antonio Mouriño Villar na data 17/01/2019 11:56:16

Alberto Pazos Couñago na data 17/01/2019 11:58:30

María Julia Rodríguez Barreira na data 17/01/2019 11:58:55

Jacobo Moreira Ferro na data 17/01/2019 11:59:07



CSV REXISTRO-K20WmoVpz-7
Verificado
<https://seceda.parlamentodegalicia.gal/tramites/csv/>

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

Reunión do Pleno do Parlamento
Día: 25.06.2019 Hora: 10:00
Orde do día

7.3 51623(10/PUP-000256)

Grupo Parlamentario de En Marea

Cuña Bóveda, María de los Ángeles

Sobre a opinión do Goberno galego respecto da consideración, na información emitida pola CRTVG o día 12 de xuño, da proba de galego como un elemento discriminatorio para o alumnado que se presenta ás probas de selectividade en Galicia

Á MESA DO PARLAMENTO

Ánxeles Cuña Bóveda, deputada pertencente ao **Grupo Parlamentario de En Marea**, ao abeiro do disposto no artigo 155.5 do Regulamento da Cámara presenta a seguinte **Pregunta urxente para a súa resposta oral en Pleno**.

Xustificación da Urxencia.

O 12 de xuño das 08:40 a CRTVG publicou unha noticia na que se advertía que os alumnos e alumnas de Galicia “saen perdendo” ao ter que examinarse da súa propia lingua. O texto literal dicía:

“ 11.400 alumnos enfróntanse a unha proba marcada este ano pola seguridade, con controis aleatorios de dispositivos móbiles pero tamén pola polémica polas desigualdades entre comunidades, en que os nosos rapaces saen perdendo. Examínanse dunha materia máis, a de galego, e a maiores as probas son máis difíciles e os criterios de corrección, máis esixentes”.

Desta maneira, a Corporación quebrantou a súa propia deontoloxía, xa que, segundo a Lei de Medios Públicos de Galicia, lle corresponde “a promoción e difusión da cultura e lingua galegas, así como a defensa da identidade de Galicia”. Considerar que o exame de lingua galega é unha dificultade engadida en lugar dunha oportunidade académica, é unha falta de respecto intolerable que non se lle pode permitir a ningún medio de comunicación público.

A redacción da noticia ven a confirmar que é a dereita política a que marca a liña editorial da CRTVG. Foi o propio presidente que se manifestou no sentido da necesidade de unificar estas probas en todo o territorio, perdendo desta forma as





PARLAMENTO DE GALICIA
REXISTRO XERAL ENTRADA
Data asento: 17/06/2019 17:15:54
Nº Rexistro: 51623
Data envío: 17/06/2019 17:15:54.766



especificidades nacionais e territoriais. O presidente non fai mais que asumir o discurso recentralizador da ultradereita estatal, asumindo como propios os seus argumentos.

Por todo o exposto a deputada asinante presenta a seguinte **pregunta** para a súa **resposta oral en Pleno, con carácter urxente:**

Está o Goberno galego de acordo en considerar o galego como un elemento discriminatorio para o alumnado que se presenta ás probas de selectividade en Galicia, como fixo a canle pública?

Santiago de Compostela, 17 de xuño de 2019.

Asdo.: Anxeles Cuña Bóveda

Deputada do G.P. de En Marea.

Asinado dixitalmente por:

María de los Ángeles Cuña Bóveda na data 17/06/2019 17:12:53

CSV: REXISTRONGSYHN143
Validado
<https://seecta.parlamentodegalicia.gal/tramites/csv/>



Reunión do Pleno do Parlamento
Día: 25.06.2019 Hora: 10:00
Orde do día

7.4 49849(10/POP-005924)

Grupo Parlamentario dos Socialistas de Galicia

Vilán Lorenzo, Patricia e 3 máis

Sobre a existencia dalgún risco de perda dos fondos Feder asignados para o proxecto de saneamento da ría de Viveiro

Publicación da iniciativa, 479, 22.05.2019



Á Mesa do Parlamento

Patricia Vilán Lorenzo e Patricia Otero Rodríguez, Luis Manuel Álvarez Martínez e María Luisa Pierres López, deputadas e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **Pregunta para a súa resposta oral en Pleno**.

O proxecto de saneamento da ría de Viveiro (Lugo) inclúe dous proxectos:

1. Con relación á EDAR, unha nova balsa, un novo pretratamento e unha nova desinfección.
2. O segundo proxecto supón a instalación dun novo emisario, a retirada do antigo, unha nova estación de bombeo en Celeiro e un novo depósito.

Nestes días, o candidato do PP ao Concello de Viveiro avanzaba que “nos vindeiros días” será licitada a retirada da parte non soterrada do emisario que actualmente está na ría, concretando que o trámite para sacar a concurso os traballos “está a piques de rematar” e tamén que a Xunta de Galicia vai presentar nese mesmo prazo o proxecto técnico de ampliación da EDAR. Ata fixo público que o Goberno galego vai remitir o proxecto ao Concello para requirir a documentación necesaria e “seguir avanzando na tramitación da obra”. O certo é que o Concello solicitou a última información sobre esta actuación no pasado mes de marzo, sendo así que o proxecto relativo á EDAR contaba con todos os permisos e autorizacións e estaba pendente de aprobación como paso previo á licitación. Con respecto ao emisario, aínda quedaban permisos por cumprir (como os relativos ao patrimonio arqueolóxico mariño).

En 2010, a Unión Europea esixiu o saneamento da ría de Viveiro, polo que, en 2011, o Goberno da Xunta de Galicia anunciou a súa execución para 2015, cun investimento de 5 millóns de euros. En 2016, un ano despois da data prometida, o Goberno indicou que esta obra estaría rematada en 2019, resultando novamente un prazo que, evidentemente, tampouco se vai cumprir. O curioso é que, dende o mes de outubro do ano pasado, cando a Alcaldesa se reunía coa directora de Augas de Galicia e esta comprometía o inicio dos trámites para retirar o actual emisario, nada máis se soubo, así como tampouco nada da solicitude daquel organismo para tramitar os permisos de construción dun novo emisario ante a Demarcación de Costas do Estado.

Cómpre dicir que as actuacións se van realizar parcialmente con fondos FEDER 2014-2020, na contía de 2,7 millóns de euros e que existe o risco de perder pola pasividade de AUGAS DE GALICIA.

Polo exposto, as deputadas e deputado asinantes formulan a seguinte pregunta:

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tif: 981 551 530 · gp-socialista@parlamentodegalicia.es





PARLAMENTO DE GALICIA
REGISTRO XERAL ENTRADA
Data asento: 10/05/2019 16:43:14
Nº Rexistro: 49849
Data envío: 10/05/2019 16:43:14.587

Existe risco de que se perdan os 2,7 millóns de euros de fondos FEDER 2014-2020 para o proxecto de saneamento da ría de Viveiro (Lugo)?

Pazo do Parlamento, 10 de abril de 2017

Asdo.: Patricia Vilán Lorenzo
Patricia Otero Rodríguez
Luis Manuel Álvarez Martínez
María Luisa Pierres López,
Deputadas e deputados do G.P. dos Socialistas de Galicia

Asinado dixitalmente por:

Patricia Vilán Lorenzo na data 10/05/2019 16:38:58

Patricia Otero Rodríguez na data 10/05/2019 16:39:07

Luis Manuel Álvarez Martínez na data 10/05/2019 16:39:16

María Luisa Pierres López na data 10/05/2019 16:39:22



CSX, REGISTRO SWIZ, AQIZ7
Verificación
<https://seccia.parlamentodegalicia.gal/tramites/csv/>

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es

Reunión do Pleno do Parlamento
Día: 25.06.2019 Hora: 10:00
Orde do día

7.5 51609(10/PUP-000254)

Grupo Parlamentario do Bloque Nacionalista Galego

Prado Cores, María Montserrat e 5 máis

Sobre a opinión do Goberno galego respecto da existencia dun
depósito de residuos sen control na bocana da ría de Arousa



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 17/06/2019 13:52:26
Nº Rexistro: 51609
Data envío: 17/06/2019 13:52:26.789

Á Mesa do Parlamento

Montserrat Prado Cores, Luis Bará Torres, Noa Presas Bergantiños, Xosé Luis Rivas Cruz, Olalla Rodil Fernández e Ana Pontón Mondelo, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no artigo 155.5 do Regulamento da Cámara, presentan a seguinte **Pregunta para resposta oral en Pleno**, polo trámite **de urxencia**, relativa ás medidas a tomar co punto de vertido existente entre as illas de Sálvora e Ons.

Xustificación da urxencia

A urxencia vén motivada pola alarma social xerada pola intención de Portos de Galiza de seguir vertendo residuos nunha zona próxima ás illas de Sálvora e Ons.

Exposición de motivos

O anuncio por parte de Portos de Galiza da pretensión de depositar os lodos procedentes da dragaxe do río Lérez nunha zona próxima as illas de Sálvora e Ons, trouxo á actualidade a existencia dun punto de vertido nesta zona que nunca debeu existir.

A finais dos anos 90 o Estado español fixou o mencionado lugar entre as illas de Sálvora e Ons para que se vertera no mesmo os lodos e residuos procedentes das obras de ampliación de peirao de Ferrazo, en Vilagarcía de Arousa, desde esa data foron toneladas de metros cúbicos de lodos e outros materiais os que se foron depositando procedentes tamén doutras zonas, Marín, Vigo... Segundo información que nos teñen

CSM-REXISTRO-CG-LZDVQX0
Verificación
<https://sede.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA

REGISTRO XERAL ENTRADA

Data asento: 17/06/2019 13:52:26

Nº Registro: 51609

Data envío: 17/06/2019 13:52:26.789

facilitado o lugar é unha auténtica montaña cunha área similar a varios campos de fútbol e metros de altura.

Este punto de vertido está a 2 millas de Sálvora e a 3.7 de Ons, ambas forman parte do Parque Natural das Illas Atlánticas e polo tanto espazo protexido. Non podemos permitir que na entrada da ría máis produtiva de Galiza como é a ría de Arousa de enorme riqueza produtiva e ambiental, exista un depósito con toneladas de residuos que poden estar poñendo en risco o ecosistema da mesma.

O BNG móstrase contrario, xa non só a que se poidan verter neste punto máis lodos, senón tamén á permanencia do depósito do que non nos consta que se estea a facer seguimento nin control das consecuencias do mesmo.

Polas razóns expostas, o Grupo Parlamentar do Bloque Nacionalista Galego, a través das deputadas e deputados asinantes, formula a seguinte pregunta para a súa resposta oral ante o Pleno, polo trámite de urxencia:

Considera o Goberno galego que na bocana da ría máis produtiva como é a de Arousa pode existir un depósito de residuos sen control?

Santiago de Compostela, 17 de xuño de 2019

Asdo.: **Montserrat Prado Cores**

Luis Bará Torres

Olalla Rodil Fernández

Noa Presas Bergantiños

CSX: REXISTROCGJZDV0X0
Verificado
<https://sede.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REGISTRO XERAL ENTRADA
Data asento: 17/06/2019 13:52:26
Nº Rexistro: 51609
Data envío: 17/06/2019 13:52:26.789

Xosé Luis Rivas Cruz

Ana Pontón Mondelo

Deputadas e deputados do G.P. do BNG

Asinado dixitalmente por:

María Montserrat Prado Cores na data 17/06/2019 13:51:12

Xosé Luis Bará Torres na data 17/06/2019 13:51:22

Noa Presas Bergantiños na data 17/06/2019 13:51:28

Olalla Rodil Fernández na data 17/06/2019 13:51:38

Xose Luis Rivas Cruz na data 17/06/2019 13:51:45

Ana Pontón Mondelo na data 17/06/2019 13:51:53

CSX4FEYXSTR0C6JZZDV0X0
Verificado
<https://seecta.parlamentodegalicia.gal/tramites/csv/>



Reunión do Pleno do Parlamento
Día: 25.06.2019 Hora: 10:00
Orde do día

7.6 49414(10/POP-005888)

Grupo Parlamentario de En Marea

Sánchez García, Antón e Cal Ogando, Marcos

Sobre a opinión do Goberno galego respecto dos beneficios que lle vai reportar á veciñanza a implantación dos parques eólicos de Bustelo, Monte Toural e Campelo, nos concellos de Carballo, Coristanco e Santa Comba

Publicación da iniciativa, 470, 30.04.2019



Á MESA DO PARLAMENTO

Antón Sánchez García e Marcos Cal Ogando, deputados do Grupo Parlamentar de **En Marea**, ao abeiro do disposto no artigo 155 do Regulamento da Cámara, presenta a seguinte **Pregunta para a súa resposta oral en Pleno**.

Estanse a tramitar os proxectos dos parques eólicos de Bustelo, Monte Toural e Campelo que, no verán pasado, foron sometidos a información pública a autorización administrativa de construción, o proxecto sectorial de incidencia supramunicipal e estudo de impacto ambiental.

Están situados nos concellos de Carballo, Coristanco e Santa Comba.

Os tres parques reunirían 27 aeroxeneradores de nova xeración cunhas alturas superiores aos 150 mts nunha zona con presenza de núcleos de poboación e explotacións gandeiras.

Nalgúns casos, como nos lugares do Campelo e Mires estes aeroxeneradores situaranse a 500 mts de vivendas.

Tamén tería afeccións ambientais a espazos como a Braña Rubia-Alcaíán, Monte Bustelo ou a unha especie única como é a *Centaurea ultrae* e ,tamén afectaría, ao patrimonio cultural e histórico e á paisaxe pero, sobre todo, á vida das persoas pola ubicación dos aeroxeneradores.

Fronte a estes inconvenientes nunha zona poboada e con especialización gandeira e forestal vemos unha vez máis a implantación dunha actividade económica que non axudará a dinamizar a economía local.





Ante esta realidade érguese unha vez máis a oposición social ante un modelo imposto e alleo ao interese da veciñanza.

Tramítanse como tres parques diferentes cando en realidade é un, xa que comparte zona xeográfica e é a mesma empresa promotora, utilizando dita fragmentación para que ningún parque supere os 50MW.

Por todo o exposto o Grupo Parlamentario de En Marea presenta a seguinte pregunta para resposta oral en Pleno:

- Pensa o Goberno galego que a implantación dos parques do Cambelo, Bustelo e Monte Toural beneficiarán dalgún xeito á veciñanza destas zonas?

Santiago de Compostela, 25 de abril de 2019.

Asdo.: Antón Sánchez García

Marcos Cal Ogando

Deputados do G.P. de En Marea.

Asinado dixitalmente por:

Antón Sánchez García na data 25/04/2019 09:48:11

Marcos Cal Ogando na data 25/04/2019 09:48:18



Reunión do Pleno do Parlamento
Día: 25.06.2019 Hora: 10:00
Orde do día

7.7 50480(10/POP-005980)

Grupo Parlamentario Popular de Galicia

Nóvoa Iglesias, Marta e 6 máis

Sobre a valoración do Goberno galego respecto do impacto que está a ter en Galicia a actuación do Goberno central en relación coa continuidade de Alcoa na Coruña e o futuro da industria electrointensiva

Publicación da iniciativa, 483, 05.06.2019

Á Mesa do Parlamento

Marta Nóvoa Iglesias, Miguel Tellado Filgueira, María Antón Vilasánchez, Moisés Blanco Paradelo, Cristina Romero Fernández, Moisés Rodríguez Pérez e Sandra Vázquez Domínguez deputados e deputadas do Grupo Parlamentario Popular de Galicia, ao abeiro do disposto no artigo **155.5** e concordantes do Regulamento da Cámara presentan, ante esta Mesa, a seguinte **pregunta para a súa resposta oral en Pleno polo trámite de urxencia**.

Xustificación da Urxencia:

A urxencia ven motivada polo impacto en Galicia, e nomeadamente na cidade Coruña, da decisión do Goberno do Estado de deixar fora da poxa de interrompebilidade para o segundo semestre deste ano ás plantas de Alcoa na Coruña e Avilés. A convocatoria foi publicada no Boletín Oficial do Estado ao día seguinte das eleccións municipais, logo de que fontes do Ministerio de Industria garantiran a participación de ambas instalacións, desmentindo as declaracións de Rede Eléctrica.

Desde o Grupo Parlamentario Popular de Galicia enténdese que o Ministerio para a Transición Ecolóxica debe aclarar os motivos polos que as plantas de Alcoa na Coruña e Avilés quedan definitivamente excluídas da poxa de interrompebilidade e, tamén, os motivos polos que ten reducido o número de bloques de 40MW e o seu prezo de saída. Estas decisións condicionan o futuro das instalacións, sobre todo cando o propio Goberno do Estado recoñece que as tres ofertas non vinculantes por Alcoa Coruña están supeditadas á consecución dun prezo eléctrico estable e competitivo.

Non é admisible que o Goberno do señor Sánchez non cumpra cos compromisos adquiridos cos traballadores e traballadoras de Alcoa, nin coas máis de 5.000 persoas que teñen un emprego vinculado á industria electroatintensiva en Galicia. Cómpre recordar, ademais, que continúa pendente a aprobación dun Estatuto de Consumidores Electroatintensivos a pesar de que foi anunciada para antes das pasadas eleccións xerais.

Por todo isto, os deputados e deputadas asinantes formulan a seguinte pregunta en Pleno polo trámite de urxencia:

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com





PARLAMENTO DE GALICIA
REGISTRO XERAL ENTRADA
Data asento: 03/06/2019 17:59:50
Nº Registro: 50480
Data envío: 03/06/2019 17:59:50.146

-Que valoración fai o Goberno galego sobre o impacto que está a ter en Galicia a actuación do Goberno de España en relación coa continuidade de Alcoa na Coruña e o futuro da industria electrointensiva?

Santiago de Compostela, 3 de xuño de 2019.

Asinado dixitalmente por:

Marta Novoa Iglesias na data 03/06/2019 17:46:21

Miguel Ángel Tellado Filgueira na data 03/06/2019 17:46:43

Maria Antón Vilasánchez na data 03/06/2019 17:47:32

Moisés Blanco Paradelo na data 03/06/2019 17:47:51

Cristina Isabel Romero Fernández na data 03/06/2019 17:48:10

Moisés Rodríguez Pérez na data 03/06/2019 17:48:31

Sandra Vázquez Domínguez na data 03/06/2019 17:49:00



Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

Reunión do Pleno do Parlamento
Día: 25.06.2019 Hora: 10:00
Orde do día

7.8 50786(10/POP-005992)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre as actuacións previstas polo Goberno galego para impedir calquera venda fraudulenta que poña en risco as condicións da concesión do aproveitamento hidroeléctrico do río Xallas

Publicación da iniciativa, 486, 12.06.2019



OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 06/06/2019 12:52:37
Nº Rexistro: 50786
Data envío: 06/06/2019 12:52:37.225

Á Mesa do Parlamento

Noa Presas Bergantiños, Luis Bará Torres, Ana Pontón Mondelo, Olalla Rodil Fernández, Xosé Luis Rivas Cruz e Montserrat Prado Cores, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta oral en Pleno**, relativa á venda de Ferroatlántica ao fondo estadounidense TPG Sixth Street Partners e ás actuacións que debe impulsar a Xunta de Galiza para o mantemento do emprego, da actividade produtiva e do respecto ás concesións de explotación hidráulica.

O pasado martes 4 de xuño de 2019 facíase pública a venda de Ferroatlántica ao fondo estadounidense TPG Sixth Street Partners e xurdían as alertas do Comité de Empresa e da sociedade en xeral sobre o mantemento do emprego, da actividade produtiva e do respecto ás concesións de explotación hidráulica.

Cómpre recordar que durante os últimos anos a empresa Ferroatlántica ten protagonizado no noso país importantes crises e conflitos, como o intento de segregación e venda das centrais do Xallas no ano 2017. Sorprendentemente, aínda que xa ten decidida a venda, a empresa liderada por Villar Mir ten confirmado que non vai renunciar aos recursos legais que presentou contra a resolución de Augas de Galiza. Cómpre recordar que Ferroatlántica explota as centrais hidroeléctricas do río Xallas a cambio do mantemento da produción industrial e dos postos de traballo na Costa da Morte. Esta empresa ten recibido grandes beneficios por esta condición. Porén, ten aplicado un modelo de explotación colonial no que esquilma os nosos recursos ao





BLOQUE
NACIONALISTA
GALEGO

OFICINA PARLAMENTAR
Parlamento de Galicia

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 06/06/2019 12:52:37
Nº Rexistro: 50786
Data envío: 06/06/2019 12:52:37.225

tempo que non desenvolve investimentos na modernización da empresa e incumpre sistematicamente os compromisos de mantemento e aumento do emprego.

Máis recentemente, o pasado 4 de febreiro de 2019 a empresa de Villar Mir comunicou un ERE temporal do 1 de marzo de 2019 ata o 28 de febreiro de 2021 (dos centros de traballo de Ce-Dumbria-Centraís Hidroeléctricas, Boo de Guarnizo, Sabón e a Unidade de Servicios Centrais de Madrid) que afectaría a máis de 400 persoas en Galiza, para alén do impacto no tecido industrial auxiliar. Unha decisión inxustificada que agocha o intento de desviar a produción a outras empresas do grupo para así poder xustificar con base á redución da produción calquera expediente de regulación de emprego, posto que cos beneficios que xera a produción enerxética do Xallas é imposible xustificar tal decisión e ao tempo puxo a producir ao 100% outras fábricas da marca.

Anteriormente, en data 8 de novembro de 2018, Ferroatlántica comunicaba á representación legal dos traballadores a escisión dos centros de traballo de Boo de Guarnizo, Sabón e Servicios Centrais de Madrid en tres sociedades de responsabilidade limitada (FERROATLÁNTICA DE BOO S.L.U., FERROATLÁNTICA DE SABÓN S.L.U. e GRUPO FERROATLÁNTICA DE SERVICIOS S.L.U.). Esta modificación estrutural das novas sociedades publicouse no Boletín Oficial do Rexistro Mercantil (BORME) en data 23 de novembro de 2018. Para a negociación do ERTE, a empresa Ferroatlántica anulaba esta operación de escisión de ditos centros de traballo. Unha vez firmado e presentado o ERTE a empresa Ferroatlántica rexistra no Boletín Oficial do Rexistro Mercantil (BORME) o día 9 de abril de 2019 unha nova escisión dos centros de traballo de Boo, Sabón e Servicios Centrais de Madrid en tres novas sociedades (FERROATLÁNTICA DE BOO S.L.U., FERROATLÁNTICA DE SABÓN S.L.U. e GRUPO FERROATLÁNTICA DE SERVICIOS S.L.U.). Esta operación fixo saltar as alertas no Comité de Empresa.

2

CSV REXISTRO: R0ghat1aJstb6
Verificado
<https://seecta.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR
Parlamento de Galicia

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 06/06/2019 12:52:37
Nº Rexistro: 50786
Data envío: 06/06/2019 12:52:37.225

O ERTE debería ter comezado a executarse o día 1 de marzo de 2019 e no momento de asinar esta iniciativa aínda non foi executado e ficaría en suspenso pola operación de venda. Con todo, cómpre recordar que xa houbo un impacto económico e de emprego no cadro de persoal temporal e en industria auxiliar como é a do transporte. Así mesmo, a comezos de xaneiro as e os traballadores denunciaban o desprazamento polo Porto de Brens de materia prima a outras fábricas ao tempo que se demostraba que o verdadeiro Plan Industrial de Ferroatlántica eran os peches de unidades produtivas como son os fornos 13 e 14 dende finais do ano pasado ao tempo que outros centros elevaban a súa produción, evidenciando un castigo intencionado ás fábricas galegas.

Segundo denuncia o Comité de Empresa, esta situación vese agravada polas sospeitas dunha operación fraudulenta na venda. As sospeitas indican que Ferroatlántica pretende desenvolver con esta operación unha estratexia de maquiá coa axenda oculta de segregar as ferroaleacións das centrais hidroeléctricas. A manobra de enxeñería financeira claramente especulativa consistiría en que a empresa compradora adquiriría o centro de traballo de Cee-Dumbría e Centrais Hidroeléctricas para despois formalizar un contrato con Ferroatlántica co obxectivo de utilizar as instalación das fábricas para producir ferroaleacións e que a outra parte quede unicamente coa actividade hidroeléctrica producíndose unha segregación de facto, contraria ás condicións de cesión.

A esta difícil situación engádese a incerteza xerada polo goberno central coa orde da poxa de interompibilidade prevista para xuño. As mudanzas introducidas na concreción desta nova poxa botan de novo inquedanza e inestabilidade sobre todo o sector, podendo traer consecuencias graves sobre a industria do noso país. Coa orde publicada no BOE, a Resolución de 24 de maio de 2019, da Secretaría de Estado de Enerxía, pola que se aproba o calendario e as características do procedemento competitivo de pobox para a asignación do servizo de xestión da demanda de

3

CSV REXISTRO: R0ghat1au1psb6
Verificación:
<https://seecta.parlamentodegalicia.gal/tramites/csv/>





BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 06/06/2019 12:52:37
Nº Rexistro: 50786
Data envío: 06/06/2019 12:52:37.225

interrompibilidade regulado na Orde IET/2013/2013, de 31 de outubro para o período entre o 1 de xullo e o 31 de decembro de 2019, entre outras medidas confirmase un cambio relevante: os bloques de 40 MW subastados serán como moito 16 cando na anterior poxa foron adxudicados 21. Ademais, o prezo de saída será máis baixo.

Neste contexto, prevese que Ferroatlántica fiquen fóra da poxa, ao que se engade que se as fábricas de Cee e Dumbría tiñan ata 2019 uns ingresos anuais de aproximadamente 30 millóns de euros por interrompibilidade, estes ingresos van baixar considerablemente pola paralización dos fornos. Esta situación pon de relevo unha vez máis a urxencia de que o goberno español e a Xunta de Galiza se comprometan á creación dunha tarifa eléctrica industrial á que se poidan acoller as empresas electrointensivas, industrias grandes consumidoras de enerxía, liberando a estas industrias de pagar as peaxes, as primas ás renovábeis, os custes extrapeninsulares, os pagos por capacidade, a segunda parte do ciclo do combustible nuclear ou o déficit tarifario.

Conscientes de que a segregación das actividades de produción hidroeléctrica e de ferroaleacións é a ruína da única industria desta comarca, o Comité de Empresa vén desenvolver contactos con todos os Grupos Parlamentares e de reiniciar unha axenda de mobilización. Desde o Grupo Parlamentar do Bloque Nacionalista Galego compartimos as súas inquedanzas e entendemos que estamos diante dun intento de esquivar as cláusulas de concesión que vinculan a actividade enerxética coa de ferroalixes. Agora que o Grupo Villar Mir anuncia que chegou a acordo cun fondo voitre norteamericano (con intereses centrados no negocio da enerxía mais sen relación co sector das ferroalixes), actuación que require da autorización da Xunta, cómpre que esta se posicione canto antes nunha operación que as e os traballadores sospeitan que é fraudulenta.





BLOQUE
NACIONALISTA
GALEGO

OFICINA PARLAMENTAR
Parlamento de Galicia

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 06/06/2019 12:52:37
Nº Rexistro: 50786
Data envío: 06/06/2019 12:52:37.225

Por todo isto formúlase a seguinte pregunta para resposta oral en Pleno:

Que actuacións vai levar a cabo o goberno galego para impedir calquera venda fraudulenta que poña en risco as condicións de concesión da explotación do río Xallas?

Santiago de Compostela, 6 de xuño de 2019

Asdo.: **Noa Presas Bergantiños**

Luis Bará Torres

Olalla Rodil Fernández

Xosé Luis Rivas Cruz

Montserrat Prado Cores

Ana Pontón Mondelo

Deputadas e deputados do G.P. do BNG

Asinado dixitalmente por:

Noa Presas Bergantiños na data 06/06/2019 11:44:39

Xosé Luis Bará Torres na data 06/06/2019 11:44:54

María Montserrat Prado Cores na data 06/06/2019 11:45:04



CSX: REXISTROghatTajstb6





BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
ep-bng@parlamentodegalicia.gal
15702 Santiago de Compostela
Galiza

PARLAMENTO
DE GALICIA



PARLAMENTO DE GALICIA
REGISTRO XERAL ENTRADA
Data asento: 06/06/2019 12:52:37
Nº Rexistro: 50786
Data envío: 06/06/2019 12:52:37.225

Olalla Rodil Fernández na data 06/06/2019 11:45:43

Xose Luis Rivas Cruz na data 06/06/2019 11:45:53

Ana Pontón Mondelo na data 06/06/2019 11:46:08

CSV, REGISTROghatTajpsb6
Verificado
<https://seecta.parlamentodegalicia.gal/tramites/csv/>



Reunión do Pleno do Parlamento
Día: 25.06.2019 Hora: 10:00
Orde do día

7.9 51622,e c.e.51646(10/PUP-000255)

Grupo Parlamentario dos Socialistas de Galicia

Burgo López, María de la Concepción e Álvarez Martínez, Luis Manuel

Sobre as características fundamentais do proxecto de universidade privada presentado por Afundación Abanca



Á Mesa do Parlamento

Concepción Burgo López e Luis Manuel Álvarez Martínez, deputada e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 155 do Regulamento da Cámara, presentan ante esa Mesa a seguinte **Pregunta urxente oral en Pleno**.

Xustificación da urxencia

A urxencia vén motivada pola inxuedanza e preocupación que está a causar na comunidade universitaria de Galicia as noticias sobre a creación dunha universidade privada polas posibles repercusións sobre o Sistema Universitario de Galicia

Polas noticias que temos, a Consellería de Educación, Universidade e Formación Profesional ten moi adiantados os informes sobre a creación dunha universidade privada impulsada por Afundación de Abanca, que levaría por nome Universidade Internacional de Empresa.

A posibilidade de ter unha universidade privada en Galicia está a provocar unha forte inxuedanza na comunidade universitaria que non ten claras cales poden ser as consecuencias desta creación sobre o Sistema Universitario de Galicia que leva unha década sufrindo tanto recortes orzamentarios, como estritas limitacións impostas pola Xunta de Galicia a ampliación da oferta educativa das tres universidades públicas.

A pesar de todos os problemas, as tres universidades públicas seguen a manter un excelente nivel docente e investigador pero son conscientes de que non están en condicións de sufrir mais distorsións no sistema.

O grupo parlamentario socialista comparte a inxuedanza da comunidade universitaria polas consecuencias negativas que pode ter para o Sistema Universitario de Galicia a aparición dunha universidade privada, sobre todo cando non coñecemos en detalle as particularidades que ten o proxecto da Universidade Internacional de Empresa

Polo exposto, a deputada e deputado asinantes formulan a seguinte pregunta:





PARLAMENTO DE GALICIA
REGISTRO XERAL ENTRADA
Data asento: 17/06/2019 17:09:19
Nº Registro: 51622
Data envío: 17/06/2019 17:09:19.063

Cales son as características fundamentais do proxecto de universidade privada presentada por Afundación Abanca?

Pazo do Parlamento, 17 de xuño de 2019

Asdo.: Concepción Burgo López
Luis Manuel Álvarez Martínez
Deputada e deputado do G.P. dos Socialistas de Galicia

Asinado dixitalmente por:

Maria de la Concepción Burgo López na data 17/06/2019 17:07:35

Luis Manuel Álvarez Martínez na data 17/06/2019 17:08:14



CSV REGISTRO: H65S1HuJ0

Verificación

<https://seccr.parlamentodegalicia.gal/tramites/csv/>

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es

Á Mesa do Parlamento

Concepción Burgo López e Luis Manuel Álvarez Martínez, deputada e deputado pertencentes ao **Grupo Parlamentario dos Socialistas de Galicia**, solicita se realice a seguinte corrección de erros no doc. núm. 51622:

Onde di: "... artigo 155 do Regulamento..." debe dicir: "...artigo 155.5 do Regulamento.

Pazo do Parlamento, 17 de xuño de 2019

Asdo.: Concepción Burgo López
Luis Manuel Álvarez Martínez
Deputada e deputado do G.P. dos Socialistas de Galicia

Asinado dixitalmente por:

Maria de la Concepción Burgo López na data 17/06/2019 19:05:04

Luis Manuel Álvarez Martínez na data 17/06/2019 19:05:22



Reunión do Pleno do Parlamento
Día: 25.06.2019 Hora: 10:00
Orde do día

7.10 49498(10/POP-005897)

Grupo Parlamentario Popular de Galicia

Amigo Díaz, María Encarnación e 8 máis

Sobre as obras de conservación executadas nos dous últimos
anos na muralla romana de Lugo

Publicación da iniciativa, 474, 07.05.2019

A Mesa do Parlamento

Encarna Amigo Díaz, Jaime Castiñeira Broz, María Antón Vilasánchez, Teresa Egerique Mosquera, César Fernández Gil, Carlos Gómez Salgado, Isabel Novo Fariña, Antonio Mouriño Villar e Martín Fernández Prado, deputadas e deputados do **Grupo Parlamentario Popular de Galicia**, ao abeiro do disposto no artigo 152 e concordantes do Regulamento da Cámara, presentan ante esa Mesa, a seguinte **pregunta para a súa resposta oral en Pleno**.

En 2019 celebraremos o décimo noveno aniversario da declaración por parte da Unesco da Muralla Romana como Patrimonio da Humanidade. Un recoñecemento que contribúe á posta en valor deste monumento romano que identifica á cidade de Lugo e por extensión, ao conxunto da nosa Comunidade.

A Xunta de Galicia, como titular da Muralla, vén impulsando diversas iniciativas que contribúen á rehabilitación deste monumento e á conservación das súas estruturas (entre as máis recentes as obras executadas dos cubos LXXX, LXX, LXXI e XIX) pero tamén hai proxectados novos traballos de conservación.

Por todo isto, os deputados asinantes, formulamos a seguinte pregunta en Pleno:

En que consistiron as obras de conservación executadas nos últimos dous anos na Muralla Romana?

Santiago de Compostela, 30 de abril de 2019

Asinado dixitalmente por:

María Encarnación Amigo Díaz na data 30/04/2019 12:55:59

Jaime Castiñeira Broz na data 30/04/2019 12:56:07

María Antón Vilasánchez na data 30/04/2019 12:56:12

Teresa Egerique Mosquera na data 30/04/2019 12:56:27



Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com



**GRUPO PARLAMENTARIO
POPULAR DE GALICIA**



**PARLAMENTO DE GALICIA
REGISTRO XERAL ENTRADA**
Data asento: 30/04/2019 12:58:42
Nº Rexistro: 49498
Data envío: 30/04/2019 12:58:42.439

César Manuel Fernández Gil na data 30/04/2019 12:56:37

Carlos Gómez Salgado na data 30/04/2019 12:56:40

María Isabel Novo Fariña na data 30/04/2019 12:56:48

Antonio Mouriño Villar na data 30/04/2019 12:56:58

Martín Fernández Prado na data 30/04/2019 12:57:06

CSV, REGISTRO XERAL ENTRADA
Verificación
<https://seecta.parlamentodegalicia.gal/tramites/csv/>



Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com